

J U S T I L I P S I I
ROMA ILLUSTRATA,

SIVE

ANTIQUITATUM
ROMANARUM
BREVIARIUM.

GEORGII FABRICII Chemnicensis
VETERIS ROMÆ

Cum Nova Collatio.

Ex nova Recensione ANTONII THYSII, J. C.

Cui Accesserunt in hâc Editione

JUSTI LIPSII TRACTATUS Peculiares,

65

VIZ.

*De Veterum Latinorum Scri-
ptura.*

De Re Pecuniaria.

De Nominibus Romanorum.

De Ritu Convivialium.

De Censura & Censu.

*De Anno deque ejus diversitate
item ratione intercalandi.*

In usum Studiosæ Juventutis, OPUS tam ad Histo-
rias, quàm Poetas, cæterosq; Authores Romanos
Explicandos, UTILISSIMUM.

L O N D I N I :

Impensis ABELIS SWALLE, & TIM. CHILDE, ad Insigne
Monocerotis in Cœmeterio D. Pauli. MDCXCII,

1 2 3 4 5 6 7 8 9 10 11 12
ROMA ILLUSTRATA

1715

ANTIQUITATUM
ROMANARUM
REVELATIONUM

GEORGI FABRICII
VETERIS ROMAE

Com. Nova Classica
Theatrum Antiquitatis Romanae

1715
Londae

1715
Londae

1715
Londae

1715
Londae

BIBLIOPOLA LECTORI.

BENEVOLE LECTOR,

QUANTUS sit hujusce Libelli usus,
quantaque opinio, multiplices illius
Editiones testantur. Tractatus va-
rios tam Integros quam abbreviatos continet :
Integri sunt ; Fabricii Roma,

Iusti Lipsii de Magistratibus Romanis.

Et Sex ejusdem Tractatus,

De Veterum Latinorum Scriptura.

De Re Pecuniaria.

De Nominibus Romanorum.

De Ritu Conviviorum.

De Censura & Censu.


*De Anno, ejus diversitate : item ratione
intercalandi.*


Qui

BIBLIOPOLA LECTORI.

Qui hâc Editione, ut nihil operi tam utili deesse videatur, accesserunt ; quique superioribus maximè desiderantur ; neque cuiquam in dubium venire posse existimo, quin cæteris, quæ in hoc volumine continebantur, illos junxisset *Thysius*, si in manibus unquam habuisset: Constat enim hosce non minora quàm illos ad antiquos Romanorum Autores intelligendos adminicula conferre. *De Militiâ, De Oppugnatione, De Amphitheatro, De Magnitudine Romana, De Cruce, De Vesta & Vestalibus, De Bibliothecis*, denique Breviaria sunt a *Thysio*, quem supra memoravi, viro *Philologiâ* celeberrimo, summo cum judicio facta,

Vale, & Fruere.





JUSTI LIPSI

DE

MAGISTRATIBUS VETERIS POP. ROM.

C A P. I.

Divisio Honorum. quid Dignitas proprie, Potestas Magistratus. Erymon nominis.

DE Magistratibus dicturus, ut id dilucide & composite possim, de *Honore*, ejusque discrimine, quædam libabo. *Honorem* hic *publicum* intelligo: quem *jus* definitio, *titulumque* *supra* *cæteros*, *lege* aut *môre* *concessum*. Is duplex; *divinus*, aut *humanius*. *Divinus*, qui ad superum cœlestemque cultum pertinet; cui *pietas* & *religio* finis: quo in genere *Sacerdotes*. *Humanius*, qui curam administrationemque tangit rerum humanarum: cui *salus* & *utilitas publica* finis. Quo in genere tria censentur, *Dignitas*, *Potestas*, *Magistratus*. *Dignitatem* appello, auctoritatem in suadendo, consulendo, decernendo; qualis *Senatorum* & *Judicum*. *Potestatem*, jus legitimum regendi, jubendique, extra Urbem & ejus fines; ut sunt *Imperia* & *Præsidatus*. *Magistratum*, simile jus, sed in Urbe ipsa. Hi limites & divisio ex veterum mente & usu: etsi misceri interdum scio; & omnem fere *Honorem* venire in nomen *Magistratus*. Ita Aristoteles large & laxè *ἀρχαί* definit *Politico*. cap. 15. ὅτιαις ἀποστέλλεται βυλδίσταται τε καὶ πρῶτοι, καὶ κείναι, καὶ δυνάμει, καὶ μάλιστα τῷτο: id est, *Quibus concessum est consulere, judicare, jubere, atque istud maxime*. Etsi postrema parte iterum adstringens. Et Latini etiam Scriptores confundunt, qui *Proconsoles* & *Rectores Provinciarum* *Magistratus* passim appellant. L. 2. ff. de in jus vocando. Nomen *Magistratus* a *Magistro* dictum. L. 57. ff. de verbor. signif. *Magister* autem, qui magis cæteris potest. *Festus* in voce *Magister*. Olim *Prætores* dicti videntur ab eo, quod cæteris honore præirent. Ita consul prætor dictus: & in prisca lege apud Livium lib. 7. *Prætor Maximus clavum pangit*. Itaque non absurde Varro libr. 4. de lingua Latina, qui natum *Magistratus* nomen judicat post *Dictaturam* & *Magisterium* equitum. Reliqui, inquit, quod minores quam hi *Magistri*, dicti *Magistratus*, ut ab albo albatu.

B

C A P.

CAP. II.

De varia divisione Magistratum.

Magistratum autem genera & discrimina plura. Aut enim *temporibus* dividuntur: ut, *Ordinarii*, *Extraordinarii*. Illi dicti, qui statis temporibus & semper in republica essent; ut, *Consules*, *Prætores*, *Ædiles*, *Tribuni*, *Quæstores*. Hi, qui nec eodem tempore, nec semper; ut, *Dictatores*, *Censores*, *Interreges*. Aut à *personis* discriminantur: ut, *Patricii*, *Plebei*, *Mixti*. E quibus primi dicti, qui solis Patriciis Patent, ut, *inter-regnum*. Alteri, qui soli plebi, ut, *Tribunatus* & *Ædilitas plebis*. Postremi, qui cuique ordini: ut, *ceteri omnes*. Aut à *qualitate* agnominantur: ut, *Majores* & *Minores*. Idque sensu duplici. Aut enim *Majores* *Minores*ve Magistratus dicuntur, qui auspicia majora minorave habent: de quibus Agellius lib. 13. cap. 14. aut quorum potestas imperiumve majus minusve. Sic *Majores* erant, qui licetorem viatoremque habebant, sique omnes erant; exceptis *Ædilibus* & *Quæstoribus*: *Minores*, qui non habebant. Aut denique distinguuntur ab insignibus in *Curules*, & non *Curules*. *Curules*, quibus jus est Sellæ: ut, *Dictator*, *Consul*, *Censor*, *Prætor*, *Ædilis Curulis*. Non *Curules*, quibus minime: ut, *ceteri omnes*. L. 31. ff. de injuriis.

CAP. III.

De iis, qui apti ad quoscunque Magistratus, & Series temporum, qua paulatim Plebei ad omnes Magistratus admissi.

Divisioni non inepte jungam de iis, qui apti ad quemque Magistratum. *Aptitudo* autem duplex: a gente, & ab annis. A gente olim maxime, quia solos *Patricios* admittebant ad Magistratum. A Romulo id institutum; qui autore Dionysio lib. 2. sanxit: *Τῶν δὲ πατρίδων ἰσχυρόν τι καὶ ἀρχαῖν, καὶ διακρίνειν*. Id est, *Patricios* *sacra facere*, *magistratum gerere*, *judicia exercere*. Cui tamen legi in libertate non diu locus. Nam itatim anno xvi. post Reges exactos, violari cœpta, *Livius* l. 2. cum novus Magistratus à Plebe creatus, hoc est, *Tribuni* (Anno Urb. Cond. ccix.) & paulatim carpsere eam *Tribuni* & plebs, donec corrui tota. Series & ordo iste. Primum *Quæstores* e Plebe creati, anno Urb. Cond. cccxlv. *Livius* lib. 4. Inde *Tribuni militum* *Consulari potestate*, anno cccliii. Nec diu post *Consules* ipsi, anno cccxxxviii. Tum *Ædiles* *Curules*, anno

tuno post, id est, cccclxxxix. De quibus convenerat, ait Livius, lib. 7. ut alternis annis è plebe crearentur: postea promiscuum fuit. Inde ad caput ipsum Magistratum transgressi, Dictatorem è plebe creaverunt, anno ccccxviii. et si Magister equitum jam antea Plebeius factus, anno cccclxxv. Denique Censuram etiam fecerunt communem, anno ccccliv. eodem illo primo Plebeio Censore, qui è Dictator. Postremo, ne quid intactum, aut inaccessum Plebi; Prætura iis communicata, anno ccccxviii. Ita sola Interregia potestas apud Patres mansit; umbra potius, quam verus Magistratus.

CAP. IV.

De aptitudine ab annis: Et, Quando Annalis Lex lata.

AT Aptitudo altera ab annis: quam utiliter sanxerunt, et si tarde. Nam apud majores, inquit Tacitus lib. 11. Annal. virtutis id præmium fuit, cunctisque civium, si bonis artibus fiderent, licitum petere Magistratus: ac ne ætas quidem distinguebatur, quin prima statim juventa Consulatum & Dictaturas inirent. Sed mutatum id an. Urb. Cond. DLxxiii. cum, re ipsa docti, viderent modum aliquem & limitem constituendum ambitioni & calori juvenili: Itaque tum primum, verba Livii sunt lib. 10. rogatio lata est ab L. Julio Tribuno pl. quot annos nati quemque magistratum peterent caperentque: Inde cognomen familiæ inditum, ut Annales appellarentur. Dixi, ab L. Julio: Et ita libri. At Julios etiam plebeios fuisse scimus, Antonio Augustino docente, in lib. De familiis Romanis. Tamen alii Tribum hic in Livio malunt: itemque in Cicerone, lib. 8. Epist. Sed hoc leve: magis nos torquet de tempore latæ legis, quod Livius hic tam diserte scripsit, inquit: Tum primum. Quod tamen idem ille eversum it, lib. 25. ubi de Scipione Africano multis ante Julianam legem annis scribit: Hinc Adilitatem petenti cum obfisterent Tribuni, negantes rationem ejus habendam, quod nondum ad petendum legitima ætas esset. Ait ecce, legitimam ætatem ei non fuisse. Quid ergo clarius, quam etiam tunc fatam de ætate? Et profecto aut per errorem, confusionemque nominis aut hominis, id scripsit Livius, Scipioni Africano tribuens, quod Æmyliano postea evenerit: de quo Appianum in Libycis vide, & Valerium Maximum lib. 8. Ut fateamur necessum est, parum caute scriptum esse in loco altero, latam à Julio primum. Et fortasse per partes jam ante de quibusdam Magistratibus ferri ceptum, quæ omnia lex Julia junctim complexa, ceteras velut abolovit. Hic juvat aliquid Cicero, qui leges Annales multitudinis numero appellat, Philippica 5. Legibus Annalibus; inquit, cum grandiore ætate ad Consulatum constituebant, temeritatem adolescentiæ verebantur. Et Ovidius 5. Fast.

— *finitaque certis*

Legibus est ætas, unde petatur bonos.

Hæc Lex alio nomine *Annaria* dicta. Festus in ea voce; & Lampridius in *Commodo*; *Gratia Annaria legis impetrata Consul est factus*. Dicta etiam satis nove *Comitialis* à Latino Pacato, in *laudatione Theodosii*, scilicet, quia modum frenumque Comitibus daret.

C A P. V.

Magis distincte de ea Lege; Et qui anni cuique Magistratui legitimi.

Sed quæ ætas proprie definita hac Lege cuique Magistratui fuerit, jure quæram: nec facile inveniam. Tenebrosus enim locus; & in quo cum nihil aut parum expressi sit, lustramus eum per ancipites conjecturas. Atque ut à *Quæstura* ordiar; adeo de ætate ejus nihil certum, ut sint viri magni, qui eam prorsus tollant. Dux iis Paulus Manutius, in *lib. De legibus*. qui negat, *Quæsturæ*, *Tribunatui*, *Ædilitati* plebis definitam ullam ætatem: legemque *Annalem* spectasse tantum *Curules Magistratus*. Parum vere. *Quæsturæ* enim clarissime *Quinctilianus* certum annum attribuit *lib. 12. cap. 6. Calvus, Caesar, Pollio*, multo ante *Quæstoriam ætatem*, gravissima judicia susceperunt. *Spartianus in Juliano: Quæstor, ante annum quam legitima ætas sinebat, designatus est. Tacitus Annal. lib. 3. Ut quinquennio maturius, quam per leges, Quæsturam peteret. Suetonius item in Caligula, cap. 1. & Plutarchus in Catone Uticensi. Quem annum Nicolaus Gruchius xxvii fuisse vult; ego, ut arbitror, firmius xxv annum. Argumentor: I. A ratione; quia tunc compleri virilem vigorem constat, ut ait Ulpianus l. 1. ff. De minor. ideoque jure apti censentur ad res publicas, & privatas. II. Ab auctoritate, quod *Dio Cassius lib. 52. Senatoriam ætatem anno xxv definit. At quæstura primus gradus in Senatum. Addo l. 2. De minoribus*; quæ subtilius considerata, adstruit hoc ævum. Denique argumentor etiam III. Ab exemplis: quoniam reperio *Tiberium Gracchum* intra tricesimum annum extinctum, & eundem tamen *Quæstorem* fuisse, *C. Mancino Consule*, circiter quadriennio ante mortem. Gesserit ergo *Quæsturam* necessum est anno xxv. Lego & *Tiberium Cæsarem Quæstorem* designatum undevigesimo ætatis anno. *Velleius lib. 2. At creatus est quinquennio maturius quam per leges Tacitus lib. 3. Annal. & Dio 93. Ergo fas, petere Quæsturam xxiv anno, & xxv gerere. Sed nodus hic aliquis in Polybii loco (lib. 6.) negantis ullum Urbanum magistratum capi fas fuisse, nisi ab eo, qui decem annos militasset. Militare autem Romanum xvii**

desumum

demum anno incipiebant. (*Plutarchus in Gracchis.*) Non ergo prius pertingere poterant ad Quæsturam. Dupliciter hoc solvo. Primo vix credibile esse, omnino ratam ac firmam in Republica fuisse legem Polybianam illam sive morem. Quis enim præterea meminit? Et tamen ut fuerit, capiendam non de militia coacta, & ex delectu, sed voluntaria. Nam quod Gracchus XVI annum militiæ definivit, id ab ea mente est, ut nemo invitus legi in militem debuerit ante id tempus. Sed nihil tamen impedit, nobiles & eos qui alebantur in spem honorum, militiæ & castris jam ante interfuisse: qui morem hunc habuerant, ut statim à rōgā pgrā (hoc est virili) militiam auspicarentur: idque in contubernio & velut custodia viri alicujus illustri. Velleius de Pompeio id tradit, *libr. 2.* Livius *libr. 22.* & Valerius *libr. 5. cap. 4.* de Scipione Africano: & passim exempla. De Quæstura ultra non eruo.

De *Tribunatu* & *Ædilitate* videamus: quorum annos frustra item incertos volunt. Quæ enim ratio est, ut quæsturæ, quæ minor est Magistratus, sua ætas fuerit, nulla majoribus istis? Immo fuit. Et de *Ædilitate*, clare Latinus Pacatus in *laudatione Theodosii*: *Annorum*, inquit, *ita cura fuit majoribus, ut non solum in amplissimis Magistratibus adipiscendis, sed in Prætoris quoque, aut Ædilitatibus capeffendis atas sit spectata petitorum: nec quisquam tantum valuerit nobilitate, vel gratia, qui annos Comitiali lege præscriptos festinatis honoribus occupavit.* Et quanquam firmi admodum aut fixi nihil reperi: tamen attribuam fidenter *Tribunatui*, sive *Ædilitati*, annum XXVII. aut XXVIII. Certe quidem ante annum XXX. includam, quia is Præturæ fuit, ut dicam. Atque hoc de utraque Ædilitate sentio: etsi in Curuli valde à nobis dissentiant viri docti. Annum enim ei XXXVI. definiunt. Quod miramur. Cur enim probabile, tantum otiosi intervalli fuisse inter Quæsturam & Ædilitatem? Ciceronis locus, qui eos in omni hac re extra viam ejicit, non me movet. Nam cum pro lege Manilia scribit: *Quid tam singulare, quàm ut ex Senatusconsulto legibus solutus, Consul ante fieret, quàm ullum alium magistratum per leges capere licuisset;* non ego sane ad ætatem rerulerim, sed ad ordinem & modum. Si enim de ætate; & hoc Cicerō vult, eo anno factum Pompeium Consulem, quo per leges Annales nullum magistratum capere cōfas: sequitur, ut ante XXXIV annum (nam eo ævo factus Pompeius Consul, ex Appiano) locus etiam non fuerit Quæsturæ, aut *Tribunatui*: quod vanum. Sed intelligit, inquit, Curulem magistratum. Quis dicit? nec adhæream ego tam infirmæ conjecturæ. Verius omnino est, mentem Tullii hanc esse: Pompeium factum Consulem, cum nec illum, nec alium magistratum capere posset: vel quia non legitime professus; vel potius, quia Eques adhuc Romanus, *Epitom. Livii. 97.* & nondum Quæstor. Lex autem Cornelia transire ad ullum magistratum clare vetuit, Quæstura non gesta. Minus

vero me turbat, quod exempla adferant eorum, qui gesserint *Ædilitatem* post xxx annum. *Ridiculum*. Scimus enim, nullam legem *Annalem* veruisse, ne quis post legitimum annum, peteret, gereret: sed ne ante eum. Itaque *Consules* etiam & *Prætores* multi facti anno L. & post illum. (Ea verissima ratio.) Denique pauci festinabant ad hos minores magistratus, quia celeritatis ejus modicus fructus: & grande nihilominus spatium intererat ad *Consulatum*, id est, ad honorum incertam.

Prætura nunc sequitur, cui annum tribuant xxxix petendæ, xl. gerendæ: haud alio argumento freti, quam illo de biennii intervallo. Itaque jure ambigo. Nam *Dio Cassius* discrete annum xxx *Præturæ* dat, lib. 52. *Temperatissimè*, inquit, & *arbitrariè* à *jurisperitis* spatium istud relaxatum. Id est: *Quæstura functi & Ædilitate*, siue *Tribunatu*, *Præturam* accipiant *tricenarii*. Sed excusabunt, quod id sub Principibus, quos legem *Annalem* laxasse non nego. Sed quid tamen de *M. Bruti* facto dicent, quem *Prætorem* reperio anno ætatis xxxv? Nam vixit in universum, ut *Velleius* tradidit lib. 2, annos xxxvii. atque biennio ante mortem eum *Præturam* gessisse cum *Cassio* satis constat, & nisi *Bruti* ingenium me fallit, juxta leges. Itaque ad hunc annum *Præturæ* finiendum labor non invitus.

Consulatus reliquus est, cujus ætas extra omnem litem. *Cicero* enim clare nimis firmat *Philip. 5*. *Quid Alexander Macedo?* qui cum ab inuente ætate res maximas gerere capisset, tertio & trigésimo ætatis anno mortem obiit: quæ ætas nostris legibus decem annis minor, quam *Consularis*. Est ergo *Consularis* annus, si arcte *Ciceronis* verba capis, xlii. siue xlii. si benigne & magis ex vero. Satis enim fuit, attigisse xlii. annum: ut docent exempla crebra. Gravis ergo ista ætas, quippe in imperio & Magistratu gravissimo: quam tamen adeo, mutato *Reipublicæ* itatu, Principes neglexere, ut *Dolabellam* *Consulem* *Cæsar* creavit annos natum xxv, & postea etiam aliqui vicenarii facti, ex l. unica, ff. *De Officio Consulum*, & l. 20. ff. *De munimissis*. Qua licentia in omni alio Magistratu Principes pro arbitrio usos, moneo semel.

De *Ordinariis Magistratibus* dixi; *Extraordinarii* supersunt: qui tamen, nescio, an lege comprehensi; et si de *Dictatore* & *Censore* non difficile judicium est: quia creati plerumque è *Consularibus*, more tamen potius, quam lege. Sed & *Interrex* plerumque ex honoratissimis *Senatus*.

C A P. VI.

Annalem legem etiam in Provinciâ aliquam fuisse: item Rome in Senatu & Equite; & alia quedam Leges quæ huc referuntur.

HÆC utilis illa & salutaris lex Annaria, cui locus etiam in Municipiis & Coloniis, etsi annorum aliqua diversitate: quam in parte haurire est ex Plinio *libr. 10. Epist. ad Trajanum.* Sed & ætas Romæ in Senatu ipso spectata: etiam sub Principibus. Ideoque *Senatoria ætas* Tacito nominata (*lib. 5. Annal.*) *Ammius Vivianus*, inquit, *gener Corbulonis, nondum Senatoria ætate.* Immo & in Equite. Definit Dio utramque. *Allegere*, inquit, *in Equestrem ordinem oportet annos natos XVIII. In Senatum, natos xxv.* Quod Romani videntur à Græcis sumpsisse, cum apud Athenienses fuerit *ἀλξία βυδβλινύ.* *Demosthen. contra Ambrot.* Et apud Spartanos lege Lycurgi in Senatum nulli aditus nisi sexagenario. Addo breviter, & adtexo leges, Annali haud dissimiles, quæ de ordine magistratuum cavebant, aut intervallo: ut fuit *Lex Cornelia*, quæ vetuit Præturam adipisci ante Quæsturam, & Consulatum ante Præturam *Appianus l. 1. Civ.* Quod ipsum tamen etiam in more antiquis fuisse, Livius ostendit *libr. 31.* ubi de Consulatu Flamini. Item *Lex prisca* de intervallo, quæ vetuit magistratum eundem iterare, nisi decennii intervallum intercesserit. *Livius libr. 7. sub finem.* Quæ cum negligere, à Sulla Dictatore, ut commemorat idem Appianus, relata est. Sed sic quoque postea sæpius spreta: cum mos invalisset, ut homines gratiosi legibus per Senatum aut Populum solverentur.

C A P. VII.

De Consulibus. Nominis Etymon. Institutio. Potestas. & Munia.

SED universe de Magistratibus satis dixi; quemadmodum quæ ad Comititia, & quæ ad Renuntiationem spectant, aliis scripra. Nunc distincte explicabo singulos, initio ab eo Magistratu facto, qui initium ceteris: quem triplici nomine appellarunt: *Prætorem, Judicem, Consulem.* Cicero bene recensuit, *De Legibus* 111. ubique à præeundo, judicando, consulendo, *Prætores, Judices, Consules* appellantur: bene, inquam, & ordine. Nam primo *Prætores* dicti. Quod nomen, etsi commune omnibus Imperiis, tamen velut per

excellentiam adhæsit istis. Festus: *Initio Prætores erant, qui nunc Consules.* Justinianus *Novell. 24. §. 25.* Est, inquit, Prætoris nomen Romani Imperii proprium, & ante ipsos etiam Consules in veteri atque præclara Reipublica constitutione usurpatum. In XII. Tabb. exemplum ejus vocis reperio, cum jubent apud Plin. l. 18. cap. 3. *Impubem Prætoris arbitrato verberare;* hoc est, Consulis: quoniam tunc certe nondum creatus Prætor. Itaque Livius lib. 3. anno ipso post XII Tab. scriptas, inquit: *Hic temporibus nondum Consulem Judicem; sed Prætores appellari mos fuit.* Nec falso à Zonara traditum, Prætoris nomen mansisse usque ad Decemviros: iisque exactis, Consulis nomen demum irrepsisse. Etli mallet dixisset; *Judicis*: quod nomen ex Livio antiquius fane est illo Consulari. Dicti autem *Judices*, à præcipuo videlicet munere: quia ut olim *Judicia* omnia in manu Regum, sic postea Consulum fuisse; donec translata ea in parte ad Prætores. Exemplum hujus appellationis in præfatis commentariis est apud Varronem 5. *De Ling. Lat.*

Omnes Quirites visite hac ad *Judices*. Id nomen antiquitatum & abolitum demum crediderim post Prætores, id est, proprios *Judices*, creatos; & tunc invaluisse nomen *Consulis*. De cujus *Etymo* varia opinio, nec inscita. Sunt qui à fine derivent: quia ejus est *consulere* & providere civibus, *Florus lib. 1. cap. 9. & I. C. ff. De origine Juris lib. 2.* Sunt qui ab officio; quod *consulit*, hoc est, rogat Senatum. Sunt qui à judicando interpretentur: quod in solo tantum Quintilianò mihi lectum, lib. 1. cap. 9. *Sitne Consul,* inquit, à *consulendo*, an *judicando*. Nam, & hoc *consulere* veteres vocare. Unde remanet illud: *Rogat boni consulas, hoc est, judices.* E quo triplici etymo, primum popularius, tertium subtilius; medium verius censeam: quia adeo proprium Consulis interrogare, & referre ad Senatum, ut Livius lib. 7. scripserit: *partes ejus magis exquirendæ, quàm dandæ sententiæ esse.* Immo observo, *Consulendi* verbum proprium in hac notione, & solenne Curia fuisse. Trebellius Pollio me docuit in xxx Tyrannis: (in Pison.) *Fuscus Arellius,* inquit, *Consularis primæ sententiæ,* ait: *Consul, consule, quumque consultus esset, Divinos,* inquit, *honores Pisoni decerno.* Sed de *novis* abunde: *Institutionem* videamus; quæ non obscura. Instituti enim statim post Reges exactos, anno Urb. Cond. cxxlv. Causa creandi, utilitas, sive potius necessitas; quoniam cum sine Rege essent & capite fluctuanti illi corpori opus fuit qui dirigeret & gubernaret. Sed duo ideo, ut novam libertatem non committerent periculose uni: & diviso imperio, si alter malus esse voluisset, ut inquit Eutropius lib. 1. *alter eum (habens potestatem similem) carceret.* Qua causa, tempus etiam imperii breve datum, & annuum tantum: ne diuturnitate insolerent; & civiles semper essent, (ait idem Eutropius,) qui se post annum scirent privatos esse futuros; *Florus lib. 1. cap. 9.* eleganter & acute utramque causam com-

complectitur. Ex perpetuo imperio, inquit, annuum placuit: ex singulari duplex: ne potestas solitudine, vel mora, corrumpatur. Loco igitur Regum creati, & quidem cum pleno eorum jure. Itaque Regium imperium Cicero in 111. de Legibus, & in Orat. ad Q. Frat. non injuste appellat Regiam potestatem, Lælius Fastigium dignitatum, Cassiodorus lib. 2. Variar. ep. 2. & Ovidi lib. 4. de Ponto, Eleg. 2.

— nullum Martia summo

Alius imperium Consule Roma videt.

Qua de causa Græci, Consules non tam ἀρχαῖς, aut συβέλλαις verterunt, vim verbi intuentes: sed potius ὑπάτοις, quali dicas, summos, vim intuentes imperii & potestatis: quemadmodum, quod præcellens & summum est, prisca Græci appellabant ὑπάτος, inquit Dionysius lib. 4. Et sane vis omnis, & liberrimum imperium initio apud illos; pacem bellumve facere, fœdere ferire, coercere, animadvertere, jus vitæ necisque in cives habere: donec paulatim imminuta est, & redacta ad eum modum, qui gravis libertati non esset. Imminuta autem præcipue duplici via: Provocationis, & intercessionis. Provocatio statim post Reges nata, ex lege Valeria. Livius lib. 2. quæ animadversiones in cives sustulit, & imperium Consulare non obscure dissolvit. Non enim ultra vitæ & necis potestas penes Consules: cum provocare ad Populum, velut majorem judicem, liceret. At intercessio, quæ nata cum Tribunis, arbitrium pacis, belli, & graviorum rerum, Consulibus eripuit: quoniam intercedere & impedire omnes Consulares actiones poterant, velut Populi voce. Cujus sane Populi vis ac dignitas magis magisque crevit, (utique post Hortensiam legem,) & imperium summi super omnes Magistratus. Soluta igitur Consulum potestas, non tamen fracta, quamdiu Respublica stetit. Multa enim eorum & ampla adhuc munia; quæ strictim & per indicem recensabo. I. Caput Reipublicæ Consules habentur, omnesque magistratus eis subiecti & obnoxii, præter Tribunos. Itaque intercedere etiam omnibus actionibus possunt. II. Militiæ jus summum habent; civibus & sociis imperant: Tribunos militum, Centuriones, Præfectos constituunt. Cic. 3. De Legibus, & Polybius lib. 6. III. Imperium in provincias habent: evocare subditos possunt, coercere, punire. Cic. in Verr. & Polybius lib. 6. IV. Jus convocandi populi habent, cum eo agendi, leges ferendi, iisque nomen à se dandi. V. Literas omnes à Præsidibus provinciarum, à Populis ac Urbibus recipiunt: legatos audiunt: & quicquid per Senatum Populumque faciendum est, manu horum & ministerio conficiunt. Dio Cassius lib. 40. Caesar 1. Civil. Polybius lib. 6. VI. Ut Senatus res omnes pace belloque tractabat, regebat; sic ipsi quodammodo Senatum, quem convocabant, dimittebant: sententias rogabant, numerabant, dividebant; & ad summam, in universa hac navi velut arbitri

arbitri quidam & gubernatores erant. Atque hæc libera Republica fuere: at oppressa ea, iterum immutata Consulum potestas. Princeps enim ut omnium Magistratuum jura ad se traxit; ita præcipue Consulum & Tribunorum. Ita ex omnibus, quæ dixi, pauca iis remansere. Nec alia fere Munia reperio sub Principibus, quam ista, ut Senatum rogarent, & consulerent: ut jus dicerent: tutores darent: (*Spartianus in Vita Antonini*) manumitterent: *Cassiodorus* lib. 6. *epist.* 1. & *Claudianus in Eutrop.* lib. 1. vectigalia locarent: *Ovid.* 4. *de Pont. eleg.* 5. & 9. (quod olim Cenforum munus) ludos, & præsertim Circenses, ederent: *Arrianus* lib. 4. annis nomen darent, *Lucanus* lib. 1. Quæ omnia (ut brevis sim) testimoniis non dilato: quoniam in historiis, & legum libris sparsa. Vide pleraque ex iis, si lubet, apud *Cassiodorum* l. 6. *epist.* 1.

CAP. VIII.

De Insignibus Consulum.

AD Insignia venio, five ad ornamenta quædam externa, quæ adjuncta Consulibus, aliisque Magistratibus, ad augendum splendorem. Eorum omnium originem ab Etruscis esse, *Livius* lib. 1. & *Symmachus* lib. 3. *epist.* 11. voluerunt: Itemque *Florus*, lib. 1. cap. 5. qui distincte etiam recenset. Inde (à Tuscis) inquit, *fascēs, trabes curules, annuli, phaleræ, paludamenta, prætexta: inde, quod aurato curru quatuor equis triumphatur: togæ pīssa, tunicaque palmata: omnia denique decora & insignia, quibus Imperii dignitas eminet.* Hæc in Consulibus paulo diversa fuisse reperio, veteri Republica & nova. Veteri republica hæc in usu: Fasces duodecim cum licioribus, sella curulis, prætexta toga, eaque domi sumpta primo magistratus die ante Deos penates. *Livius* lib. 22. *in fine.* Scipio eburneus in manu sive sceptrum. De quo scipione, minus quidem vulgata res: magnis tamen auctoribus est mihi certa. *Dionysius* lib. 3. *Tarquinius Regi sceptrum eburneum attribuit; idque mansisse successoribus ejus tradit, & Consulibus ipsis, Livius, Gallum quandam scipione eburneo percussam à M. Papyrio scribit, consulare hoc sceptrum intelligens; lib. 3. Valerius de priscis Consulibus lib. 4. cap. 4. Nec eis fuit rubori, eburneo scipione deposito, agrestem stivam aratri repetere.* In *Valeriani epistola* apud *Vopiscum*: in vita *Aureliani*: *Nam te Consulem hodie designo, scripturus ad Senatum, ut tibi deputet scipionem, deputet etiam fasces.* Hæc enim Imperator non solet dare; sed à Senatu, quando fit Consul, accipere. *Cassiodorus* lib. 6. in formula Consulatus; *Validam manum victorialis scipione nobilitat.* In glossis priscis; *Scipiones, virgæ Consulum.* Et *Ennodius* in *Panegyrico* *Scipiones* pro ipso Consulatu posuit, *Serranum scipionibus*

bus aratra pepererunt. Nec Juvenalem aliter, quàm de hoc scipione ceperim; Sat. 10.

Da nunc & volucrum, sceptrum quæ surgit eburne. Præitque nobis, Aquilæ figuram fuisse in summo illo sceptro: nisi tamen magis placet, ad scipionem triumphalem id referri, quem plane ea forma Isidorus describit lib. 17. c. 2. Et eundem in triumpho Appianus etiam agnoscit. lib. de bellis Punicis.

Atque hæc fere insignia olim. Posterior ætas sub Principibus quædam addidit, quædam immutavit: & id fere in superbiam, ut solet, & ad pompam. Non contenti enim simplici prætexta, ejus loco togam pictam induxere; quæ antea triumphantium propria tantum. Lamprid. in Alexandro; *Prætextam & togam pictam nunquam nisi Consul accipit; & eam quidem, quàm de Jovis templo sumptam & alii quoque accipiebant, aut Prætores aut Consules.* Ubi & notari ritum illum sedulo velim, accipiendæ consularis ejus togæ è Capitolino templo; quem eundem ingere opportune in eadem ista re Capitolinus in Gordiano seniore. *Palmatam tunicam*, inquit, *& togam pictam primus Romanorum privatus suam propriam habuit; cum antea Imperatores eam de Capitolio acciperent, vel de Palatio.* Hæc est illa toga picta, quàm palmatam alio nomine dixere: tribuuntque eam Consulibus. Cassiodorus lib. 6. epist. 1. *Pinge*, inquit, *vastos humeros vario colore palmata.* Et Ennodius in Panegyrico. Etsi de toga non exprimunt clare. Itaque suspicari possis, ex superioribus Capitolini verbis, de tunica tantum. Falso tamen ex Martiale, quæ togam in hac re nominat diserte:

Palmataque ducem, sed cito, redde toga.

Id est, Consulatus. Et Ausonio, qui in Panegyrico Gratiani tria hæc, *pictam, palmatam, trabeam*, aperte confundit, & solere id suo ævo ostendit. Nam & *trabeam* reperies, velut propriam Consulium vestem. Et cave pro *tunica* accipias; ut prius, sed pro hac ipsa toga picta. Causa, cur utrumque hoc nomen ei dederint: quod auro purpuraque intexta ea fuerit, ad formam trabium sive palmarum ramorum.

De *trabea* autem Consulari Symmachus lib. 9. epist. 1. c. 2. *Litæra*, inquit, *quæ te amictum trabeam meruisse loquerentur.* Hoc est, Consulatum. Et Claudianus in Eutropio:

Annus qui trabeas, hic dedit exilium.

Atque idem Poëta etiam alias sæpe. Atque etiam Imp. l. 1. c. De Cass. Jam in fascibus ipsis etiam aliquid immutarunt. *Laurum* enim iis perpetuam addidere: quod olim solet tantum in Triumphis. Colligo ex Martiale. l. 10. epigr. 10.

Cum tu laurigeris annum qui fascibus intras.

& lib. 12. epigr. 3. ostendit etiam laurum ædibus Consulium solere addi. Sed & Cassiodorus laurum Consulibus diserte tribuit. lib. 2. Variar. Epist. 2.

Nec

Nec *laurus* solum; sed & *secures* etiam relatas iterum in fasces, quas Valerius ademerat, animadvertet non oscitans lector ex eodem Cassiodoro, lib. 6. *Hinc est, inquit, quod etiam fasces atque secures tanta potestate precepta sunt alligari.* Vide *Elect. cap. 23.* Ex Claudiano, aliquot locis; lib. 2. in *Eutrop.* & 4. *Consulat. Honorii.* Nec ideo, quod imperium aut potentia iis creverat, (contra est,) sed quod factus & superbia externa: quæ ipsa etiam *calceos auratos* Consulibus induit. Quod scriptum a solo quod sciam Cassiodoro; satis tamen clare. *Lares, inquit, proprios calceis auratis egredere,* lib. 6. in *Form. Conf.* Quod genus calceorum in usu Romæ fuisse, Epietetus me docuit in *Enchiridio cap. 54.*

C A P. IX.

Ritus aliquot Consulares.

Nomen, vim, & insignia Consulum satis expressi; addam ritus aliquot prius, & non obvios; qui valde ad Scriptorum veterum lucem. Eos certo ordine vix dederò, sed ut venient sub sty-

lum. Primum noto, vario die *initium Consulatûs* olim fuisse, quod ex Livii locis multis clarum. Donec Anno Dxcviii. inire & ipsi, & alii Magistratus, cœpère Calendis Januariis. Hoc traditum in epitome Liviana 47. etii mutile & corrupte. Primus autem hic dies Consulibus valde honoratus. Domum enim eorum, & Populus, & Senatus conveniebat, eosque salutabat, deducebat. De *salutatione* Claudianus de Consule Eutropio; lib. 2.

vulgata patebat

Aula salutantum studiis.

De comitatu senatus & populi. Ovidius 4. de *Pont. eleg. 9.*

Dumque latus sancti cinget tibi turba senatus,

Consulis ante pedes ire juberet eques.

Et Claudianus lib. 1.

Candida pollutos comitatur curia fasces.

Hæc officia Consulum Spartianus vocat in *Hadriano. Romæ, inquit, Prætorum & Consulum officia frequentavit.* Et Suetonius in *Julio, cap. 15. Relicto, inquit, novorum Consulum officio.* Symmachus id appellat, *auspiciis interesse,* lib. 1. *Epist. 51. Fortunati, inquit, selam tuam lato agmine prosequantur & auspiciis tuis quivis sati integer amicus interfit.* Et lib. 3. *epist. 21. Apud egregium virum Consulem fave absentia mea: cujus honore gloriari nostrum est; auspiciis interesse, feliciū.* Et appellat ideo, quod primo illo die munia omnia Consulatus sui delibabat: velut auspicii causa. Ideo & *Auspicialis* hic dies appellatus: de quo scripsi ad lib. 4. *Annal. Taciti.*

Initium

Initium autem faciebant à Religione, & deducebantur solenni isto officio in Capitolium primo, ut vota scilicet conciperent, & singulos boves Jovi illic immolarent. Ovidius, de Græcino Consule, lib. 4. De Pont. eleg. 9.

At cum Tarpeias effes deductus in arces,

Dum caderet jussus victima sacra tuo.

Lampridius de Heliogabalo : Deinde in Capitolium ad vota concipienda, & perficienda solennia, ire noluit : omnia per Praefectum urbanum, quasi Consules illic non essent, facta sunt. Et Livius clare libr. 41. Consulibus, inquit, quo die Magistratum inière, immolantibus singulis Jovi bobus, ut solet, &c. Spectaque ad hoc Consulare sacrum, quod Suetonius in Augusto scribit cap. 25. Et Plinius libr. 2. cap. 37. Adde & Ovidium iterum libr. 4. de pont. eleg. 4. A Capitolio autem in Senatum deducebantur, gratiasque illic Principi habebant, jussi (ut inquit Plinius) Senatusconsulto ; atque eodem ipso die munera consularia amicis mittebant : quorum mentio apud Symmachum epist. 61. libr. 3. *Grata mihi, inquit, fuere amplissimi Consularis tui munera.* Vocatque hæc sportulam consularem idem scriptor, lib. 9. epist. ultim. Sed & in populum pecuniam spargebant : cujus effusionis Cassiodorus meminit lib. 2. ep. 2. & lib. 6. ep. 1. Eique sparsioni centena atri pondo attributa fuisse, docet lex 2. C. De Consulibus. Ubi tamen utilitas hæc spargendi ab Imp. tollitur, & summa ea ad aquæ ductus reparandos transferuntur. Primis etiam his diebus in leges jurabant ; sicut & reliqui & Magistratus omnes : nec fas cuiquam magistratum ultra quinque dies gerere ; nisi qui publice id juramentum præstitisset. Livius lib. 31. Q. Valerius Flaccus, inquit, quia Flamen Dialis (id est Jovialis) erat jurare in leges non poterat. Magistratum autem plus dies quinque, nisi qui in leges jurasset, non licebat gerere. Et Plinius in Panegyri. id juramentum bis præstari solitum, videatur innuere : semel, cum designati Consules essent ; idque in manum Consulis renunciantis : iterum in rostris, toto populo audiente. Et formula etiam ipsa expressa ab eo in parte. Quem totum locum in medio Panegyrico ejus omnino vide. Atque simile juramentum iterum præstabant, Consulatu jam gesto ; jurabant, inquam, nihil in eo scientes se fecisse contra leges. Plinius ; Itaque & abiturus Consulatu, Jurasti, inquit, te nihil contra leges fecisse. Dio Cassius, lib. 53. Augustus, inquit, defunctus consulatu, juramentum patria more præstitit. Idem de Claudio, lib. 60. Consulatu abiens, inquit, item, ut alii, juramentum præstitit ; solitus id in omnibus consularibus suis facere. Atque de hoc ultimo juramento Cicero capiendus, lib. 5. epist. 2. & orat. in L. Pisonem. Et Plutarchus in Cicer. Dio Cassius lib. 37.

Atque hæc facere primis diebus in usu : quibus addo Ritum ad vim & potestatem Consulum spectantem, quæ interdum poscente salute

salute publica ita aucta est, ut par absoluta & regie potentia esset. Modus augendi per S. C. quo Respublica Consulibus permitti dicebatur, commendari, defendenda dari. Quod tamen interponi non temere solet, nisi in atroci negotio, ut Sallustius ait, in *Catil.* & in ultima necessitate, ut Livius, *lib. 3.* in ipso urbis incendio, & desperatione omnium salutis, ut Cæsar 1. *de bello civili.* Formula Senatusconsulti brevis & solennis hæc :

VIDERENT CONSULES, NE QUID RESPUBLICA DETRIMENTI ACCIPERET.

Quo uno vericulo satis armatos eos semper fuisse, etiam nullis armis datis, Cicero *pro Milone* scripsit. Vis enim eorum verborum hæc : ut imperium summum merumque Consulibus esset, exercitum parare possent, bellum gerere, coercere omnibus modis socios atque cives : & uno verbo, restituebatur eis hoc decreto jus regium vetus, per provocationem, aliasque leges ademptum. Antiquum autem valde hunc morem esse, & cum prima Republica natum, docet Livius ; qui ejus, ut jam recepti, meminit *lib. 3.* soletque interponi in domestico plerumque motu ; ut Tribuniciis seditionibus, perniciosis legibus, conjuratione occulta ; aut etiam externo discrimine, sed extremo. Vide, præter dictos, Vegetium *lib. 3. cap. 1.* & Dionem *lib. 37.*

Ritum huic adjungo triplicem. Unum, qui ad *insignia* Consulium spectat, & ad *fascies*. Alterum de *securi*bus ablatis : de quo satis dixi in *Electis*, *cap. 26.* Alterum, de *divisione fascium*. Qui sic habet. Consulibus duobus creatis, cum initio fascies xxiv præferrentur, id est, singulis xii, in voce & invidia populi res fuit : tanquam regno non depulso, sed duplicato : ea causa Valerius instituit, ut xii tantum fascies conspicerentur, iique alternis mensibus apud alterum Consulem essent : ita, inquam, ut, priore mense prior Consul eos haberet : secundo alter, atque ita in orbem. Dionysius *lib. 5.* Dio Cassius *libr. 5.* Sumere autem eos prior solebat, qui major natu esset : idque obtinuisse videtur usque ad *Legem Juliam*, quæ honorem hunc detulit numero liberorum. De utroque vide Valerium *libr. 4. cap. 1.* & Agellium *lib. 2. cap. 15.* Interea tamen Consulibus, qui sine fascibus, ne nullo insigni nosceretur, *Accensum* habebat, qui cum præcederet, & Lictores, *Dionysius libr. 5. initio*, qui sequerentur cum virgis & bacillis. Suetonius in *Julio*, *cap. 20.* Livius ubi de Decemviris, *lib. 3.*

Denique postremo observo *Ritum*, qui ad tempus gerendi Consularatus pertinet : quod olim annum fuisse scimus : mutatum tamen statim cum Republica, & à Julio Cæsare plures uno anno Consules facti. [An. U. C. Dccviii.] Designabantur enim Consules in tres, quos, imò in unum mensem, & alii atque alii substituebantur : Mos notus, & obvia exempla, à quo tamen manasse moneo, ut duo genera Consulatum nominarentur ; *Ordinarii* & *Suffecti*. *Ordinarii*, qui

qui more prisco, principio anni & Cal. Jan. inirent. *Suffecti* autem omnes, qui deinceps substituti. Illi honestiores consobantur; quod nomen eorum magis celebre & æternum; dum ab iis tempora & anni numerarentur. Seneca. *Consulem me fecit, sed non ordinarium.* Suetonius in Domitiano, cap. 2. *In sex consularibus unum ordinarium tantum gessit.* Symmachus lib. 9. epist. 120. *Delatus est à clementissimis Principibus ordinarius consulatus.* Lampridius in Alexandro: *Consulatum tertium iniit tantum ordinarium;* Hæc divisio & hic mos ad Constantinum Imperatorem mansit, qui consulatum iterum annum fecit, & pro suffectis novum genus reperit, quos *Consulares* dixit, sive etiam *Consules honorarios.* Quorum origo à consularibus ornamentis, quæ instituerat jam olim Julius Cæsar, apud Suetonium cap. 76. *Extat consularitatis formula* [ita honorem hunc appellabant; non consulatum] in Cassiodoro lib. 6. epist. 21. quem omnino suadeo legas: itemque de istis capienda lex 4. C. De Coss. & Novell. c. 62.

C A P. X.

De Prætoribus. Nomen eorum. Institutio. Numerus. Insignia.

Juxta Consules *Prætores* merito sequuntur: qui dignitate proximi, & *collegæ consulis* appellantur; quoniam iisdem auspiciis creabantur. Liv. libr. 7. & Agell. lib. 13. cap. 14. Nomen iis, sive quod prærent; Varro l. 3. de L. L. sive quod præsent, mere Latinum, & sane vetus. Populi enim plerique è Latio, Imperatores suos & duces *Prætores* appellabant; uti exempla in Livio crebra. Sed & Etrusci *Prætores* habuisse videntur inter ordinarios & legitimos Magistratus. Spartianus hæc docuit in Hadriano. *In Etruria, inquit, Præteriam Imperator egit, per Latina oppida Dictator, & Edilis & Duumvir fuit.* Et vetus in Italia inscriptio:

PRÆTOR HETRURIÆ
XV POPULORUM.

Ita ut late omnino patuerit id nomen: nec solum, ut Asconius 3. in Verrem ait, *veteres omnem Magistratum, cui pareres exercitus, Prætorem appellarunt: sed quemcumque in re profana, sive etiam sacra, præfektum.* Sic in monumentis lego: PRÆTOREM TIBURTINUM, PRÆTOREM SACRORUM, PRÆTOREM SACRIS VOLCANI, PRÆTOREM JUVENTUTIS. Nec scio, an lata illa significatione Suetonius sumpserit, cum librum *De prætoribus* inscripsit. Sed commune tamen antea nomen, & Consulibus ipsis usurpatum, proprium esse cepit huic Magistratui: qui institutus anno U.C. cccxxxviii. Causa instituendi duplex; Utilitas, & Æmulatio. Utilitas: quia cum

cum Consules sæpe bellis avocarentur, nec esset in Urbe qui jus diceret; ex usu fuit Magistratum creari, qui proprie huic muneri vacaret. Æmulatione: quoniam, ut Livius indicat *lib. 7. initio*, Patrii novum hunc honorem avide quævivere, in locum erepti Consulatus. Creatis autem initio unus: postea (circa annum Urb. DI) alter adjectus, qui jus item diceret, sed diversis muneribus: ille inter cives: hic inter cives & peregrinos. Itaque cognominibus etiam distincti fuere: alter *Urbanus*, alter *Peregrinus* appellatus. Ille tamen honestior digniorque; adeo ut veluti proprio cognomento *Honoratus* appellaretur ab Ovidio *lib. 1. Fastor.*

Verbaque honoratus libera Prætor habet.

Et *jus*, quod ab eo edictisque ejus descendit, *honorarium. l. 2. ff. De orig. jur. & l. 7. De just. & jure.* At postea etiam duo alii additi, paulo diverso fine: quod, ut priores Consules adjuverunt in jure dicendo; sic isti, in provinciis regendis. Id factum anno U. C. lxxx. Sardinia & Sicilia in provinciarum formam reductis: & duo etiam adjecti, Hispanis devictis, an. U. C. lxxvii. Ita in universum tunc Prætores sex: ex quibus duo soli in Urbe manebant; reliqui quatuor, statim ac renunciati erant, in provincias ibant, quas fors assignarat. Id mansit, donec quæstiones perpetuæ constitutæ sunt, anno Urb. Cond. D C V, & Senatui tunc visum, ut Prætores omnes ipso anno magistratus sui in Urbe hærent, & parte aliqua jus tangerent, sive publicum, sive privatum. Et paulo post *Cic. pro Milon.* Sulla Dictator, ut quæstionum numerum auxit; sic & Prætorum: factique octo. Errat enim Pomponius *lib. 2. ff. De orig. jur.* qui asseverat de decem. Primus C. Cæsar denos creavit, & postea xvi, ut Dio tradit *lib. 42. & 43.* Et majore licentia Triumviri LXIV. quod idem scriptor asseruit *lib. 48.* Augustus tamen temperavit, & duodenario numero inclusit. Sed frustra; quia iterum xvi facti, quibus Claudius ii etiam adjecit, qui proprie jus dicerent de Fidei commissis. *l. 2. ff. de origine Juris. Ulp. in institut. tit. 22.* Ex his Titus unum detraxit: sed Nerva restituit, cum munere, ut jus diceret inter privatos & fiscum. *Tutela-* rem etiam *Prætorum* à M. Antonio Philosopho institutum, Capitolinus in Vita ejus prodidit, & meminere Leges *lib. 3. & 4. in Cod. Theod.* Ita in universum xvi Prætores facti: donec paulatim minuyente Imperio, minuti & ipsi, & tres tantum creati, lege Valentiniani & Marciani A. A. (*l. 2. C. De offic. Prætor.*) Atque hæc de numero & augmento breviter.

Insignia addam: quæ non obscura. *Prætexta* enim *toga* illis jus: Item *Selle curulis*: *Lictores* cum fascibus sex (*Val. l. c. 1.*) habuere: unde Polybius & Græci ἑξαλίκων *Prætorum* plerumque vertunt. Nec lex vetus apud Censorinum me turbat, quæ Prætori Urbano duos tantum lictores tribuit. Quod capiendum hac mente, ut minimum duo semper in tribunali ejus adsint & appareant; non plures.

C A P. XI.

De Officiis Prætorum.

AT munera Prætorum præcipue tria : *Ludi, Sacra, Jurisdictio*. *Ludos* enim varios dabant ad populi gratiam, ut exempla oc-
currunt passim. *Tacit. Annal. lib. 8. Plutarch. in Bruto. App. lib. 1. bell. civil. Sacrum* etiam plerumque curabant *Bona Deæ* : quod domi eorum ab uxore fiebat. *Plutarchus in Casare docet, ad Atticum lib. 1. epist. x. Martialis etiam suo ævo in usu ostendit, epigram. XLI. lib. x. ubi populare id sacrum appellari monet* : quia pro populo fiebat : unde *Damium* dictum notat *Festus*, etsi interpretatione addita non bona. In has autem duas res magni sumptus facti. *Martialis integro illo epigrammate ostendit* : *Capitolinus in Maximo*, aliique. Unde, velut proverbii loco, ab *Augustino* usurpata censeo *prætoriana pretia*, pro magnis. *Ita addictus erat studiis*, inquit, *ut pretiis prætorianis sibi conficiendos codices curavit* : lib. vi. *Confession. cap. x.* Hæc duo munera, sive onera potius, sola fere mansere Prætoribus, labente Imperio ; ut non frustra a *Boëtio* scriptum sit lib. III. de Consulat. *Prætura magna olim potestus, nunc inane nomen, & senatorii census gravis sarcina.* At tertium maximumque munus, *Jurisdictio* : quam dupliciter considero, *in privatis, & publicis judiciis.* *Privata judicia*, id est, res Civiles, tractabant duo soli e Prætoribus, *Urbanus & Peregrinus* ; *Publica*, sive res Criminales, reliqui omnes. Ita tamen, ut singulis certæ essent quaestiones, una, pluresve. De quibus dilucide & subtiliter dicere, non nostrum. Latus enim campus, & quam merito decurrant soli *Jurisconsulti* ; e quibus ante omnes legi suo *Barnabam Brisonium lib. v. Formularum.*

C A P. XII.

De Aedilibus. Eorum nomen, Institutio, & Genera.

Tertio loco *Aediles* censeo. Quibus nomen (ut plerique omnes volunt) ab *ædium* cura, sive, quod ædes sacras privatasque curarent, ut *Varro* ait lib. 4. de L.L. & *Zonaras lib. 2. & Dionys. l. 6.* sive quod aedibus præessent, in quibus omnia scita sua plebes defererebat, ut *Pomponius l. 5. ff. De orig. Juris.* *Festus* magis nove & remote, ab *adeundo* derivat, quod facilis ad omnes plebi aditus esset. Sed revera utrumque etymon, si attentius inspicis, labat. Et verius fortassis tunc Romæ nomen id primum natum ; sed, ut pleraque, è *Latino* traductum, nec ex re impositum, sed ab exemplo.

exemplo. Jam olim enim *Ædiliū* magistratus in Latinis oppidis, l. ff. *Locati*, qui *Ædiles quinquennales* cognominati in historiis & lapidibus passim. Spartianus clare in *Hadriano*: *Per Latina oppida Dictator, Ædilis & Duumvir fuit*. Iſque primus & summus, niſi fallor, municipalis magistratus. *Juvenalis*:

Sufficiunt tunica summis Ædilibus alba.

Atque eos illic ab ædibus primo dictos nihil abnuam: quia velut minuti Censores quidam erant & ædium sacrarum privatarumque curam gerebant. Instituti autem Romæ una cum ipſis Tribunis plebis, anno Urb. conditæ cclxxi. Plebs enim Tribunos suos naſta, hoc amplius à Patribus petiit, (inquit Dionyſius l. VI.) ut quos è plebe creare ſibi liceret, qui Tribunis velut adminiſtri & adjuutores eſſent, quique eas cauſas cognoscerent, quas illi commiſiſſent. Itaque hi primi *Ædiles plebis* appellati. Additi poſtea anno Urbis ecclxxxviii. duo è Patribus, qui ludorum cauſa præcipue creati, (*Livium* vide in fine lib. 6, & initio lib. 2.) & cum discrimine *Ædiles Curules* dicti; quoniam ea ſella honoris cauſa utebantur. Priores enim illi tantum in ſubſelliis ſedebant: ut & Tribuni, & *Quæſtores*. *Aſcon. Padianus* in *Divinat. Cic.* Itaque hi digniores, & μέγιστα ἀρχοντίαν *Plutarchus* appellavit hanc Curulem, in *Mario*, initio. Curulis autem ſella à curru dicta, ut vulgi opinio eſt: *Agell. lib. 3. c. 18.* quam *Iſidorus* appoſite firmat: *Conſules olim* (inquiens) *& Prætores, ob longinquitatem viæ curru in forum provecſos: ideoque & ſellas, quæ poſt eos vehebantur, in quibus ſedentes jura redderent, Curules dictas.* Cui tamen derivationi ſcriptura & dimenſio repugnant: veriusque à Curibus (oppidum olim *Sabinorum* erat) dicta. Forma ejus in nummis crebro expreſſa: nec diſſimilis ſellis iis, quas *Hiſpanicas* vocamus, & quarum in aulis uſus. Deſcribit *Plutarchus* (in *Mario*) & incurvis pedibus eas fuiſſe oſtendit. Itaque in *Gloſſis* priſcis *ſella curulis*, explicatur ἀγυλιόπυς θρόνος βασιλικός. *Altas* facit *Silius* l. 8.

Hæc altas eboris decoravit honore curules.

Itaque *Lucanus* lib. 5.

Lentulus è celſa ſublimis ſede profatur.

Non quod ſellæ ipſæ altiffimæ; ſed quod adjuncti plures gradus. *Cassiodorus* l. 6. *epiſt.* *Sellam curulem pro ſua magnitudine multis gradibus eniſus aſcendit.* Eboſe autem ex teſtæ: ideoque *Horatius* lib. 1. *epiſt.* circumſcripſit:

— dabit, eripietque curule

Cui volet importunus ebur.

Et *Athenæus* lib. 5. c. 4. de *Antiocho* rege, ſediſſe eum, ait, *eburnea ſede ritu Romanorum*: ſignificans curulem. Nec aliter Græci vertunt, quàm ἐλεφάντινον θρόνον, aut δίρεον. Quo exemplo etiam *Vopifcus* in *Aureliano* *Sellam eboratam* dixit. Cælaturum & ſculptum id fuiſſe, *Ovidius* oſtendit lib. 4. de *Pont. eleg. 9.*

*Signa quoque in sella nassæ formata curuli,
Et totum Numidæ sculptile dentis opus.*

Nec plures *Ædiles*, ad tempora C. Cæsaris: qui duos præterea adjecit, an. U. C. DCCX. quos è Patribus creari tantum voluit; & quia frumentariæ curæ præfecti, à Cerere *Cereales* dixit: Dio lib. 43. *sub finem*, & Pomponius lib. 2. ff. *De origine Juris*. Ita sex in universum *Ædiles*, triplici tamen discrimine: quos ad Constantini usque Magni tempora in Republica perseverasse crediderim, & ab eo (ut plerosque Magistratus) sublatos.

C A P. XIII.

De Officiis Ædilium.

AT munera *Ædilium*, quæ fuerint, pleraque omnia lege sua *Cicero* lib. 3. *De leg.* breviter expedit: *Suntoque Ædiles*, inquit, *curatores urbis, ludorumque solemnium*. Ait, *Curatores urbis*: sicut alibi, 5. *Verr.* dicere non veretur, *totam urbem iis tuendam commissam*; non male, quod ea fere omnia curabant, quæ ad ornatum aut ordinem urbis. Primo enim opera publica inspiciebant ac tuebantur; & templa Deorum. *Cicero* 5. *Verr.* *Varro* 4. de L. L. Secundo, incendiorum eis cura, & ne quod ab igne damnum. Quod munus tamen Augustus imposuisse iis primus videtur, ex *Dione* lib. 54. Tertio funerum taliumque minorum rituum institutio penes eos, & conservatio. *Ovidius* vi *Fastorum*:

*Adde quod Ædilis, pompa qui funeris irent,
Artifices tantum jusserat esse decem.*

Sed & matrimoniorum, quodque adnexum iis, scortationum, & meretricum coërcitio quædam & regimen: ut satis docui in Commentar. ii. ad Taciti Annales. Denique balnea, aquæ ductus, cloacas, plateas: & loca omnia *Urbis* curabant, ut pura ea & munda essent. De balneis *Seneca*, (ep. 13.) *Dii boni*, inquit, *quam jurabat illa balnea intrare, obscura & regali tectorio inducta, quæ sciret Catonem tibi Ædilem, aut Fabium Maximum, aut ex Corneliis aliquem manu sua temperasse!* Et alibi eleganter: *Invenies balnea, & popinas, & loca Ædilem metuentia*. Et de munditate *Plautus Stichus*, cui cum servus imperasset:

Cape illas scopas, tu hoc converre, &c.

Parasitus subjicit:

Sine suffragio populi Ædilitatem hic quidem gerit.

Et plura ad hanc rem distincte, & apte l. unica, ff. *De via publica*, ubi *Ædiles* *Papinianus* *asurimus* semper vertit: quod non aliud quam curatores urbis.

Sed addit secundo loco Cicero *Annonæ Curatores*. Verissime quia non rerum solum venalium ad eos cura & æstimatio spectabat, sed etiam pecudum hominumque. Apuleius *lib. 1. Ediles gerimus*, inquit, & *annonam curamus*. Plautus Rudente:

Ita solet Neptunus: quamvis fastidiosus Edilis est,

Si quæ improba sunt merces, jactat omnes.

Perfius Satyra 1.

Pregerit heminas Areti Edilis iniquas.

Immo *Jus* etiam his de rebus dicebant, ex Dione l. 111, initio. *Multas imponebant*, ex Papiniani L. unica. De vi publica. *Ediles concipiebant*, ex Plauto, Captivis.

Euge, edictiones adilitias hic quidem habes.

Omniaque, uno verbo, regebant & dirigebant, quæ ad venaliur forum. Unde Græci plerumque ἀγορεύουσιν eos recte verterunt. Agellium vide *lib. 4. c. 2.* & Jurisconsultos, titulo *toto de Edilitate edicto*.

Denique pro tertio munere Cicero addit, *curationem ludorum solennium*. Et caute, *solennium*: quia statos ludos tantum curassent videntur, & publice receptos; ut Florales, Circenses, Megalenses Romanos, &c. non autem privatos, funebres, aut votivos. Exemplum hujus curæ & muneris ubique prompta, & passim legas; *Ædiles suo sumptu edidisse ludos, præfuisse, ordinasse, præmia sive pœnas actoribus distribuisse; denique, scripta etiam examinasse, & fabulæ, quæ agendæ*. Donatum in vita Terentii vide. Nec scio an ab hac scenica inspectione manavit, ut *Jus* quoddam judicium quæ iis fuerit etiam in alios libros. Apparet ex Senatus decreto apud Tacitum iv. Annalium, quo jubentur *Ædiles cremare Cremutii Cordi scripta*.

C A P. XIV.

De Tribunorum Nomine, Origine, & ex quo ordine creati.

Quartus in ordine Magistratus *Tribunorum* est; quorum nomen vetus, & origini Urbis pene æquale. Nam *Tribuni Celerum*, id est, equitum, statim nati in regno Romuli, l. 2. ff. De orig. Jur. Varro *lib. 4. de L. L.* dictaque & ducta vox, sive à ternario numero, quia tres tantum tunc populi partes, & ex singulis crearentur, ad exercitum mittendi: sive à tribubus, quod earum suffragiis crearentur, vel quod iis præessent: quo sane exemplo à *Curibus Curiones* dicti. Utcunque de etymo sit, late fufum nomen: & vis ea fere subest, ut Curatorem fere significet, aut Præfectum. Itaque cum additione usurparunt: *Tribunus Celerum, Militum, Aerarii, Plebis*. Et posteriore ævo sub Principibus *Tribunus Voluptatum, Matrimo-*

Matrimoniorum, Chartariorum : quæ genera in Cassiodoro lego lib. 7. *Variar. epist.* 10. & 47. lib. 12. *epist.* 24. & *Tribunus Fori*, in lapidibus ; *Tribunus Scholarum*, in Codice Justiniano. At diversi hi nostri & digniores aliis : quorum origo a seditione. Cum enim plebs in nova libertate varie premi à Patribus videretur, anno Urbis cclx secessit in montem Sacrum : nec reduci in urbem potuit ; nisi ut proprium hunc Magistratum haberet juris sui vindicem & custodem. Creati autem initio duo : mox tres adjecti : denique A. Urb. ccxcvii iterum quinque additi, decemque in universum facti : qui numerus deinceps in Republica mansit, & quoniam primi Tribuni Magistratum ocepere IV Idus Decembris, hoc quoque obtinuit, ut Tribuni non Calendis Januariis inirent, sicut Magistratus cæteri, sed illo ipso die. Dionysius clare lib. 7. extremo. Et ab ea mente Appianus lib. 1. *Civil.* Adde Plutarchum *problemate* 81. Comititia Tribunorum refert in æstatem. Quia autem per plebem creati, hoc quoque mansit, ut tantum è plebe : nisi quod semel Patricios duos cooptatos reperio apud Livium l. 3. Immo plerumque ex infima plebe : donec lara lex, ut crearentur tantum è Senatu, id est, ut nemo Tribunus esse posset, nisi qui antea Senator : Senator tamen plebeius. Id quando institutum, diserte haud scio : immo vix ipsi veteres ; inter quos & Appianus ambigit l. 1. *bellorum civilium*, rectene id referatur ad Sullam. Nec constat, inquit, an *Tribunatum*, uti nunc est, à plebe ad *Senatum* transfugerit. Attelius tamen Capito apud Agellium lib. 14. cap. ult. ut ego quidem interpretor ad Atinium plebiscitum refert. Nam ait ; *Tribunis Senatum habendi jus erat, quanquam Senatores non essent, ante Atinium plebiscitum*, quasi dicat, Atinio plebiscito lectos è Senatu. Quanquam nec de tempore ejus plebisciti constat : nisi quod P. Atinium quendam Tribunum reperio, C. Julio Cæsare, & Marco Bibulo, Consulibus. Certe quidem libera adhuc Republica id in usu fuisse, docet aperte Suetonius in Augusto cap. 10. *In locum*, inquit, *Tribuni plebis demortui candidatum se ostendit ; quanquam Patricius, necdum Senator.* Itaque non jus petendi Tribunatus, nisi Senatorum. Plinium lib. 2. *epist.* 9. ita exaudio : *Ego*, inquit, *Sexto latum clavum à Cæsare nostro, ego Quæsturam impetravi : meo suffragio pervenit ad jus Tribunatus petendi.* Et Suetonius idem, ut novum, notat in Augusto, cap. 40. quod comitiis tribunitiis, si deessent candidati Senatores, ex Equitibus crearetur.

CAP. XV.

De Officio & potestate Tribunorum.

HÆC origo Tribunorum, hæc creatio, eaque ratione Romæ Consulibus oppositi, qua Lacedæmone Regibus Ephori. *Valer. lib. 4. c. 5. Cicer. lib. 3. de Legib. Plutarchus in Coriolano.* Itaque munus eorum initio unum & simplex, *auxilii latio.* Creati enim contra vim potentiamque Magistratuum; scutum duntaxat impediendi & defendendi habebant, non agendi aut lædendi telum; oppressos juvabant, eripiebant; iniqua decreta aut iussa, sive Senatus, sive Magistratuum rescindebant: eoque fine (ut Plutarchus notat *Proble. 81.*) januæ eorum nocte dieque patebant: ut paratos sese ostenderent, ad desideria & querelas miserorum excipiendas. Sed nec ullam horam abesse ab urbe legitime poterant; ut Dio ait, *l. 37.* sive nullum diem; ut Agellius *l. 3. c. 2.* vel, ut magis arcte Appianus, *l. 2. Civil.* mœnia egredi iis non licebat; hac eadem scilicet causa. Ad auxilium autem ferendum parata intercessio; quæ peragi solita uno & solenni verbo, **VETO**, Livius *lib. 6. Faxo*, inquit, *ne jure vox ista, VETO; quæ nunc concinente, collegas nostros tam leti auditis.* Cujus intercessionis tanta vis; ut privati Magistratusque omnes parerent: qui non fecisset, vel per viatorem Tribunitium in carcerem abriperetur, vel die dicta apud populum accusaretur, ut violator sacrosanctæ potestatis. Tales enim ipsi. Eaque de re Leges veteres apud Dionysium *lib. 6. in fine; & lib. 7. circa medium;* & Livium. Quin Cicero *pro Sextio* hoc amplius notat: eam esse sanctitatem Tribunatus, ut non modo contra vim & ferrum, sed etiam contra verba & interfectionem, legibus sacratissint armati. Ea autem intercessio valida etiam inter Tribunos ipsos; adeo ut, uno ex collegio vetante, irritæ sint reliquorum omnium actiones. *Plutarch. in Catone Min.* Atque hoc est, quod extremum jus Tribunorum Cæsar appellat, i *Commentario De bellis civilibus*: & quod etiam à L. Sulla iis relictum faretur. Itaque agere, imperare, decernere, remotum à primis Tribunis: apud Tacit. i *Annal.* Tiberius convocat Senatum jure Tribunitio: donec paulatim fiducia sancti juris progressi ulterius sunt, & limites protulerunt sui magistratus. Qui olim in senatum non veniebant, sed ante valvas curiæ positissubsellis sedebant; Valerius auctor *lib. 2. cap. 2.* ii mox Senatum convocare ausi, quod cœpisse primum anno Urbis cxcvii, Dionysius curiose notat *lib. 10.* Immo dimittere etiam ab alio convocatum: quod Appianus *lib. 2. Civil.* monet de Curione. *Senatum*, inquit, *re infecta dimisit. Potest enim hoc Tribunus plebis facere.* Denique concionem advocare, tabernas claudi jubere, leges & rogationes ferre, judicia quædam exercere; in

in immensum scilicet aucta potestate, postquam lege Hortensia plebis scita omnem populum tenuere. *Varro lib. 5. de L. L. Livius 9. Cic. 1. Agrar.* Itaque qui frenum aliis injecerunt, freno ipsi eguere, & cum per hanc immoderatam licentiam materies crebra turbarum & seditionum esset; Sulla Dictator potestatem Tribunitiæ valde circumcidit, immo pene excidit. Vetuit enim, ne leges ferrent, ne concionarentur, ne provocaretur ad eos; solumque & nudum jus intercedendi reliquit. Hoc amplius, ut absterret homines ab eo magistratu capessendo, sanxit, ut ne cui Tribuno aditus pateret ad alium magistratum. Quam tamen postremam legem eo mortuo, Aurelius Cotta Consul, *Ascon. pro Cotta*, statim abrogavit; sicut reliqua omnia Pompeius Magnus in primo consulatu. Itaque Tribunis iterum permixtum jus vetus ad Impp. usque; qui, Tribunitia potestate sibi sumpta, insignia penes eos reliquerunt, & pene inane nomen. Quod tamen in Imperio Romano ad Constantini usque tempora mansit.

C A P. XVI.

De Quæstoribus. Unde dicti. Quando & quammulti facti. Denique Jus eorum, ac Munus.

Quæstores ordine primi, dignitate ultimi inter Magistratus. Iis non ambigue à *quærendo* nomen; quod pecunias publicas conquirebant & reponebant, *Varro 4. de L. L. ideo & τραπεζίται* Græce dicti. Origo eorum vetustissima inter Magistratus; ut Pomponius *l. 2. De orig. Jur.* & Tacitus volunt *lib. 2. Annal.* quippe qui instituti sub ipsis Regibus. Sed an hoc eodem munere, an potius *de crimine quærendi* causa, ambigo. Verius censeo, Quæstores istos pecuniarios libera Republica creatos; cum, aucto videlicet populi ærario, opus fuit, qui ei præessent. Id accidit an. Urbis CCLXIX. si Dionysio *l. 8.* & Livio *l. 3.* fides: à quibus tamen paulo diversus Plutarchus in *Publicola*, qui refert ad annos primos partæ libertatis. Tacitus sane Consulibus primis etiam Quæstores attribuit: sed ita, ut ipsi eos eligerent donec, inquit, *eum quoque honorem populus manderet: quod factum anno xxiii post Reges ejectos*, (ita enim in eo scribendum; non xiii.) Fuere autem initio duo tantum Quæstores, qui urbanam pecuniam omnem tractarent, & ærario præessent, quod in æde Saturni: iique *Urbani* dicti. Postea, cum aliis etiam opus videretur, qui peregre pecuniam militarem administrarent, prædam venderent: duo iterum creati, qui Consulibus ad ministeria belli præsto essent: ut Livius ait *l. 4.* Id accidit anno Urb. ccxxxii. Atque is numerus diu mansit: donec stipendiaria tota Italia duplicatus is est, factique octo, ad tractanda etiam provincia-

rum vectigalia, in quas cum Proconsulibus aut Proprætoribus forte mittebantur. Quod evenisse argento primum signato, id est, circa annum Urb. ccccxxxix. observo ex Epitome Liviana 15. Ac mox lege Sullæ, xx creati, ad Senatum supplendum; ut Tacitus *lib. 1. Annal.* suggerit. Nec ablimili fine xi à Cæsare; ut Dio *lib. 43.* Hæc institutio, augmentum. Nec obscura admodum eorum munera; è quibus præcipuum pecuniæ acceptio, & expensio; *Liv. lib. 4. & 7.* item signorum militarium (ex argento & auro; non enim velis utebantur) in ærario observatio: prædæ venditio, & subhastatio; *Dionys. l. 4. & P. Faber, l. 2. Semestr. legatorum exceptio, deductio, hospitii assignatio. Plutarch. quæst. 43. Valer. l. 3. c. 1. & apud Livium aliquot locis, certæ etiam per Italiam Præfecturæ, ut Ostiensis, & Cales; de quibus Tacitus *iv Annal.* & ibi nos; & Suetonius in *Claudio, cap. 22.* Sed & decreto Augusti, Senatusconsulta iis adservanda tradita, quæ antea penes Ædiles & Tribunos: Dio *notat lib. 54. extremo.* Fuit etiam sub Imp. veluti proprius eorum Quæstor, qui *Candidatus Principis* appellatus, vel *Quæstor Principis*, sive *Augusti*: cujus munus expressum ab Ulpiano, in *l. unica, ff. De Officio Quæstoris.* De quo satis multa Brisssonius, *l. 1. Selectarum antiquitat. c. 16.* Sueton. *Tito, cap. 5. Neron. 15. & Augusto, c. 56. Vell. Paterculus, l. 2.* Ab hoc origo *Quæstoris Palatii*, qui sub Constantino cœpit: quæ deinceps magna dignitas; cui ne datum leges & decreta condere, petitionibus subscribere, responsa reddere: & omnino Juris quidam & legum custos ac præses fuit: quod nomen hodie in *Cancellarium* mutatum vere diximus. De hoc Zolimus *l. 5. de Sallio* quodam, cujus erat officium (inquit) dictare, quæ Principi viderentur. Quæstorem a Constantini temporibus appellant. Meminit & Procopius *De bello Persico*; Symmachus *elegantè lib. 1. Epist. 17. & lib. 4. Epist. 50.* Cassiodorus *Epist. 6. lib. 10. & optime lib. 5. Epist. 4.**

CAP. XVII.

De Dictatore. Unde illi nomen: origo & causa eligendi: item modus: denique vis ejus & potestas.

Ordinarios & perpetuos in Republica Romana Magistratus breviter explicavi: Superfunt *intermissi & extraordinarii.* Inter quos jure primum locum dem illi, qui Magistratuum omnium primus, *Dictatori*: cui nomen, sive quod diceretur à Consule, ait Varro *4. de L. L.* cujus dicto omnes audientes essent: sive potius à dictando: quia crebro diceret ediceretque, quæ essent ex usu: quæ Dionysii mens *l. 5. est*, & Suidæ vertentis *εισηγμενών* ἢ *λυσινανών*, id est, *auctorem rerum utilium*, Dictus alio nomine *Magister populi*

populi (Seneca *epist.* 109. Cic. 3. *de Fin.* Festus in *Optima lex*.) Itemque *Prator Maximus*, quæ voces præstantium scilicet imperii præferunt & dignitatis. Cæterum & res & nomen Dictatoris sumpta ab Albanis, consanguineo populo: quod cum apud Dionysium Licinius Macer affirmat: tum suadet etiam Livius, *l. 7.* qui jam inde sub Rege Tullio Dictatorem Albanum Metium Suffetium agnoscit, & Spartianus ordinarium veteris Latii magistratum fuisse ostendit, in Hadriano. *Per Latinam*, inquit, *oppida Dictator & Duumvir fuit.* Ipse tamen Dionysius à Græcis esse exemplum mavult, apud quos non dissimili in re *Δικτατωρ*. Origo ejus & prima institutio controversa: quoniam Dionysius, fidus certe & cautus scriptor, refert in Annum Urb. cclv. At Livius & plerique ex Latinis, biennio prius (videlicet ccliii) eum creatum volunt; nono scilicet anno post Reges exactos. Etii Livius in affirmando titubat; & obscuram ambiguanque rem non negat. (Livius T. Largium Dictatorem primum creatum fuisse putat: *lib. 2.*) Causa prima eligendi, seditio fuit, & metus ab hoste. Cum enim sperni viderent Consulare nomen, cui per provocationem adempta præcipua vis; decursum ad hoc singulare imperium, ut essent, qui rigida & regia potestate plebem sive hostes coercerent. Major enim & concordior vis in unius imperio, quem collega nemo aut improbe turbat, aut imperite tardat. Atque hæ præcipue sane deinceps creandi causæ: seditio, inquam, aut bellum gravius, nec alias Cicero commemorat *lib. 3. de Legib.* nisi quod paulatim creatus etiam causis pluribus; quæ in Factis passim expressæ, ut Clavi figendi causa; Comitiorum habendorum; Ludorum faciendorum; Quæstionis exercendæ; Senatus legendi: denique quotiens brevi aliquo & extraordinario imperio opus esset. Sed priores illi serii verique Dictatores, fere cum hoc titulo leguntur: REI GERUNDÆ CAUSA; quod ad bellum spectat: vel, REIP. GERENDÆ CAUSA: sive etiam: SEDITIONIS SEDANDÆ CAUSA: quod ad turbas. Eligi porro solet alia quadam via & modo, quam cæteri omnes Magistratus. Non enim suffragiis populi, sed senatu jubente, à Consule dicebatur, qui noctu auspicato aliquem è Consularibus, quem sibi cumque visum esset nominabat. Quod noctu, Livius aliquotiens docet, & clare *lib. 4. Noctis deinde silentio, ut mos est, L. Papyrium Dictatorem dixit.* Quod auspicato, Cicero 3. *de Leg. Isque avi sinistra dictus Magister populi esto.* Idemque Livius indicat *lib. 8. Quod è Consularibus tantum*, idem Livius *lib. 2. Consularem*, inquit, *legere: ita lex jubebat de Dictatore creando lata.* Et prudenter profecto, quod unius hoc regimen creatum ab uno. Cum enim subito celerique remedio opus esset, quæ ratio fuisset, suffragia expectare & campum? Immo cum sæpe contra ipsam plebem, quomodo eligerentur à plebe? Quamquam varium interdum in hac re non nego, sive per absentiam Consulium; sive per licentiam eorum, qui Dictaturas invasere. Potestas

Potestas autem hujus Magistratus ampla, vel potius eximia. De pace enim belloque agere, exercitus scribere, educere, dimittere, omniaque negotia gerere libere & pro arbitrio poterat; adeo ut nihil horum vel ad Senatum referret. Notant Dionysius *lib. 5.* & Polybius 3. Itaque non solum jus omne duorum Consulum translatum in unum. *Cic. 3. De leg.* (qua de causa etiam *διούτατος*, quasi *duplicem Consulem*, Græci eum dicunt.) Sed hoc amplius: creato eo, cæteri omnes Magistratus abdicabant: Tribunis tantum exceptis: relinquebaturque velut frenum Reipub. in manu unius. *Plutarch. Fabio, item Quæst. 81. Polyb. lib. 3.* Quin bona illi civitatemque adimere jus; animadvertere in vitam & caput civium, idque sine ulla provocatione. *Dionys. lib. 8.* Ad quod singulare jus exprimendum, XXIV fasces illi præferebantur, & totidem secures, etiam in Urbe: ut nihil mirer, terroribus tantis propositis, à Livio *lib. VIII* scriptum, *Edictum Dictatoris pro numine semper observatum.* De provocatione tamen, non perpetuum fuisse, suadere videtur apud Festum OPTIMA LEX, & quod apud Livium *cap. 1.* existat illustre exemplum provocationis: etsi abrogatam expressè nusquam legerim: & videam, Sullam posterioresque Dictatores summo eo jure usos.

Sed hæc tamen tanta vis merito terminis quibusdam circumscripta, ne exorbitaret. Primum enim, semestri duntaxat illud imperium esse voluerunt; ne in tyrannidem spatio aut consuetudine iret. Et quod quibusdam prorogatum in annum reperitur, ob necessitatem Reipublicæ factum scito, & præter morem: ut in Camillo, L. Papyrio, Fabio Maximo. Nam Sulla, & postea Cæsar, qui Dictaturam perpetuam invasere, leges & instituta Reipublicæ palam sprevèrè. Secundo, locis etiam inclusa; nec permissum Dictatori, cum imperio extra Italiam ire: scilicet, ne procul ab oculis civium & Senatus res facilius innovaret. Dio clare notat *l. 36.* Idque semel duntaxat veteri Republica violatum in Attilio Collatino, qui primus Dictator exercitum extra Italiam duxit, observat Livii Epitome XIX. Tertio equum ascendere ei vetitum, nisi ad bellum ituro; sive, (*Plutarch. Fab.*) ut ostenderetur vis præcipua Romana in pedite: sive potius, ad arrogantiam minuendam, & ut hac parte cum plebe æquaretur. Atque his cautionibus, & modestia generantium factum, ut per annos cccc quietissime, & optimo publico, Magistratus is gereretur: donec L. Sulla, & C. Cæsar in tyrannidem eum verterunt, & nomen id exosum fecere Romanis: adeo, ut post necem Cæsaris lata lex sit, qua Dictatura à Republica in æternum sublata. *Cicero in Philipp. Dio 44. & Appianus 3. Civilian.*

Hæc de Dictatore: cui velut adjutor & administer *Magister Equitum* fuit: quem ipse Dictator sibi libere eligebat; modo is tamen è Consularibus, aut Prætoribus esset. Sane Dio, ut insolens, notat, quod

quod Cæsar Magistrum equitum Antonium elegisset, qui Prætor nondum fuisset. (*Dio lib. 42.*) Itaque is loco & munere fere Prætoris fuit, ut è Cicerone colligimus 3. *de Leg.* habuitque eadem insignia; Prætextam, videlicet, Curulem, & vi lictores. *Dio lib. 42.*
 & 43.

C A P. XVIII.

Census. Quando institutus. Itemque Censores, cur ita dicti. Tempus ejus Magistratus: insignia, dignitas, & munus.

Censum, rem saluberrimam populo Romano, primus instituit Servius Tullius, sextus inter Reges; nec Magistratum aliquem huic rei proprium adhibuit, sed exercuit ipse. Itaque Regium id munus habitum, iisque pulsis, Consulare: donec, crescente paulatim imperio, Consules non fuere tot ferendis oneribus pares. Itaque cum intermissa diu *Censio* esset, (per XVII annos, inquit Dionysius) causa exorta desiderandi novi magistratus, & Senatu imprimis adnidente, creati *Censores*. Anno Urb. CCCXI. Quibus id nomen ab ipsa re darum: sive, quod ad eorum censionem, id est, arbitrium, populus censeretur, ait Varro, *lib. 4. de L. L.* sive, quod quisque tanti rem suam æstimeret, quanti illi censuissent, ait Festus in voce *Censores*. Et sane ab censendis æstimandisque facultatibus primo dictos, verissimum est: quoniam potissima hæc creandi causa; & paulatim adjuncta cura morum. Itaque Græci etiam à taxatione verterunt *μυνηταις*. Duo autem initio creati: totidem scilicet, quot Consules, quorum vicem etiam hac parte sustinebant. Et creati in annos quinque: nimirum, quia lustris duntaxat singulis censeri populum verus institutum fuit. Sed tamen paulo post, cum dignitas & vis huic Magistratui crevisset, & nimis diuturnum id imperium videretur, lege Æmilia cautum (tulit eam Mamercus Æmilius Dictator, an. Urb. CCCXX.) ne plus quam annua & semestris Censura esset: quod in posterum obtinuit: & creati quidem singulis quinquenniis; at non in quinque annos.

Amplius hæc tria fere servata in creatione eorum reperio. I. Ut è Consularibus essent; quod post bellum Punicum secundum semper obtinuit; ante, aliter interdum. II. Ut ne bis crearentur: quia onerosa populo futura videbatur iterata eorum potestas. III. Ut sine suffectione, id est, ut mortuo uno è Censoribus, neminem alium subrogari mos esset; immo illum ipsum statim abire magistratu, qui supereffet; Livius clare notat *lib. 5. & 9.* & Plutarchus *prob. 50.* apud quos & causa.

Dignitas hæc magna: nec vi quidem, sed honore tamen supra Consules ipsos: quorum omnia etiam insignia habebant præter lictores,
 Munera

Munera eorum varia : sed trahi ad duo capita possunt, æstimationem facultatum & morum. Ex illa est, quod publicas privatasque omnium opes describerent : populum juxta eas in centurias & classes distribuerent : ubertim nobis in Livio explicatum (publicis, puta, prælectionibus.) Item quod vectigalia locabant, *Cic. 3. de Leg. Liv. 39. & 43. Plutarch. in Cat. Majore* ; & iis per Provincias leges dabant, quæ *Censoriæ* appellatæ : *Cic. lib. 1. ad Attic. ep. 1. & Jurisconsulti* ; opera publica erigebant, inspiciebant, probabant, hæc facta testæ exigebant : (*Festus in v. PRODUIT. Liv. 42. & 45. Symmach. l. 1. ep. 6.*) vias publicas tuebantur, & reficiebant ; quam curam in Urbe semper habuere ; extra Urbem paulo serius sumpserunt, (auctor Livius in *Epitoma lib. 41. in extremo*,) pretia denique sacrificiorum publicorum curabant ; Plutarcho notatum in *Catone*. Ad morum vero æstimationem spectat, quod Senatu ejicere, equum adimere, tribu movere, ærarios facere potuerunt. Hæ enim fere animadversiones Censorum, & ignominia, quas inurebant. *Senatu ejicere* non aliud erat, quam initio Censuræ, cum Senatum legerent, nomen illius aut illius Senatoris in recitando præterire : quo velut tacito indicio censebantur loco moti, nec nomen eorum ultra in albo Senatorum. *Festus in PRÆTERITI. Liv. l. 34. Equi ademptio* ad alterum ordinem spectat, nempe ad Equites : quos (*Festus in CENSIO. Plutar. in Pomp. Agellius lib. 4. Revardus lib. 2. Variar. cap. 15.*) in publica recensione moris erat ad Censorum sellas venire, equum manu ducentes : quos si probarent, *PRÆTERIRE* & traducere equum, solenni verbo jubebant ; sin aliter, (*Valer. lib. 4. cap. 1. Liv. lib. 29. Ovid. 2. Trist. eleg. 1.*) equum adimebant, vendi jubebant. Tertia & quarta nota proprie ad plebeios pertinebat : quos aut tribu movebant, (id est, Livio interprete *l. 45.* mutare jubebant tribum, & ex honesta rusticaque in minus honestam sive urbanam transferebant :) aut ærarios relinquebant, id est, suffragii ferendi potestate privabant ; at hoc tantum in numero civium, ut æra tributi nomine penderent. *Acon. Pedian. in Divin. Cic.* Id appellabant in Cæritum tabulas referre. Causam in Agelio vide *lib. 16. cap. 13. Strab. lib. 5. Horat. lib. 2. epist. 6.* Adimebant ergo Censores quod cuique ordini summum est : Senatui curiam : Equiti publicum equum ; Plebi tribum aut suffragium. Quod discrimen tamen ita capiendum, ut sciamus, interdum Senatorem aut Equitem gravius peccantem, plerisque his notis simul affectum : ita, inquam ut non præteriti solum, aut equi adempti sint ; sed tribu etiam moti, & ærarii facti. Exempla in *Valerio lib. 2. cap. 3. & Livio* : Apud quem turpis macula eluenda, & ærarius legendum, non operarius, distinctione etiam mutata, (*lib. 4. de Mamercio Emil. & 44.*) His animadversionibus causæ semper subscriptæ : excipio præteritionem Senatorum ; cui rationem adscribi, haud veteris instituti fuisse, Livius

Livius ostendit, *lib. 39.* Administrata hæc omnia in villa publica ; in campo Martio : iisque ordine expletis, lustrum à Censoribus conditum, vota pro salute publica concipi, & sacrificium Suovetaurilium fieri. Mansitque integra hæc Censuræ vis (firmum rei Romanæ vinculum) ad P. Clodii Tribunatum : qui imminuit vetitum, aut in legendo Senatu quemquam præteriri, aut ex aliis ordinibus ignominia addici ; nisi qui legitime accusatus, & damnatus. *Dio lib. 48. Cic. in Pison. & ibi Ascon. Pædian.* Sed eam ipsam Clodii legem sustulit paulo post (An. Urb. DCCII.) Metellus Scipio Consul. veteri iterum & libera potestate Censoribus permessa. Quæ tamen sub Principibus iterum minuta, immo mortua : nisi quod longo intervallo revixisse in Decio videtur : de quo apud Polionem in Valeriano ; ubi & officia Censuræ distincte descripta : quæ utiliter legas. Conatus quoque eandem restituere Theodosius, sive Arcadius : sed à Senatu repudiata est, Symmacho adnitere & suadente, ut ipse fatetur, *lib. 4. Epist. 29. & 45. lib. 7. Epist. 9.*

C A P. XIX.

De interrege.

Vetus hic Magistratus ; creatusque proprie comitiorum causa. Origo illi à morte Romuli. Et quia creatus per inter-regnum, mediisque inter duos Reges ; dictus *Interrex* : Græcis *μετασπλῆς*. Ejus creatio è Patribus tantum. Tempus quinquennale. Munus idem quod Consul. Plura pete ab *Onuphrio, lib. 1. Fastorum.*

D E

MILITIA ROMANA.

MILITIAM Romanam cognoscere duplicis est fructus : Certi, & Incerti. *Certi* quidem, quod vera ea fax ad Historias, quarum vix alia materies, quàm bella & pugna. *Incerti*, quod & Duces hodierni aliquid ex iis fortasse haurient, ad suum & præsentem usum.

MILITIA EST MULTITUDO APTA ET COMPOSITA IN ARMIS, AD VIM FACIENDAM AUT ARCENDAM, SUB CERTA LEGE.

Partes ejus sunt *Quinque*.

I. DILECTUS.
II. ORDO.
III. ARMA.

IV. ACIES.
V. DISCIPLINA.

Quas singulas ordine, & totidem libris comprehendimus, perspicua brevitate.

LIBER I.

DE DILECTU.

DILECTUS Græcis est, καταλογία, κατάλογος, & καταγραφή. Unde κατάλογον ποιῆσαι, καταγραφῶν ποιῆσαι. *Legere militem, scribere militem*, quia sic lecti in tabulas & codices referebantur, ut memoria nominum & stipendiorum publice extraret. Vox etiam alia huic rei ævo sequenti, *Adnumium*, vel *Adnumius*: quod non tam in dilectu, quàm in recensu & adnumeratione militum, sub tempus stipendii aut largitionis, locum habet. Ad hanc ipsam rem, *Pittacia*; *Breves Larverculum*, *Matriculam*, reperies. Sicut autem scribebantur jam milites: ita debebantur non milites & rejecti. Solebant & mortuos ibi notare, & Theta suum adfigere.

In Dilectu tria spectanda. 1. QUI ELEGERINT.
2. QUOS. 3. QUOMODO.

1. Qui elegerint.

Designatis Consulibus; quod fiebat principio cujusque anni, Tribuni militum constituiebantur, quorum duo genera, Juniores & Seniores: *Juniores* sunt Equites, quibus hoc datum, ut prius citiusque Tribuni fierent, quàm plebei; post quina scilicet stipendia. *Seniores*, plebei, qui post dena stipendia Tribuni facti. Oportebat enim equitem dena stipendia implere, peditem vicena. Vicesimo militiæ anno dimissi, *Veterani* dicebantur; nam post vicena stipendia, honestam, vel causariam missionem consecuti, ita vocabantur. Erant autem Tribuni juniores, sive ex equite 14; ex plebe 10: quia plures habere voluerunt honestiores.

2. Quos

2. Quos legerint.

Dilectus duplex: CIVIUM, & SOCIORUM: Cives vel *pedites*, vel *Equites*.

DILECTUS PEDITUM.

Prima nota peditum legendorum ex Civibus erat *Ætas*: ab anno 17 initium militiæ, finis 50 erat. Militabant ergo ab anno 17, usque ad 46. Et quisque his 30 annis necessario implere cogebatur vicena stipendia. Ab honoribus & magistratu urbano exclusi, quia sua stipendia non fecissent. Hinc qui continuo militabat, implebat ea 37 anno; sed poterat: non debebat. Si quis vero, morbo vel casu impeditus, non impleffet 46 anno stipendia, non liber erat à militia, sed adhuc cogi poterat usque ad annum 50. qui plene liberabat, sive facta, sive infecta stipendia.

Altera nota legendorum erat *Census*: non enim viliores quodam in militiam legebant, nec erat hoc inopiæ asylum; sed divites, honestos, & quos res privata rei quoque publicæ alligaret. Pauperes non nisi in necessitate aut tumultu lecti: sicut & servi; sed fere per civilia bella, cum Virtus & Honos jus suum ægre servant, paulatim tamen eo ventum, ut Proletarii, & Capitecenti in militiam vulgo scriberentur: item Libertini, & Liberti. Quin etiam pastores ferociores in equites adsumptos legimus. In militia navali viliores legebantur, & fere libertini; quia talis militia semper habita vilior. An quia periculorum ibi plus, & metus etiam ignavæ mortis? An quia parum loci virtuti & robori militari? ars & navæ pleraque administrant. An quia paulatim animos quoque dehonestat & corrumpit?

3. Quomodo elegerint.

MODUS Dilectus talis. Consules positis sellis curulibus, specie magistratus sedebant, præcipua dilectuum ipsi obeuntes, & summæ rei præsidentes: Tribuni administrabant, & exsequebantur per partes. Diem publice prodicebant Consules; vel præconis voce, cum aliquid subitum, & scriptum videbatur tardum: vel scripto, cum res fuit ordinaria. Livius *Editum* vocat. Sub ipsum vero conventus diem, signum ex arce tollebant, servabantque, donec is solutus.

Ipse dilectus fiebat in Capitolio, sive in ejus area, ut & alia, quæ ad bellum, illic agitata, in loco certe augusto & sacro, ut ante oculos religio & Jupiter obnoxios magis, fractionesque redderet ad parendum: sæpe enim hic controversiæ & turbæ. In campo dilectum

lectum habitum, tanquam novum notat Dionysius; sed eo factum, quo tribunitiæ intercessionibus vitarentur, quibus ibi non erat locus.

Eligebantur ex tribubus & classibus, ducta sorte: vel ut æmulatio tolleretur, ne hæc illi post habita videretur: vel querela, ne ista, aut alia onerari, si forte dilectus non iret per omnes. Prædidentibus Consulibus, sedentibus Tribunis, militibus sejunctis & compositis, tribus vocata in centurias suas ivit, omisissis tamen senioribus, quos advocari in supervacuum nihil opus. Ex singulis tum centuriis, & pro censu, ac classe, milites citati nominatim. Itaque tabulæ ad manum, in quibus nomina, ætates, & opes scripta. Aliquando etiam sorte capti, raro tamen, nec nisi in re tumultus. In hac autem citatione servatum per religionem, ut primus miles boni nominis esset: captabant enim ex hoc omen; ut, *Valerius, Salvius, Statorius*, & similia. Dilectus hic etiam commodus & ingeniosus, non tamen semper & in omni bello observatus: Nam hoste vicino, aut repentino aliquo periculo imminente, mittebant tribus, centurias, sortes & militem confuse ac raptim capiebant. Id genus *Subitarios* vocabant. Atque istos solebant scribere in tumultu, ita ut sine discrimine aut excusatione sæpe cogerentur juvenes senesque: ideoque fors adhibita, non electio, quia res festina.

Qui nominatim citantur, interdum fuerunt Volentes, Proni, & Spontanei; interdum Refractarii. *Proni* in militiam fuerunt, cum aut Dux gratosus, aut bellum aliquod in spe lucri. *Refractarii*, qui detrectabant, & se subtrahebant: Illi respondere ad nomen, & accedere ad dilectum; Hi non respondere dicebantur: Illi non solum voce & responso, sed corpore & progressu se listebant Tribunis; Hi tilebant, & se subtrahebant.

Refractariorum poena varia. Primo *Vincula*; itaque Consules prehendi eos jubebant, & in carcerem duci. Interdum *Virgæ* adhibitæ in contumaces, sed non nisi à Consulibus immodice severis. Nonnunquam damno affecti, & eorum *Bona direpta* & vendita. Imo vero interdum extrema poena affecti, & morte civili, id est, *Venundati in servitutem. Infamia notati* etiam, & ignominio facti, Refractarii. Has autem poenas sæpe Tribuni tardabant, aut tollebant: illi enim intercedebant, & de causis etiam cognoscebant, quamquam hæc cognitio erat proprie consularis. Itaque hac arte sæpe impediabant dilectus, cum aliquid Patribus vellent expressum. Hæc tamen Tribunorum licentia coercita interdum, præeunte Patrum decreto.

• Causæ justæ ad detrectandam militiam tres. Prima *Vacatio*. Atque ea triplex. *Ab Ætate*, cum supra 50 annum aliquis erat, is, siue implevit sua stipendia, siue non implevit, vacabat. Vel *ab Honore*; ut si quis in magistratu, vel sacerdos, nec enim aut illi à rep. aut isti abducti à sacris. Vel à *Beneficio*, ut si cui Senatus, Populusque indulgisset. Factum id sæpe pro meritis, alias in annos, alias

alias in ævum. Secunda causa *Emeritum* : qui enim 20 stipendia complevit, tuto nomen non dare poterat. Tertia *Morbis aut Vitium* ; nam & manci, & debiles, non habiles judicati ad militiam, & nominatim ii, quibus pollices aut digiti non essent, etiam in sinistra manu ; quia ea manus inepta tunc ad scutum tenendum, sicut dextra ad gladium. Quia vero nonnunquam fraudes interveniebant, ideo non statim accepta quæcunque causa, sed discussa ; sæpe, & plurimum ante bellum, interdum post illud. Interdum non solum dilatae, sed & sublatae causæ : hoc, in magno tumultu, & cum publicum discrimen : atque etiam alias in metu id factum, & causæ pro non causis. Sicque etiam ex *Causariis*, id est, quibus morbus, aut talis causa ; & ex senioribus lecti milites. Hinc *Causaria missio* dicitur.

DILECTUS EQUITUM.

Dilectus Equitum facilis fuit, quia ex uno corpore. Nam Censores jam ante equites à reliquis separabant, & in tabulis habebant hoc genus. Separabant ab opibus, quicunque enim quadraginta habebant, & vita non improbatur, in equites referebant.

Equitum corpus duplex : alii equo publico, alii sine eo. Illi vetustissimi, ac proprie, ac soli olim Equites dicti, ab ipsa re, quia iis militares sive publici equi. Hinc *Equitare*, equo publico merere. Quibus vero publicus equus non esset, poterant etiam inter pedites merere. Illi vero accipiebant è publico pecuniam ad emendum equum, & ad alendum. Illam semel, hanc annuam. Ad emendum, dena millia, id est, Philippicos circiter 100. Ad alendum, bina millia, id est, Philippicos 20. Satis grandis utraque summa ; sed cogitandum, quod huic militiæ onera plura adjuncta, calones, alii equi aut muli ad farcinas, tentoria, & cibatum ferendum.

Non tamen temere, aut omnes ad equum publicum rescripti, sed cum dilectu & examine morum. Itaque non Consul aut Imperator, sed Censor olim equum publicum iis assignabat, iudex, scilicet morum. Atque ille ipse, cum jam haberent, recognoscebat, & si quid vitii in iis, adimebat. Postea id muneris Principes usurparunt. Ad hoc examen faciebat ipsa *Transvectio*, propria istorum Equitum pompa ; quæ & *Probatio* dicta Valerio Max. quia in ea examen & discussio vitæ. Ii per centurias & turmas divisi, ordine equis indidentes vehuntur omnes, quasi è pugna venientes, ramis oleæ coronati, purpureas palmatas togas induti, quas *Trabeas* dicunt. Incipiunt autem ab æde Martis sita extra Urbem, (Plinius ab æde Honoris deducit, quæ & ipsa extra portam Collinam) transeuntesque tum alia loca Urbis, tum Forum, & Castorum ædem, prætereunt, interdum ad 5000 virorum, gerentes præmia & dona militaria quæcunque à Ducibus in bello acceperint. Egregium sane, dignumque magnitudine Imperii spectaculum. Ovidius verbo *Præterire* utitur

ad hanc rem. In hac ipsa Transvectione sæpe accusati, citati, imò ignominiose detracti; quod tamen Augustus fieri ultra interdixit. Quod si sine culpa erant, abibant, & equum traducebant: si aliter, sistebant, & jubebantur vendere equum. Solenne in utraque re utrumque verbum: *Traducere & Vendere equum*. Confectis stipendiis restituebant, & ad Censorem reducebant equum.

Sacramentum militiae.

Finita jam conscriptione, Tribuni suæ cujusque legionis milites congregantes, & unum ex omnibus maxime idoneum eligentes, sacramento adigunt: is singula juramenti verba concepit, & præiit, alii deinde secuti hoc saltem dicebant. *Jurare se eodem*. Et hoc appellabant *Præjurationes facere*, cum ille præiret, & conceptis verbis ante alios juraret, alii secuti, in eadem verba jurantes, dicebant tantum, *Idem in me*. Jurabant autem viritum ut plurimum; an semper? dubium. Et jurabant, se Consules, ad quæcunque bella vocaverint, secuturos, neque signa deserturos, neque adversum Populum aliquid facturos; item conventuros se jussu Consulium, neque injussu abituros. Atque hoc juramentum erat statim à conscriptione; aliud autem præstabant, jam milites & educendi, imò in ipsis jam castris: illud ad ipsam militiam, istud ad disciplinam pertinuit.

DILECTUS SOCIORUM.

Sociorum dilectus fiebat in Italia, cum sub hoc ipsum novorum Consulium tempus, magistratibus sociarum civitatum denunciabant Consules, ut milites darent, & significabant iis numerum, diem, locum, in quem convenire deberent, quos legerent.

Socii appellabantur, quasi confœderati & consortes armorum. Erat autem discrimen inter Socios, & Auxilia. Socii, semper Italici: Auxiliares, externi. Illi semper gratis militarunt, id est, sine impendio Romanorum, si frumentum excipias: Hi mercenarii, & quamquam sæpe à Regibus missi suo pte sumptu, tamen & pecunia etiam scripti. Socii autem proprie dicti, post Italianam civitatem donatam defecerunt, & eorum vice Auxilia fuerunt, quæ ex variis gentibus lecta. Isti autem omnes è provincialibus: nam certis quibusdam bellicosisque populis non aliud loco tributum, quàm militiam & viros imperabant: alii diffusiores & ditiores, utrumque sæpe dabant, & pecuniam, & militem: adeoque robur in his & numerus. Erant autem milites è subditis, non tamen dilectu eorum aut arbitrio capiendus. Romani, Centuriones aut peritos aliquos legendi mittebant, qui sæpe usui suo & compendio magis, quàm publico serviebant. Sed & cum hæc aberant, dilectus ille per se gravis: trahebantur enim in diversas terras, ut magnitudo Imperii erat, atque illic longa militia fere consumeabantur.

Indicebant autem militem pro numero & opibus, quas prope modum sciebant. Numerum quidem ex tabulis censoriis, quas probabile

probabile est Romæ quoque fuisse. Imo tandem ipsi Romani Censores censum illic egerunt: itaque pro Imperio rem hic gerebant, & tot aut tot milites imperabant. Jurabant autem Socii non in suos Præfectos tantum; sed & in Consules, & rem Romanam: opus enim fuit vinculo hoc & alio, ut cum pares viribus essent, ne quid novarent aut moverent in Romanos: denique oportuit subiectos omnes pariter esse uni Duci, ergo & in eum probabile jurasse. Auxilia tamen non jurabant. Singula oppida Sociorum Præfectos sive Prætores constituiebant, qui jus aliquod in suos haberent, eosque observarent. Habuerunt etiam suos proprios Quæstores, seu Tribunos ærarios, & mercedis exhibitores; nam sua pecunia & omni sumptu militarunt Socii, præter frumentum, quod habuere à Romanis. Magna res hæc, & grande Imperii instrumentum, fidas volentesque tot habere manus, nec suam aperire ad largiendum. Prædæ duntaxat participes fuere, & si quid donorum aut adventitii lucelli.

De Evocatis.

Evocati, sæpe exercituum robur, ex civibus, ex sociis; ex equite, ex pedite sumebantur, sed rogatione & precibus, atque ideo *Evocati* dicti. Erant enim veterani, gnari, prudentesque militia, qui expletis stipendiis sæpe in Consulum & Ducum gratiam militiam sumebant. Et quia sæpe literis aut nunciis nominatim evocabantur, inde habuere nomen. Græcis *ἀνέκλητοι*, quasi Revocati, quod defuncti militia, iterum ad eam revocentur. Plerique Evocatorum Beneficiariis esse solebant, qui nimirum beneficio Imperatoris ad gradus aut commoda promoti, item agris & immunitate donati magis obstricti. Horum propria quædam & seorsim manus fuit, per cohortes quidem aut centurias disposita, sed tamen sub uno vexillo. Immunes erant Evocati operum, ut ab excubiis, operibus valli, & castrorum, quasi Centuriones & principales milites. Sæpe etiam ordines ducebant; ideoque singuli velut Centuriones fuere, & hoc honore ac insignibus affecti. Hinc etiam vites gestabant, proprium Centurionum gestamen. Et quia Centurionibus comparati, interdum etiam miscebantur, & cum iis confundebantur: quin & cum Legatis, quasi honestissimi, jungebantur. Honestum itaque omnino genus Evocatorum; plerique pedites, sed & equites.

De Conquisitoribus.

Ad dilectum adhibiti *Conquisitores*, crebrum munus post bellum sociale. Si fuerunt, qui in agros & extra urbem missi ad indagandam & conquirendam juventutem, atque ab ea re dicti. Multi enim sæpe aut suo metu, aut parentum timido amore latitabant; ad eruendos eos & conducendos, isti. Interdum huius rei creati Triumviri. Usurparunt & exteri.

Dilectus externus.

Erat alia quoque ratio Dilectus; cum enim ex tota Italia scribebantur legiones, nec omnes illi tam diffiti uno tempore Romam venire possent, in regionibus militem scribebant, & per honestiores quosdam, ut Senatores & Legatos, dilectus habebatur.

Sub Principibus jam nec dilectus erat, sed indictio militum, pro opibus cujusque & agris. Res improba, & ad perniciem militiæ germanæ inventa. Partim enim ignavos, aut ineptos tirones dabant: partim pro iis aurum inferebant, & mille hic prædandi finis & artes. Itaque eo ventum, ut etiam servitia & vilia capita darentur, etsi leges reprimere conarentur. Olim istis fraudibus nullus locus, cum ex ingenuis milites scripti, atque iis non crimine, non infamia aspersis; nam hi tales aut urbe, aut tribu movebantur: è tribubus autem, atque iis honestioribus, fere miles lectus. At sub Principibus etiam ergastula intrudere cœperunt. Et quid mirum? ipsi eos habuere quali servos. Nam tirones jam captos compungebant, & in cute signabant. Vera hæc stigmata erant, & quidem manibus impressa militum. Inscribebatur autem nomen Imperatoris: unde D. Augustinus *Regium Characterem* appellat. Chrysostomus *σπειρίδα*. Duplex autem istis ritus: & de servis, qui compungi solebant dominico nomine, ut agnoscerentur: & de militibus, qui præferre Imperatorem. Petium hoc videtur vel ab eo, quod olim nomen Imperatoris in scutis, hastis, vexillis, solitum inscribi, atque eo exemplo tunc in cute: Vel à sacris; quos enim Deo alicui consecrabant & initiabant, hos stigmatibus inurebant. Potuit igitur exemplo quodam parvæ religionis primo hoc induci, ut talis quasi consecratus militiæ ostenderetur; tum etiam ab hac causa, ut agnosci posset, nec latitaret.

LIBER II.

D E O R D I N E.

ORDO Militiæ varius, & in MILITIBUS, atque in DUCIBUS. In Militibus dupliciter considerandus, secundum *Genera*, & per *Partes*. Genera sunt discrimina illa militum diffusa per plerasque partes. At Partes, ipsæ divisiones, ac sub certis signis ac Ducibus distributiones.

ORDINES PEDITUM PER GENERA.

Genera igitur Peditum sunt quatuor: *Velites, Hastati, Principes, Triarii*.

VELITES erant vilissimi, quique, & ætate & opibus exigui, in isto minimo genere militabant: alterutro tantum, non item.

Nam

Nam pauper, sed ævo & usu vetus, in Triarios translatus videtur: dives, sed annis modicus, in Hastatos transcriptus. Nisi igitur valde pauperes & infimarum classium, inter Velites non militarunt: quia non solum parum honorata hæc militia, (quippe leves, & eminus fere pugnabant) sed etiam quia parum tuta, nam pene inermes in fronte plurimum exponebantur hosti.

HASTATI dicti, quod primo hastis pugnarent. Id olim; postea mutatum, manente nomine; atque pilis & gladiis pugabant; hastæ jaculatoriæ apud Velites solos remanserunt. Sunt & alii Hastati, qui stabilibus hastis & contis pugnabant: quod ævo sequenti factum. Hastati, juvenes erant & adolescentes, ut Principes viri, aut viris proximi; & Triarii grandes & maturi.

PRINCIPIES, qui à principio gladiis pugnabant, unde & nomen. Postea alii minus illustres sumpti in eum locum, nempe Hastati.

TRIARIi, sic dicti ab ordine: quod in acie tertio ordine extremi subsidio deponuntur. Est in Glossis *Tertiarus* τριάρης, quasi *subseffor*, & in vicem locumque paratus: Subsidebant enim ipsi Triarii presso altero genu. Dicti etiam *Pilani*, quod pilis pugnarent; & totus ille ordo *Pilus* vocatus. Imo etiam dicti, *Armites*, ἀρμίται οἱ ἐν ὀπίσῳ τάξῃ.

Triarii in legione 600 erant, idque semper, & legionibus etiam auctis, ipsi non augent. Causæ plures; quod robora hæc, & flos ipse virorum; ideo si non numero, tamen virtute æquarent; quod raro aut nunquam hæc pars sola pugnabat, sed in extremo deinum integrabat aciem aliis admixta; quod ob adjunctas etiam alias copias fuit iusta acies. *Principes* erant 1200. *Hastati* totidem; reliqui, & ætate minimi, *Velites*: qui singuli cum legione augebantur proportionem.

ORDINES PEDITUM PER PARTES.

Singulæ hæc ætates sive Genera, exceptis Velitibus, à Tribunis & Centurionibus dividebantur in x Partes. Hæc Partes MANIPULI dicti: ex iis COHORTES, ex his LEGIO tota. Sunt enim in Legione Centuriæ 60, Manipuli 30, Cohortes 10. Velitum nec Manipuli proprie nec Signa fuere: itaque Subsignanus miles diversus ab hoc Levi. Velites autem sparsi Manipulos. Hinc ipsis Centuriones aliorum Manipulorum; etsi raro in agmine aut acie sic inceslere: & fere solebant præmitti, ad incerta & occulta viarum exploranda: in acie quoque aliter locari, & abjungi à gravioribus.

De Manipulo.

ORDO est dimidiata pars Manipuli: nam duo Centuriones erant in Manipulo, & unicuique sua pars assignata quam duceret; quæ vocata *Centuria*, sive Ordo. Is in veteri Legione fuit 60 militum. Hinc *Ordines petere*, *impetrare*: ita *Ordinis ductor*, pro Centurione. Prima divisio fuit in Manipulos, Græcis ὁμάδαι, quæ

diutissime in militia mansit. Sed labente Imperio mutavit, & Centurias pro Manipulis habere coeperunt; Manipulos pro Conuberniis aut Decuriis ipsis Manipulorum vetustas statim ab Urbe condita, imo ante ipsam fuit.

De Cohorte.

Ex Manipulis conficitur *Cohors*. Ea vox Græcæ est; quod clausum vel septum in anteriore domo vel villa *κλίστρον* illi dixerunt. Latini *Cohortem*, vel *Chortem*; nam & sic scribebant. Martial. *Rauca Chortis aves*. Cohors habuit tres Manipulos, Hastatos, Principes, Triarios; adde & Velites, qui manipulos solebant comitari. Fuit igitur iusta & plena Cohors legionaria, homines 420. Si pleniores Manipuli & Legiones, plenior & ipsa; & inde Cohortes quingenarias, & sexcenarias legimus. Græci Cohortem vulgo vocant *στράτευς*, ut & Ennius usurpavit. *Soldas Spiras* interpretatur *Numeros*. Cohortes omnes in Legionibus erant numero æquales, quia & Manipuli tales. Sed quia primæ dignitas aliqua attribuitur, id non à numero, sed à splendore & primatu fuit, quod primi in ea Centuriones generis cuiusque, & forsan flos aliquis & electio virorum.

Erat & quædam *Cohors Prætoria*, velut extra ordinem, edecumata & grandis, quæ à Prætoribus non discederet; à Scipione Africanus instituta. In hoc genus fere adoptati & adscripti amici & voluntarii; etsi alii fortibus potius viris implebant. Hi dicti Prætoriani; eorum arma thoraces squamei, & scura imbricata. Veteres unam solam habebant Cohortem Prætoriam, postea per bella civilia auctæ. Augustus Romæ circa se habuit novem Prætorias Cohortes, firmamentum imperiis, & postea pestem. Talis fuit apud Mæcedones Cohors Regia.

De Legione.

Ex 10 Cohortibus fit *Legio*, sic dicta, quod leguntur milites in dilectu. Instituta à Romulo hominum 3000. Regibus ejectis fuit 4000. Bello Annibalis ad 5000 ventum. A Scipione denique in Africam trajecturo 6000 facta. Legio varie dicta. Græci veteres *επαλκισμός*, *επατάμωσις*, & creberrime *ταγμα*, dixerunt: novelli etiam *δύμις*; iidem & *τάγμα* & *ταχγμα*. Sic & Latini *Murum* dixerunt apud Vegetium. *Numeri* pro Legionibus Tacito: *Ordines* Hegesippo: *Virtutes* Paulo Diacono, quod tamen communius pro copiis & robore militari.

Communis agnominatio Legionum à numero fuit, idque discretionis causa, ut diceretur *Prima*, *Secunda*, *Tertia*, &c. Id autem ab ordine temporis & dilectus, quo conscripser. Sed fuerunt & alia passim legionum cognomina. Ab Imperatoribus *Augusta*, *Gaudia*, *Flavia*. A locis hibernorum, ut *Gallica*, *Cyrenaica*, *Scythica*, *Macedonica*, *Egyptiaca*, *Germanica*, *Italica*, &c. A Diis cultis, *Apollinaria*, *Minervia*. Ab armorum præstantia, *Ferrata*, quæ tota

tota è ferro. A loco, *Fretensis*, frero affita. Ab insigni forte scutorum, *Fulminatrix*. Item, *Vidrix*, *Gemina*, *Palens*, *Adjutrix*, *Pia*, *Fidelis*, *Felix*, &c.

ORDINES EQUITUM.

Equitum divisio fuit in 10 Turmas. *Turma* dicta quasi *Terma*, quia ter denos habuit equites. Erant autem in *Legione* *Turmæ* tricenariæ 10. seu equites 3000. Sunt ergo *Turmæ* in *Ala*, quot *Cohortes* in *Legione*; & *Decuriæ*, quot *Manipuli*; ternæ enim in *Turma*.

DIVISIO SOCIORUM.

Socii dicebantur *Alæ*, seu *Cornua*, quia plurimum ut *alæ* in avibus, corpus illud *Legionum* tegebant *Socii*; hinc *Ala dextra*, & *sinistra*; *Cornu dextrum*, & *sinistrum*. Habebat *Ala* *Equites* & *Pedites*.

Equites numero duplo; quia late *Socii* per oppida & agros sparsi, eoque facilius habere iis equos & tolerare; at *Romani*, nec censu multi nimis equites tunc erant, & in una urbe haud tam commode habebant. Erant ergo 600. Detracta autem tertia parte *Extraordinariorum*, erant non nisi 400. Hic quoque numerus *Ala* dictus; & illi ipsi *Equites*, *Alares*. Erant ergo duplices: *Extraordinarii*, qui sunt 200. ex his una *turma*, id est 40. *Ablecti*, qui sunt electi & excerpti. *Alares*, qui sunt 400, dividuntur in 10 *Turmas*, singulas hominum 40. Nam *Turmæ* *Sociales* *decuria* una excedebant *Civiles*. Ita in *Consulari exercitu* duas *Turmas* habebat *Consul*: reliquæ erant *Turmæ* *Extraordinariorum*, 4, & iterum 4, ex utraque *Ala*.

Pedites vero ut plurimum 4200 *Ala* habebat. Horum pars quinta *Extraordinarii*, numero 840: & hi electi & excerpti; sicut *Ordinarii*, qui sunt in vulgo, sunt *Cohortes* 2, hominum 336; & una dimidiata, hominum 168. In *Ablectos*, qui semper juxta *Consulem*: in via, in castris, in pugna, velut satellites quidam aut custodes; reliqui *Alares*, numero 3360 diviti; vel in *Manipulos* & *Genera*, ritu *Civium*; vel duntaxat in *Centurias* & *Cohortes*. *Cohortes* singulæ 336, minores quàm *Civiles*.

DE DUCIBUS.

Duces sunt duorum generum. *Proprii*, qui certæ alicui & uni parti præsunt: *Communes*, qui communiter omnibus. In illo genere sunt *CENTURIONES*, & *TRIBUNI*: In isto *LEGATI*, & *IMPERATOR*.

DE CENTURIONIBUS.

Centuriones *Consulum* jussu aut permisso à *Tribunis* electi, ex suo quisque genere: sæpe tamen virtutis causa è genere in genus ad honestiores ordines transferebantur. His assignabantur ordines per eosdem *Tribunos*. Promovebantur ad id munus, virtutis causa, tam animi, quam corporis, sed maxime militaris. Hinc *Promotus*,

in hac re velut propria vox, & *Promotio*. Promotus, προμωχθης παρ' Ῥωμαίων, qui provehitur, & ascendit apud Romanos. A fortibus ergo factis promotio. Et hoc milites reddebat fortes. Paulatim ipsi Principes coeperunt ordines inter beneficia dare, & ab iis petebantur. Quin & census habita ratio, & quidam ditiores statim ab initio Centuriones facti, sine aliis militiæ rudimentis. Quid, quod etiam aliter facti per opes? emebant: sed hoc apud turpes.

Electio Centurionum duplex: Prima electione eligeantur 30. Totidem altera: nempe ex quoque numero, genere, litu seu Manipulo decem. Qui primo electus, nempe *Primopilus*, plurimus eminuit; etiam eo, quod more & jure ad consilium militare venit, in quod primo omnium Legati veniendi jus habebant, & Tribunis; igitur parte quadam istis æquabatur. Interdum plerique omnes Centuriones advocati in consilium, sed pro tempore ac arbitrio Ducis magis, quam more. Interdum & Equites admixti, digniores scilicet militum, & Centurionibus æquandi. Insigne Centurionum, erat vitis.

Centuriones jam electi, rursus sibi eligunt Uragos, qui sunt vel agminis coactores, qui a fine & à tergo curant, vel verius Optiones: erant enim hi Sublidia, & velut Vicarii Centurionum. Olim, cum à Tribuno darentur, *Accensi* sunt dicti; sed postquam Centurioni optandi eligendique jus fuit, *Optiones*; ex facto, nomine sumpto: Dicti etiam *Succenturiones*. Fuerunt ergo Centuriones 60, & totidem Succenturiones, seu Optiones.

Idem eligebant etiam duos vigore animi & corporis præstantes Signiferos. Et quamvis unum tantum videtur fuisse Vexillum in Manipulo, duo tamen erant Vexillarii aut Signiferi, ut alter alterius vicem obiret in defatigatione (gravia enim hæc Signa,) aut etiam in morbo.

Ordo autem Centurionum triplex: A numero, A genere, A situ. *A numero* est, qui in ipsis Manipulis aut Cohortibus; & ut illi atque istæ, non nisi decem, sic Centuriones: à primo ad hunc numerum descenditur, nec itur infra. *A genere*, qui in ipsa cohorte una spectatur, & honestior Centurionum ille, qui in eo honestiore. *A situ* denique, quod eos, qui ejusdem numeri, generis, imo manipuli sunt, spectat ut dignior sit, qui primus electus in electione priore. Dux enim sunt electiones (uti dixi) Priore eligeant Centuriones 30. nempe in quoque genere 10. tum iterum 30. eadem divisione. Ergo omnes, qui primi, secundi, tertii, in tali genere, in tali manipulo, priore electione dicti, ii præerant dextræ centuriæ, & hoc aspectu in eodem numero, genere, manipulo, digniores. Sic hastatus primus, pro Centurione in primo ordine seu manipulo Hastati. Sic primus Princeps, prioris centuriæ.

Promo-

Promovebantur Centuriones non saltu, sed gradu, & ab infimis ordinibus perveniebant lento pede ad primos. Et hæc promotio per Cohortes & Manipulos fiebat, hoc modo : Erant 10 Cohortes, infima decima, & in ea 3 Manipuli, in quoque horum duo Centuriones. Isti omnes numero pares, genere impares : Ideoque prima promotio in eodem numero & Cohorte, à Manipulo ad Manipulum, sive à genere ad genus fuit ; puta, à decimo hastato ad decimum principem, ab isto ad decimum pilum. Tum expleta ea cohorte, numero ascendeabant, fiebantque noni, mox octavi, & denique primi. Cum jam illic, à primo hastato ad primum principem, à primo principe ad primum pilum ibant. Virtutis tamen hic sæpe respectus, & ea eximia ad primos etiam locos saltu traducebat. Arcanum, & utile militiæ firmamentum. Sic etiam de legione in legionem traduci soliti aliquando. Primi ergo ordines sunt illi Centuriones in prima cohorte : Primus hastatus uterque : Primus Princeps : Primus pilus. Nec aliter intelligendum, si legitur, *Centuriones primorum ordinum*, vel compendio quodam, *Primi ordines*, pro iplis Centurionibus talium ordinum.

De Primopilo.

Primopilus varie appellabatur : *Centurio primi pili*, & *Primipilus*, *Primopilus* simpliciter, vocibus junctis. Item absolute *Primus Centurio*, ἡγούμενος τῆ τάγματος, Dux aut Princeps legionis, στρατοῦ δέσποτης τῆ τάγματος, Præfectus legionis. Erat enim ipse caput & ductor omnium Centurionum. Etiam in Collegam suum, sinistrum Primopilum, jus aliquod habebat ; nam hæc de dextro accipienda, & summo, nūi tamen imperium hoc inbibuere per vices. Imperabat quidem suæ duntaxat centuriæ, sed quia mandata Imperatoris, aut Tribunorum sæpe per illum edebantur in vulgus, etiam in acie, in agmine, illum aspectabant, & ad ejus nutum iustebant, aut procedebant, ideo quia Aquilam regebat, primum signum. Et ita præerat Aquilæ, ut etiam sub iter ipse evelleret refixam, & Signifero suo in manum daret : quin etiam in ipsa acie assistebat, & cuebatur. Quia igitur Aquila in Primipili tutela, & ei velut assignata, inde manavit ; ut Aquila pro ipso illo munere & Primopilatu usurparetur.

Huic muneri non modo dignitas, sed & opes adjunctæ. Etenim præmia Primopili in pecunia primum, quam certam iis definivit Augustus, signate tetigit Papinianus, 300 aureos ; fortasse pro censu equitri : Certe adjunctus is honos, & pro Equitibus erant, qui Primopilatu functi, dicebanturque *Primopilares*, vel *Primopilarii*. In Codice Justiniani & Theodosii, Primipili munus ministerium magis fuit, quàm honos : sic enim dicti, qui ad pascendos milites solenniter ad limitem destinantur. Quia tamen olim Primopilatus quiddam eximium, petitus ambiciose & repetitus : atque adeo Tribuni ipsi, postquam defuncti, capiebant.

DE TRIBUNIS.

Sequuntur *Tribuni*, qui ut Centuriones Manipulis, sic isti toti Legioni præfuerunt. Græci à similitudine quadam, non à veritate, vocant *χελιδνας*. Millenarios duces: quales erant in exercitibus Macedonum, unde ad Romanam militiam traducti.

Tribuni seni in quaque Legione erant. Creavit eos primo Romulus, ejusque exemplo Reges & Consules, donec & Populus in hunc honorem jus & suffragium sibi sumpsit; quod factum primo circa annum U. C. 393. Cum vero minus idonei crearentur per ambitum & gratiam, Populus exclusus. Id autem non diuturnum: Populus jus repetiit, ita ut parem numerum Tribunorum Consules & Populus crearent. Qui à Populo creabantur, digniores habiti, & dicti *Comitiati*, quia Romæ in Comitibus designabantur: qui à Consulibus in exercitu creabantur, dicti *Rutili*, postea *Rufuli*. Prætores, aut Consules, aut qui pro iis, sæpe in provinciis creabantur *Tribunos*; & isti in annos mutabantur.

Tribunorum duplex genus: Equites, & Plebei. Plures ex Equitibus, etiam non raro ex Senatoribus, præsertim graviore bello; alioquin contra, gradus hic ad senatorium ordinem erat. Atque hinc discrimen Tribunorum, ut quidam *Laticlavii*, quidam *Angusticlavii*: illi, qui ex Senatu; isti, qui ex Equite nati. *Laticlaviorum* præstantior ordo. Utrumque genus ambitiose petitum, & datum, & quo pluribus gratificari possent, factum semestree. Hinc *Semestre aurum*, dixit Juvenalis, quia etiam annulo aureo utebantur *Tribuni*. Vox deinde *Tribuni* laxa notione usurpari cœpta & in variam administrationem aut præfecturam, ut *Tribunus stabuli*, *fabricæ*, *voluptatum*, &c.

Mania Tribunorum erant, jus dicere, & de capite cognoscere: signum excubiis dare, vigiliis curare, munitiones, exercitia alia.

Tribunorum ornamenta aureus annulus, quo ceteros milites non fas uti, sed ferreis tantum. Equites quoque gestabant annulos aureos, quia pari pene loco & dignitate cum Tribunis erant. Hoc tamen discrimen diu post sustulit Severus Imperator, qui inter alia militibus indulgit aureis annulis uti. Alterum insigne in veste fuit, quam paulo splendidiorem gessisse *Tribunos*, verò est simile, sicut & ipsos Centuriones. Sub Augusto, & deinceps, tunica lati clavi fuit *Tribunis* iis, qui Senatorii gradus aut stirpis essent. Fuerunt etiam postea iisdem Apparitores, sed ab Alexandro Principe sublati.

DE DUCIBUS EQUITUM ET SOCIORUM.

Equites Civium in x Turmas diviserunt; ex unaquaque 3 sumant, futuros Duces seu Decuriones. Sunt igitur 30 Duces in decem Turmis. Tot autem sunt Turmæ, quot Cohortes; tot Decuriæ, quot Manipuli. Duces igitur etiam totidem, nisi hoc discrimine, quod Turma unum, non geminos, ut Manipulus, haberet. Hi sibi assumebant

mebant ; Ursges, seu Optiones : nam Opilo etiam in Equitibus, & Optionatus ipsum munus.

Turma tres Decuriae sunt ; & qui Decuriae praest, *Decurio* dicitur. Mutatum tamen in numero, nec tres, sed una tantum, nomine prisco retento : ut enim illa aetas Manipulos in pedite sustulit, sic etiam in equite Decuriones neglexit. Sic quaeque turma unum Signum habuit, non quaeque Decuria aut Dux, ut in pedite factum. Erat tamen ordo in Turmis & Decurionibus talis, qualem de pedibus diximus. Cum primus non adest, secundus vices ejus supplet.

Socios ordinabant *Praefecti*, sicut Cives Tribuni, & ipsi Praefecti à Consulibus Constituti : quod valde ad rem Romanam & securitatem pertinuit, & contra omnem motum & rebellionem e re fuit, ut Socii Duces praecipuos darent Romani, non altos scilicet, aut animorum plenos, suspectos, aut parum fideliter Romanos. Praefecti hi ut numero, sic jure & potestate Tribunis pares, & qui eadem omnia in Socios usurpabant, quae isti in Cives.

DE LEGATIS.

Legati Imperatoribus adjuncti ; primo non tam ad imperandum, quam ad consulendum instituti ac missi. Missi dico ; quia hinc videtur ipsum nomen *Legati*, quod Senatus quosdam e primoribus in castra ad Ducem legabat militiae gnaros, quorum opera & consilio uteretur. Magna erat Legatorum dignitas ; habebant enim potestatem Imperatoris, venerationem vero Sacerdotis. Jam enim in re Romana fuerant, & quidem supra Tribunos, electi ab ipsis Consulibus ; ita tamen, ut consilium consensusque Patrum inter- venerit.

Munus eorum, consulere, administrare, praestare, & uno verbo, vicariam operam Imperatori dare. Cicero appellat Nuncios pacis ac belli, Curatores, Interpretes, bellici consilia Auctores, Ministros muneris provincialis.

Larga eorumdem potestas, sed tamen Imperatori devincta, eique obnoxia. Interdum etiam imperant, & Imperii insignia sumunt, cum obtinent fiduciarum operam Imperatoris, eam scilicet, quae revocatur, cum vult is, qui dedit ; propriam enim & à se non habent. Cum absens Consul aut Proconsul ; & Legatus, ejus vicem sustineret, etiam hictores & seculares habuisse legimus.

Numerus Legatorum incertus. Plures paucioresque fuerunt in legionibus, ut Senatui visum, & ut bellum, aut res poscebat. Plerumque tamen pro numero legionum attributi ; singulis singuli.

Sub Principibus duo genera Legatorum facta, *Consulares*, & *Praetorii* : quorum illi toti exercitui praessent ; isti legionibus singulis, idque Augusti invento. Quasi enim unus ille jam Imperator esset, rem administrabat per Legatos, nec aliter dicebantur : eoque nec triumphi jus habebant, cum omnia gererent auspiciis alienis.

alienis. Legati Consulares, etiam simpliciter *Consulares* dicti. Prætorii, etiam *Legati legionum*. Legati ipsi postea *Duces* Latinis dicti.

DE IMPERATORE.

Supremus ac communissimus *Ducum*, ipse *Imperator*, à quo Cives, Socii, Equites, Pedites, denique omnes & omnia pendent. Ille est, qui non solum ductum, sed auspicia etiam habuit (distineta enim ista) *Ducum*, cum ipse interfuit: *Auspicia*, cum alius rem gessit illo mandante, & Fortunam ac Deos suos commodante. Nam sic loquebantur: *Suos Divos præbere*, *Suos Deos dare*, id est, dirigere, & jubere. Sumptum autem à more veteri, quo omnia gesta auspicato, præsertim in bellis. Nec aliq. fine in castris ipsum Augurale, & juxta Prætorium, situm. Hæc olim ita, & serio servata; postea non nisi imago & nomen mansit, cum pleraque jam à Proconsulibus, aut Proprætoribus administrarentur, quibus auspicia nulla. Nam soli magistratus ea habebant, eaque domo, Latinis feriis actis, sacrificio in monte perfecto, votis rite nuncupatis, secum ferebant: nec privatum auspicia sequebantur. Atque adeo *Auspicium* simpliciter pro Imperio Tacitus posuit.

Imperatoris insignia fuisse lictores cum fascibus, atque ii paludati. Ita enim ad bellum egredi solebant: quin & ipse Dux paludatus. Etiam tûbæ tunc incinuerunt, & ad eas facta processio. *Paludamentum* Varro dixit insignia & ornamenta militaria. Dictum etiam *Sagum*, & *Sagulum*; in ipso Imperatore etiam *Chlamys*. Nec solum Imperatorum erat Paludamentum, sed etiam tribuitur aliis militibus. Hinc apud Lucilium *Rorarius paludatus* legitur. Forma paludamenti erat, ut extrema longitudinis essent utrimque angusta, imis latioribus. Color ejus eximius, & quidem e cocco. Ab hoc colore *Puniceum* dixerunt, sive *Punicum*, pro paludamento. Erat etiam album, quo interdum usi, sed crebrius cocceo. Imperatores inter vota & immolationes exhibant, & tunc vestem hanc capiebant; quæ processio etiam celebris esse solebat frequentia deducentium prosequentiumque.

In *equis* Imperatoris etiam tale aliquid usurpatum, iique unus vel plures, ornari insignibus militaribus, phaleris, & auro, fortassis & coccineo strato. Simile quid apud Græcos, & in Regibus erat, qui sic ornatos equos habebant.

LIBER III.

DE ARMIS.

A R M A duplicia : Ad petendum, Ad tegendum. Illa proprie *Tela*, & hæc *Arma*. Nos cum Polybio Milites secundum Genera armabimus, ut primo sua arma habeant Velites, five levis armatura ; tum reliqui : & utraque illa mixtim.

DE LEVI ARMATURA.

Commune nomen Levis Armaturæ est, *Ferentarii*, à ferendis armis dicti. Horum autem Levium militum plura genera five partes, *Rorarii*, *Accensi*, & quos hic *Velites* dicimus. Illi priores duo in veteri Levi armatura fuerunt ; isti postremi in nova. Et notandum est, novum totum istud de Velitibus fuisse : & antea Funditores, Jaculatores, Sagittarii, & id genus in usu ; quos duobus illis nominibus, Rorariorum, & Accensorum dicebant. Manseruntque illi ad bellum Punicum Secundum : quo Velites instituti A. U. C. 542. ante perraro id nomen in Romana re legitur ; sed Velitibus usi sunt ante Romanos Galli & Germani. Et hæc Velitum origo, qui post Cæsaris ævum desierunt, & vox deinde usurpata pro Levi milite.

RORARII & ACCENSI erant, qui è Levi armatura primi prælium committebant : Illi quidem sic dicti, quod, ut ante imbrem fere rorare solet, sic illi ante Gravem armaturam prodibant : Hi vero, quod ad censum legionum adjicerentur. Stabant autem Rorarii (uti etiam Accensi) in fine, & à tergo agminis post Triarios, donec pugna cœpta, tum procurrebant, & eminus inter ordines pugnabant. Utrumque autem hoc genus, natis Velitibus, desivit, postea tamen iterum in Funditoribus, & Sagittariis, quasi surrexit. Nam Romani, promoti jam Imperio, Sociis in Civitatem acceptis, provinciis variis subjectis, Velites è suis scribere omiserunt, eorum loco usi Funditoribus, Sagittariis, Jaculatoribus, quos Baleares, Cretenses, Numidæ, & id genus nationes subministrabant : qui tamen inermes fuere plurimum, ut illi prisca sagula habebant & cingula super femora. Talem pictum utcumque damus, qui sagulo aut chlamyda reducta, lapides sinu præfert. Sed & alium etiam diligentius paulo armatum, cui galea, scutum lunatum, & ocrea una. Hi tales autem rari.



ARMA VELITUM.

Velitum arma 1. GLADIUS, 2. HASTA, 3. PARMA,
4. GALEA, sive tegmen capitis.

1. De Gladio.

Gladius, Hispaniensis, qui aliis quoque militibus, & infra mox describerur.

2. De Hasta.

HASTÆ, vel Hastulæ numero 7, ex tenui ligno, ut hodiernæ sagittæ; septena enim illa manum implebant. Istæ hastæ, quia sua quadam forma, & minores, discretim ab aliis dictæ *Hastæ velitares*, Græcis *γερσος*, telum ipsum; & *γερσοςμαχης*. Velites dicuntur, quorum primum & præcipuum munus, jaculari. Hastæ hæ erant longitudine tripedum, digitali crassitie, ferro molli, 12 digitorum, unde primo jactu statim inflectebantur, ut hostes retorquere non possent.

3. De

3. *De Parma.*

P A R M A è ligno, corio superinducto, erat rotunda: hinc nomen, quod à medio in omnes partes par; tripedalem habuit dimensionem.

4. *De Galea Velitum.*

G A L E A, aut Galerus, è pelle aut lana tegmen capitis erat Veliti, non ex ære aut ferro. Sic enim distinguitur Galea à Casside, quia illa de corio est, hæc de lamina: & vox ipsa præfert, nam καὶ τὸ γαλῆν, à fele, aut mustela. Sane prisce tegmina fere capiebant à feris; unde in Homero ἰκτινῖν, κατὰ ταυρεῖν, ἀγρίν, mustelῖν, canina, fœurina, caprina. Et in Suida ἀλυπκία, ἢ σεκεραλαία. Vulpina, ipsa galea. Sic dictæ; quia à talibus animalibus captæ. Ipsas etiam leoninas exuvias fumebant, & sic aptabant, ut caput capite velarent; cæteris humeros, & dorsum: & Romani in sua militia vulgo usurparunt. Nam in columna Trăjanī omnes signiferi in hoc habitu cum pelle leonis, quæ caput, humeros, dorsum, regat, & cauda pedes flagellet. Non sic tamen in nostro Velite, cui galea tantum ex tali aliquo tegmine; & sæpe lupo, Romana fera, & Romuli nutrice; alias ex urso, aut tali fera. Afri è serpente. Hæc talia tegmina appellant *Galeros*, *Galericulos*, *Cudones*. Galeis è corio etiam usi Græci, aut finitimi, ut Paphlagones, Macedones. Legitur etiam *Galea venatoria*, pro hoc sensu.



A Velitibus haud longe absunt Græcorum Peltastæ, sive Cetrati. Hac occasione videndum quid *Cetra*, quid *Pelta*.

De Cetra, & Pelta.

C E T R A S, sive *Citras* Afri sua scuta dicebant, atque eas varie pingere aut cælare solebant. Tales hodie Mauri gestant, sed majusculas, & formatas fere in cor humanum. Britannis etiam hæc scuta tribuit Tacitus. Hujusmodi quoque fuerunt Hispanorum, qui vel maxime Cetrīs usi, iisque pulsatis rhythmicè & cantu saltuque, hostem invaserunt, pene Laconum ritu, qui ad tibiam & numeros ingressi & congressi. Galli, Germanique etiam cantum ac saltationem adhibuerunt. Cetram passim pro Pelta etiam sumunt, & pro ea Latini reddunt.

P E L T A autem inventum Iphicratis, cujus forma non longe à Romana & velitari Parma, eti fortasse haud usquequaque sit rotunda. Pelta exponitur Thracia armatura, Latini fere Parmam reddunt: & in Glossis, Parma, Θρακικὸν ὅπλον. A tali Parmæularum figura gladiatores Romæ erant *Thraces* dicti, quia iis armabantur. Peltæ forma ad ancylia accessit, etsi lateribus minus incurvis aut reductis: sed leviter sinuata, & introrsum curva. Pelta vero Amazonica distincta fuit à prioribus, leviter sinuata, in modum fere Lunæ: inde *Pelta lunata*, apud Virgilium. In prisce monumentis & lapidibus visitur bilunis, id est, duplici semiluna intignis.

Peltæ.



Peltam è marmore pag. præcedenti expressam vides. Item alteram supra pariformem, sed paulo magis diffusam, in Funditore, quem dedimus, pag. 65.

Peltæ pendebant è collo loris, & cum sese aptarent pugnae, detrahebant.

ARMA HASTATORUM.


Hastatorum arma 1. SCUTUM. 2. GLADIUS. 3. PILUM.
4. GALEA. 5. LORICA. 6. OCREA.

Eadem pariter arma fuerunt *Principibus* & *Triariis*, nisi quod *Triarii* pro pilis hastas ferrent. Causa aperta: quoniam in extremo depositi, longius ab hoste erant, quàm ut pila eorum pertingerent, aut vim perferrent missa. Altera etiam causa, quod fortasse contra equitum irruptionem, & totam ordinum confusionem muniverunt istos hastis, quibus acies velut vallo septa inhorrebat. Istas igitur hastas ad statariam & manuariam pugnam habebant, & ut Livius loquitur, *ad ora fodienda*. Non tamen istæ nimis longæ, nec ut Macedonum sarissæ. Nec potuissent, nam cum scutum majus sinistra gererent *Triarii*, una manu commode videntur tractasse istas hastas.

1. De Scuto.

SCUTUM, cui nomen *μαχη τὸ σκῆτρον*, à loro, è quo factum; non à secando, aut excutiendo, quod Varro & Isidorus putant; differt à Clypeo forma: quæ enim rotunda, & in orbem justum relata, *Clypeos* dixere: quæ in longum exhibant, *Scuta*. Clypeus Græcis *ἀσπίς*, Scutum *θυρεός*. Dio tamen, & inferior ætas, confundunt.

P^a 49.



Duplex Scutorum genus: Unum *Ovatum*, inæquali longitudine; ac patet magis, produciturque circa umbilicum, extremis angustioribus: Alterum genus rarius, *Imbricatum*, quod undique æquali latitudine, & velut januæ formam habet, sed incurvæ: & sectum canalem aut imbricem refert. Forma & facies utrorumque in sculpturis, ut pagina præcedente depinximus.

Latitudo Scuti in gibba superficie, duorum pedum & semis; longitudo, pedum 4. Prolinuerunt ergo, & oblonga magis quam lata fuerunt: nam totum hominem tegebant leviter se inclinantes. Majus etiam palmo excedit: & videntur id Triarii, & digniores Principum, gestasse.

E

E plu-

E pluribus minutisque tabellis hoc corpus junctum, nam pluribus lignis & asserculis constitit: atque hæc ex certis arboribus. In quo genere sunt ficus, salix, tilia, betula, sambucus, populus utraque. Levissimæ autem ex his ficus & salix, ideoque utilissimæ, adeo ut Græci Poætæ *ιτρίαν*, sive *Salicem*, pro Scuto dixerint. Erant & e vimine texta Scuta: talibus enim Siculi & Syracusii vulgo usi, & *μίσσας* vocabant. Persis etiam attributa, quia creberrime & recentissime ii habuerunt, sed Rhombi specie. Habuerunt & Germani, & Galli scuta vimine texta, quæ fucabant colore, & inducebant pelles aut tabulas, sed ea non optima aut firma, & assumpta in egestate aliorum. Macedones etiam olim usi, sed quæ in ærea & argentea Alexander mutavit: etiam Itali, & ipsi Romani. Scuta tamen rotunda & equestria, levitatis fortasse causa, talia fuerunt. In scuto grandiore plerumque duæ ansæ fuere: Græci *ἐκάρυ* dicunt, à *tenendo*, & id inventum Caribis assignat Herodotus. Ex ferro istas facit Suidas, vel è loro.

Fuit taurino glutino cum linteo compactum, quod & linteum tabellis junxit, & tabellas ipsas inter sese, & corium firmavit. Videntur & nervo aut ferro vinxisse. Exterior superficies corio vituli, aut potius bovis tegebatur; imo sæpe illa coria multiplicata. Sed inde etiam detracta legimus, & urgente famè pro cibo molita: ut in obsidione Hierosolymæ, Sagunti, Caecilii.

Extrema curvatura, seu margo in scuto, ferreus erat, instar tenuis bractæ aut lamellæ; Græci *σάλαμα*, & *λεπίδα* dicunt. Inventum Camilli, qui laminam ferream scutis in orbem adaptavit, contra immanes Gallorum gladios, ligno solo parum ictus sustinente; tum etiam ad scuti tutelam & servamen: Inclinant enim sæpe in terram, & fere sic ante tentoria, aut in excubiis, habebant, pilis etiam acclinatis. Ne ergo putisceret lignum, munimen a ferro.

Umbo in scuto, ut plurimum & vulgo, è ferro: Poætæ etiam aureum faciunt; & satis indicat Sidonius, ditiores argentum in ambitu, & aurum in umbone gestasse. Non is luxus olim. Est autem Umbo media illa pars scuti, quæ protuberat & exseritur cum rotundo tumore. Ideo *Umbo*, quod Græcis est *ἀμύβων*. Montes & eminentias hac voce Statius sæpe vocat. Sed & Latini vestis positum, qui ad pectus exibat in tumorem, sic dixerunt. Usus, ad avertendos vehementiores ictus lapidum & farissarum, & cujuscunque violenti teli. Eo etiam hostes avertebant: nam in conflictu & pugna cominus utebantur eo ad impulsum, ubi etiam pars humeri brachique projecta & incurvans, adjuvix in hoc nisi.

Origo Scutorum à Regibus, imò à primo ipso Rege Romulo. Exemplum à Sabinis; item Liguribus, quorum tamen scuta à Romanis differunt; reguntur enim Ligures scuto longo, ad Gallicum modum facto.

Solebant

Solebant Græci, Romani, Barbari, varias picturas, formas, aut colores scutis addere, sive ad insigne, ut cognobiles essent; sive ad decorem. Vetus ritus, qui etiam heroicis temporibus obtinuit; Cares auctores facit Herodotus. Ulysses delphina habuit in scuto, Lyncurgus tridentem; qui Lysandrum interfecit, draconem. Spartanus quidam muscam viva nihilo majorem; cumque irrideretur ab aliis, quali ab ignavia & metu ita faceret, ne hosti conspicuus esset: Imo, inquit, ut agnoscar. Usque eo enim accedo, ut cernebat cominus possint signi mei modum. Alcibiades in scuto ex ebore & auro contexto habuit Cupidinem brachiis fulmen complectentem. Poetæ Deos, homines, animales, & pene quidquid in rerum Natura, scutis intexunt. Apud Romanos pyropo ornata colligimus, sive lapide ipso, sive colore rutilo & flammante; talis enim in fulmine, quod crebrum valde, & quali pro more in scutis Romanis. In iis etiam majorum facta expressa, aut imagines; ut Romulus & Remus de lupa pendentes. Sed & proprias fortasse laudes & facta celebrabant. Et in columna Trajani videre est scuta quædam variis coronis ornata, donaticas fuisse censendum est, & eo judicio latas. Solebant etiam Romani quædam nomina iis inscribere: primo Imperatorum, sub quibus merebant; deinde Centurionum: atque adeo & sua, ne forte, repositis in uno loco armis (quod Tacitus fieri solitum scribit in Prætorio castro) fraus aut error contingeret in recipiendis. Cum igitur talia insignia & indicia in scutis, non mirum, quod tam curiose & caute habita, & contra nimbos, pulverem, talesque injurias tecta thecis & repositoriis quibusdam coriaceis: sed ante aciem, sive in via, sive in castris, debebant.

Hæc autem insignia in scutis depicta, etiam aliis gentibus nota, Saguntinis, Gallis, aliis. Et ab illis peculiaribus nata insignia & argumenta familiarum, quæ hodie in usu; an abusu? Ignavissimi usurpant.

2. De Gladio.

GLADIUS Hastatis unus: sequenti ævo alium minorem gestabant, quem *Pugionem*, voce Latina Tacitus, alii Græcanica *Paramerium*, aut *Parazonium* vocant, quia ad femur aut zonam penderet. Gladium hunc, *Hispaniensem* dictum, ad dextrum latus alligatum ferebant, novum nostris moribus, sed forsitan spectantur scuti usum, præcipui inter arma: id impediri videbatur, ejusque frequens morio, si gladius aut vagina sub brachio sinistro: quam etiam ad lævum gestatum; & in ea re variatum. Et forsitan gladii sinistri introducti, cum Gladioli aut Parameria introducta.

Pendebat autem iste gladius ab humero, non à medio cingulo, veteri & heroico ritu, ut commodior eductio. Et hinc *Arma* dicta, quod ex armis, hoc est, humeris penderent. Prisca monumenta id passim ostendunt, & procaciores milites hodie usurpant. Latioribus autem locis pendebant, & id *Baltei*, vel *Baltæ*; quod ta-

men etiam cingulum commune, quo in orbem ambimur, significat. Hunc autem milites singulariter ornabant, eoque velut militiæ præcipuo insigni superbiebant. Bullis honestari plerumque solet, ex argento, auro, interdum & gemmis. Parthi maxime sic luxuriati.

Dictus hic Gladius, *Hispaniensis*: videtur enim cum Annibale illatus, 2 bello Punico; tuac scilicet, cum Romani vires & constantiam experti militiæ Hispanicæ, adsumpsere hunc ensen. Illo feriebant non cæsim, sed punctim, unde mucronem habebat eximium: Nam cæsim pugnantes non solum facile vicere, sed etiam derisere Romani. Cæsa enim quovis impetu veniat, non frequenter interficit, cum & armis vitalia defendantur, & ossibus; at contra, puncta duas uncias adasta, mortalis est. Deinde, cum cæsa infertur, brachium dextrum latusque nudatur: puncta autem tecto corpore infertur, & adversarium fauciat antequam videat. Et quia lamina ejus erat firma & stabilis, & istum utrumque habebat, ideo etiam utilis erat ad cæsam. Hoc igitur Romani ambifariam usi.

Brevis fuit; & duos pedes in lamina non explevit: vi tamen & firmitate maxima; nam galeas divisas, corpora detruncata brachiis abscissis, aut tota cervice defecta legimus. Erat ergo forma & facies gladii, qualis fere est hodie noster equester: apparet ita in monumentis priscis: etsi in iisdem etiam acie simplici, & superne leviter pandus, ad Orientalem & Turcicam formam.

3. De Pilo.

PILUM, Græcis *ῥαβδος*, erat proprium missile legionarii militis; Unde *Pilatae legiones* veterum. Duo autem notat hæc vox, *Pistillum*, & *Telum*: & Pilum pro telo usurpari cœptum ab illo vult Varro. Dictum enim ab omine, quod hostes feriret ut pilum. Sicut enim instrumento illo rustico aut cibario teri frangique frumenta solent: sic isto hostes. Alii tamen rescribunt, quod hostes periret, ut *Perilum*.

Duo pila militi erant: Unum *majus*, idque rotundum, diametri palmaris; vel etiam quadrangulum, magis crebrum & vulgarius: Alterum *minus*, simile venatoriis hastis. Sibuna, vel Sibyna huic minori similis. Fuit autem *Sibuna* venabulum sive jaculum venatorium, *καταγυγάριον* explicat Hesychius, id est, telum figendis apris.

Pilorum istorum longitudo in ligno fere tres cubiti, totidem in ferro, quod habebat hamatum sive uncinatum retro mucronem, hamo satis lato; ne telum semel impactum, facile esset evulsu. Erat pilum ponderosum & lentum, quia ferri pondus & gravitas tale faciebant, præsertim nullis adjutum pennis. Inerat & vis telo tanta, ut obvia quæque perfringeret, & arte directum scutatos pedites, & loricatorum equites sæpe transverberaret. Sed notandum, ferrum in pilo non existisse seorsim, aut totum prominuisse, sed partem ejus circiter dimidiam fuisse infixam, vel affixam ligno. Eminuit ergo

in mucronem & mansit cubitus & semis, alter ille modus perit in ligno. Itaque iusta magnitudo pili torius fuit 4 cubitorum & semis, id est, pedum 7, paulo minus : superavit ergo mensuram hominis : ideoque Silius niti in ea milites facit. Sed hoc pilum forma & magnitudine decrevit in ferro ævo inferiori : ferrum enim trigonum, non tetragonum fuit, idemque non nisi pedale. Et vox ipsa alio ivit, & videntur hastæ sic dictæ. Apud Belgas tamen hodie adhuc vox perseverat, qui Sagittam vocant *Pijl*. Ferrum autem ligno adstringebatur crebris fibulis, non enim tubum vel auliscum tam grandem habuit ferrum, in quem lignum immitteretur ; sed potius duas utrimque alias ferreas, quas fibulæ istæ comprehenderent & affirmarent.

4. De Galea ærea.

GALEARUM forma hæc : Antrorsum apertæ, & ferri aliqua eminentia, sed repandi ; unde & *Silæ* dictæ Festo. Ad latus & malas utrasque *Bucculæ*, sic dictæ, quod buccas tegant. Unde *Buccularii*, qui has parant, conficiuntque. Sidonius *Flexiles laminas* vocat, sic aptas, ut penderent à calide, & flecterentur. Ab imis bucculis lora, quibus stringerentur ad guttur & firmarentur : Suidas *ὀχῆτι* vocat ; *Vincula*, Sidonius. Veteres clausas, & vultui appressas undique galeas (more nostrorum Equitum) vix habuerunt. Hinc illa vox Cæsaris in acie Pharsalica : *Miles, faciem feri*, quæ scilicet, nisi à scuti objectu, nuda.

In galeis habebant Cristas, in quibus mira & propria quædam superbia, an lascivia Romanorum ? & valde sibi in iis placebant. Crista etiam *Apex* Latinis dicitur. Pyrrhus Rex cornua hirci pro crista habuit. Reges, & digniores militum, insignes maxime & superbas faciebant has partes, contra plebei. Sed & Centuriones Romano more transversas cristas, hoc fine, ut internoscerentur, gerebant ; Vegetii quidem ævo, non olim ; qui etiam argenti aliquid mixti in cristis agnoscit, fortasse & auri in nobiliorum. Φάλαξ, proprie discretus erat δὲ τῷ λόφῳ, ille *comus* est, hic crista : Græce *φάλαξ*, κόμβος δὲ ἀκροῦ τῆς ἀνωμαλίας, *suprema pars galea*, λόφος, *juba aut crista*.

Pennas has non nisi rectas ferebant olim, sine alio paratu aut diffusionem ; qui mos fere hodie Turcarum. In monumentis ramen aliter conspicimus, & fere ad hodiernum exemplum. Erant colore duplici : *Punico*, qui videtur honestiorum fuisse, & aptus sane sanguineo huic Marti : & *Nigro*, tui isti illo & Diti sacro, ad quem multi in hoc ferali certamine ibant : & videtur hic fuisse viliorum. Fuit etiam *Candidus*, qui color festus & dignior, datque Annibali Silius. Lascivia postea in hac re, & assumpserunt etiam Pavonum pennas : at regia & Junonia hæc avis, non nisi in Regum & Principum usu fuit. Nec dubium, quin tulerint Aquilæ, & talium avium, quæ pugnaces aut rapaces, vel omnis scilicet causa. Fuit

triplex hæc Crista, sive *τριλογία*, & *τριάλεια*, tres pennæ recte jubæ etiam creberrime galeis impostæ: nec Græcorum tantum, apud quos pene perpetuum, sed etiam Latinorum.

Cristæ, bonæ duplici causa, & in tenui re momentum ad pugnam & victoriam: *Sive* quod vir major, & animo quoque crescit: *sive* quod hosti terrorem magis præbet. Hinc nescio quo Naturæ ductu, ubique terrarum fere bellatores hoc affectant. Orientales passim, atque etiam rudes isti in novo Orbe. Majores nostri studiose, imo ambitiose affectarunt: & hinc insignia ista familiarum tam varia, queis superbimus. Inventores primi Cares. Nam galeæ istæ quæ scutis imponuntur, familiarum antiqua dignata, originem habent à multifariis istis cristis. Alius cornua sumebar, quasi ad impetendum & terrendum, ut de Pyrrho dixi: alii alia. At in hodiernis galeis quàm crebra cornua; aliæ animalium partes; sæpe capita. Quæ omnia olim in Gallorum & Germanorum quotidiano ritu: qui etiam soliti erant detractas ita exuvias ferinas, ipsosque hiantes rictus capiti imponere; id quod & Parthi fecisse leguntur.

5. De Loricæ.

Plerique militum non habebant Loricæ hamatas, sed partem æris aut ferri procusam, quæ summum pectus tegeret: nam ima ventris satis scutum muniebat. Fuit adsimile quiddam hodierno pectorali, sed minus longum, & æquabiliter quadrum. Et vocabant *Pectorale*, à re & usu, quod pectori tegendo. De corio etiam crudo Pectoralia faciebant, & è ferro. Hoc genus appellat Polyænus *ἡμιστορίαια*, *Semiloricæ*. Pausanias veterum & Homericæ loricæ describens: *Dua*: inquit, *erant ærea partes, illæ quidem pectori, & iis, quæ circa ventrem, aptæ, hæc ut dorso tegmen esset. Vocabant Gyala sive Cava & incurva, à forma. Illam antrorsum, hanc retrorsum inducebant, deinde fibula utramque jungebant.* Ecce adsimiles, aut ipsas nostras loricæ hodiernas. Fibulæ item in latere utroque loricæ istas jungebant.

Habebant ergo Hastati loricam vel è lamina ærea seu ferrea, digitorum undique 12, hæc autem erat viliorum. Ditiores vero, & qui super 10000 drachmas censi, eximie & præter ceteros debebant armari. His enim necessitas ferendi non Pectoralia, sed totas Loricæ, easque hamatas, ex catenis & squamulis confectas. Dicebatur enim *Hamata*, vel quia circuli & catenæ nexæ hamuli speciem dimidiatæ referebant: vel quia & hami catenulas jungebant. Græcis *σύνδεξις ἀλυσιδωτός*, *Lorica catenata*. Et nihil aliud fuit, quàm circuli sive annuli ferrei inter se nexi, more quem hodie Galli & Germani servamus, etsi exolecentem. Origo à Gallis.

Aterum genus Loricarum hamatarum erat, quod non annulis solis, sed & squamis & laminis constabat. Græci *πολλιδωτός* vocant, vel *λυσιδωτός*, à squamis piscium vel serpentum. *Squamæa lorica* dicta

dicta Latinis; fuitque honestiorum. Ipsas ergo squamas catenas jungebant. Has ipsas squamas etiam *Plumas* dicebant, à specie pari. Hinc *Lorica Plumata*. Et Parthorum assiduum hoc tegmen, etiam in equis. Sic enim describitur eques Parthus apud Suidam: *Prior lorica pars pectus & femora & manus extremas & crura tegit: posterior tergum & cervicem & caput totum. Fibula vero sunt ad latera, quibus utramque partem jungunt, atque ita totum equitem ferreum dant videri. Prohibet vero nihil aut impedit ferreum membrorum extensiones aut contractiones; adeo curiose factum sectumque est ad naturam membrorum. Armant autem & equum similiter ferro, totum quidem & usque ad ungulas: hoc ideo, quia nihil eis arma profint propria, si equus interficiatur. Isti igitur sunt Parthorum Cataphracti sive Clibanarii. Nec solum illi, sed & Sarmatæ in hac armatura.*

Nec vero ferro solum nectebant has loricas, sed & cornu. Imo istas Sarmatarum proprias facit Pausanias, easque ita describit. *Colligunt ungulas equorum, eas purgantes & dissecantes conficiunt ex iis quiddam draconum squamis simile; aut si quis draconem non viderit, vidit autem nucis pineæ fructum viridem, is è nuce segmentis aut lacunatis torulis si opus assimilarit, haud erravit. Has igitur squamulas perforantes, & nervis equinis aut bubulis consuentes, loricas ad usum habent, neque decore Græcicis inferiores, neque infirmiores: nam & cominus percussæ, & jactu petitiæ, resistunt, & sustinent.*

Erant & *trilices loricae*, id est, catenæ & laminæ ter sic geminatae: & *bilices*, nempe squamis geminis.

Erat & aliud genus, *Statii & Silii* ævo crebrum: cum segmenta ferrea tamquam fasciæ aliæ aliis superpositæ corpus ambiunt. In columna Trajani assiduum, & pene unicui in milite Romano hoc genus. Depictum dedit Lipsius, etsi se nusquam legisse fateatur.

Sunt & *linei thoraces* seu lorice, quibus varii populi usi. Græci primum, & quidem vetustissimi, etiam apud Homerum. Gestarunt & Macedones, ipse Alexander, Thraces, Hispani, Chalybes, Itali. In usu ergo plurifarium, etsi Pausanias tamen deprimat, & venantibus magis, quàm pugnantibus commendat. Prisca conficiendi ratio erat, ut è filis pluribus funiculos struerent, eosque deinde necterent, & inde se aptarent. A multitudine filorum, an funiculorum? *bilices, trilices* dixere. Amasis Rex Ægypti, Plinio auctore, thoracem habuit, cujus singula fila, 365 filis constabant. Conficiebant etiam hoc modo: Ex lino factum textum quoddam vino austero assatum salito macerabant, deinde cogeant, ut crassitum lintei osties, decies, aut sæpius in se complicati haberet. Et vero è lana etiam ejusmodi coactiles thoraces seu lorice. Cæsar *Sulcoacta* vocat, Ulpianus *Constitilia*, Plinius *Lanas coactas*; & sunt hodie nostra *Feltra*. Livio videtur *Spangia* dici.

Labente ævo tunica integræ ex his coactis factæ, quas vulgo milites gestabant, & *Thoracomachos* dicebant; ab Antonino Caracalla repertas. Erat enim ista *Lorica tunicata*, sive *Thoracomachus*, vestimenti genus, quod de coactili ad mensuram & tutelam humani corporis conficitur, de mollibus lanis timoris sollicitudo solertia magistra composuit, ut hoc inducto primum, lorica aut clibanus, aut his similia, fragilitatem corporis ponderis asperitate non læderent, membra quoque vestientis, inter armorum hyemisque discrimen tali solatio adjuta, labori sufficerent. Et ne lana pluvias paulatim combiberet, & ingravescente pondere afficeret vestientem, Libycis bene confectis pellibus tegebatur. Has loricas illa ætas *Zabas* vocabat, & *Zabarium* ejus tegmen.

Pondus loricarum ferrearum exiguum fuit, sed robur eximium, ita ut catapultarium telum violenter immissum, ferrum non frangeret, sed vix stricturam levem & cæcam, quali à scriptorio stylo, faceret. Et nostri hodie æmulantur, quibus sunt loricae quædam solidæ, quæ respuunt aut subsistunt sclopetorum glandes, valido haud dubie & penetrabili ictu venientes.

6. De Ocreis.

Utrumque crus tegebant Ocreis: quanquam alii populi sinistrum modo crus armant ocrea, qui scilicet jaculis pugnabant. Et ex mente Vegetii, Funditores sinistrum crus ferro tectum habent, legionarii contra dextrum. Causam reddit: quia in pugna cominus dextros pedes inante milites habere debeant; at cum missilibus certatur, sinistros.

ARMATURA EQUITUM.

Equitum Romanorum duplex armatura; vetus, & quæ deinde à Græcis sumpta. Olim enim non habebant loricas, sed veste tecti, & quo magis expediti essent, super eam cincti. Hinc *Cinctati*, viri militares olim dicti. Ideo autem leviter induti erant, ut ad descensum & ascensum facilem in equos magis essent expediti: quod utrumque merito spectabant, cum auxilio nullo aut fulcro uterentur ad allevandum. Interdum hasta innixos fuisse legimus. Videntur & equos quidam insuevisse ad flectenda crura; & sese demittendum. Aliis dignioribus aut mollioribus (nec enim vulgo) fuit qui manu tolleret, & adjutaret. Ii *Stratores* Latinis dicti, quia & stermerent equum, & in eum sublevarent. *Ἀναβολαῖς* Græcis, ab attollendo. Nam veteres subices pedaneos ex ephippio utrimque pendentes, quibus hodie utimur ad scandendum & innitendum, non habuerunt: nusquam enim in statuis & imaginibus forma aut vestigium, & pedes semper penduli, sine alio fulcro. Atque adeo res nova, ut nec sit ei Latinum nomen, nisi quod patrum ætate Franciscus Philadelphus, ne res quotidiana careret vocabulo, *Stapedam*, appellavit, quod pes in eo staret. Budæus melius puriusque putavit circumscribi, & *Subicem pedaneum* dici.

Prisci etiam equis insiliebant : & hæc salitio inter assidua exercitia retenta, nec tantum à tironibus, sed etiam à stipendiariis militibus districtè exacta. Equi lignei hyeme sub tecto, æstate ponebantur in campo : super hos juniores primo inermes, dum consuetudine proficerent, demum armati cgebantur ascendere. Tan-
taque cura erat ; ut non solum à dextris, sed etiam à sinistris & insilire & desilire condiscerent ; evaginato etiam gladios & contos tenentes. Usus hæc & plura potuit. Et nonne Pompeius jam senex equo incitato & currente educebat, & reponebat, sine difficultate, gladium ?

Sed & faciliior erat hæc salitio priscis, quàm nobis, quod sellas istas equestres altiusculas, è ferro lignoque compaginas, non haberent. Earum vice stragula /quædam è panno, corio, pelle, quibus equos insternebant, eoque & *Strata* dicebant, fere ut hodie nostri agafones. Græci *ἐπιμαται* pariter dixere ; itemque *ἐπιμα*, qua voce vulgo & Latini uti. Et quidam durius habiti etiam ephippiis carebant : inter quos Germani, qui olim nudis equorum doris insidebant. Hinc apud Cæsarem Romanos, ob ephippiorum usum, ut molles contemnunt. Verum nunc ita mutarunt, ut sellæ istæ altiores & fabricæ earum quasi peculiaries sint. Sed Germanis fortasse causa sellarum, firmitas ; quia securius sic concurrunt & confligunt : certe in sola & passa illa stragula ut facilius ascendere, ira & dejici & delabi. Itaque prisci Romani pelles equis insternebant, ex nobilioribus quidem rariores quasdam, ut è lynce, tigride. Alii centunculos insternebant, aut viliores pannos : honestiores vestem pretiosam magis, aut tapetem. Magistratibus, & qui cum imperio erant, jus fuit purpura aut cocco internere : atque hi Consulares, & Imperatorii equi. Sellæ nostræ non quidem perveteres, sed nec novitiæ, & fortasse jam in usu Sidonii ævo, qui vocat *Sellas*, & *Resupinata fulcra*. Quid ? quod in columna Trajani, forma quædam nostræ huic consimilis. Sed fortasse verius, structum fartumque aliquid è pannis ibi esse, ad mollius insidendum, sine ligno tamen, aut ferro.

Hastas habebant Equites olim graciles & tremulas : ideoque inutiles duplici causa, cum nec figerent fortiter (erant enim sine cus-
spide ima factæ) nec collinearent recte. Imam cuspidem Græci *καυεγοῖνα* dicunt, sive etiam *ἐπὶ αὐγῆς* & *ἐπὶ αὐγῶν*. Hanc autem hastæ equitum non habebant olim, sed tantum cuspidem supremam. Alias ejus usus erat, tum ut priore parte fracta, ima cuspis percutiat : tum ut recta statuatur defixa terræ, cum ea feriata.

Scutum, sive *Parmam* habebant ex bovillo corio, arte leviter durato ; eoque mero, nulla materie subjecta, aut ligno. Fuit igitur cujusmodi Afrorum olim scuta, quæ proprie *Citra* vel *Cetra* iis dictæ. Simillimum hoc scutum umbilicatis placentis, quæ *Popana* dicebantur, placentæ latæ, tenues, rotundæ. Ex his formam scuti equestris collige.

Cum

Cum postea improba esset armorum talium usio, Romani assumpserunt Græcicam armorum paraturam: prompti enim Romani, si qua gens alia, assumere mores, & æmulari si quid alibi bonum. Qualis autem Græca illa armatura fuerit, nemo melius Josepho dixerit: *Equitibus gladius est ad dextram oblongus; est pedites eum jam haberent ad sinistram: oblongus vero, aliter quam in nostris equitibus, qui breviorē pedestri gerunt; olim contra, & valde olim. Nec solum gladium habebant longum, sed & contrarium item longum in manu, vel hastam grandiorē concursoriam, ad hostem cōminus feriendum, aut dejiciendum. Nec dubium est, quin olim hastæ huic usui, non tamen femore aut genu obnixæ, ob ferrum in imo, quod dixi. Alii tamen sic ferebant, cum cuspidē ima, ~~equorum~~ scilicet, aberat. Sed Romani an sub brachium inclinaverint, & ad latus applicaverint, dubium, ratio illa & aspectus acutioris ferri sic poscit. Erat præterea Equitibus illis scutum ad latus equi transversum, & in pharetra tria aut plura jacula, cuspidē lata, & hastis magnitudine non cedentia. Postrema arma Equitum, galea & lorica, sicut in Peditibus.*

Leves Equites Romani non habuerunt, sed in eos tamen, & cum iis postea pugnarunt. Et nominatim Numidas describit Livius, Equite nudos, inermes, præter jacula; & læva pro clypeo vestem prætendisse, sed arte jaculatoria celebres. Equos ipsos sine frænis, virga tantum regebant. Nec fræna tantum adimunt, sed etiam striga. Deformis ipse cursus, rigida cervice, & extento capite currentium. Hi ergo Numidæ viles aut ridiculi in speciem, re sæpe validi & feroces. Scivit Annibal, & Romani, quorum ille victorias suas in parte, isti clades huic generi assignant.

Sed & aliud est Numidarum equitum genus qui graviore, armati & frænati. Isti sane desultores miri, ex uno in alium equum stupenda dexteritate transiliebant. Hos Ælianus vocat *amphitracos*, qui duobus equis non stratis, & colligatis inter se, vehuntur; qui etiam de alio in alium transiliunt, cum usus poscit. Homerus agnovit & descripsit, sed in 4 etiam equis alternantes. Theutobocchus Rex Theutonum quaternos senosque transilire solitus est.

LIBER IV.

D E A C I E.

IN Acie quatuor consideranda. 1. ORDO & DIVISIO.
2. LOCATIO Signorum, & Ducum. 3. FORMAIN-
STRUCTIONIS. 4. ADJUNCTA ACIEL

I. ORDO

ORDO ACIE.

Ordo in pugna unus & simplex per genera militum & classes. Hastati pugnam inibant primi omnium, ex stataria quidem & gravi acie, alioquin Velites ante eos, aut leves milites pugnare soliti : & sic per gradus virium pugna procedebat : ab infirmioribus paulatim ad magis firmos firmosque ventum. Si enim Hastati profligare hostem non possent, succedebant Principes : post hos Triarii. Hinc proverbium : *Res ad Triarios rediit*. Perpetuus & inviolabilis fere hic ordo, veteri quidem & bona re Romana ; quem etiam in navali certamine servabant.

Ratio pugnae : Si Hastati pellerentur, aut non pellerent hostem, retrocedebant in intervalla ordinum, & Principes excipiebant. In hac ars omnis & arcanum militiæ Romanæ, habere vias inter manipulos, claudere & aperire eas, prout visum. Huic invento pene omnes eorum victorias liceat adscribere. Appellantur autem *Intervalla ordinum*, item *Via*, item *Spatia*. Græci *διαστήματα* vocant. Hæc intervalla duplicia : inter Genera, & inter Manipulos. *Inter Genera* transversa erant, post singulum quodque militum corpus : ut post Hastatos, spatio relicto, Principes sequebantur ; iterum spatio post istos Triarii. Ergo transversa illa intervalla duntaxat bina. Alia *inter Manipulos*, directa spatia aut viæ, & quæ in uno ipso genere manipulum a manipulo discernebant. Hæc in denis manipulis necessario 9 erant. Modus & quantitas singulorum pro locis, pro copiis, pro Ducis arbitrio variavit : tamen illa transversa grandiuscula fuisse videntur : & probabile est, Principes ab Hastatis, 50 circiter pedes fuisse remotos. Triarios ab illis, 100. Nam hic erat Prætor, & signa, & Principiorum ipsa forma. Opus etiam profecto tali aliquo intervallo ad procedendum aut recedendum, & ne agmina miscerentur. Jam in directis viis aliter atque aliter fuit pro usu. Si Velites interjecti, latiusculas fuisse oportuit, pedum 20, aut 30. Si non, fuerint sane pedum 10. Id quoque pro numero legionum aliter, & ubi hæ multæ, ac, quod sequitur, manipuli, spatia non potuere esse magna.

Usus istarum Viarum magnus. In pugna enim, etsi divisi ordinibus, tamen unum omnes corpus statim fiebat, cum opus ; & per vias istas iungebant se, & disjungebant. Hoc ita, exempli causa, factum : Hastati premuntur, volo Principes succedere, & istos recipere, statim id fiebat beneficio viarum : recedebant enim manipuli Hastatorum singuli, & averfi leviter vias Principum ingrediebantur, quas ii laxabant, & ipsi quoque leviter procedebant. Tum aut retinebant apud se Hastatos, duplicato agmine ; aut plane fessos retro se locabant in grandiore intervallo, ordinibus semper servatis. Idem in Triariis, si Principes improspere pugnantem receptarent. Nec manipuli manipulos impellebant in hoc recessu : Nam singula genera vias suas dimensas habuere, sed non per alia genera penetrantes.

trantes. Manipuli Principum claudebant à tergo viam Hastatorum, & liberum per eam aspectum aut excursum habebant; idemque Triarii per istorum. In quincuncem igitur dispositio ista manipulorum fuit. Inter singulos verò milites spatium fuit 3 pedes, idque utrumque à latere, à tergo, ob gladii scutique usum commodum.

Triarii sub vexillis confidebant, sinistro crure porrecto, (ab ea sessione *ipse* *ipsi*, Tertiarii explicantur in Glossis: & Varro inquit, *quod Triarii subsideant, ab eo Subsidium dictum*), scuta innixa humeris, hastas sub recta cuspide in terra fixas, haud secus, quam vallo septa inhorreret acies, tenentes.

Vetus levis armatura, quæ constitit Rorariis & Accensis, non in prima acie, aut viarum intervallis, sed post Triarios in extrema acie disposita erat. Itaque tunc non mittebant pugnam: quod postea factum; pugnabant enim fundis, jaculis, & telis quæ eminus mitterentur. Postera ætas Velites à Triariis removit: & ad principia locavit. Et triplex fere eorum locatio: Interdum ante omnia signa & in fronte: Interdum mixta primis manipulis, aut potius in jam dictis viis: Denique interdum non in viis sparsi, sed in cornibus positi junctim; eaque crebra dispositio, & Vegetio solennis. Sed ubicumque positi, prodire ante alios soliti, & pugnam committere, cum datum signum. Cedentes autem, inter legiones recipi solebant, & à tergo poni, aut iterum alia procurrere.

Eques fere dupliciter locatus. Primo in cornibus, ita ut legiones sociosque medios haberet; quæ fere ordinaria positio. Altera, ut à tergo interdum ponerent, spatiis relictis inter manipulos aut legiones, qua possent cum impetu emitti. Id fiebat fallendo hosti, & ut improvisa res esset.

Socii plerumque steterè in cornibus, & ad latera legionum, ipsi divisi in cohortes & manipulos. Hinc est, quod ipsæ Alæ, sive agmina Sociorum, *Cornua* dicta. Si vero nulla media acies, & duo Cornua tantum, tum exteriores cujusque partes Socii tenebant. Ita ut plurimum: nam & in fronte, aut aliter, Socios positos legas, pro loco, aut usu,

2. SIGNORUM LOCATIO.

Cuique manipulo sua signa, tum & Legioni communis Aquila fuit. Et manipulorum signa in suo quæque manipulo fuisse, ratio & exempla docent. Sparsa igitur & disposita per manipulos: sed an in fronte, aut medio manipuli, ambiguum credo utrumque. At vallum aliquod virorum objectum erat, ne sic nuda ostensa & oblata hosti. Atque ii sunt, quos *Antesignanos* appellarunt: quæ vox tamen communiter de toto primo agmine invaluit, & ipsi hastati videntur sic dicti, non quia ante omnia signa (sua enim habebant) sed quia ante præcipua essent. Aquilam & Triariorum, quæ legionis & cohortium prima erant. Hoc Græci *πρῶταρχος*, τῶν σημείων verunt, *Propugnatores signorum*: sive & *πρεσβύτερος*, *Præpositos*, à loco. *Postsignani*, qui erant in extrema acie.

Signa

Signa duplicia in Romana militia : *Peditum, Equitumque*. *Peditum* item duplicia : *Legionis* totius, & *Manipulorum*.

De Aquila, Legionis signo.

Signum Legionis *Aquila*, nec nisi unius una, nec Socii quidem, cum in aliis pares, eam habuerunt. Et quia hæc præcipui imperii signum, subijungi sub eam Socios voluerunt, & Auxilia, non seorsum habere. Itaque per ipsas Aquilas numerabant Legiones.

Aquilæ origo varie petitur. A Jove alii, qui hanc insigne militiæ habuerit. Quidam à Trojanis. Forte Romani repererunt à se, aut vicinorum exemplo. Sane rapacium aliquot animalium effigies assumi & præferri bello convenit, & varie olim fecerunt Romani. Nec enim solam Aquilam prisca illi, sed plura ejusmodi animalia protulerunt, nata in pugnas aut raptus, ut Lupos, Minotaurus, Equos, Apros, Porcos. Etiam prisca Germani ferarum imagines inter signa habuerunt. Aquilæ vero hæc dignitas etiam apud alias gentes fuit. Persis regale hoc signum.

Forma Romanæ Aquilæ : Pinna extendens summæ hastæ insisteret, ex auro vel argento, & fulmen sæpe unguibus tenebat, quasi jaculatura. Sed nec corpus ipsum Aquilæ magnum. Cum in hibernis esset Aquila, in sacello seu ædícula reposita, atque inde mota, cum educenda. Enimvero & olim Romæ signa in templo. Et sane reposita ea in ærario, templo Saturni, religionis causa, & custodiæ, quia pecunia ibi publica & argentum. Denique etiam in terram solebat, etiam in ipsa pugna, cum ea in loco staret, nec impelleretur hostis. Sed & in castris defixæ stabant Aquilæ : ac inter prodigia erat, cum in hostem eundem esset, non potuisse evelli. Olim quidem ipsa hasta ita solo infixæ : at postea (ad custodiam, an ad delicias?) non ipsa hasta, ne macularetur aut absumeretur ; sed loculi aut thecæ ferreæ in terram defixæ, & in eas immixta imastæ cuspis. Isti loculi ferrei quadrati, in acutum desinentes, introrsum vacui efformabantur.

De signis Manipulorum.

Signa Manipulorum quæ fuerint, ipsa vox indicio est. Nam cum perticis manipulos fœni seu straminis suspensos ferrent, illa ipsa manus, quæ ea sequeretur, dicti *Manipuli*, Ovid.

Pertica suspensos portabat longa manipulos,

Unde manipularis nomina miles habet.

Sed hæc rustica non mansere, posterior forma fuit hasta, in cujus summo transversum ligneolum, in modum crucis, & sæpe cum manu supra eminente ; nonne allusione ad Manipuli vocem ? Sed & orbiculi quidam, vel clypeoli infra crucem hastæ adnexi, nempe ex argento vel auro imagines, Deorum primo, ut Martis, Romuli, & talium, qui scilicet militares Dii ; & ab hoc exemplo ipsorum deinde Imperatorum. Sic Drusi imago inter signa, sed & Sejani, per adulationem. Et hæc imagines in signis. Signa ipsa ex auro, etfi

etſi hæſtæ argentatæ erant : olim tamén & ſigna ex argento, quoniam color is longius fulget. Qui has Imperatorum imagines portabant, *Imaginarii* vel *Imagiferi* dicti.

Verus, ſed paucis notum fuit, Pila, vel Globus in ſumma hæſta. Sic Auguſtus pilam in ſigna fertur conſtituiſſe, præpter nationes ſibi in cuncto Orbe ſubjectas, ut pila figuram Orbis oſtenderet. Turcæ hodie retinent, & equinos aliquot pilos ab eo globo pendulos demittunt. Hoc genus vexilli *Tiſam* vocabant Romani.

De ſignis Cohortium, & Equitum.

Cohorti non erant propria ſigna, nuſquam enim olim expreſſa : ſed inferiore ævo ſua habebant vexilla, etſi olim vexilla Equitum propria. Hinc *Vexillarii*. Et erant hæc vela quædam quadra expanſa ad hæſtam; ſed vela modica. Noſtra ætas retinet in Equitum Bandis : etſi forma paulum diverſa. Propius accedunt templorum vexilla, quæ in luſtratione & proceſſibus anteferuntur. Hinc *Vexillatio* de iſtis Equitibus aut ipſorum Ala, crebrum poſteris verbum. Hæc vexilla poſteriori ævo *Flammulæ* dicta. Erant e purpura, & auro mixta. Atque his vexillis, ut & ſignis aliis, Principis nomen inſcriptum auro textu.

Erat & ritus magis priſcus, cum unum aliquod & Imperatorium vexillum grande præferretur, nomen ejus habens, non tamen aureis, ſed puniceis literis inſcriptum; eoque vexilla ipſa tunc non punicea, ſed candidi coloris. Hoc Imperatorium ſignum poſtæ ætas *Labarum* dixit.

De Draconibus.

Draconis ſigna ab ipſo Apolline morte draconis inchoata. Formam graphice dat Suidas : *Draco extenſus in pertica, ejus caput ex argento factum erat, dentibus reſtrictis & nudis, minace rictu, reliquum corpus ſericæo textu; longitudine & craſſitie & varietate coloris in verum draconem.* Iis vii Aſſyrii, Indi, & Scythæ; Daci item & ab his Romani, imitatione. Placuit enim ille terror, quem moti in aère faciunt, & viſum bello aptius, quam Romana illa ſigna. Niſi quis tamen a Perſis magis petat; cum inter ſpolia à Zenobia capta & traducta, etiam Perſici dracones legantur. Deinceps quidem crebri in Romana hiſtoria. Qui ſigna draconum ferebant, *Draconarii* dicti. Quidam proprii & peculiare Principis fuerunt, qui toti e purpura, in ejus comitatu. Etſi *usæ & pata* dicuntur, etſi textu ſericæo, etſi Flammulæ, denique ſub tegminibus texti : tamen proſecto ambigas, an in velo ſic depicti fuerint, aut æn texti, an potius corpus totum ſolidum e pannis & ſubtegmine factum. Columna Trajani, corpora, non imagines præfert. Et à Græcis longitudo & profunditas iis datur. Quid? quod ſibilare eos volunt, concepto vento : nam hæſtarum aureis gemmatisque ſummitatibus illigati erant, hiatu vaſto perſtatiles, & ideo velut ira perciti ſibilantes caudarumque volumina relinquentes in ventum. Sidonius vocat *Textilem anguem*. Prudentius *Draconum pallia*,
pro

pro mente & ritu vulgi, cum & hodie in velis militaribus varia sic pingamus.

De Signorum religione.

Hæc Romana signa fuerunt, quæ sacra habuerunt, per quæ jurarunt, & quos unicos bellorum Deos. Bono consilio; ut religionem animis ingignerent, & signorum non amorem tantum, sed & venerationem. Ergo firmitus asservabant, fortius amissa recuperabant. Quoties legimus, integras acies jam fluctuantes, jam recedentes, restitutas & impulsas, signis in hostem jactis? Suadebat enim repetere, non poena tantum quæ manebat iis amissis; sed etiam pudor & religio, & quasi Deos ac sacra sua prodidissent: Deorum cultus iis exhibitus. In rebus ipsis, quod perfugium illic, ut in sacris: Quod ea ornabant, ungebant, colebant, ut ipsos Deos. Hinc *Signa uncta*. Tacitus *Propria legionum Numina* vocat.

LOCATIO DUCUM.

Imperator in media parte erat: ratio enim vult, ut ibi sit, unde prospiciat & mandet facillime in omnes partes; qui locus medius est, sed paulum tamen ad finem magis admotus. Nam inter Principes & Triarios, ante Aquilas stetisse censendum; etsi pro arbitrio tamen sæpe mutavit.

Legati & Tribuni juxta Imperatorem: nisi tamen Legati curarent, & præpositi essent certæ alicui legioni aut cohorti, quod sæpe; tunc enim in medio ejus, loco Imperatoris agebant. Quod idem aliquando in Tribunis, ut huic aut illi parti præficerentur; sed vulgo retro Principes stetisse videntur, quo ordine in castris, & juxta eos Sociorum Præfeti.

Centuriones vero juxta suam quisque centuriam, id est, in capite ipso: nam verisimile est, à fronte eos prævisse & curasse, ut Optiones eorum a tergo. Argumentum à castris, ubi item in manipulis primum locum & sedem habent. Imperator ipse plurimum in equo, & hoc fine illi equi Imperatorii. Et ipsi Tribuni sæpe in equis, imo interdum inter equites pignarunt. Quod an in omnibus verum sit, incertum: fortasse in his tantum, qui ordinis & loci equestris. Plebei steterunt pedites inter suos.

Locatio Militum.

Ipsi gregarii milites secundum matriculæ ordinem in aciem dirigebantur. Matricula hæc fuit ordinis à Centurione instituti. Nam suos juxta vires, & pro judicio locabat, certis quemque locis, quos in acie & agmine tenerent. Quisque locum suum noverat, & hos ordines pertinaciter servabant. Cautio erat, ne quis miles à signis 4 pedes longius procederet, id est, ne quis vel passum unum progrediretur extra lineam, ubi signa. Imo & mors poena, si qui reliquissent. Quod idem in agmine servabant, etsi non mors hic semper, sed minor poena, ubi nimium minor excessus & aberratio. Quod si major, profecto desertionis poenæ mors erat. Deserto autem

autem habebatur, qui longius, quàm unde tuba audiri possit, excessisset. O prisci, & nostri mores, quam dissidetis! Hodie nihil tam impune, quàm vagari, prædare, rapere; olim mors leviter abeundi. Nec Romani solum hic severi, sed etiam Græci, qui hos tales ignominia notabant. Et Spartanis lex erat, ut stantes in ordine vincerent, aut morerentur. Durae hæ leges, sed utiles: & istæ sunt, quæ viros, quæ milites pepererunt, gentium hominumque victores.

3. ACIEI FORMÆ VARIAE.

Acies fere aut Duplex, aut Triplex. *Duplex*, cum tota acies in cornua duo secta, dextrum & lævum. Ea sæpissime obtinuit in exercitu Consulari, cum duæ legiones, & singulis sua Auxilia adjuncta. Hæc sectio vetus, & aliis quoque gentibus usurpata. Pan ordinis & Cornuum autor; unde cornutum fingunt. *Triplex* est, cum præter cornua, alia etiam media exsurgit. Id quoque crebrum, non solum ubi plures legiones, sed & cum duæ, istis scilicet in medio positis, Sociis ad utrumque Cornu.

Sed est & alia ratio duplicis, triplicisque aciei, cum præter simplicem illam divisionem, à tergo etiam sectio fit & discrimen. Ut si 4 legiones habeam, duas in fronte cum Sociis suis pono, totidem à tergo, velut in subsidiis suppono. Idem in duabus quoque factum, & aut Ala utraque Sociorum præposita, subjunctis legionibus, aut contra. Has autem secundarias aut tertiarias legiones five copias, *Subsidia*, & *Subsidiarias* etiam vocabant. Nec totæ semper legiones, sed cohortes aliquot sic substitutæ. Hæ præcipuæ sunt & receptæ Romanis instructiones; quas tamen leviter variabant promovendo, aut retrahendo. Plerumque enim æqualiter utroque cornu & simul concurrebant: quod Cato, *recta fronte*; Tibullus, *æquatīs frontibus* dixit.

Altera depugnatio *Obliqua*, cum cornu ante cornu promove-tur.

Tertium genus *Sinuata* acies, cum in triplici acie tertiam & mediam amoves ab hoste, & cornua modo immittis.

Quartum genus huic adversum, cum scilicet ipsa media acies pro-minet, & incurrit prima in hostem. Græci *ἄγκυρης flexum* dicunt, five etiam *κῶπῃς*, *gibberum*. Hac Annibal in pugna Can-nensi scitissime est usus, sed cum ea quoque arte, ut cornua robu-stissima haberet, & integra servaret, & mediis denique pulsis, sinu facto, immitteret ea utrumque legionibus, victoriæ suæ certam causam.

Aliæ quædam acierum formæ apud Romanos etiam interdum usurpatae, quas strictim, & per indicem dat Cato; ut, *Cuneus*, *Globus*, *Forfex*, *Turris*, *Serra*.

Cuneus, qui est, cum angusta in fronte acies, trigoni forma, paulatim se retrorsum pandit: unde & *Trigonum* vocant. Item

μολογ sive *Rostrum* Græci. Dixere & *Caput porcinum*, quia assimilatur, & quia velut fodit & ruit invadendo. Literæ Δ assimilabatur. Et anterior pars, qua in acutum definebat, recta & densa erat, quia scutis, undique muniebatur. Crura autem utrimque indurum ordines & cohortes in profundum composita; & pleraque parte in obliquum extensa, deibant paulatim & disjungebantur, donec in maximam longitudinem progressa definerent; ita ut medius locus vacuus relinqueretur, & terga militum nuda per ordinem conspicerentur. Franci, pugna in Narsetem sic usi. Sed & Hispani olim creberrime. Romani etiam non raro. Significat etiam *Cuneus* Historicis multitudinem confertam.

Globus, qui à sua acie separatus, vago superventu incurſat inimicos. Sed & figura globosa, & in rotundum fuisse videtur.

Forsax, quæ & *Forceps*, cum contrario Cuneo acies instruitur, latioribus primis & apertis, ac paulatim definentibus in angustum. Literæ V formam exprimi. Usus, ad cuneum solvendum & atterendum.

Turris, Græcis *πύργος*, est ordo militum in quadro. Differt à Laterculo, quod Turris in altum & profundum quadra instructio; Laterculus jacens, & in latum.

Serra præliari dicitur, cum assidue acceditur recediturque, neque ullo consistitur tempore. Id fiebat, cum manipuli primæ aciei modo invadebant, modo resiliebant; & reddebatur dentata quædam forma. Potuit & aliter, cum Velites ex intervallis manipulorum insiliebant & resiliebant.

4. ACIEI ADJUNCTA.

Adjuncta Aciei sunt, 1. ALLOCUTIO. 2. CLASSICUM. 3. CLAMOR. 4. SIGNUM PUGNÆ.

1. De Allocutione.

Allocutio est, cum Imperator affatur publice suos milites, & retinet aut inapellit. Retinet, aliquando nimis aut propere gestientes: impellit tardantes aut timentes. Ad summam, format in quacunque re & docet. Utile haud dubie vetus hoc institutum, cum Imperator consilio, & sæpe eloquio validus, & semper auctoritate, suos composita oratione excitaret, & vel timidis robur ac vires daret. Ab illo autem ardore ad pugnam recta ibant, cum præsentia Imperatoris adhuc in oculis, verba in auribus versarentur. Certum est, acies aliquot erectas, & ad victoriam firmatas sola hac concione.

Modus talis: Sæpe interequitans ordines ita affatus eos est, sub ipsam pugnam: sæpe in castris, & ante egressum. Aliquando etiam extra suspicionem omnem pugnae, si qua seditio aut querela, aut alius animorum morbus, cui sermone mederetur. Sed cum in castris, aut etiam in ipso campo interdum, fiebat in tribunali, quod è cespite subito erigebant: Altior enim Imperator esse debebat, &

ad auditum faciliorem & latiore, tum ad auctoritatem. E cespite, dixi, tribunal fuisse, et in hibernis fortasse etiam e lapide, nihil vetat, sed illud fere solenne, & e militie ritu.

Circa hunc cespitem sive tribunal milites dispositi non confuse, nec ut quisque accurrerat, sed per manipulos & turmas. Ubi & vexilla prælata, id est, signa manipulorum, turmarumque, & ipsarum legionum, & juxta ea Centuriones & Duces; et Legati & Tribuni fortasse a lateribus Imperatoris, aut a tergo: Legimus tamen, milites etiam vocatos interdum in concionem ad ipsa signa, id est, ad Principia: cum nempe in castris affatio esset: ibi quippe ante Prætorium ipsum tribunal, ut dicitur in re castrensi. Inibi cum armis convenerunt.

In hoc alloquio approbatio aut improbatio, & utrumque per sua signa. Veteri ritu clamor in assensu militari, & dextræ sublata: contra, fremitus aut mœsta taciturnitas. Sed & tertium assensus genus erat, concursio armorum, sic ut hastis ferirent scuta. Invenias & paulo aliter assensum, videlicet sublatiis seutis, vel cum ereptu motis. Sed hæc talia non prisca nimis aut mere Romani ritus; ab exoticis & barbaris manarunt: Germani quidem & Galli sic factitarunt ab antiquo.

2. De Classico.

Classicum dicitur, cum signa omnia pariter canunt, & militem vocant incitantque ad pugnam. Ducta vox à Classe, quod sono tali classes olim ad concionem vocabantur: sive etiam ipsa primitus, à calando, *Calassica*. Sane vocari classico verum est. Simile in ipsa Urbe olim, ritu valde antiquo. *Classici* nomen proprie bucina aptare Vegetius videtur: contra soli tubæ ascribit Suetonius. Sed in his talibus non aliud est *Classicum canere*, quam *παράμικτον* sive τὸ παρακλιτικὸν πομπικόν, *bellicum aut incitatorium canere*, certis videlicet modis. Quod in pugna quidem legitima fiebat omni illo instrumento, & cornuum, & tubarum; Lituus etiam miscebatur.

Litui distincti à cornu, à tuba; nam Seneca facit adunca esse forma; quæ non in tuba. Dixeris à similitudine auguralis litui appellatos, qui in extremo incurvus. Qui eo cecinit, *Litice* dictus. Dabat acutum & stridulum sonum. Unde colligendum, grandem aut patulum canalem hunc non fuisse. Fuit igitur *Lituus* medium quoddam inter tubam & cornu; non rectum prorsus, ut illa, nec totum incurvum, ut istud. Quin tamen confundant scriptores, haud abnuo.

Tuba ejus formæ, cujus apud Europæos fere hodie vides: are directo ducta est, canali ad exitum latiore; quæ erat militaris. Nam & alia sacrorum est, dispari usu, & fortasse forma. *Tuba* dicta a tuba sive canali; quem referebat. Tuba etiam digniores usi, & illa canebant, imo summates viri exereuerunt. Tuba prisca
Græcis

Græcis ignota: Hæc enim novit, sed nusquam Heroibus tribuit, quia nondum in usu Græcorum. Ejus sex genera facit Eustathius. 1. Quam Minerva invenit, & ab Argivis hoc cognomento colitur *Σάλμυξ ἀγνῆ*. 2. Apud Ægyptios, quam Osiris reperit, quæ *χρῖς* ipsis dicitur, & ad sacrificia utuntur. 3. Gallica, conflatilis, non nimis magna, quæ os habet deformatum in bestias, & canalem plumbeum, in quem inspirant Tubicines, atque est acuti soni, vocatur ab ipsis Gallis *Cornyx*. 4. Paphlagonica, cujus os effigie bovis, gravi mugitu, fursum inflanda. 5. Medica e calamo tubam habens, gravi sono. 6. Tyrrhenica, similis tibie Phrygiæ, habens orificium scissum aut fractum: ea valde acuta. Et istam volunt esse hanc nostram & Romanam, atque à Tyrrhenis tractatam. Tuba etiam ad mortuos utebantur, sed nobiliores: neque enim ea vulgo, sed in funeribus Indictivis, scilicet ad populum classico convocandum. Quod ipsum in militibus decore servatum, ut ii sepe- llerentur ad bellicum hoc instrumentum.

Cornua dicta, quod ea, quæ nunc sunt ex ære, tunc fiebant ex bubulo cornu. Et prima origo à boum cornibus, & pastorum instituto: nam illi sic calabant pecus aut boves. Ergo olim nihil discriminis inter Buccinam & Cornu: postea fuit, & cornua ista ex ære facta grandiora, & magis reflexa.

Buccina prioribus sejunctæ, quod Vigiliæ ostendunt: nam nemo illic cornu aut tubam sopsuisse dixerit, sed buccinam signanter ple- rique omnes. Fuit cornu bovillum initio: nec à bove male derives, ut instrumentum, quod bubus canit, aut quod boves canit & vocat. Ea ex ære facta.

Qui instabant, universe *Æneatores* dicti, quia omnia ex ære. Cuique manipulo aut turmæ sui videntur fuisse *Æneatores*: Nempe singularum partium sui, & tot fortasse, quot signa, tum etiam communes legionis. Illi tempore pugnae in sua quisque parte steterunt; isti juxta Aquilas & Imperatorem.

Modus incinendi classici: Tubicen unus utrimque insonuit, & mox alii pariter responderunt, priores quidem ii, qui rotundo quodam loco constituti, tubis certum aliquod modulabantur, quo ut confisterent, & præho se pararent, milites admonebantur: tum deinde omnes reliqui, qui animos irasque militum acuebant, & ad pugnam excitabant. Triplex ergo tubæ sonus: Primus unius & singularis, qui Primipili fortasse, haud longe ab Imperatore, ejusque nutu incinuit. Secundus aliquot aliorum; qui in loco quodam orbiculato, & fortassis editiore stabant, ad signa & Aquilas Tertius omnium aliorum per cohortes, per turmas, qui pariter jam Classi- cum canebant. Nam duo priores soni non nisi expediendo militi videbantur, paulatimque ejus animi & iræ motæ. Facit enim pro- fecto hoc sonus, & magnam vim habet ad spiritus & sanguinem evocandum. Ideo Romani non in equitibus solum, ut nos, sed

etiam in peditibus tubas habebant. Nam tympana, & cujusmodi nos vasa pulsamus, Romanis non in usu; apud alias tamen gentes observitata. Imo in convivio apud illos Tympanotriba: & Galli, id est, effœminati Matris Deum, ea pulsabant.

Vetusta tamen tympana, & ab ipso Baccho, sed in eo choro fere relicta: & apud molles. Et ab eo fortassis est, quod in bello etiam tympanis usi Indi, & Abari sive Huni, gens barbara. Sed certe diversa erant à nostris illa Indorum: nam ex palmæ arboris cavato stipite, cui tintinnabula ex orichalco introrsus adaptabant, & os deinde vasis taurino corio occludebant, atque id in altum ferebant, concutiebantque in acie. Tintinnabula igitur, quæ multa & magna intus, inconditum quandam sonum edebant. Talia etiam Parthis tribuit Plutarchus. Etsi in marmoribus Galli Matris Deum conspiciuntur tympanum manu tenentes, rotundum infra, supra planum, atque ibi corium inductum, quod bacillis pulsant; cujusmodi hodie equestria Germanorum vel Afrorum tympana. Nec in ære tantum rales pelles, sed in ligno sic cavato & aptato, pelle ex una parte ligno extenta. Quod dimidiatum nostras tympanum, jam plenum, sed alio nomine, habetur apud Ilidorum. *Symphoniam* vocat: *Symphonia*, inquit, vulgo appellatur lignum cavum, ex utraque parte pelle extensa, quam virgulis hinc & inde Musici feriunt.

3. De Clamore militari.

Cassicum excepit *Clamor* militum; itaque edebatur in ipsa imminente jam conjunctione & conflictu, incitatio pariter animi & virium, at qui hosti terror. Nam hos habebat fines. Itaque ante, & cum eminus, silentium vastum erat; incursum & impetus duntaxat cum clamore factus. Vetus hercle hoc institutum, & Romuli ævo usitatum. Duplicem habuit causam, ut dixi, hostium terrorem, & sui incitamentum.

Probabile est, hunc clamorem fuisse voces aliquas confusas, repetitas, nec quidquam significantes, cujusmodi subitæ, & primi impetus esse solent, syllabæ potius, quam verba. Fuit apud Græcos quidem vox ipsa ἀλαλαζειν, ἢ ἀλαλαγμός, assidua in ista re: & quid aliud, quam formata à syllaba ista repetita, *Al al*, vel *la la*? qua utebantur scilicet in provocando. Apud Romanos quid fuerit, ignoratur; nisi quod *Barritus* posteriore ævo reperitur, sed Germanorum verbum. Usi tamen Romani: an quia syllaba illa repetita prior, ut hodie Germanis quibusdam *Bar bar*? an à clamore ductum? quoniam *Bæren*, vel *Beren*, hodieque sublata & ferociter clamare nobis signat. An denique ab urfis formatum? qui *Beeren* item nobis Germanis: & haud absurde ab iis peritum, quod quasi vocem illam imitantur. Vox quidem nostras, Tacito teste. Ita legitur in eadem re λυκισμός, quasi dicas *Lupinum sonum*, & qui lupos ululantes imitabatur. Etiam Galli ululatu usi. Germanorum *Barritum* & Romani inferiores assumpsere. Hic *Barritus* etiam

Barba-

Barbaricum dictus Festo, quod eo genere Barbari utantur : clamor est, qui ipso fervore certaminum a tenui susurro exoriens, paulatimque adolescens, ritu extollitur fluctuum cautibus illisforum. Gentis etiam aut patriæ nomen acclamatum reperitur, ut nunc à quibusdam solet. Nam Hispani Hispaniam ingeminant in concertatione aut rixa, & cum auxilium cient. In Plutarcho lego, Romanos etiam usurpasse crebro illud *Ferì*, in acie, & cum sese mutuo adhortarentur. Nec solum clamore uli Romani, sed strepitu etiam & concussione armorum. Quod ipsum usurpabant etiam nondum vicino hoste, & dum duci in eum vellent.

Hic clamor tanti apud illos æstimatus, sit ex eo dijudicarent de eventu pugnae ; nam momentum habet ea res etiam à naturalibus causis. Quippe duo sensus in nobis, per quos timor maxime in animum penetrat, Oculi & Aures : alterutrum igitur illorum qui turbat, nã ille victoriæ suæ multum confert. Itaque non injuria Cato dixit : *Verba plus quàm gladium, & voces quàm manum, hostes territare, & in fugam vertere.*

Clamore jam olim & aliæ usæ gentes, idque Pane inventore : unde *Terrores Panici*, proverbium fecerunt. Macedones, & Persæ uli, etiam Græci, quibus aut τὸ ἀλαλάζειν passim tribuitur, aut τὸ παύειν. Duos enim Pœanas norunt Græci : Unum ante prælium, Marti ; Alterum post prælium, Apollini. Illum ἱμῶντιον παῖνα, *Congressivum Pœana* ; hunc ἑπικιον παῖνα, *victorialem Pœana*, dixerunt. Videntur cum cantu aut rhythmo quodam fuisse, atque ideo Pœanes dicti. Mansit apud imos etiam Græcos, qui tamen, ut Christiani, *Vicit Crux*, pro Pœane habebant.

4. De Signo pugnae.

Signum pugnae diversum à Classico, quia istud mutum : illud auribus, hoc oculis serviit, & tempore Classicum prævit. Nam Romani, cum decretum jam pugnare, tunicam russam in Prætorii fastigio extendebant in hasta, ut eo signo miles moneretur parare se, & arma ; tum etiam, ut, si qui dispersi, convenirent, Utile fuit in re subita, & ut momento omnes monerentur. Hanc tunicam alii *Vexillum rissum* vocant. In navali etiam pugna usurpabant. Tale signum etiam erat ad iter. Apud Curtium, cum tubæ sonus haud pariter ab omnibus exaudiretur, dum castra movenda essent, Alexander perticam, quæ undique conspici posset, supra Prætorium statuit, ex qua signum eminebat pariter omnibus conspicuum.

Signum denique superest, quod item *Signum pugnae*, aut simpliciter *Signum* dicunt. Illud idem *Tessera*, & Græcis σῆμα, quod datur uno alteroque verbo sub ipsam pugnam ab Imperatore, ut eo commilitones inter se norint, & item hostem ; cuius usus perit, cum iste quoque tenet. Remedium huic rei non absurdum in Polyæno, qui inter strategemata recenset, quod *Acues* quidam Dux Arcadum suis militibus signum dedit, *interficere eos, qui signum*

interrogassent. Cæsari bello Africo signum fuit *Felicitas*, ut Bruto *Libertas*: & plerumque tale aliquid, breve, & ominis boni: ut puta, *Victoria*, *Palma*, *Virtus*, *Deus nobiscum*, *Triumphus Imperatoris*, & alio pro libito Ducum supremorum. Veteres nomina fere Deorum dabant, quos aut patria aut ipsi Duces colebant. Ita Cyro signum erat, *Zeus summus*, &c. *Jupiter socius*, *Dux*, *Servator*. Cæsari, *Venus genitrix*: Augusto, *Apollo*. Et alia quoque; imo & dicta, & versus.

LIBER V.

DE DISCIPLINA.

Disciplina militaris nihil est aliud, quam *Præscriptum & lex quædam militandi, & in militia se gerendi*. Itaque ea continet modum, munia, opera, tempus militiæ. Sed quia **CASTRÀ**, Gymnasium, palæstra, & sedes, imo domicilium disciplinæ; ab iis exordium. In Castris enim Munia, Opera, Exercitia, Præmia, Pœnæ: & uno verbo, hic regitur miles & formatur. Ipsa Castra non sine disciplina fiunt aut constant, quæ sane accuratissima apud Romanos. Hic reperies specimen eximium Romanæ prudentiæ, imo sapientiæ, in toga & sago.

DE CASTRIS.

Nullam noctem Romani sine castris agebant, & semper ligneis terreisque istis mœnibus, ut in urbe, cincti. Institutum hoc sub ipsis Regibus, & statim post eos. Castrorum metatio apud Romanos aliter, quàm apud Græcos aliosque, qui pro locis & temporibus mutabant: non sic Romani, simplex semper & eadem, nisi quod minor vel auctior spatio, pro numero legionum. Sed quadrangula semper, sed portæ & sectiones eadem, sed tabernacula Ducum & militum eodem situ. Hinc utilissima illa notitia castrorum, ad prævisa, & invenienda militibus omnia, sicut civibus in aliqua urbe. Uniusmodi igitur semper castra, si formam consideres; paulo alia, si apparatus rotum & instructum.

Duplicia Romanis castra; *Æstiva* & *Hiberna*. Illa, quæ mobilia, & æstatis sive expeditionis tempore in unam sæpe noctem structa. Quæ iterum duplicia, à moræ mansionisque differentia. Si enim una alteraque, aut omnino paucæ noctes in iis agendæ, sine alia additione. *Castra* dicebant, aut *Mansiones* etiam, posteriori ævo. Si diutius subsistendum, ab ipsa re *Stativa*, aut *Stativa*, scilicet *sedes*; etsi ipsa vox *Sedes*, pro castris; *Æstiva* *Sutionis*. *Hiberna* sunt, quæ per hyemem, & in diuturna mansionem multis *receptaculum*; ab ipso item sic tempore dicta. *Hiemalia*

Vopisco,

Vopisco, *Hibernacula* Livio. Horum origo apud Livium bello Veienti, sub A. V. 358. Stativa illa sub pelibus. Hiberna in oppidis aut castris, quæ tabernaculis, aut alio opere accuratius instructa: & merito, tum contra cœli injurias, tum quia usui plura necessaria in diuturna mora. Itaque hæc talia partes sive membra habebant magis distincta, ut Armentarium, Fabricam, Valerudinarium, & talia. Imò, revera instar oppidorum sæpe struebantur, præsertim in finibus Imperii, & ubi perpetuæ stationes & prætenturæ contra hostem. Tale in Euphratis, Danubii, Rheni ripa: & hæc ea origo & genitura nobilium aliquot hodie oppidorum. Habebant & *Procestria*, id est, ædificia ante castra, adnexa Hibernis aut Stativis, ut eo reciperentur lixæ, advenæ, mercatores, & qui alii paganorum, castra sequerentur: miscere enim eos militibus, non Romanus usus: habuerunt tamen receptum in castra, hoste instante.

Castrorum Partes due: SUPERA, & INFERA.

DE PARTE SUPERA CASTRORUM.

Pars Supera Castrorum nihil habet præter Duces, & eorum comites & administratos; atque omne corpus legionum & Sociorum infra metationem habuit. Eaque causa ibi denique *Principiorum* nomen, quasi hæc Supera esset extra castra: In supera enim parte erat *Prætorium*, *Quæstorium*, *Pedatura Legatorum*, *Tribunorum*, *Præfectorum*, *Evocatorum*, *Extraordinariorum*. De quibus nunc dicendum.

Prætorium.

In supera Castrorum parte *Prætorium*, primum locum habet, honoris & decentiæ causa, quia primo Duci primus locus debitas, nempe ea pars, quæ editior, aut cui aliunde nihil obstaret, quæ aspici undique & aspicere posset, è qua dari mandata & audiri. Nam allocutio, signi ad pugnam propositio, circa Prætorium, aut super ipsum facta, quæ locum volebat liberum & conspectum. Ea ipsa res ad majestatem aliquam & vim imperii faciebat, eminere loco, qui dignitate eminebat. Ipsum etiam tabernaculum non solum latius cæteris, sed altius, & quasi in urbe aliqua templum.

Prætorium Polybius vocat τὸ στρατὸν ὀικον, *Tabernaculum prætoris*. Et si Græci quoque simpliciter στρατὸν, quasi *Imperatorium*, aut *Prætorium* dicunt. Augustæ ætas videtur hoc, *Augustale* dixisse; potest ab Augustis ita dictum esse, qui in eo tenebant. Latini ideo *Prætorium* dictum, quod initio Prætores erant, qui deinde Consules: & ii bella administrabant; quorum tabernaculum quoque dicebatur *Prætorium*. Aliter quoque vox *Prætoris* apud Latinos usurpata, pro conventu, & hominibus, qui in eo loco. Hoc sensu dicunt, *Prætorium dimittere*, quod perinde est, quasi *Curiam mittere*, aut *Senatum*. Quæ missio semper ad horam & statutum tempus facta, scilicet vespere & luce abeunte,

cum vigiliæ mox constituendæ essent, & quisque ad corpora, aut munia sua curanda abiret. Ideo mandata, si qua in noctem aut primam lucem Imperator veller, tunc dabat, ne quies turbaretur castrorum. Simile est alterum illud è militia, *Mittere principia*, apud Frontinum. Dicuntur enim mitti, aut dimitti principia, cum Tribuni non ultra ibi præsidet, jus aut mandata disperiunt, sed sub noctem ad Prætorium eunt, mox ad se ituri; sicque conventum militum solvunt; qui ibi frequentes.

Area Prætorii ampla erat, iustum quadratum, cujus latera singula 200 pedum. Latere in latus ducto efficitur area pedum 40000, passuum 1600. Grandis igitur & capax hæc metatio, ac par illi quatuor manipulorum, sive hominum 480. Et opus erat tanta: nam Prætor ipse per se laxius paulo agere & tendere debuit, quam caput aliquod è vulgo. Deinde, quia ministris aut comites illi plures, quos juxta se habebat. Inter ministros erant primo Liçtores, & peculiares, deinde servi ad varios usus. Inter comites honestiores multi, qui amicitia causa aut militiae sponte eum secuti. Hi è *contubernio Prætoris*, aut *Contubernales* ejus dicebantur, quoniam eadem ista pedatura tendebant. Imo Senatorum filii, & tale nobiliorum genus, comitari ita magistratus solebant. Atque ipse Julius Cæsar, cum sua causa quadam peregrinari nobiles noller, tamen hoc utiliter à majoribus institutum non abrogavit, & cum exceptione edixit: *Nequis Senatoris filius, nisi contubernalis aut comes magistratus, peregre proficisceretur.* Et sane utilitas hic clara, quod juvenis caste modesteque agebat, sub oculis & in latere Ducis: quod sermonibus sæpe militaribus, & interdum consiliis intererat: denique Duces agere parendo discebat. Sed & laxitate Prætori opus ad mulos & jumenta, quæ plura habebat; itemque ad supellectilem & vasa. Pecunia e publico ad mulos & tabernacula dabatur, & altera ad vasa, *Vasarium* appellata. In his quidem adeo non usum, sed delicias & luxum quidam spectabant.

Forma Prætorii superior fuisse videtur rotunda, testudinea, id est, curvata in cameram rotundiorē. Hac causa fortasse Josephus cum templo componit, quod templa pleraque talia: aut etiam, quod eminebat in mediis castris, ut in urbe aliqua templum. An & quia religio ibi, & pars sacrorum? Certe in eo *Augurale* fuit, ubi sacrificare & auspicari Imperator solet: nam ante illud ara fuit, in qua solenniter libamenta aliqua illata & cremata, quotidianæ religionis ergo. *Auguratorium* vocat Hyginus, qui & litum ejus parte dextra Prætorii docet, ut tribunal læva.

Tota igitur area sive pedatura Prætorii erat quaternum jugerum, seu potius versuum. *Versum* autem dicunt 100 pedes quoquo versus quadratum. *Pedatura* vero Latinis est, quod Græcis *ποδισμὸς*, etiam *Ποδίσμι* ipsa Græcanica voce crebro in hac tali re Vegetius est ulus, *ποδισμὸς* autem dimensio, aut & dimensum ipsum per pedes; sicut

sicut *συνδιασπῆς*, per stadia, ad verbum est *Pedatura*. Et accipiunt non pro ipsa mensura tantum, sed pro spatio areaque, quam sic dimensi.

Situs Prætorii in medio, non quidem castrorum, sed aliorum Ducum. Nam semper, veteri & novo more, in medio Tribunorum, aliorumque Ducum, Prætoris locus. Profecto ut in acie Prætor seu consul (confundimus hic ista) post Hastatos & Principes ante Triarios stabat, media fere acie, & ad latera Tribuni: ita hic, nisi quod pro Triariis Ablecti, & Extraordinarii, & Evocati substituti. Et hic situs magnæ rationis. Primum, non longe ad Prætoriam portam, quæ illum fere semper spectabat, nimirum ut observeret, si quid ille molitur aut moveat, & nuncios quoque & exploratores statim admittat. Causa altera, ut Duces omnes circum se habeat, quorum consilio, cum opus, statim utatur; item jubeat aliquid aut mandet. Tertia, ut in conspectu habeat subjecta castra, & militem totum, videatque si quid peccent aut turbent. Ipse ille aspectus coercere milites, qui sciebant, semper sub oculis sui Ducis se versari, eoque in omnibus magis compositæ se gerebant: nec Ducis tantum, sed Ducum: quoniam Quæstor, Legati Tribuni omnes fere huc spectabant. Denique causa etiam hic, honor & dignitas, quod media omnia honestiora, imo & tutiora.

Quæstorium.

Ad Prætorium situm est *Quæstorium*, ad latus dextrum, & supra Legatos; quia Quæstor magistratus erat Populi Romani; alii non nili in dignitate. Dimidiatum est ad Prætorium in *pedatura*, quia Quæstor proximus est dignitate Prætori: & magis ideo, quia ampla ei vasa & instrumenta. Habet pedes 200 in latum, 100 in longum. Planities pedum 20000.

Quæstorio Forum aditum, quod rebus venalibus serviit, & conventibus, & legationibus etiam audiendis: ad eum enim locum veniebant & deducebantur primo Legati. Suidas *Gnomam* appellat. Utrumque hoc spatium, tam *Fori*, quam *Quæstorii*, grande fuit, & in omni latere circiter pedum 300. Forum illud Quæstoris *Quintana* appellabatur, in castris scilicet post Prætorium, ubi rerum utensilium forum fuit, ut ait Festus: dicta *Quintana*, à quintis cohortibus ibi tendentibus.

Pedatura Legatorum.

Legatorum pedatura ad alterum latus Prætorii, & ubi Forum: ita ut parte una Quæstor sit, parte altera ipsi. Omnino ratio vult, haud longe Prætozem eos tetendisse, quia & dignitate proximi, & ad eum sermonis consiliique causa sæpe advocati. Hi ergo iterum dimidiati ad Quæstorem. Ergo habent in longum singuli pedes 50. in latum 100. Est area 5000. Appello autem longum hoc loco (ne aberres) spatium à Prætorio ad Decumanam, latum à principali ad principalem. Quid, si plures jam Legati, & tot quot legiones,

legiones, ut inferiore ævo factum? Credo, cum tunc *Quæstor* non ita vulgo comitaretur, eos utrimque ad latus *Prætorii* fuisse, & sic medium habuisse suum *Ducem*.

Metatura Tribunorum.

Tribuni sub ipsum *Prætorium* ordine siti: divisi in duas partes via media, quæ à legionibus ad *Prætorium* duct: & ita collocati seni & seni, ut quisque ordo suam legionem habeat in conspectu. Exempli causa, sex *Tribuni* primæ legionis, huc sunt oppositi: sex secundæ, illi. Ordo etiam inter ipsos, ut primus ad *Prætorium* primus esset, oppositus equitibus: secundus deinceps, & sic ad sexum. Tabernacula illorum secreta & disparata: live quia dignitas in eo aliqua est, seorsum tendere: live quia ratio voluit, vias quasdam medias esse, per quas ad forum utrumque line ambitu iretur. Eæ viæ utiles quatuor sunt in utraque parte, quinta enim perit *Prætorii* objectu. Semper hi ad unum latus, idemque hujus quadrati, collocati: & infra eos legiones: ad id nempe latus, quod aquando aptissimum sit & pabulando. Igitur ita aptabant castra, ut *Prætorii* porta fere hostem spectaret. Decumana æverissima ab illo. Et per hanc plurimum aquabantur: ergo & facies castrorum tota versa in illam.

Quoad *pedaturam*, *Tribuni* dimidiati ad *Legatum*: & habent æqualiter in quadro 50 pedes: sunt in area pedes 2500. Et eo fine hoc spatium, ut tabernacula illic *Tribunorum*, quæ æqualiter inter se distabant, possent statui: atque ea ipsa laxiora, calonibus, equis, mulis. Quis enim nescit, honestius paulo comitatos instructosque fuisse hos militum *Duces*, & sæpe *Senatores*?

Pedatura Præfectorum Sociorum, Evocatorum, &c.

Sociorum Præfectos ad latera *Tribunorum* ponimus, situ & modulo paribus, quia pari munere & dignitate, nisi quod illi tamen honestiores, quatenus cives. Ratio autem vult, eos opponi suis Alis sive *Cornibus*, sicuti legionibus *Tribuni*. Dividuntur ergo, & sint in quaque parte seni, eadem metatura, quæ *Tribuni*, nisi quod viæ aut intervalla hic magis exigua, an potius nulla? nec enim hic transitus aut comæatus ulli, cum à tergo excipiant *Evocati* & *Abjecti*.

Evocati equites proximi à *Præfectis*, quia dignitate supra *Ablectos* sunt. Sequuntur *Evocati pedites*. Horum omnium numerus incertus, & ideo *pedatura*. Sunt tamen 30, id est, Turma una Romana; habebunt 80 pedes in longum, 125 in latum: area 10000. Superfunt inibi 238 semis. Ea area esset pedum circiter 20000. Caperet igitur manipulos duos civiles *peditem*, id est, homines 240.

Ablecti equites turma una socialis; ergo 40 equites: ergo area 1333 semis. Efficiunt eam numeri, in longum 120. in latum 111. & quarta pars. A tergo cohors una *Ablectorum pedum*, 336 hominum.

minum. Area illi esse debet 28000. ergo essent in latum 233. & dimidius circiter ; in longum 120. Superfunt pedes 19.

Extraordinarii equites, sunt in universum turmæ 8. utrimque locantur 4. Prætorium & Fora spectant Polybio, etsi quidam aliter. *Pedites Extraordinarii* à tergo equitum sunt : eorum 3 ponamus cohortes, utrimlibet unam cum dimidia ; sed dimidiæ dux viam aspiciant, atque ita junctæ quodammodo sint, nisi pedum aliquot intervallo.

Pars itaque hæc est castrorum Superior, in qua vix ulli cives. En prudentiam Romanam ! custodiam primarii Ducis & Ducum committere Sociis voluerunt ; quid, nisi ut fide sic habita, magis astringerent eorum fidem ? Sed & causa occukior altera, quod præcipuos sociorum circa se, & in ore atque oculis habebant, ne quid clam consulerent aut innovarent. Etsi autem isti undique cingunt Imperatorem, & in custodia habent ; non tamen ita, ut non sit aliquod præsidium civile, si opus. Nam & Evocati utrimque sunt, veterani milites : sunt in contubernio ejus centeni aliquot homines, quorum munia, à custodia, & velut satellitio Consulis esse ; unde ii ut plurimum juxta eum, in castris, in agmine, puto, & in acie ipsa : adsident cum suis (Quæstor & Legati : præsident Tribuni, ad quos ei semper receptus, & per eos in medias legiones.

Consideratio altera, quod loca hic magna & vacua : vel quia decore ibi, vel quia utiliter. *Decore*, ut Forum utrumque, ubi si quid litis aut injuriæ, in propinquo qui solvant aut ulciscantur : item ad res venales, ad prædam, ad circulos, & sermones. *Utiliter*, ut Quintana illa magna ; quia si opus instruere exercitum in castris, puta, cum eruptione pugnandum, aut tempore tali, ibi & in foro utroque facillime fiat. Item si educendus, sublati Extraordinarii, & in latus sepositis, grande spatium ad ordinandum. Nunc ad inferam partem descendamus.

DE PARTE INFERA CASTRORUM.

Pars Castrorum inferior, divisa & ipsa in duas partes, sed conformes : Via enim media transversa secaturque quinos manipulos à quinis : sed in locatione alia nullum inter eos discrimen.

Spatium medium inter superam & inferam Castrorum partem, pedum 100, Romanis *Principia* dictum, Græcis *ὑπὸ πύλαις*. Etsi enim proprie sic appelles initium ipsum castrorum, ubi legiones (inde enim vox) tamen totum hoc spatium medium inter legiones & Tribunos, sic esse dictum constat. Hæc Principia sacra & casta habita, & fuerunt in religione, ob præcipua signa, quæ ordine illic antefixa ; omnes enim primæ decuriæ & manipuli metabantur illic, ergo & signa quæque prima, id est, primi Hastati, primi Principes, & Primipili etiam, id est, Aquilæ ipsæ. An & hoc verum ; omnium cohortium signa ibi defixa, ante Prætorem scilicet, &

& non movenda, nisi eo sciente, jubente? Sanctior item hic locus habitus, quia ibi legionum Numina, ibique aræ atque altaria exstructa. Equidem in Græcorum etiam rebus hunc morem & religionem recognosco.

De Metatura Militum.

Primo *Romani equites*, ut dignissimi, in medio locati, & liberrimos habent egressus. Tuti hic: & quamquam in acie alia dispositio, tamen recepti tunc inter pedites, quia in castris nullus eorum usus. Horum podismus est area 100000 pedum: ad passus si redigas, sunt 400. Spatium satis grande 30 equitibus, 30 equis; nec enim unus plus uno militari equo habuit: non tamen prægrande, cogitanti calones totidem: fortasse & Decurionibus ipsis aliqui honestiores comites aut ministri: item jumenta aut muli ad sarcinas, hordeum, frumentum: nec enim ipsi equites onusti, aut eorum infessorii equi.

Triarii honore & loco ab istis proximi, & conveniunt in unam aream: tum ut via compendiat, tum ut equos observent, ne in castris soluti aut vagi dent turbas. Dimidiati erant ad equites quo ad metaturam.

Principes & Hastati in una item area, non manipulatim solum, sed & cohortatim locati. *Triarii* enim, *Principes*, *Hastati*, sic in una linea faciunt quique suam cohortem.

Velites, ut militum infimi, ita extimo ordine locati, ad vallum scilicet, & spatium illud, quod castra interiora ambit, ut illud observent, &, ut in acie quoque, proximi sint hosti, sane incustoditum hoc vallare spatium esse non conveniebat, aut leviter custoditum. Et quia *Velites* sunt duplices, *Legionum*, & *Sociorum*: illi ad supernam inferamque castrorum partem locantur: isti ad latus utrumque. Itaque 1200 *Velites* supra *Prætorium* tendunt, totidem ad *Decumanam*, 1000 ad quamque principalem. Tendent autem simplici ordine, nec multum spatii sument introrsum, quia grande unumquodque latus est, & pedum 2000, ac supra. Sed nec impedimenta multa *Velites* habent, aut arma: & minore podismo iis opus.

Universum autem *corpus Sociale*, *Equitum* & *Peditum*, extrorsum situm, ut fere in acie ipsa. Nec imprudentiæ fuit eos dividere, & vires sejungere, ut contra *Romani* medii juncti, & numero firmi. *Socii* igitur per cohortes locati, quæ detractis *Velitibus*, modicæ, nec nisi hominum 236. Erant ideo positi, ut juncti tamen lateribus essent, sicut *Hastati* & *Principes* tergis. Omnes autem *Centuriones* vallum spectabant, aut *Principia* & *Quintanam*: quod ex dignitate eorum, & commodo.

Hoc quoque notandum in tota metatione, *Decuriones* & *Centuriones* esse in capitibus ad vias, & juxta eos *Signiferos*. *Prætoria cohortes* videntur juxta *Prætorium* retendisse.

De Tentoriis.

Tentoria militum in castris vulgo è corio & pelle constat fuisse: inde & nomen, quia funibus tendebant & detendebant. Unde *Sub pellibus esse*, id est, sub tentoriis. Hæ pelles è publico datæ, sed Ducibus tantum. Fecerunt ita & Græci, quibus Xenophon *σπασματα σιδερεα* attribuit, tentoria & tegmina, pelles. Habebant hæc tentoria fulcra & tigilla dumtaxat lignea, quibus erigebantur & sustinebantur. Etiam tamen è ligno etiam reperio, & *Papiliones* vocabant, à similitudine parvi animalis volantis. In hibernis & perpetuis illis castris ex asseribus & tabulis fuisse, nihil absconum, unde & *Tabernacula* dicta videntur: quamvis revera non à materia, sed à forma & usu simili potius, nempe quod sint quasi Tabernæ castrorum. Interdum ubi inopia, etiam stramentis, centunculis, aut vestibus usi. Fiebant etiam ex lino, nostratè ritu, & *Tenta* dicta domus ex lino: res & vox hodierna.

Tentoria 12, in manipulum videntur fuisse. Vegetius quidem auctor, homines 11 una tendisse, & id *Contubernium* appellabant. Idem præsidem iis dat *Decanum*, qui ipse scilicet undecimus. An ab isto capite Italici hodie *Caporales*? etsi *Corporales* alii efferunt, & ad Ammiani *Concorporales* nos remittunt. Et iste Vegetii numerus pro ipsa alea non ineptus, ut terna & terna steterint tabernacula ordine quaternario. Atque istæ sunt velut domus militares, cuique notæ, & sciebant, quoto, & apud quem manerent. Itaque familiaritas quædam erat & nexus, *Contubernalem* esse: sicut *Adtubernales* Festo dicti, quorum tabernacula iuncta.

Culina non opus militibus, cum in stricta & dura militia Romana panis cibus esset, & obsonia nulla aut rara, de quibus postea. Nec cubacula habebant aut lectos: nam aut humi jacebant, aut super gramen aliquod aut stramen.

Via Castrenses.

Via Castrenses sunt octo: quinque directæ & in longum: tres transversæ. Omnes aut 50, aut 100 pedum. Excipio minuscultas inter Tribunos aut Præfectos: item semitas inter tabernacula, si quæ fuerint. Sic enim grandes viæ non solum decoræ, sed & utiles, ad equos & jumenta educenda. Interdum tamen contractæ ob aliquam causam.

DE EXTERNA FACIE CASTRORUM.

Partes castrorum Externæ tres: *Fossa, Vallum, Porta.*

A tentoriis vallum adjunctum erat quaque versus pedes 200. cujus spatii vacui (*Pomarium* nominare liceat) usus triplex. Primo, ad egressus ingressusque copiarum, nempe ut compositi ineant, atque in vacuo eo per genera & manipulos se disjungant, iterumque in egressu sic jungant; quod utile maxime, si eruptione pugnandum, & instat hostis. Deinde ad pecudes adductas, vel ex hoste captas, vel ad militarem cibum sequentes, & ad prædas servandas:

sed

sed ab ipsis, aut Quæstore, mox vendendas. Denique si hostis noctu affiliat, aut per insidias & clam tela aut faces immittat; innoxia sunt ob illud spatium interjectum, & cum perveniunt, viribus defecta.

De Fossa.

Fossa erat exterius vallo præducta. (Sic enim ab ipsa re dicebant, *Præducere fossam*; dicebant & *Deprimere fossam*, itemque *Percutere*.) Ea fossa lata plurimum 8 pedes, & toridem alta: alii tamen adaugent. Non raro duplex fossa, ut & duplex vallum, legitur, majoris firmitatis aut tutelæ causa. Hanc accincti fodiebant.

De Vallo.

Vallum est aggestus è terra & sudibus, ad labrum interius fossæ velut murus. Duæ igitur ejus partes, *Agger* & *Sudes*.

Agger est ipsa terra, cum cespites circumciduntur è terra, & ex illis velut murus instruitur, altus 3 pedibus supra terram. Cespes fiebat altus semissem, latus pedem, longus pedem semis: nam nec temere aut pro arbitrio hunc excindere licuit, sed omnia ad normam. Si terra solutior, ut ad similitudinem lateris cespes non posset abscindi, tum sane aut fossa præducebatur, cujus intrinsecus agger excresecbat; aut sepibus ductis, vel interpolitis stipitibus, ramisque arborum, ne terra facile dilabatur, Agger erigebatur. Altus ille sæpe 10 pedes, toridemque latus.

Sudes, qui proprie valli, & inde compositum ex utroque dixere *Vallum*: nam Vallum & Sudes idem sunt Servio. Magis prisce dixerunt & *Suros*: inde *Surculi* & *Crebrisium* Ennio, vallum crebris furis, id est, palis munitum. *Sudium* tamen vox creberrima. *Sudes* erant & quocumque & obvio ligno, robusto tamen, cum daretur: ex robore eas facit Valerius, ex acere Propertius. In *oppidis* etiam istæ *Sudes*. *Sudium* forma: Non fuerunt ex æquabili & simplici ligno, sed habuerunt duas eminentias, & velut cornua, aut tres, aut quatuor, id est, ramos in majori stipite, qui recti, ut cornua eminebant; tales præsertim in summo erant. Studiose acutæ fuerunt illæ eminentiæ vallorum, ne quis facile possit apprehendendo evellere, lubrico scilicet ligno: Et contra transgressum & transcensum. Itaque longiusculos fuisse oportuit hos vallos, cum pars in terram defigeretur, firmamenti causa; & pars emineret: etsi implexos & devinctos inter se etiam fuisse sciam.

Valli modus parte una 2017 pedum, altera plusculo major 2050.

De Portis.

Portæ in castris *quatuor*; ad unumquodque latus una. Atque inter eas prima *Prætoria*, quæ scilicet vicina & à tergo *Prætoris*. Solet ea plerumque obverti hosti, ut Decumana averti: & per hanc plerumque exercitus in prælium educetur. Livius vocat

Extraor-

Extraordinarias, ab iis ipsis turmis & cohortibus, quæ illic tendunt. Duæ laterales & proximæ portæ *Principales*, è quibus læva altera ad discrimen, altera dextra : ita dictæ, quod ibi tendant principes ordines, capita & apices castrorum, ut Tribuni, Præfecti, primique Centurionum : vel etiam à Principiis ipsis, sed tum magis essent *Principales*. Quarta *Decimana*, à cohortibus Decimis ibi tendentibus dicta. Ea est opposita Prætoris, & remota ab hoste. Hæc eadem *Questaria* olim dicta. Extra hanc supplicia à militibus delinquentibus sumpta. Inferior ætas minores quasdam portulas interstruxit. Fores & januæ etiam iis impositæ ad serandum ac referendum. Turres etiam in portis ad defensionem lego. Quæ talia tamen, non nisi in Stativis & diuturnioribus sedibus, habuisse credendum est : in unam noctem ne foribus quidem valde opus.

Portæ singulæ, 50 pedum : latiore enim ingressu opus vehiculis & jumentis.

Ambitus Castrorum.

Castra in toto ambitu erant milliare unum & semis, & aliquot passus. In eo spatio peditum 16800 locarunt belle & commode, equitum 1800, præter comites Prætoris, Legatorum, Tribunorum, præter omne genus calorum, jumentorum, & impedimentorum.

De munitione Castrorum.

Ad castra munienda Romani & Socii communiter & solenniter adhibiti : imo ipsi Imperatores manum interdum admovent, in calcar & exemplum. Quotidiana erat, & si qua alia res, hæc militem firmabat & indurabat. In muniendis vero castris perpetuus & certus ordo, & ut quisque in iis locum & tentorium suum noverat, sic partem quoque operis, quæ obveniret. Nam Socii semper duo latera habebant, ubi tendebant ; & eo ordine etiam, quo tendebant : Romani duo reliqua, per manipulos sic divisi. Cum socii jam esse desierunt, per legiones divisio facta, & si plures, singulis suum latus. Operi intendunt per partes Centuriones, sed toti operi præsent & curant duo Tribuni, ut scilicet univærsæ omnia apte & coherenter, & nequid Centuriones remittant. Hi duo Tribuni, ex quaque legione unus, qui per menses suos imperium habebat, ut infra dicemus.

Duo autem fuerunt militum genera ; *Munifices*, & *Immunes*, Illi, qui minus facerent, id est, fossas, vallum intruerent, excubias stationesque obirent : in quo genere omnes gregarii, & quibus honos aut gradus vacationem non dabat. Isti, qui his omnibus vacarent ; qui & *Beneficarii* dicti, quod beneficio Imperatorum muneribus vacarent. Ejusmodi Immunitum duo genera : alii, qui *ex lege* & *more* ; alii, qui *ex beneficio* vacabant. *Ex lege*, omnes Tribuni, Centurionesque, qui arbitri & exactores munerum erant, non actores. Item equites, ob dignitatem. In eodem numero Veterani

Veterani & Evocati, quos omnino probabile est, cum sponte militiam sumerent, munus hac necessitate non adstrictos, nisi item in necessitate. A quo exemplo exauctorati; & qui sub vexillo habebantur temporibus Principum. *Beneficia* autem, quibus id indultum per gratiam, sive quia virtute meruissent. Nec Imperatores solum ipsi dabant, sed indulgebant aut connivebant etiam pro tempore Tribuni. Remissiore jam & minus intenta militia invaluit, vacationes pretio etiam, idque à Centurionibus, emi. Inter alia, quæ militiam & rem Romanam everterunt, hanc scito esse inter occultas causas.

Posteriore ævo quin munierint, opusque fecerint, dubitari non potest vel ex Vegetio, qui distinguit duo genera militum: *Principales*, qui privilegiis muniuntur: *Munifices*, qui munus facere coguntur. Ipse *Principales* appellat, illos eximios & in gradu: *Munifices*, viliores & gregales. Calones aut servi raro his operibus manum admoverunt, ipsi Romani munierunt: sicut & Macedones. Non enim vilia aut servilia ista habenda sunt, quæ domini Orbis terræ usurparunt. Sub Principibus tamen, molliore illo ævo, lixæ & servi fecerunt hæc munia, interdum & Provinciales.

Postea cum pulverulenta virtus sorduit, & jam pene dedecus esset, vere virum esse, tota res abiit, & desierunt etiam muniri castra, meditationis scientia aut usu prorsus intercidente. Etiam aliud muniendi genus & levius coeperat, ut non vallo, sed scutis, idque multiplicata serie, cingerentur. Hæc scuta quidem recta & juncta sterisse videntur, ad pila aut hastas acclinata, sed milites item appoliti ad tuendum. Græci posterioris ævi, sub quibus munitio iterum vixisse visa est, ἀλλοτρίω, pro castris dixerunt. Suidas enim ἀλλοτρίων vocat locum, ubi à via quiescunt legiones.

DISCIPLINA MILITARIS.

Sedem Disciplinæ quia vidimus, Castra nimirum, nunc ipsam. Ad Disciplinam tria spectant. 1. MUNIA. 2. EXERCITIA. 3. LEGES. Quæ deinceps inspicienda.

I. MUNIA.

Tribunorum munera in castris erant, vigiliis disponere, circuire, tesseras & signum dare, denique quidquid ad usum, imperare. Sed imprimis etiam jus dicebant, & causas sive lites militares cognoscebant: imo puniebant etiam, & de capite cognoscebant.

Unius legionis sex Tribuni in tres se partes dividebant, & bini imperabant per binos menses: ita, cum duæ legiones in castris, quatuor erant qui imperabant; nec ii continuo, sed diebus alternis, ista divisio commoda fuit, & prudens: commoda ad alternam requiem; prudens ad concordiam. Quisque enim suis diebus & mensibus, in sua legione, imperium inhibebat. Idem imperandi modus Præfectorum in Socios, qui Tribunis ubique adæquantur. Quæres, cur in semestria tantum? cur non discreti sic in totum annum?

annum? Ratio, quod annus actionibus & negotiis inæqualis; æstas tota in expeditione & opere, hyems pigra & otiosa. Ne quis ergo queri posset, aut honoratum se parum, aut nimis oneratum, omnes, ad res & otium admittebant, prout tempora erant.

Cum prima luce unius legionis omnes 60 Centuriones, & 30 Decuriones veniunt uno agmine, & compositi, ad Tribunos, quorum illis mensibus imperium, per speciem officii, ut saluent, & ut deducant. Ipsi Tribuni cum hoc comitatu ad Imperatorem summum. Nonne decore omnia & utiliter ad dignitatem imperantium augendam? ad imprimendam subditis venerationem? Nec otiosa hæc aut honoraria tantum salutatio, sed visio. Numquid vellent? Itaque Imperator tunc iis signum dabat, atque alia pro tempore edicebat agenda. Vide pulcherrimum imperandi modum. Imperator Tribunis edicit, isti Centurionibus, Centuriones suis.

Sunt autem Munia militaria, *Ministeria, Excubie, Vigiliae*, & hæc similia.

De Ministeriis.

Positis castris, post juramentum præstitum (de quo infra) primum quod curant Tribuni, est partitio manipulorum ad ministeria, & munia diurna. Ordinant itaque Tribuni sorte ex utraque legione, ita ut sex & sex Tribuni, quisque non nisi ex sua legione manipulos capiat, ne miles extra suam legionem ministerium Tribuno præstet.

Prima ergo cura est loci, qui ante Tribunos. Ea sunt Principia, celeberrimus & facerrimus locus, ad quem ordinant duos manipulos ex quaque legione, Principum & Hastatorum. His curæ est, ut Principia versa & tersa sint. Nam quia frequenti itu & attritu necessum erat pulverem aut lutum fieri, (ibi enim sermones & conventus in totum diem, atque etiam judicia, & si quid aliud publica agendum) iusserunt indies viam hanc aspergi & mundari: Illud, cum pulvis: hoc, cum lutum. Sordes humanas extra castra & vallum fecerunt, cum liceret, id est, de die: si nocte urgerentur, in tentoriis & valis, ac calones aut ipsi asportarunt, nam discurrisset in tenebris per castra & excubias, non opinor, & fraudi fuerit locus. Quid si etiam, ut Turcæ hodie, in fossis quibusdam hæc creverint, iisque terra repletis, alias, subinde novas foderint? Id potuit. Et Turcæ majoribus tabernaculis tentoriola quædam conjuncta habent cum his scröbibus. Quæ tentoriola scilicet crebro mutant. Faciunt simile in exitis, aliisque rejectamentis carniæ, & ea defodiunt atque humo operiunt studiose contra fœtores. Salubria haud dubie castra, per minutas has observationes.

Reliqui 18 Manipuli senis Tribunis per vices ministrant, tres in singulos. Cum castra metantur, eorum tentoria statuunt, & locum circa complanant, cespitem viridem comportantes, & tessellatim disponentes: nec abnuam etiam de glarea aut lapide, si locus

vicinus præberet, aut diuturna mora posceret, ut in *Stativis* aut *Hibernis*. Et, si quid sepelendum aut claudendum sit ad vasorum utensiliumque custodiam, id præstant. Aquatum, lignatum, pabulum quoque istos esse in usum *Tribunorum* crediderim. Visum enim, hæc omnia, quæ militiam tangunt, per milites fieri, tum contra ignaviam & otium, tum causa obsequii, & ut opportuni magis imperiis atque obnoxii essent. Hodie abnuunt, per malum factum; qui in milite bonus, sed in hostem: apud duces obsequiosi & flexi animi conveniunt.

De Excubiis.

Præter jam dicta ministeria, dant etiam excubias *Tribunis*. Excubia autem est è viris 4. quorum pars ante tentorium, pars post illud juxta equos agunt. Cum autem sint cuique *Tribuno* tres manipuli, & in quoque istorum viri supra 100, (*Triarii* exceptis & *Velitibus*, nam hi non ministrant, illi ob dignitatem, hi ob vilitatem, & quia utrique alio vocantur) non nisi in quartum quemque diem ad manipulum redit & incumbit. *Tribunis* vero simul & commoditas ex hisce ministeriis; simul & dignitas atque honos imperio accedit. Sunt enim hi velut custodes quidam *Tribunorum* aut apparitores. Immo fallor, aut cum ipsis *Tribunis*, si exhibant, pars eorum exibat, ut honeste scilicet per castra & alibi incederent, militibus sic comitati.

Erat & equitibus excubia una *Triariorum*. Nam hi à ministro *Tribunitio* liberi, curabant cum alia, tum equos maxime, ne aut vinculis impediti illigatique lædantur, inutiles futuri ad militiam; aut soluti & ruentes, turbas ac confederationem excitent in castris. Percommodum enim visum, ut *Triarii* equitibus ministrarent, sine molestia ulla sua, in suis tabernaculis manentes.

Imperator prius ex omnibus manipulis in diem excubabat; quæ res & tutum præstabat ab insidiis, & ornatum speciemque magistratui addebat.

Sociorum manipuli etiam ad exemplum legionis distributi, ut quidam *Principia* munda habuerint in sua parte; aliæ excubiæ fuerint *Præfectis*, exemplo *Tribunitio*: denique & *Imperator* manipulus forsitan unus.

Excubiæ etiam ad portas & vallum: atque adeo *Romanus* mos fuit, totas cohortes & turmas habere & ponere quietas ante ipsas portas, non unum aut alterum militem, ut hodie solet, quos à sentiendo *Sentinellas* vocamus. Illi plures, atque etiam cum periculum esset, alios super alios, & longius abjunctos. Id vocabant ab ipsa re, *Stationes*: stabant enim, tam equites, quam pedites. Et distinguunt passim à vigiliis, quod hæc diurnæ essent. *Græci* *νεγυλαργε*, bene & apte vocant, quali dicas *Procustodias*. *Ammianus* *Stationes agrarias* aliquoties dixit. *Vegetius* compendio, *Agrarias*, quod in agris scilicet & sub dio. Hæ *Stationes* olim quidem totum

totum diem habitæ, sed mutavit Æmylius, ob causas, & binas in diem statuit. Utiles valde, quod nunquam hostis imperatos aut paucos deprehendebat, imo qui essent resistendo, donec succurreretur. Anxie autem servatæ; & omnino capitale (nisi magna vi abriperentur potius, quam pellerentur) deseruissæ. Has Stationes puto ex omni genere militum, exceptis Velitibus, obiisse: ad singulas portas non minus cohorte & turma una; interdum ad plures, cum juxta hostis. Quatuor autem portæ, in universum 40 cohortes, & totidem turmæ. Exceptis iis, qui ad prætorium Extraordinarii, aut Selecti. Hi enim ab hac re immunes. Ergo munus reddiit decimo quoque die. Imo quinto die, si illum medium dividis & secas cum Æmylio. Aliter paulo Spartani, qui asservabant fœderatos suos & armorum focos una illa custodia, altera hostes. Custodia in socios, peditum fuit: in hostes, equitum, atque ea in locis fere montanis aut excelsis.

De Vigiliis.

Sicut Excubiæ erant diurnæ, ita Vigiliæ nocturnæ: etsi illæ quodque pro istis usurpatæ, & est generale nomen: at non è contra. In Vigiliis tria consideranda. 1. TESSERA. 2. IPSÆ VIGILIÆ. 3. CIRCUITIO.

1. *Tessera* hoc modo data & accepta. In quoque genere, equitum & peditum, ex decimo signo, quod ultimum est, & in stragarum parte extrema, vir unus eligitur, qui à reliquo munere excubiæ immunis sit, *Tesserarius* dictus ab ipsa re. Is quotidie, Sole jam inclinante, ad Tribuni rectorium venit, & signum petit: illud Tribuni ab Imperatore accipiebant, in milites per Centuriones transhendendum: ibique quotidie referebatur numerus militum, utili more, & cauto Duci omnino imitando: ut, quoniam multi per conneatus, aut qua alia causa defluunt, multi casu aut ferro pereunt, sciat quotidie suas vires, & quid militum ad manum. Ruuat multi in pericula fiducia virium, quas habere putant, nec habent: & fraudes quæ hîc hodie, non est ignotum, cum nomina magis Centuriarum, quàm numeri constant.

Signum aut *Tessera* militaris erat tabella latuscula è ligno, inscripta, nempe ipso nocturno signo aut dicto, quod esse vellet Imperator. Sæpe unum, alterum verbum inscriptum erat: interdum mandatum, aut sententiam habebat, aut versum, ut in pugna: de qua vide supra suo loco. Et Imperator quidem ipse ore dabat & pronuntiabat, sed Tribuni tum inscribebant, & dividebant. Hanc tabellam sive *signum* non ad ipsas vigilias solum, sed ad mandata etiam adhibuerunt, quæ tesseriis sic inscripta, securitatis causa, ne quis quid excusaret, atque ideo sæpe grandiusculæ fuerunt, & quibus inscribi plura possent. Imo *Libellus* Suetonius appellat. Sic enim tuto data sub noctem, & sine periculo revelationis, vigiliis jam ponendis. Denique & celeriter sic transmissa, ordine noto

Per tesseras etiam iter edicebant sæpissime, & ad absentes quoque mittebant. Dabant & interdum signatas, nec nisi tempore & loco referendas.

Tesserarius, accepta Tessera à Tribuno, non loci aut dignitatis ordine dabat, incipiens à primis manipulis : sed contra, redibat ad suum & ultimum manipulum, & Centurioni dabat : ille acceptam proximi manipuli Centurioni, iste iterum proximi, donec ad primos manipulos perventum esset. Bonus hic ordo dupliciter : tum ut Vigiliæ in ultimis castris & hosti propinquis statim constituerentur : tum ut tessera sic via recta & sine flexu ad Tribunos rediret. Magna etiam ibi celeritas : nam luce ambigua, & Sole occiduo, tessera à Tribuno data, ante eundem occasum oportuit relatas. Si mora aut culpa, inquiritur, punitur. Cognoscitur culpa ex inscriptione : nam præter signum nocturnum, unum & idem omnibus in unam noctem. Alia etiam erat inscriptio, quæ notaret partem & genus. Exempli causa Tesserarius Hastatorum, Principum, Triariorum, Equitum, quisque suam tesseram accipiebat, cum notula H. P. T. T. aut tali, quæ initialibus aut pluribus literis notare genus, ut inde statim constaret, in tali parte peccatum. Tessera dabatur adhibitis testibus ; nam in tabernaculo data Centurioni, præsentibus militibus, ne quis negare posset ibi datam, aut Tusco (quod aiunt) iurgio alter alterum culparet. Hodie in aurem falsam insusurramus, quam facili lapsu aut venia, si neget intellectam. Discursu etiam datur. Nihil hic opus. Et distribuitur in summam quiete. Ipsi quidem Centuriones legunt, & porro tradunt ; sed lectam iis enunciant, quorum sunt vigilandi vices. Ita omnia ordine ; à summo Imperatore Tribunus, ab ipso Centurio, ab hæc milēs in suo manipulo quisque accipit : denique ratio sic imperandi aliquid aliud, proba & quæ omnis it sine tumultu.

2. *Vigilia* per manipulos erant dispositæ. Imperatorem & Prætorium manipulus accubans custodit, Tribunos & Equitum turmas ii, qui è quoque manipulo constituti sunt, ut in diurnis excubiis, & in numero nihil, sed homines mutantur. Sunt autem in quaque legione manipuli 30. ergo excubabant homines 120. Per singulos manipulos omnes ex se ipsis vigiliam disponunt, reliquas ipse Imperator ordinat. Fiunt autem plerumque tres vigiliæ apud Quæstorem, id est, homines 12, & apud quemque Legatorum duas. Exteriorem vero aspectum castrorum Velites complent, per totum vallum de die accubantes : & videntur illic sedes, & tentoriola sua habuisse. Vigilarunt autem sparsim & per excubias divisi : singulis centenis pedibus una erat excubia : nempe in latere uno 20 excubie, five viri 80. Adde, quod etiam in portis excubie, sed & ibi Velites, junctis equitibus, imo manipulis & cohortibus.

Vigiles quaterni se diviserunt in 4 partes, ita ut singuli vigiliam unam noctis obirent, sorte dividente per ternas quique horas. Erant

ergo 4 vigiles; atque ii una: sed unus ex iis sua vigilia quisque perstabat intentus, & vere vigil, alii adiacebant aut accubabant. Itaque his quies aliqua, & ille stans, si auxilium posceret, ad manum habebat. Multo melior hæc ratio, quam nostrorum Sentinellarum, qui prorsus solitarii & certe a suis abijuncti. Itaque facile intercipiuntur, imo & occiduntur, sine aliorum sensu. Qui vero ad vigiliis destinati sunt? Ex singulis eorum excubiis unus cujusque manipuli Tergiductor seu Optio ducit vespere ad Tribunum qui primas sunt acturi. Quis ergo secundos, tertios, quartos? Nemo, nec ullus ultra discursus in castris; sed probabile est, ipsos istos primos tesseras quoque eorum vicem accepisse. Castra quidem noctu omnino quietas. Ideoque statuendum, vigiles primos, etsi depenso suo penso, tamen non abivisse ad tentoria: sed illic reliquum noctis mansisse: idem in secundis & tertiis, non post venisse sub suam horam, sed illic eam ocio expectasse.

Optio omnibus vigiliam acturis dat tesseras plane exiguas pro quaque vigilia. Hæ tesserae diversæ fuerunt à priori: Illa unius modi fuit, & signum aut dictum nocturnum, quo sese ab hoste internoscere: Istæ diversiformes, & propriæ cuique vigiliæ: Etiam in modulo discrimen. Illa tabella latiuscula, istæ plane exiguae, aut velut taleolæ. Omnino non aliud fuisse videntur, quam ligellæ, cum nota duplici impressa: altera manipuli, altera vigiliæ ipsius. Id hoc fine, ut Tribunus, ea reddita, statim conspiceret quis in quoque manipulo, & quota vigilia, munus fecisset aut non fecisset.

3. *Circuitio* positas vigiliis firmabat, alioquin in noxam ruituras. Circuitio Græce *ἰσθδία*, obitus aut *lustratio*. Prisci, auctore Vesto, dixerunt *Fraxare*, vigiliam circuire. Hæc circuitio commissis equitibus de more: ipsi interim Tribuni etiam circumvenerunt, si propius discrimen. Quin & ipse Imperator interdum & cum eo Legati. At sub Vegetii ævum *Circitores* proprium munus fuit, & militiæ gradus.

Oportet primum turmæ Præfectum aut Decurionem in quaque legione uni Tergiductorum suorum præcipere mane, ut 4 juvenibus turmæ suæ indicet atque edicat ante prandium, iis qui debent circuire. Deinde sequentis turmæ Præfecto oportet eundem vespere indicare, quod ad eum sequentis diei circuitiōis cura pertineat. Qui cum audierit, oportet similiter jam dictis eum facere in sequentem diem: pariter & eos qui sequuntur. In quaque turma tres Præfecti seu Decuriones. Hæc cura fuit primi e tribus, idque per vices ivit in orbem: ergo undecimo die redibat ad turmam circumvendi munus, si tamen e quaque legione Circitores capti. Ergo 8 fuerunt in unam noctem & partiti sunt lustrationem. Qui vero ordinati ab Tergiductoribus fuerint ex prima turma quatuor, postquam sortiti fuerunt vigilias, eunt ad Tribunum, & scriptum accipiunt, quotam & quor debeant obire. Post quæ illi 4 accubant

ANTIQUITAT. ROMAN.

ad primipilum ad Aquilas, uno abeunte reliqui tres accubant, ut scilicet proximi sint ad audiendum signum, atque ei attendendum, ut in tempore detur: ejus enim Centurio curam habet ad quamque vigiliam buccina signum dandi. Initio vero vigiliarum omnia signa cecinerunt, aut potius paulo ante ipsas, cum nimirum Prætorium dimitteretur: & hoc signum erat imperii. Erant autem vigiliæ quaternæ, & singulæ in horas ternas divise. Has Primipilus clepsydris discernebat: habebant vascula aquaria; sive mensuras ex aqua, quibus 4 illa tempora æqualiter distinguebant.

Cum tempus appetierit, primam vigiliam circuitis, qui eam sortitus est, habens apud se testes aliquos. Primum, fidei causa, ut, si culpam alicui ingerat, non ille regerat aut abnuat: deinde decori etiam causa & periculi, quia nec honestum, nec tutum fortasse, solos ita circuire. Ergo aliquem, vel aliquos ex amicis assumebant, sæpe ejusdem illius ordinis, & quibus operam hanc in simili reddebant. Perlustrat vigiliæ. Quod si reperit, qui primam agunt, vigilantes, capit ab iis tesseram; si aliquem dormientem, aut loci desertorem, testificatus proximos abit. Idem fit & ab iis: qui sequentes vigiliæ lustrant. Quisque autem Circuitorum una cum luce ad Tribunalium desert tesseram; & si omnes redditæ sint, sine culpa abeunt. Quod si quis pauciores fert, quàm pro numero vigiliarum, inquirunt ex caractere, quenam vigilia defecerit. Quo cognito, vocat Centurionem, qui ducit eos quorum vigilia fuerat, ii disceptant cum Circuitore. Et, si vigiliam delictum est, statim ostendit Circuitor adhibitis testibus e proximis; id enim facere tenetur. Si nihil horum in ipsum cadit culpa, statimque concilio advocato Tribunus iudicat, & si damnatus fuerit, fuisse percutitur.

Vigilabant armati; olim tamen scutum iis ademptum, ne, ubi fessi sunt, innixi palo, capite super marginem scuti posito, sopiti starent. Postea vero redactum. Qui illo die in expeditione fuit, ne vicibus quidem suis vigilabat: causa ab humanitate, & quia tales egent quiete.

Duo adhibita ad excitandum: *Signum* sive buccina, & *Voces*. Hæ ex ipsa re, *Vigila, vigila*. Sed hoc videtur à Circuitore illo magis, quàm vigile usurpatum. Facit magis, quod hodie apud Turcas ille mos, & in arcibus oppidisque excubias ita agunt, ut alta voce invicem appellent se, & responsent. Pannonæ idem faciunt, qui clare & mutuo sibi acciunt. *Szollay megh, szollay megh, virrazo, szollay megh*, id est, *Vigila, vigila, vigil, vigila*. Ex cum sub Auroram se recipiunt, canunt: *Hajnal vagyon szep pyros, hajnal, hajnal vagyon*, hoc est, *Erumpit jam elegans rubens* (scilicet Aurora aut dies.) *erumpit jam*. Sed & Persæ cantitare soliti in Vigiliis laudes sui Regis. Quæ omnia bona & utilia contra somnum, nemo neget. Græcis etiam tintinnabula sive campanulæ ad excitandum; ut & Romanis in urbe. Quod nec hodie prorsus exolevit,

olevit, & in arcibus plerisque ad campanulam vigiliæ excitantur. Erant quoque crebro ignes vigilibus, quos coenæ aut corporum curandorum causa ita structos, in noctem & vigiliæ producebant, donec paulatim extinguerentur: etsi de facibus proprie ad vigiliæ, non abnuam, quas vigiles ipsi aut manu tenuerunt, aut apud se fixerunt. In turribus aut speculis etiam ignes structi ad illucendum, & ut accedentes noscerent: vel ad indicandum aliquid aut significandum. Tale hoc genus Græci dicunt *συντις*. Horum usus pro literis esse potest, ut per specularem hanc significationem indicetur quid agendum. Inventum Simoni attribuit Plinius; Palamedi verius plerique Græci. Usurparunt & Romani: qui noctu igne, de die panno rubro in hasta sublato significabant.

2. EXERCITIA.

Altera Disciplinæ militaris pars *Exercitia* sunt, à quibus ipse Exercitus nomen accepit: & Romanis præter & supra plerasque gentes usurpata exercitia. Hæc autem triplicia. 1. ONERIS. 2. OPERIS. 3. ARMORUM.

1. Exercitia Oneris.

Quatuor oneris genera milites in agmine ferebant: *Cibum, Uten-
silia, Vallum, Arma.*

1. *Cibus*, primum onus: nam plus dimidiati, & sæpe etiam totius mensis cibaria ferre cgebantur. Mansit hæc durities, etiam molliore ævo, & in Principum inferiorum rebus onera ista leguntur. Ambigitur, an frumentum ipsum datum & latum, an vero panis excoctus, quem *Buccellatum* (quia sectus in buccas) vocabant, imo potius iste: nam *Buccellatum* communis cibus, sed delicatiores quidam asperitatem illam aut siccitatem refugientes, habuerunt interdum in exercitu pistores ad panem recentem. Erat talis panis *bis coctus*; quod nomen hodie retinet, atque ita olim Græcis, nam *σινεσι* dicebant, *bis ignitum*. Byzantinis dicitur *Paxamus*, sive *Paxamadium*. Hos panes in peris & faccis pelleis ferebant. Antiquitus frumentum portabant, non panem aut farinam; illud tunde-
bant, pinsebantque, aut molis manuariis frangebant. Istas enim molas inter instrumenta militaria fuisse, & comitatas castra, docet Livius, quas in jumentis ferebant.

2. *Utenilia*, secundum onus: Præter hastam & scutum Romani pedites ferebant ferram, & corbem, rutrum, & securim: amplius lorum, falcem, & catenam: Pertinent enim hæc ad lignandum, pabulandum, muniendum, & postremum ad captivos vinciendos. Tulerunt ista, & plura etiam; ut ollam, veru, & talia ad victum, dicit Appianus, res ipsa vult, & monumenta antiqua ostendunt.

3. *Vallum*, tertium onus: Non unum vallum, sed vallos ternos aut quaternos ferebant, ex usu & more, nonnunquam plures, & septenos, imo duodenos legas. Isti ferebantur, ut statim liceret vallare se & munire, si castra subito locanda, aut alia necessitas esset.

esset. Cogita numerum militum, qui fuere in Consulari exercitu supra 16000. ter aut quater tot vallos, profecto densa & firma munitione statim strui potuit, contra equitem peditemque. Ita nec in agmine facile fuit eos opprimere aut dissipare.

4. *Arma*, quartum onus: imo non onus: & habent milites quasi sua membra: quæ quidem ita geruntur apte, ut si usus foret, abjectis oneribus, expeditis armis, ut membris, pugnare possint. Pendebat galea ab dextro humero ad pectus, (id quoque ad duritiem, incederent capite nudo) scutum in sinistra, in eadem pertica cum sarcinis. Ob tot ac talia ferenda, pedites Romani, joco *Muli* vocabantur. Unde *Muli Mariani*, in proverbio. Nam C. Marius recidendorum impedimentorum gratia, quibus maxime agmen oneratur, vasa & cibaria militum in fasciculos aptata furcis (quas appellarunt *Ærummulas*) imposuit, sub quibus & habile onus, & facilis requies esset. Sic ergo onusti milites iter grande sæpe conficiebant, & gradu quidem militari, qui grandior: horis enim 4 æstivis hoc militari gradu 20 millia passuum conficiuntur. Cæsar bello Africo 16 millia passuum confecit cum toto exercitu, nec toris 6 horis, idque nocturnis & æstivis; ex sane noctu breviores, pro more Romano. Idem 50 millia confecit a media nocte ad diei alterius initium cum 4 legionibus & equitatu, sed (quod sane mirum) rebus gerendis & hoste impeditus. Idem Cæsar, periclitante Q. Cicerone, cum M. Crassus hora tertia diei advenisset, eo die circiter 20 millia passuum progressus est. Nec longe à duritia ista Romana abierunt Macedones. Item Catti prisci. Quin & Turcas hodie ollam æneam, scutellam, securim, igniarium, sacculum cum annona, & talia quædam, ferre scimus.

Habuerunt quidem Romani servos aut calones, sed nec multos, nec vulgo; Tribuni, Centuriones, & digniores militum, habebant, gregarii non habebant, quibus amputata hæc adjumenta inertiae: sed & dignioribus acrite modus staturus erat, ultra quos & quot, non haberent. Nec aliter in veteri militia. In sequenti, hoc & alia solutiora, ubi magnus calonum & servorum numerus in exercitu increbuit. Ab his tamen lixæ sunt diversi, qui velut negotiatores quæstus sui gratia castra sequuntur. Jumenta quoque plura in castris, sed gregariis militibus, non nisi ad usum communem, nempe ut tentoria, ut molas, & si quid tale, ferrent. Digniores tibi quædam habuere & ad proprium usum. Reperies, & his, & vehiculis, modum etiam positum; imo rarerer vehiculis eos usos, quia hæc scilicet impediunt aut morantur iter, præsertim per angusta & confragosa.

De Agmine.

Sub jam dictis oneribus compoliti & ordinati ibant, nec viæ tantum, sed pugnae apti. Et hoc *Agmen* dicitur; cujus duo potissima genera. *Primum* commune, & cum sine motu incedunt, quod tale est:

est: Præeunt Extraordinarii, & agmen ducunt; quia portæ Prætorie vicini, per quam fere egressus: atque etiam quia ordine pene illo exeunt, quo metati. Secundi, Cornu dextrum Sociorum; & istos prædictorum jumenta sequuntur. Terti, prima legio, à tergo habens vasa sua & impedimenta. Quarti, secunda legio, cui subsequuntur jumenta sua, & Sociorum item impedimenta, qui à tergo locati sunt. Ultimi, lævum Cornu. Ad latera equites, aut quisque post suorum agmen, id est, Sociorum post Socios, Romani post legiones: habet enim quæque legio suam Alam, & item Cornu. Media his singulis ordinibus sunt impedimenta. *Alterum* genus non ita commune, & cum in hostico, & vicino periculo incedunt. Id tale. Præeunt impedimenta Hastatorum, ipsi sequuntur; tum iterum impedimenta Principum, & mox ipsi, idem in Triariis. Est igitur tum quasi composita ad pugnam acies, nisi quod evolvere se oportet ab impedimentis; quod fit, ad latus alterum declinando, & in hostem eundo, impedimentis subsistentibus, aut retro subductis. Velites in fronte positi, aut præmissi ad explorandum hostem.

Cum igitur castris discedendum, ter signum dant, *Itinerarium sonare* appellant. Cum primum signum datum est, tabernacula sua detendunt, sarcinas componunt, & vasa colligant. Sed nec detrahère, nec constituere cuiquam tabernaculum fas, priusquam Tribunorum & Imperatoris erigatur deponaturve. Cum vero secundum signum sonuit, imponunt sarcinas jumentis. Cum tertium, procedere oportet primos, & movere tota castra ordine jam dicto. At Præco, id est, Accensus, aut Apparitor dexter Imperatori assistens ter rogabat, *An parati ad bellum;* id est, *An in procinctu essent?* Illi toties alta atque alacri voce acclamabant, se paratos esse. Et fortassis hic est ille clamor respondentium, quem Cæsar aliique tangunt, cum *Vasa* aiunt *clamari*, & inter solennia ponunt. Signum nempe alacritatis ac fiduciæ erat, nec clam se subducendum.

De Castrorum metatione.

Cum appropinquarent ubi castra ponenda, præeunt Tribunis ex quaque legione unus, & Centuriones illi, qui ad hoc munus electi sunt: nam castra metari munus fuit in certis hominibus, qui dicti *Metatores*. Est autem *Metari* non aliud, quam dividere, secare suis finibus & metis. Inde *Metator agrorum* Ciceroni est *Finitor*: cui rei Gruma & Decempeda serviebat. Hinc *Degrumare viam*: & *Decempedator*, pro Metatore. Porro *Metandi* vox fusca latius, & à castris in urbem iit. Hospitia, mansiones, & quidquid tale designatum, *Metari* dicunt, & *Metata*: Primo quidem ipsorum militum, aut Palatinorum, sed mox & aliorum. Sic in Suida, *Metator præmissus* à Principe nuncius ad loca designanda: nostro verbo *Forerius*. Sic *Metatio*, *Metatura*, *Metatorium*, pro domo adven-

toribus

toribus parata. *Metacula* *Deorum*, Martiano Capellæ domicilia & sedes ab Astrologis datæ. Sic *Metator* in militia (ut eo redeam) qui vel castra, vel hospitia designat.

Cum igitur hi totum locum circumspexerint, ubi metari oportet, primo designant Prætorium, & ad quod latus aspectumque loci prætorio adjacentis ponere legiones oporteat. His electis & capitis, dimetiuntur Prætorii ambitum; deinde lineam dictam, ad quam tabernacula Tribunorum locantur; tum aliam lineam æquidistantem, à qua incipiunt metari legiones. Consimiliter & latera utrimque describunt lineis, de quibus supra ubertim dictum. His factis, vexillum unum figunt: & primum in loco, ubi Prætorium ponendum; secundum in latere electo; tertium in media linea, ubi Tribuni tendunt; quartum, ubi legiones: hæc quidem punicea, illud autem Imperatoris album: ad latera porro interdum tenues hastas defigunt, interdum vexilla coloris alterius. His factis, strigas demetiuntur, & Hastas in quaque ea figunt: è quibus, cum appropinquantur copię, & in conspectu habent castra, statim omnia omnibus innotescunt, indicio & ratiocinio usis à Prætori signo. Ita milites in castra ibant, tamquam in notam & suam urbem. Illic enim statim à portis declinantes procedunt, & quisque veniunt ad suas ædes sine ambage aut errore, quoniam & universæ, & in parte cognoscunt, qua regione urbis iis divertendum: Simile igitur & in Romanis metationibus evenit.

2. *Exercitia Operis.*

Exercitii secunda pars, *Opera*, quæ tam stupenda apud Romanos, ut fidem superent, & fieri humana manu vix posse videantur. Rem asseram paucis & illustribus exemplis.

Cæsar in Gallia Atuaticorum oppidum, obsidens, vallo pedum 12, in circuitu 15 millium passuum, crebrisque castellis circum-munivit. Mirum, in paucis diebus sola militari manu hæc confecta. Idem ingressu Helvetiorum in Provinciam excitatus, cum una legione militibusque qui ex provincia convenerant, à lacu Lemano ad montem Juram, mill. pass. 19 murum in altitudinem pedum 16, fossamque perduxit. Id quoque opus non multis diebus confecit, & Helvetios consilio & aditu dejecit. Non tam grandis munitio, quæ ad Alesiam ejusdem Cæsaris, sed operosa magis & multiplex. Ipsa enim in circuitu 11 millium passuum tenebat, sed fossa fuit pedum 20 directis lateribus ducta. Iterum ab ea fossa pedes 400 recedens, reliquas munitiones instruxit. Eæ erant duæ fossæ 15 pedes late, eadem altitudine, quarum interiorem aqua ex flumine derivata implevit. Post istas aggerem & vallum pedum 12 extruxit; huic loricam pinnaeque adjecit, grandibus cervis eminentibus, qui ascensum hostium tardarent: & turres toto opere circum-dedit, quæ pedes 80 inter se distarent. Adde jam alias minores fossas, cippis confitas, & scrobes stimulis repletas. His rebus per-

fectis

scdis, pro loci natura 14 millia passuum complexus, pares ejusdem munitiones, diversas ab his contra exteriorem hostem fecit. Addo ejus Cæsaris munitionem, qua Pompeium ad Dyrrachium clausit, omnia omnium opera superantem: Ille enim aggressus est difficile & inopinarum opus, ut uno muro omnes Pompeii copias circumplexus, à mari ad mare eum duceret; etiam si ceptis excideret, magnam apud posteros super hac audacia gloriam laturus. Erant enim stadia 1200.

Licinius Crassus bello Spartacio in brevi tempore fossam à mari ad mare duxit per cervicem peninsulae, stadiorum 300 latitudine, & altitudine 15 pedum: super fossam vero struxit vallum altitudine & firmitate mirandum.

Augustus bello in Cantabros, Medullum montem perpetua 13 milliaria fossa obsidione cinxit. Idem civili bello ad Perusiam, circumvallavit eam urbem primum spatio 56 stadiorum; sed brachia inde ducta ad Tiberim, quæ usum fluminis eriperent: Postea alias fossas vallumque struxit, additis 1500 ligneis turribus, quæ 60 pedes inter se distarent.

Plura, atque ea operæ & structuræ melioris passim legas, perite & affabre facta: non quia olim in ipsis legionibus seorsum fabri, sed quia milites ipsi, aut aliqui inter eos, longo usu sic docti, & mixti fortassis aliqui ex professo tales; denique præerat & dirigebat Præfectus fabrum. Postea vero quæque jam legio habebat fabros lignarios, structores carpentarios, ferrarios, reliquosque artifices ad hos usus. Itaque etiam in pace & otio, sed contra otium, militari manu mansura, multa struebant, ut vias, pontes, naves, aggeres, templa, porticus, basilicas, theatra, aquæ ductus, imo opida tota.

3. *Exercitia Armorum.*

Pars tertia Exercitii, *Arma*. Hæc quoque pars à Romanis diligenter habita. Non enim illis initium armorum ipsum bellum fuit, nec solum cum usus aut necessitas erat, manus moverunt, in pace feriati; sed tanquam congeniti armis, numquam pansam exercitii faciebant, non exspectantes occasiones. Omni die, omni ætate exercebantur: tirones bis die, veterani semel. Ipsi Duces faciebant, ut scientiam ostentarent, & in exemplum; ut Scipio Africanus, P. Valerius, Pompeius. Quin ipsi Imperatores, ut Trajanus. Quisque ergo miles quotidie omni alacritate tanquam à bello exercebatur; sed maxime in Stativis aut Hibernis, cum quies scilicet à vero certamine & ab hoste. Nec pluviis aut hyemantibus diebus cessarunt, sed ei rei porticus quasdam & basilicas, leviter canna aut stramine rectas, habuerunt, in quibus equites, peditesque exercebantur. Alias in campo: inde *Campestræ exercitationes*, in Suetonio: *Meditatio campestris*, in Plinio. *Campidoctor*, ipse *ἡμιδοξαστής*, five *doctor armorum*. Ex hoc officium certum inferiori ævo, non

certum

certum veteri; sed tunc Centurio aliquis aut miles annorum armorumque vetus docebat. Exercitia autem illis varia.

1. AMBULATIO. In hac duo spectata: *Celeritas* in ordinato incessu, sub signis & sub armis: tum etiam *Æqualitas*, ut suis iustitque intervallis. Hinc consuetudo vetus, ut ter in mense, tam equites, quam pedites educerentur ambulatum, 10 millia passuum, armati instructique omnibus telis pedites, militari gradu ire ac redire in castra jubebantur; ita ut aliquam itineris partem cursu alacriore conficerent. *Iustum* autem iter diurnum erat quantum militari gradu vulgo solet confici, aut certe circa: sic tamen ut horas semper aliquot sumas ad quietem.

2. DECURSIO. Haud longe ab Ambulatione est, & fit in armis, & sub signis. Decurrerunt 4 millium spatio. Finis & fructus; ut majore impetu in hostem procurrant, ut loca opportuna celeriter occupent, ut ad explorandum alacriter pergant, ut fugientium terga facilius comprehendant. Hæc Decursio ad tubam facta, & ad eandem revocata.

3. SALTUS. Hujus utilitas, ut vel fossas murales transcendere, vel impediementem aliquam altitudinem superare, & sine labore transilire possint.

4. NATATIO. In mari vel fluvio castris vicino. In ipsa Urbe, aut ad Urbem hoc olim factum, & Romani veteres Campum Martium vicinum Tiberi ideo delegerunt, in quo juventus post exercitium armorum, sudorem pulveremque dilueret. Fuit & Piscina huic rei, in Festo. Cum cura res habita, imo parentes quidam ipsi liberos suos docebant, ut Cato Priscus filium suum.

5. PALARIA. Non fuere aliud quam armorum exercitium & pugnae, quæ in manibus esset; Statuebatur palus (Diaconus Latinitate sui ævi *Lanceam* vocat) in terram rectus & fixus, qui sex pedes eminere ad modum hominis, eumque hinc illinc tiro assiliebat & variis ictibus, astante magistro, petebat. In qua exercitatione servabatur illa cautela, ut ita tiro ad inferendum vulnus insurgeret, ne qua ex parte ipse pateret ad plagam.

6. ARMATURA. Hæc levium fuit, ut Palaria gravium. Sub hoc nomen non aliud venit, quam hastilium, jaculorum, pilorum, sagittarum missio. Causa, quod ipsi leves milites dicti sunt, *Armatura*, compendio; nam olim quidem juncto nomine altero, *Leves armaturæ* dicebantur. Et sunt alii ab istis, de quibus Græcorum scholia; *ἰπλοχῆσαι Armisalii*, qui cum armis saltant. Non id ad nos, & est Pyrrhicha quædam, aliena à seria militia. Ad nostram spectant, hastilia jacere, sudem torquere & vibrare, arma tractare, sub vineam vel vitem hastas jacere.

7. SALITIO. Ea ad Equites spectat; discebantque celeriter & expedite ab utraque parte, gladiis etiam strictis, aut contum tenentes, saltare in ligneum equum. Idem cursus, flexus, orbis, aliaque

aliaque didicere. Nostri Equites tenere concursus quosdam ludicros, quos *Tournamenta & Giostra* vocant; sed ii ad delicias fere verſi & oblectamenta aule.

3. LEGES.

Pars ultima Diſciplinæ militaris ſunt *Leges*, quæ ſunt *inſtituta militiæ ſcripta aut non ſcripta*. Ea multa & varia: nos tangeamus ea, quæ tangunt *Furta, Stipendia, Penas, Miſſionem*.

De Furtis.

Furtorum quia magna occaſio & materies in caſtris, ubi pleraque aperta & incuſtodita, placuit ea ſevere cohibere & punire. Ergo poſt metationem caſtrorum primam, ſtatim in dilectus habitus eſt, & eduſti ſunt in campos, Tribuni convocantes omnem copiam, tam liberos, quàm ſervos, juramento adigunt viritim, ita ut calones & ſervitia quoque, & quidquid humanorum capitum in caſtris, adſtrinxerit hoc juramentum, quod tale eſt: Nihil è caſtris furto tollere, imo ſi quis invenerit quidpiam, id ad Tribunal relatuſos. Itaque qui aliud è caſtris furto abſtuliffet, fuſſet percutiebatur. Militem Prætorianum ob ſurreptum è viridario pavonem, capite punivit Tiberius. Peſcennius Niger ob unius gallinacei direptionem, 10 commanipulones, qui raptum ab uno comederant, ſecuri percuti juſſit.

Nec ipſa prædatio illis libera, ſed per manipulos, cohortes, legiones, ſæpe miſſi milites, ut prædam agerent ex hoſtili terra & terrent; ſed cum lege, ut communis nempe ea præda eſſet: Romani igitur avaritiæ, & quæ aſſita eſt, injuſtitie coercendæ, prædam omnem in publicum ſere vindicabant, & ad Quæſtorem jubebant deferri: atque is dividendæ, & ex pecunia militi perſolvebat. Præda igitur plurimum relata in publicum; & ſi quando militi conceſſa, ad excitandum eum in re aliqua ardua, id quoque ſub lege & diſiſionis norma. Interdum quotidie permutabantur milites, qui manerent, qui raperent; interdum minime, ſed ſemel per manipulos ſeponebantur & ſecernebantur: puta, ex quaque legione vel ala, 5 cohortes mittebantur; 5 ad ſigna retinebantur. Præda autem relata æqualiter diſiſa; & ipſi Socii quoque æquas partes accipiebant. Sors etiam interveniebat, ubi res dividebant, non ubi manubias ſive pecuniam ipſam. Et hæc res eſt inter præcipuas, quæ Socios tot ſæculis tenuit in fide, lucellum & gloria, ex aſſiduis & felicibus bellis.

A furto ergo tam caſti Romani, & tam manus eorum continentes, ut memoriæ tradiderit Scaurus apud Frontinum, pomiferam arborem, quam in pede caſtrorum amplexa fuerat metatio, poſtero die, abeunte exercitu, intactis fructibus relictam.

De Stipendiis.

Stipendium Græcis, *μισθιον*, & *μισθια* quæ, quod velut in opsonium pecunia ea primo data. Latini inferiores *Annonas* dixere: nec enim ipsum quod esui modo, sed mercedem militarem & pecuniam intellexerunt. Græci infimi *μισας*, *Ρογας* appellant: an ab *ερωγανδο*? nam & ipsam rem *ρογανδου* dicunt. Suidas tamen pro donativo Principis capit.

Olim certum est, Romanos nullo publico ære militasse, idque annis plus 300. quibus milites privato sumptu se alebant de suo. Institutum 17 circiter annis ante Urbem à Gallis captam. Erat autem Stipendium triplex, in *Pecunia*, *Frumento*, *Veste*.

Primum peditum stipendium fuit oboli duo in diem. Si computes, sunt in mensem Denarii 10. Id est, Philippæus noster. Exigua certe summa, & tamen tam multi ad militiam prompti; quia frumentum additum exiguo pretio, tum crebræ etiam in triumphis donationes: amplius, erant promotiones, & per virtutem ad altiores ordines veniebant, ergo & ad stipendia meliora. Julius Cæsar, qui per milites magnus, hic quoque leges fregit, & legionibus stipendium in perpetuum duplicavit. Res semel mota non hic stetit, sed magis Augustus auxit. Qui omnes ubique milites ad certam stipendiorum præmiorumque formulam adstrinxit. Eum modum fuisse 10 diurnos asses, ex Tacito liquet. Mansit tamen non diu, sed sive Nero, sive Claudius, sive potius Otho aut Vitellius, aliquid, imo multum addidere, & jam Domitiani ævo stipendium menstruum erant Aurei terni. Si essent in diem 25 Asses; quibus ipse Domitianus iterum addidit menstruum Aureum unum, id est, Denarios 25. Tanti enim Romanus Aureus. Centuriones, Succenturiones sive Optiones, fortasse & Signiferi, duplum accipiebant. Et fuerunt etiam e grege milites quidam sic honestati ob egregia facta. Hi *Duplicarii* dicti, quia annonas duplices accipiebant. Sed & *Sesquiplates* legas, qui unam semis. Equites habebant triplum, quoniam erant super Centuriones, tum quia genere digniores, tum quia onerum plus ferebant. Tribunis stipendia magna. Ita ut adagionem fecerint, *Tribunorum salaris emere*. Habebant enim quadruplum salarii vulgaris, & alia uberiora in veste, frumento, speciebus.

Frumentum quoque accipiebant pedites Romani, quod certo etiam die datum, & cum cura, ne is laberetur. Bonum & utile institutum: militi semper victum esse, nec inopia cogi ad rapiendum, aut deferendum. Si pecunia in hunc usum, poruisset ire in alium usum; igitur maluerunt rem dare ipsam: atque ita, ut nefas etiam haberetur vendere. Itane culpa, mercari, aut vendere? hodie nec rapere: & vis aut injuria fere est quæ militem alat. Dabantur autem Attici medimni duæ partes. Medium faciunt 6 modios: ergo militi, Romano modo & sermone, dabantur modii quaterni. Quidni tantum,

tantum, cum ipsi servi eos acceperint in dimenso? Magno & multo igitur opus frumento ad plures legiones. Hinc è provincialibus frumenta hæc coacta, & è Decimis quas hoc fine aratoribus imponabant. Si vero in hostili, tum etiam è vicinis provinciis, aut ex ipso hostico; sed sic, ut non in privatum & sibi miles raperet, sed defecta aut inventa frumenta deferret ad Quæstorem. Equites hordei 7 medimnos ad jumenta, (pro quo & æs aliquando accipere, quod *Hordearium* dictum Festo) frumenti duos accipiebant: ergo triplo peditem excedebant; non enim illi fuere soli, servum aut servos potius habuerunt, & justum est hoc dimensum in capita ternæ, modii 12. De hordeo etiam satis largiter: sed certum est, præter equum militarem jumenta alia habuisse. Socii pedites capiunt par Romanis: merito, nam & tantum capiebat eorum venter. Equites vero frumenti medimnum unum & trientem, quia minus digni aut opulenti quam Romani, eoque nec à familia sic instructi; singulis ergo famulus unus suffecerit: & est mensura hæc in duo capita, modiorum scilicet 8. Simile in hordeo, & habuere pauciora impedimenta. Datur autem hoc fociis muneri. Cum enim pecuniæ stipendium à suis acciperent, quid minus à Romanis debuere quam victum? illorum certe usus & gloriæ militabant. Contra in Romanis fuit: quibus nec muneri frumentum quidem datum, minus arma aut vestis, sed pro his omnibus certa alia pecunia de stipendio detracta. Militibus etiam salem (sine quo vita non est) & leguminum aliquid datum passim legimus. Data etiam suilla salita, id est, laridum. Atque hi tales sunt quos *Militares cibos* scriptores appellant.

Bis die cibum sumpserunt milites, sua hora quisque, & addo etiam suo cibo. Prandium tenuius, & sine ullo apparatu. Stantes fere prandebant, & cibum sine igne; in cœna addere poterant, si copia esset, carnem assam aut elixam. Metellus coquos, lixas, & totum id genus, castris eiecit, vetuitque vendere cibum coctum. Vendere vetuit, non fumere: noluit proflare cibos tales, & facilitate parandi gulam irritari; sed si quis haberet, è præda aut pecunia, ipse pararet & vesceretur. Hoc fine inter instrumenta militis verua & olla. Nolebant curiose & ab professo opifice panem coctum sumi, sed subitarium, & quem sua manu miles parasset. Ipsi coquebant, illi ingenui, illi cives. Quid? imo ipse aliquis Imperator, nec ex Curiis aut Fabriciis, sed novitiis, ut Antoninus Caracalla, qui triticum sua manu molens, quod ipsi satis esset, massamque ex eo conficiens, & in carbonibus coquens, eo vesceretur. Ergo manuiarias quasdam molas circumferebant, aut lapide tundeant: denique sine furni aut clibani opera, subito sic in carbonibus, aut sub cinere coquebant. Panis igitur ille gravis, madidusque, & Plinio *Panis militaris*, talis subitus & subcineritius, nec bene aut diu excoctus. Sed & sine pane frumento suo usi in pulve: unde à Plauto

Pultriphagi

Pultraphagi Romani appellati. Potus militis aqua, eaque mera vulgo. Interdum uti aceto, non solo, sed cum aqua mixto, quod *Poscam*, vel *Puscum* vocant. Pro mensis iis plerumque elatior cespes, aut cespites quadri. Cibum capiebant sedentes, non jacentes delicate aut recubantes, civili illo promiscuo ritu : imo steterunt, praesertim in prandio, ut dixi. Luxus deinde castris importavit triclinia, porticus, cryptas, trichilas, id est, umbras pergulas, Graecis *συνεδρι*. Pocula erant lignea, nam rarum castris argentum, nec id frugalitas castrensis admittebat : certe non copiosum. Nemini praeterea fas prandium aut coenam sumere, nisi ad signum.

De Praemiis.

Praemia & Poenae, quae omnem vitam & societatem continent, vinculum & coagulum rerum publicarum : primis studiose à Romanis habita. Duo autem Praemiorum genera : *Minora*, & *Majora*. Minora sunt, quae ob laesum aut dejectum hostem data. Majora, ob servatum civem.

Cum igitur occasio se dar, & aliqui fortiter & strenue fecerunt, Imperator, re divina prius facta, convocat classico in concionem omnes copias, & circumponens sibi eos, qui auctores egregii facinoris, primum quidem laudes eorum edisserit, & super hoc facto, & si quid aliud in omni vita gesserint laude & memoria dignum. Ii ibi conspicui, in loco edito, juxta tribunal ; à tergo, à latere, Duces ; ante & circa immensa multitudo : sicque voce Imperatoria laudantur, mox donantur.

Si quis extra ordinem, aut in singulari pugna, ut in excursionem aut velitationem, aut tali tempore, in quo nulla necessitas fuerit viritum periclitandi, sponte se & ultro eo dederit, & hostem percussisset, *Hasta* donabatur : quod jaculi genus sine ferro, ideoque dicta *Hasta pura* : sicut *Argentum purum*, cui nihil insculptum : & *Vestis pura*, cui nihil è purpura attextum. Qui vero hoc amplius, hostem dejecerit, aut spolia legerit, duplex jam hic praemium, diversum pro genere militiae : nam pediti datur *Phiala* live *Armilla*, equiti *Phalera*. Phalerae distinctae à Torquibus : illae demissae ad pectus pendebant, haec stringebant magis & ambibant ipsum collum. Diversitas etiam in forma, quod illae planiores & magis jacentes : istae contortae & ex annulis aut catellis plexae. Unde ipsae, *Catellae* dictae. Hoc praemium manlit ad infimum aevum. Et quamvis notum sit ; torques Gallorum jam olim gestamina propria & patria fuisse : tamen ab hoc militiae ritu manasse magis arbitror, quod hodie nobilitas Europaea tam passim sibi vendicat torques. Inter minora praemia erant etiam *Vexilla* : eaque vel *pura*, quae uniusmodi coloris, nec tincta : vel *bicolora*, quae diverſi coloris. Vulgo etiam argenteis vel aureis filis & textu.

Majora dona sunt *Coronae* : quae plures, ob plures causas. Prima *Civica*, quae data illi, qui civem servaverat, & eodem tempore etiam

etiam hostem occiderat. Hac eum Imperator honestat, & Tribuni cogunt servatos (nisi id quidem ultro faciant) servatorem suum coronare. Colit autem hunc qui servatus est per omnem vitam, ut parentem, & omnia ei conferri ac deferre debet, ac si genuisset. E quercu siue lice fuit: cujus causam vide, si lubet, apud Plutarch. Altera, vel potius prima (superat enim dignitate Civicam) est *Obsidionalis*, quam ii, qui liberati sunt, dant ei Duci, qui liberavit. Nulla hac nobilior: & merito, cum non unus, sed plures civium morte erepti. E gramine hæc fuit, decerpto è loco, intra quem obsidebantur: quia summum victoriæ indicium erat, herbam porrigere victos. Hanc ipsi quoque dant, qui servati sunt, ut in Civica factum. Tertia *Muralis* est, qua donatur ab Imperatore, qui primus murum subiit, inque oppidum hostium per vim ascendit. Huic vicina est *Castrensis*, quæ ejus, qui primus hostium castra pugnans introivit. Utraque hæc aurea fuit. Vallis igitur distincta ista fuit, & ideo *Vallaræ* quoque dicta: sicut illa prior habuit & prætulit murorum pinnae aut turres. Quarta *Navalis* corona, ex auro, data ei, qui primus in hostium navem armatus vi transilivit. Hæc re & materie non abít à Murali aut Castrensi, distincta tamen à *Rostrata*. Nam hæc in summo pretio, & non iis data, qui in navim aliquam transcendissent, sed qui navale aliquod magnum decus aut victoriam magna industria peperissent. Data ipsis Ducibus, & assimilanda aliquatenus Obsidionali: soli Civicæ eam cedere facit Plinius. Communiter sæpe donata corona aurea, sine alio agnomine, virtutis ergo. A Græcis hoc manasse videtur, & maxime Atheniensibus, qui viritim & populariter sic donabant. Poeni quoque hoc de coronis usurpassè videntur, forsan exemplo & imitatione Romana.

His donis etiam sua commoda adjuncta, sed quæ ferè honore constabant. Nam qui ea adepti dona, præter gloriam in exercitu, & domi etiam famam, cum redierint in patriam, ludos pompasque ita conspicui ineunt: quoniam solis iis licet ornamenta hæc gestare & imponere, qui ab Imperatore virtutis causa donati sunt. In triumpho (quod tempore primum) etiam his ornati incedebant. Si quis plures etiam coronas aut dona meruisset, tulissetque, ea ipsa præferri moris fuisse videtur. Equites equo publico in Transvectione annua donis istis usi. Solebant in iudicium quoque aut discrimen hæc introducere interdum, virtuti ostentandæ.

In ædibus vero, conspectuissima earum parte, ponunt spolia, indicia & testimonia suæ virtutis. Appellantur *Spolia*, arma & exuvie, detractæ cæso hosti. Id jam olim apud Græcos solebant, & ostendere monumentum virtutis. Apud Romanos honori ea res, postibus ipsis & foribus suspendere, in transeuntium aspectum. *Antipagmenta* vocat Festus, valvarum ornamenta, quæ antis, id est, lateribus ostiorum adpanguntur, id est, affiguntur, Imprimis

hoc etiam triumphales usurparunt, & arma hostium suspenderunt. Etiam Rostra suspensa fuerunt, id est, spolia marina. Ista autem spolia affixa revellere, aut refigere, aut tollere non licuit, etiam alienatis ædibus. Hic ergo spoliolum honos; & quia magnus, multi ambitiose, nec meriti affectabant.

De Pœnis.

In castigando tria sunt imperii & juris Tribunorum. Primo, *mulctam dicunt*: deinde, *pignus capiunt*; denique, *verberibus castigant*. Idem jus Præfectis in Socios. Capitis causas cognovit & punivit Tribunus, si Consilium adjunctum, & una cognoscant: alias sæpius ipse Dux summus cognovit, damnavit: cui etiam fas erat sine causæ dictione (nempe ubi res liquida) condemnare, sine Consilii advocacione ulla, ita ut etiam provocatio nulla esset. Sed a Principibus hic novatum, quibus non ex usu aut dignitate sua, visa tam libera hæc potestas, & circumciderunt. Gregales puniri à Ducibus permiserunt. Centuriones aliosque primores sibi adservarunt. Legati Prætorii jus in vitam non habebant; Legati Consulares habebant, sed cum exceptione, ut ne in digniores. Præterea pignus capiebant Tribuni, nempe cum multam non solverent: & dicitur *Censio hastaria*. Privabatur parte armorum miles, eaque pecunia debebat luere.

Verberabant autem Tribuni ad castigationem, vitibus aut virgis: sed & ad mortem, fuste; de Consilii tamen sententia. Et hoc dictum Latinis *Fustinarium* (quam pœnam vigiliis & circuitioni neglectæ fuisse, supra dixi,) Græcis *ἑυλονομία*. Ea autem talis: Fustem capiens Tribunus ipse (neque enim hic lictores ulli administrari, aut carnifex,) condemnatum leviter tangit & delibat, & quasi signo dato, objicit reliquæ multitudini militari: quo facto, omnes, qui in castris sunt, ferientes, alius fustibus, alius lapidibus, in ipsis castrorum Principiis occidunt. Objiciebant etiam delinquentes gladiis militum, item faxis occisi; quæ pœna fere Macedonum fuit in hac re, quam & Romani adhibuerunt. Quin & securi percussi: sed sub Principum tempora gladius securi successit.

Fustuaria hæc pœna ad mortem puniebantur, præter eos, quos dixi, alia quatuor genera delinquentium. *Primo*, qui furto aliquid abstulit e castris. *Deinde*, qui falsum testimonium dixit: quia læsum aut spretum perjurio supremum Numen, suprema pœna huius. *Præterea*, qui in flore ætatis corpore suo abususprehenditur. Id crimen olim ante Scantinium in toga non fuit capitale, fuit tamen in castris: quia occasio ejus magna, nullo femineo sexu, & multis juvenibus in ipso vigore formæ, sub annum decimum septimum. *Tandem*, qui ter ob eandem culpam multatus fuerit. Sic leviores & pecuniariæ culpæ, capitales huius, si ter repetitæ. Causa: quod talem pravo ingenio censebant, & factum ad peccandum: fortasse etiam contumacia iis visa punienda, & quod

quali

quasi per ludibrium & contemptum legis peccaret. Bene factum; nihil satis adstricti aut severi inter armatos: & terrent nisi timent. Hac eadem poena puniebantur & alia delicta, militiae propria. Si qui falso strenuum aliquod factum suum referunt ad Tribunos honoris præmiique causa: tale mendacium & prava ambirio morte castigabatur. Ratio; quia in militia eorum varia & multa præmia virtuti posita, ad quæ ne indigni aspirarent, & decus hoc polluerent, rigide fraus punita. Deinde, si qui in præsidio aut statione positi, per metum deseruerunt locum: Tandem, si quis abjecerit armorum aliquid in ipso discrimine per metum. Nam miles vitam amittit, si sua arma: cum duplici restrictione, si in acie, si per metum. Idem in Signiferis qui signa. Hinc Græcis *ἡμισία* proverbio infames sunt.

Quod si plures peccasse contingat, & manipulos aliquot simul locum deserere, fiebat *Decimatio*, ratio puniendi commoda pariter & terribilis. Vetus Romanum institutum hoc, & patria lex, qua decimus quisque sorte ad supplicium lectus. Interdum etiam *Vicesimatio* adhibita. Imo & *Centesimatio*. Et hoc modo puniebantur turbidi & seditiosi in Ducem. Utilis iste modus, quia periculum omnibus super caput est atque imminet ob incertam sortem, atque inde metus, qui fere inhærere solet iis, qui semel serio admoti ad extremam illam metam: sicque metus ad omnes, poena ad paucos pervenit.

Duo præterea hic considerata in poenis: *Castigatio* & *Ignominia*. Illa verberibus facta: & fuerunt in hac re, *Fustes*, aut *Virga*: illi honestiores, istæ acerbiores. Sed Fustes iterum duplices: è *Vite*, aut *alia materia*. E vite, civibus reservati: & eligebant nodosam, ad validiorem ictum. Et hæc vitis gestamen & insigne Centurionum, aut Evocatorum erat, eaque bifurcata aut incurva: sicut Græcorum Ducibus fuit baculus in manu. Fustes ex alia materie ad castigandum adhibiti, non ad occidendum: & erat levior ista poena quam virgarum. Fustes etiam crebriores, & inferiore ævo. Retinent nunc Turcæ & plerique Orientales, in publica quotidiana castigatione. Virgæ raro in militia adhibita, nisi ubi mors à securi consecuta, & hæc solenniter tunc præiverunt.

Fuerunt & Ignominia, quibus boni honestique animi haud minus coerciti, quam poenis. Eæ multiplices Romanis fuere. *Primum*, hordeum pro tritico datum: ut indigni viderentur communi militum cibo, sed rejicerentur potius jungerenturque cum jumentis. *Alterum*, cum ære privantur, & stipendium non procedit. Et miles cui stipendium non datur propter ignominiam, *Ære dirutus* dicitur. *Resignatum* æs quoque dicitur militi, cum ob delictum, ne stipendium ei daretur, in tabulas refertur. Qui infrequens notabatur, hanc poenam patiebatur. *Infrequens* autem appellabatur miles, qui abest absuitque à signis. *Tertium*, cum extra vallum & castra jubentur tendere. Causam habuit, quasi indigni essent, qui inter vere milites agerent, projecti & objecti hosti; idque interdum sine tentoriis.

riis. *Quantum*, disinctos & turpi habitu prostitui, nempe ut parum viros. *Quintum*, mutare militiam, quod est ab honestiore genere in humilioribus transcribi. Imo interdum extra omnem ordinem projecti, inter impedimenta, & sarcinas, & captivos agere coacti. Erant & alia quædam minora, ut stantes cibum potumque capere; quod de cœna intelliges; nam in prandio usitatum stare. Ista de poenis in Romano ritu, similia quædam in Græco. Charondæ lex statuit, qui pro patria arma non cepissent, aut in bello ordines deseruissent, hos tales in foro per 3 dies sedere in vestibus muliebribus. Spartani eos, qui ignavia in bellis comperti essent, varie notabant: omni magistratu arcebant; uxorem ei dare, aut ab eo accipere, infame erat. Percutiebant eos qui volebat obviorum: at illi ferebant, squalidi & humiles, palliaque gestabant colore aliquo tincta & inscripta. Partem etiam barbæ, quæ est ad labrum superius, sive mustaca, radebant, partem vero alebant. Et hi stimuli apud varias gentes, excitandæ virtuti, fœcordiæ comprimendæ.

De Missione.

Post confecta stipendia, mittebatur miles, liber deinceps & immunis. Sed debebat explevisse legitima stipendia: ea 20 annorum in peditibus, 10 in equite, ut supra dictum. Atque his confectis mittebantur. Si quis aliter se subduxisset, mors aut servitus poena: nec dubium, quin pro desertore puniretur, si quis sine iusta missione recessisset; de qua ipsa Censores etiam Romani cognoscebant.

Iusta Missio duplex: Honestæ, & Causariæ. *Honestæ*, quæ emeritis stipendiis datur. *Causariæ*, quæ ob vitium, defectum, morbum. Puta aliquem manu truncatum, oculis captum, valetudine aut aliter inutilem militiæ factum; mittebatur. Hæc quia iustam causam habebat, etiam præmiis interdum Honestæ æquata.

Iniusta missio item duplex: Gratiola, & Ignominiosa. *Gratiola*, per gratiam aut ambitum, ab Imperatoribus impetrata; sed sæpe invalida; & Censores rescindebant. *Ignominiosa*, qua ob delictum aut crimen quis militia solutus: & ideo sic dicta, quia nominis notam & infamiam adferebat.

Sub Augusto duplex Missionis genus factum; *Exauktoratio* & *Missio*. Illa fuit, cum expletis stipendiis solvebantur onere omni militiæ, nisi pugne in hostem. Nec jam sub signis aut Aquilis erant, ut alii milites, sed sub uno vexillo habebantur seorsim: dicebanturque *Veterani*. Id repertum, quia plena Missio commoda & præmia sua habebat, instituta ab Augusto, quæ non statim solvi & representari à Rep. poterant, atque ideo expectabant ea sub vexillis, unde & *Vexillarii* dicti. Sed fraus sæpe in hac re, & de industria protraherantur, bono fisci Missioni præmia adhærebant, quæ alio verbo *Commoda missionum* dicuntur. Eorum quantitas: Prætoriani post 16 annos capiebant 5000 drachmarum: alii post 20 annos 3000. Id sub Augusto institutum, at à Caligula accisa & admodum reducta commoda.

ΠΟΛΙΟΡΚΗΤΙΚΩΝ,

SIVE

DE OPPUGNATIONE

URBIUM,

LIBRI V.

LIBER I.

DE MACHINIS.

MACHINA, Græcis *μηχανή*, παρὰ τὸ μῆδος, ab inveniendo aut sapiendo, sive παρὰ τὸ μῆ *salven*, quod hincere non finat. Sane ab ingenii consensu derivant, quod intervenit: & posteriores scriptores Latini hæc ideo *Ingenia*, & eorum Architectos *Ingeniarios* dixerunt. Itaque fraudes, doli, invidiæ, in hoc nomen apud Comicos, aliosque, passim venerunt. Sed & molitiones altiusculæ, *Machine*. Unde *Machiones*, Gallorum *Massons*, fabri cæmentarii. Veteres Græci *μηχανὰ* etiam hæc dixerunt: ita Hesychius, & Hegesippus. Est & Constantino poli *Mangana*, locus a Constantino constructus, ad instrumenta bellica reponenda.

Origo Machinarum, ut & plerumque armorum, Moyli ascribitur. Græci, & cum iis Homerus, non videntur initio habuisse, nec sub Trojanum bellum. Romani habuere sub ipsis Regibus, & statim post exactos Reges, A. U. 252.

Machinæ triplices: 1. MACHINÆ, presse magis & restrictæ. 2. TORMENTA. 3. TELA. De quibus dicendum est. Sed iterum cum discrimine, quia duplex Oppugnatio: *Subita*, & *Diuturna*.

De Oppugnatione subita.

Oppugnatio *subita* est, cum impetu, nec circumvallatione adhibita incurrunt. Ad hanc rem leviores machinæ adhibentur. Primum usi *Corona*, tum *Testudine militari*, sæpe & *Scalis*, *Cratibus*, *Vineis*, *Pluteis*, variis *Testudinibus*, *Musculis*, *Veetibus*, & similibus.

De Corona.

Corona primum adhibita, ad terrendum aut claudendum, sed & ad destinandum. Hinc sæpe occurrit, *Corona cingere urbem*; *Corona capere, expugnare*. Fuit interdum spissa, id est, duplex, triplex, aut supra, ut numerus militum, aut magnitudo loci oppugnandi, erat.

In *Corona* introrsum erant pedites, quorum invadere; extrorsum equites, quorum inspicere & rueri. Et ciminus quidem series ita duplex aut triplex: sed cum appropinquabant, ratio vult, magis arctatos multiplicatosque item fuisse, in gyro scilicet assidue angustiore. Et forsan etiam corpora alibi militum & cohortes relictæ, ad subita belli, & subsidium aut prædium. Hoc etiam amplius, primos ordines peditum scutatorum graviorumque fuisse, qui cominus assultarent, invaderentque: retrorsum leves aut velites, ut funditores, sagittarios, qui eminus pellerent telis, & deturbarent propugnatores. Coronam hanc Græci cum Sagena comparant, dicuntque rem ipsam, *σαινιδίαν*, quod est, *Corona cingere*, & includere velut pisces.

De Testudine militari.

Sequebatur *Testudo*, qua statim sub muris usi, ut testi & conferti succederent, abscederentque. Testudo vero, sive *παλαξ* Græcis, aut *quadratio mæ*, *Conscutatio*, est junctio corporum armorumque, & scuta partim lateribus applicata; partim capitibus superlata. Usi ea Romani in triplici discrimine, in *Oppugnando*, *Pugnando*, *Repugnando*: unde & triplex testudo.

In *Oppugnando* fuit, cum scutis super capita elatis muro succedebant, primis altioribus, & ordine paulatim, testi simplicis in morem, decrescente. Causa, ut tela injecta per proclive laberentur, & minus insidere possent aut infigi. In has ergo testudines manipulatim aut centuriatim se conglobabant. Hujus testudinis finis unus, succedere & subruere: alter, succedere & ascendere. Nam ascendebant alii super alios, ut fastigio altitudinis muri æquarentur. Id Tacitus vocat *Iteratam testudinem*, & quasi duplicatam, imo etiam tertii super duplicem illam seriem ascenderunt.

Testudo altera in *Pugna* est, cum globo facto, & testi scutis, sic invadebant ac per rumpebant. Ea densatio firma, utilisque fuit in equitatum repellendum. In hac autem secunda testudine nec latera semper testæ, item subfessio illa & inclinatio per gradus.

Tertia Testudo est in *Repugnando*, cum ab equitatu aut levi armatura cincti, huc decurrunt, ut in orbem se muniant, mediis altioribus, extremis undique desidentibus. Accuratissime hanc descripsit Dio, lib. 49. his verbis: *Testudo talis est, & fit hoc modo: Impedimentis & levi armatura, & equite omni in medium acceptis, gravis armatura pedites illi, qui oblongus & in tubi dimittit modum factis scutis utuntur, in extremis partibus pro muro ponuntur,*

ponuntur, & reliquos omnes ipsi extra spectantes ambiunt. Cateri, qui latiora scuta gerunt, in medio densi locantur, & scuta cum super se, tum super alios tollunt, ut in tota phalange non aliud sit, quam scuta cernere, & à telorum jactu omnes tutos esse, ob densitatem instructionis. Adeo enim valide firmant, ut & super eam homines aliquot ingredi possint: imo etiam equi & currus agi, quoties in carvo & angusto aliquo loco constipantur. Hæc est forma ejus instructionis, & nomen à testudine cepit, ob firmitatem, & quia optime tegit. Usus autem duplex. (Illum pugnae omittit, quia rarus Romanis.) Nam & in oppugnanda munitione aliqua subeunt, & sæpe in ipsam murum quosdam attollunt: aut circumventi à sagittariis, inclinant se omnes simul: (nam & equi docti sunt in genua submittere se & inflectere) & sic opinionem hostibus defatigationis suæ præbentes, iis appropinquantibus, statim terrore injecto, consurgunt atque incurrunt.

De Scalis.

Præter Testudinem *Scala* etiam communiter adnotæ. Harum inventio ad Capanea refertur, qui Thebas sic invadere conatus, à Jove fulmine repulsus est.

Varia autem sunt *Scalarum* genera: Quædam *Compactiles*, id est, quæ aut pluribus partibus constant, ut plicari rursumque explicari possint; aut ipsi gradus removeri & recondi quasi in vaginam, stipite cœunte. Appianus *κλιμακας πικτές*, sive *plicatiles*, appellat. Plutarchus *διὰ τῶν τοιῶν*, *solutiles*, quas *Aratum* apparasse ait, cum de Sicyonis arce invadenda cogitaret, & recondidisse in arcis quibusdam thecisque rusticis, quas *Achonas* dicebant. Nam transferri istæ sine suspitione poterant, & minore etiam molestia, & atque is finis. Sed fuere præterea *Cariacæ*, quæ sunt instar utriusque, confutæ è corio, & inunctæ sævo aut adipe, circa futuras, ne evaporent; eæque erigebantur ad murum spiritu inflatæ, & dabant ascensum. Erant item *Reticulatæ*, aut *Stuppæ*, quæ ex funibus, stuppeis instar retis contextæ, ad quarum summities hami adjecti, ut murorum pinnas apprehenderent. Hæ eadem vocatæ *Nauticæ*, quia nautæ fere id genus scalis utuntur. In Herone sunt & aliæ *Scalæ*, quas ipse *Spectatores* vocat, basi accuratiore instructæ, ita ut erigi possint & attolli, & in supremis iis aliquis constitui, qui spectet quid in urbe agatur, is enim earum finis, & inde *Spectatorum* nomen. In eodem aliæ sunt *Scalæ* rotis impostæ, iisque procedentes, quibus supremis pons adhæret, qui è propinquo injicitur in muros.

Sunt & alia, quæ etsi non formam, tamen usum *Scalarum* habent, ut *Tollenones* & *Sambucæ*. Est autem *Tolleno*, quoties una trabs in terram præalte desigitur, cui in summo vertice alio transversa trabs longior, dimensa medietate, connectitur, eò libramento, ut, si unum caput depresso, aliud erigatur. In uno ergo capite,

cratibus five tabulis contextitur machina, in qua pauci collocantur armati, tunc per funes uno depresso attractoque capite, alio elevati ponuntur in murum. Res facilis, & traxit originem ab instrumentis, quibus aquam haurimus, pondera navibus educimus, quæ Grues aut Ciconias dicunt. Huc quoque adhibetur *Sambuca*, cujus usus maxime in navibus: dicta à similitudine Musici instrumenti, quod erat forma trigoni, *Sambuca* dictum. Nostra autem *Sambuca* ita fiebat, formata ex Polybio: *Scala sunt latitudine 4 pedum, altitudine quanta muris sufficit & pariare potest. Earum duo latera plateis muniunt, superne loriculis tegentes. Has deponunt in latus, & declinant super navium proram, longe super rostra eminentes. In malis autem primum aptata trochlea, in iis funes, quibus funibus, cum opus est, ad caput scalarum religatis, ii qui in puppe, attrahunt eas, & attollunt. Sed & in proris quidam adjuvant sublationem, fulcris aut tignis subrigentes. In supremis porro scalis est tabula, cujus tria latera cratibus muniuntur, in quam veluti turriculam viri & conscendunt per dictas scalas, & in muros insiliunt, cratibus remotis: alii deinde consequuntur.*

De Cratibus.

Quantum in subita oppugnatione, sunt Crates. Hæ in duplici usu: live ut tegerent anelata: live ut fossas iis explerent, & mixto aggere quasi per pontes irent. Crates autem, quibus fossas explebant, non fuerunt elaboratae ad modum illarum stabilium, quas in oblidione deligebant; sed leviores: fortasse nec recto aut lateribus, sed simplici textu vimineo, quem ante se ferebant. Sane aliæ accuratiore, *Vineæ*, quibus in oblidione diutina maxime uli.

De Vineæ.

Vineæ à similitudine veræ illius dicta, quæ jugata, & in rectum allevata. Sub illa quia confidere fas, & altera sic clausa; hæc quoque militaris nomen sumit. Talem dat Vegetius: *E lignis levioribus machina colligatur* (nempe quia transferri opus; & à militibus moveri: hinc ad illum motum indicandum, *Vineas agere, procedere, proferre*, dicebant: nam eminus paratae, paulatim admovebantur ad oppidum, live ut sub iis Arietem admovent, live subruerent muros) *alta pedibus 8, lata 7, longa 16.* (totam magnitudinem si consideras, dixeris duplicem virorum seriem sub ea lictisse, quinos & quinos.) *Hujus rectum duplici munitione, tabularis cratibusque contextitur. Latera quoque vimini sepiuntur,* (atque hæc præcipua ejus materies & tegmen, ideo Græci *μύκη* dicunt: interdum tamen, si plura aut graviora in oppido tormenta, nec vim sufferrent hæc craticeæ, faciebant è crassiore ligno: hinc Cæsar vocat *Porticium*: quia species ea longior) *ne saxorum telorumque impetu penetrantur. Extrinsecus autem, ne immisso concre-*
mentur

mentur incendio, crudis ac recentibus coriis vel centonibus operitur. Cum plures facta fuerint, junguntur in ordinem, sub quibus subsidentes (quia is fere latentium caventiumque habitus) tuti ad subruenda murorum penetrant fundamenta. Vineis Plutei assident.

De Pluteis.

Plutei fuere olim è tabulis & asseribus, quod ipsa vox dicit; nam id Plutei Latinis: & distincti erant à Cratibus, & Vineis. Postea faciebant Pluteos è cratibus, corio intentos. Formam describit Vegetius: Plutei dicuntur, qui ad similitudinem apsidis contextuntur e vimine, & ciliciis vel coriis proteguntur, ternisque rotulis, quarum una in medio, dua in capitibus apponuntur, in quancumque partem admoventur, more carpenti. Cedrenus Lesas appellat, sub id ævum etiam Spalionæ dictæ. Hæc sunt nomina, res eadem, & finis suffodiendi muros.

De Testudine triplici.

Jam dictis vicinæ sunt Testudines: imo eo nomine inferiores Scriptores etiam Vineas & hæc talia comprehendunt: faciunt generare Testudinum nomen in machinas omnes has regentes. Harum plura genera & formæ: sed præcipua tria, quæ proprie Testudines dicuntur.

Prima quæ Græcis *χελών χωρίς*, Vitruvio Testudo ad congestionem fossarum; quadrata fuit, habens quoqueversus latera singula pedum 25. Altera est, quam *ὀψυς* Græci agnominant, Vitruvius, Testudinem ad fodiendum comparatam, fossoriam, sive rostratam nam frontem habet, quemadmodum anguli trigonorum, ut à muro tela, cum in eam mittantur, non planis frontibus excipiat plagas, sed ab lateribus labentes, sine periculoque fodientes, qui intus sunt, tueatur. Tertia denique *Arietaria*. In qua Aries suspenditur.

De Musculis.

Inter subitæ oppugnationis instrumenta fuit etiam Musculus: differt à Vineis, Pluteis, cum forma, tum modulo, & firmitate. Exiguus enim est, & muris quasi facie, oblongior, sed lignis validis structus, & ne perfringi desuper possit. Dictus Musculus, quia instar ejus animalculi foderit sub eo terram: aut quia milites, ut mures, cavum id subirent. Vegetius cum testudinibus miscet, quarum finis æquare. Cæsar alium à Vegetiano diversum describit, cujus hanc tradit formam: Duæ primum trabes in solo æque longa, distantes inter se pedes 4 collocantur, inque eis columellæ pedum in altitudinem 5 desiguntur. Has inter se capreolis molli fastigio conjungunt, ubi signa, quæ musculi regendi causa ponant collocentur. Eo super, tigna bipedaliter injiciunt, eaque laminis clavisque religant; ad extremum musculi tectum trabesque extremas, quadratas regulas, 4 patentes digitos desigunt, quæ lateres, qui super musculo firmanitur, contineant. (Istas regulas hodie Latas dicimus.

dicimus. Sunt directa & tenuiora ligna.) *Ita fastigiata atque arduissime structa, ut trabes erant in Capreolis collocatae, lateribus lutoque musculus, ut ab igne, qui ex muro jaceretur, tutus esset, contigitur. Et paulo post, Interim sub musculo milites Vestibus infima saxa turris hostium convellunt.*

De Vestibus & Dolabra.

Quid sint *Vestēs*, quæ eorum vis & forma, non ignotum. Græci *μαχία*, vel *μαχλὺς* vocant. Et sunt pali è ligno aut ferro, ad onera sublevanda aut promovenda. Vitruvius & torculari verrendo adhibet: eumque, qui veste immisso torquet. *Vestiarium* dicit. Si è ligno essent, lingula è ferro in altero capite addi solet, atque hos tales *Lingulatos* dixere, sive *Rostratos*. Utebantur & ad muros subruendos, sed ferreis haud dubie. Hinc *Vesticularia vita* dicitur eorum, qui vestibus parietes perfodiunt furandi gratia. Inter exercitia etiam militaria erat, in veste robur ostentare. Et utiles sane isti ad lapides, prægrandes emovendos emoliendosque, uti sæpe in veterum muris. Ubi minores aut infirmiores, Dolabris magis hoc peragebant.

Dolabra autem distincta à Securi, licet forma sit securis, sed unica & simplici acie, parte altera in mucronem acuminata, quæ serviebat maxime muris diruendis, ut Securis vallo & lignis cædendis. Eo sensu Corbulo dicebat, *Hostem dolabra vincendum esse*, id est, opere & munitionibus.

LIBER II.

DE OPPUGNATIONE
DIUTURNA.

Diuturna oppugnatio admota, ubi *subita* non successit: & aut artibus ingenisque vincendi hostes, aut longa fame domandi erant. Sed hanc expectare anceps, arduum, & ideo ad majora OPERA, & TORMENTA, conversi.

DE CIRCUMVALLATIONE.

Inter Opera primum CIRCUMVALLATIO. Ea solenniter olim adhibita Græcis Latinisque, cum premere obsidio munitionem aut locum vellent. Causa iustissima: claudere enim prius opus erat, ne nuncii, cibi, auxilia intrarent; tum & ne quis exiret: sed etiam ut sese obsidentes munirent contra subitas eruptiones. An & causa etiam aliqua, terror? certe enim metum, aut & desperationem concipiant, necessum est, qui vident sic arte se claudi; &

& quamquam cætera adfunt, cogitatio tamen illius carceris nocet, tum & fiducia aut pertinacia hostilis. Ergo plerique olim circumvallabant, ii quidem, quibus, cura aliqua bonæ militiæ, aut artes. Græcis sæpe nominatur *ὀπίσθηστος*, & *ὀπίσθηστος* & ii quoque accurate uli. Veteres eorum historici *πλίνθες* & *πλατύνειν* ad hos muros struendos adhibent, id est; lateres aut latertulos, sed crudeos scilicet: nec ratio aut otium fuisse videtur ad excoquendum. Fuere igitur ut Romanorum cespes. De Romanorum Vallo alibi diximus; nunc addo, non simplicem sæpe hunc murum fuisse, sed duplicem, contra exteriorē etiam hostem. Si enim auxilia metuebantur, & vis aliqua major, ipsi sese includebant, ne subito adventu aut impetu possent superfundī. Hoc in obsidione Plataensium factum describit Thucydides. Mira etiam fuit P. Scipionis Minoris obsidio, qua Carthaginem cinxit, ut scribit Appianus in Libyco. Sed Cæsar ille Julius, qui in omni re militari super omnes, etiam in ista fuit. Adsumatur una nunc Alesæ obsidio, in qua res gestæ, quantas audere, vix hominis; perficere, pene nullius, nisi Dei, esset.

Opus igitur illud tres habuit partes. INFERIOREM MUNITIONEM, EXTERIOREM, tum CIRCUMVALLATIONEM his interjectam. Hæc autem postrema habuit has partes: 1. *Vallum*. 2. *Loricam*. 3. *Cervos*. 4. *Turres*.

1. *Vallum Circumvallationis*.

Vallum fuit pedum 12. Quid vero in ejus structura fuerit, diximus in *Militia*, supra 113. Nunc addo, nomen aliquando variare, & *Brachium* appellari. Causa nominis, quod ejusmodi valla in brachium & cubitum fere curvantur: unde & a Græcis *αγκώνες* dicuntur, sive & *σκέλη*, *Crura*. Alioquin flexus illi etiam & sinus terræ, *Brachia* simili causa appellantur.

2. *Lorica valli*.

Pars secunda Valli, *Lorica*. Ea vox varia significatione innotuit: pro tegmine pectoris militari, ut frequentissime: pro tegmine aliarum etiam rerum, aut inductione per translationem ab illa militari, quæ corpus amplectitur & tegit. Paulatim longius itum, & objectio aliqua aut tegmen nobis antepositum, sive munitiuncula, *Lorica* dicta. Ita muruli in ambitu, minores valli minusque lati; sed & è cratibus, aut tabulis pluteisque sepimenta, in hoc nomen venere. Sed & alia ambitio aut *εἰσβολή* sic dicta, ut structura illa supera ædium; quam quidam è Latinis *Loriculam* dixerunt, Græci *σκέλετος*, qua solaria sua amblebant & cingebant, contra causam aut delapsum. Nam plana tecta eorum esse solebant, ad apriandum aut inambulandum; atque in orbem isti muruli quibus innitentes fas erat despicere. Davidi hoc factum, quem sacræ literæ aiunt deambulasse in solario domus regię, & vidisse lavantem illam, quam in omni vita poenituit vidisse. Pro vallo autem aut terreo murulo, crebro apud veteres. Sed & legitimum ipsum Vallum,

lum, sudibus turribusque instructum. Vegetius vult sic dictum. *Loricam* item de cratibus & viminea sæpe, item de Pluteis intelligit Cæsar. Interdum & lignea fuit. Atque hæc Lorica murorum val-lorumque, sunt pinnis distinctæ, ἰσάλειος Græcis προμαχώνας, & creberrime Latino ritu *Σώγαιες*, sive *Σωγείαι*. *Lorica* aut *Loricula* dictæ.

Majores has tenuerunt, & paulum modo vetustiores muri nostri Europæi habent, idque cum distinctione ista pinnarum. Hodie omitti placuit pinna, ob infirmitatem, etiam Loricas tenemus, & nostro verbo *Parapettos*. Hæc in humili vallo fuit paulo humilior, grandiuscula in altiore.

3. *Cervi*.

Tertia Valli pars, *Cervi*. Non ii quidem in omni vallo erant. Et sunt ramosi trunci arborum, in faciem & similitudinem cornuum cervi: atque ii firmiores alias, alias infirmi. Isti teneriores & infirmi. *Cervoli* dicebantur, verbo diminuente.

Utebantur his in vallo struendo, ad terram coercendam adstringendamque, identidem interjectis. Nos hodieque facimus: quod tamen, ubi legimus densusque cespes, vix opus. Et minorum hic usus: majorum diversus, & fere duplex. Receptissimus iste, ut truncos illos firmiores in terram depangerent, & varie sererent, itineri impediendo aut obstruendo. Fuere follæ & valli, & ante ea *Cervi* isti. Amburi solebant, ad robur & duritiem, & simul acumen, ut in sudibus præultis. Atque is prior usus, & creber: alter, qui in Cæsare, rarior; ut eminent in exteriori vallo, inserti inter lorica ligneam & aggerem ipsum, simplicis coronæ in modum, itaque ascensum hostium tardarent. Agrestes nostri spineas ejusmodi projecturas in lorica terreis eidem fini usurpant.

In Virgilio *Cervi* etiam leguntur; sed pro arborum truncis longioribus, iisque furcatis, quibus transversa tigna injici possent, ad sustinendum. Fit in tuguriis, & rudi opere rusticorum.

4. *Turres*.

Pars Valli quarta, *Turres*; quæ toti operi circumdatæ, intervallo inter se pedum 80. Atque hæc diversæ turres erant ab iis, quas postea dicam, mobilibus: fixæ enim istæ, & minus operosæ, minusque etiam altæ. Julianæ sane crebræ fuerunt; & calculus evincit, fuisse in 11 milliariū ambitu ad 687. Quid in ambitu exteriori 14 milliariū?

INTERIOR MUNITIO.

Ea comprehensa est in latitudine pedum 400. ab oppido castra versus, & habuit has partes: 1. FOSSAS. 2. CIPPOS. 3. LILIA. 4. STIMULOS.

1. *Fossæ*.

Fossæ fuerunt tres. Prima, sub ipsum oppidum ad radices collis, pedum 20 directè lateribus, Ab hac pedum 400 spatio, duas iterum fossas

fossas duxit, sub ipsis castris, 15 pedes latas, eadem altitudine. Ex duabus autem istis ulti alteram anteriorem, campestribus ac demissis locis, aqua ex ne derivata, complevit.

2. Cippi.

Totum deinde illud spatium 400 pedum varie fuit impeditum. Prima Cippi ibi defixi. Nam truncis arborum, aut admodum firmis ramis accisis, atque horum delibratis (melius dolabratis) ac præacutis cacuminibus, perpetua fossa quinos pedes alta ducebantur: huc illi stipites demissi, & ab infimo revincti, ne revelli possent, ab ramis eminebant. Quini erant ordines conjuncti inter se atque impliciti: quo qui intraverant, sese ipsi acutissimis vallibus inducebant. Hos, Cippos appellabat. Hæc Cæsar.

3. Lilia.

Ante Cippos obliquis ordinibus in quincuncem dispositis, scrobes trium in altitudinem pedum fodiebantur, paulatim angustiore ad summum fastigio, (imo, ad infimum: scrobes nempe ita factæ, ut patula rotunditate, paulatim angustarentur coirentque ad imum.) Huc teretes stipites, feminis crassitudine ab summo præacuti & præusti dimittebantur, ita ut non amplius 4 digitis ex terra eminerent. Simul confirmandi & stabiliendi causa singuli ab infimo solo pedes terra exculcabantur, (ex tribus ergo illis pedibus altitudinis, tertius ab imo deperiit, terra aggesta ad stabiliendum stipitem, & circa eum stipata & exculcata, reliqua pars scrobis, ad occultandas insidias, viminibus ac virgultis integebatur (ut summam oram foveæ texerint ei superstrata: imo & herbidus cespes super ea virgulta, ad magis occultandum stylum: qui etsi 4 digitos eminebat, tamen facile hac tali materie celabatur.) Hujus generis octoni ordines juncti, ternos inter se pedes distabant. Id ex similitudine floris, Lilium appellabant. Aspicit similitudo totam foveam superne expansam, jaccentemque in orbem, cui medius deinde stipes inferitur: atque id est velut Lilium patens, cum stamine suo aut stylo. Festus id *Cacum vallum* dixit. Alii passim *Stylos* vocant.

4. Stimuli.

Quartum in hac area opus, Stimuli. Non enim contentus Cæsar dupliciter impedisse iter, hos quoque addidit; & ante Lilia, talea pedem longa, ferreis hamis infixa, tota in terram infodiebantur, mediocribusque intermissis spatiis omnibus locis differebantur: quos Stimulos nominabant. Et notandum, totum opus per gradus crevisse, primo minoribus Taleis, mox majoribus Liliis, maximis denique Cippis: crevisse dico, aspectu eorum qui invassissent.

EXTERIOR MUNITIO.

Munitio exterior fuit eadem, facies modo diversa: & hæc hostem spectavit, ut illa oppidanos. In hac ergo tot iterum Fossæ, Vallum alterum, Turres, denique Cippi, Lilia, Stimuli: omnia hic, aucto ambitu, auctiora.

Tale

Tale opus Cæsar 10 legionibus haud longe supra 30 dierum spatium fecit. Exitus quidam ad frumentationes, pabulationes, equationes, aliosque usus relictī in castellis. Nam in ea circumvallatione 23 castella, id est, parva quædam castra fuerunt, in his cohortes aliquot militum, & velut corpora, contra vim & incursum. Inter exterius & interius vallum fuit intervallum 954 passuum; propemodum milliari uno, ut scilicet equi laxius haberentur, & pabulum etiam iis esset: tum denique ob calones, lixas, & id genus, quos probabile multos fuisse. Sic vallum interius habuit in ambitu 11 milliaria, exterius 14.

DE AGGERE.

Clausum habemus hostem, nondum oppugnatum. Ut id fiat, Opera alia struenda sunt: in primis AGGER. Is fuit terreus quidam, & alia materie mixta, mons & elevatio: quem paulatim versus urbem producebant & attollebant, ut ex alto pugnarent, & *Turres* ibi constituerent, sed & *Tormenta*. Agger vocabatur ab ipsa re: quia aggerebant & cumulabant: posterior ætas *Aggestum* dixit, sed & alio genere, *Aggestus*. E terra, lapide, ligno, congeriem struebant: Virgulta etiam & fasces maxime hic usui, sive ad implendum & attollendum, sive ad ligandum. Itaque & Aggeris voce, hæc sæpe intelligebant. Imo videbatur vix strui sine istis. Arbores quoque requirit Agger, non ob virgulta solum, & tenuia ramorum, sed ob ipsos truncos: quia illa in mediam molem stipabant; hos & ad latera applicabant, firmando & coercendo. Struebant enim latera, & cancellatim tignis directis transversisque varie ligabant. Unde *Stellatos axes* vocat Lucanus, quod transversī & decussati, radiorum aut stellarum aliquam faciem referrent.

Aggeres vulgo alti, & id fere pro muris, in quos struebantur: nam æquare aut superare debebant, & sæpe muris plane admoti sunt, ut e propinquo pugnarent. Apud Cæsarem legimus Aggerem altum pedes 50, latum pedes 300. In oppugnatione Maslææ, castelli Judææ, situ & opere mirifice muniti, Agger erectus fuit, cujus altitudo 310 cubitorum.

Admovebant autem muris paulatim & progrediendo. Nam latera vinciebant claudiebantque lignis: sed antrorsus & urbem versus pars ea manebat aperta. Aggerebant igitur paulatim & promovebant, in fossas ipsas, denique ad muros. Dum id fieret, nihilominus Turres in aggere impositæ, quæ administrantes aut operantes tuebantur: sed eæ quoque cum aggere paulatim procedebant. Scite tergum & cauda aggeris humilior fuit, & in clivum, frontem versus, assidue ivit. Qua in re interdum factum, ut Agger, si parum firmatus aut densatus, prolaberetur in fossas. Sed cavebant scilicet, & virgultis aut lapidibus idemtidem adfirmabant.

De Turribus mobilibus.

In Aggere Turres, & statim ab eo structæ, imo & tunc, cum is nondum perfectus : & tutelæ operis ministrorumque causa imponebantur. Vinæ enim primum factæ, ut sub iis commeari miles & aggerere posset : super eas (id est, altius quàm eæ) ipse Agger, & in eo denique Turres. Hæ igitur statim structæ, sed paulo ab urbe longius, & ne tela vitiarent aut impedirent. Gallis, Indis, Barbaris, ignotæ, & stupori erant qui divinum quid esse rati. Enimvero apud Græcos, aut certe Siculos, reperta primum res. Ideo caute capiendus Athenæus, qui non dicit, Diadem primum reperisse turres *ambulatorias* simpliciter, sed τὰς πομπὰς πύργους, id est, eas quæ circumferri poterant, solutiles, (has forte Appianus vocat *ἰππομαχούς, plicatiles* ; quia per partes scilicet tollebantur, ponebantur, reponebantur : nec enim ad illas, quæ pegmatum modo deprimebantur attollebanturque per cochleas, puto respexisse Appianum.) Nam simplices *ambulatoria*, aut *subrotata*, sane jam ante inventæ in Sicilia. Hæc igitur inventio non ipsarum Turrium, (fixæ enim illæ jam diu innotuerant, in oppidis, in castris) sed *mobilem*, & quæ rotis agerentur.

Agebantur rotis ad minimum 4, sed & 6, aut 8. etiam subditas, prout turrium modus esset, legimus. Et oportebat sane humum æquabilem densamque huic rei esse. Actæ igitur rotis, sed latentibus & internis, aut certe interius movendis. Hoc ideo, ne telis hostium, qui agerent, exponerentur, & turris tueretur suos motores : à tergo tamen quidam appliciti, qui propellerent ; & licuit, quia non illinc metus.

Turres autem triplices, Majores, Minores, Mediæ. *Minores* erant 60 cubitorum in altitudine, basi quadrata : unumquodque latus 17 cubitorum : 10 tectorum : supremum tectum quintam partem basis habebat. *Majores* autem & harum sesquialteras, 15 tectorum faciebant, in altitudine cubitos 90. Iterumque duplas, quæ 20 tectis constarent, altas cubitos 120, latas quaquaversum fere 24. Sed turres in tot tabulata non æqualiter surrexerunt, sed instar Phari Ægyptiacæ, paulatim & per ea singula decreverunt : qui modus sane aptior in speciem, in stabilitatem, in motionem. Proceritas autem ipsarum tanta fuit, ut non solum muros, sed etiam turres lapideas altitudine superarent. Latitudo non ad normam artis adstricta, sed pro temporibus, & voluntate struentium mutata. Tecta vero sive Tabulata, quæ & *Fastigia* & *Vertices* dicuntur, plerumque plura in turribus, ut defensores plures imposerent, tum ut Tormenta, sed non maxima, Scalas, Pontes, & talia ad invadendum.

Frontes harum turrium ferratæ erant, munimen contra ignes. Cum enim præcipuum in eas remedium & repugnatio esset, per jacula ignita, faces, malleolos, murices : repertum, ut totæ ferro regerentur, aut certe à triplici latere : sic enim stabiliores ob pondus,

&c

& igni incorruptibiles. Alia quoque materia turribus interdum circumdata; scilicet centones, coria, floree, & hæc de more.

De Pontibus.

Vulgatæ & notæ Pontium formæ apud Romanos. Nos rariores aliquot dabimus. Et primo hanc, qua sæpissime usi in fluminibus transmittendis, ponte e navibus facto. Bella inventio, & Eunapius scitissime depingit. *Latae jacentesque sunt naves, quibus fluvius jungitur. Sursum autem paulum in statione sunt supra locum eum, ubi pontem facturi sunt. Atque ubi signum datum est, unam solam e navibus dimittunt prono flumine ferri, juxta suam & amicam ripam. Ea ubi ad locum jungendum & ponti destinatum venerit, corbem plenum lapidibus in flumen jaciunt, alligatum fune quodam, velut anchoram; quo navis devincta juxta ripam consistit, & sternitur tabulis tignisque, quæ affatim ipsa navis vehit. Et statim ita ad finem descensumque in terram usque constrata est. Deinde vero aliam demittunt, paulo ab ea remotam, aliamque ab ista, donec in adversam ripam perduxerint pontem. Quæ autem hostili ripæ navis objacet, ea & turres habet, & portulam, & sagittarios, & catapultas.* Sed Hispani ritu gentico, leviori etiam opere, inflatis utribus incumbentis, solent tranare, quod & Romani interim fecere: & Græci usi. Stramentis etiam & aridis farmenis utres implerunt. Ita fiebat: Utribus junctis, lapides iis appendebant, quos velut anchoras demiserunt. Denique toti operi farmmenta crasesque injecerunt, & terram superstraverunt. Pontem simili junctura Romani voce Græca dixerunt *Ascegephyrum*, quasi *Pontem utrinum*. Sed uli ad hanc rem & cuppis interdum, sive inanibus valis. Huc quoque refertur Pons ille nobilis, quem Julius Cæsar in Rheno struxit.

LIBER III.

DE TORMENTIS.

SEquuntur TORMENTA; & inter ea præit *Aries*, tum *Catapultæ* excipiunt, *Ballistæ*, & *Scorpiones*.

De Ariete.

Origo *Arietis* vetus, sed parum certa, cum pars ad Græcos, & Epeum; pars ad Tyrios sive Carthaginenses referant: vel ipsa ratio aut natura monstravit. Certe qui impetum facere in fores aut objectum aliquid vult, cubito id facit, aut pedis impulsu. Ab eo exemplo tignum in auxilium assumptum: & nostri protervi aut obrioli in foribus perfringendis quotidie usurpant. Ubicumque
autem,

autem, sic dixere à similitudine & reciprocatione ictus arietini. Dixit deterior ætas *Carcamusus*, à sono fortassis. Eadem autem sequens, etiam *Cancrum*. An à similitudine aliqua fabricæ? an quia identidem retro iret?

Aries iste non uniformis aut simplex, sed *triplex* fuit. Est *Rudis*, & à prima inventionē, quē manibus lacertisque validi homines sustinent & agunt. Est *Compositus*, qui trabem quoque alteram jungit & statuit, à qua pendulus, vi majore, conatu levioe libratur. Hic in plurimo usu, & inter Romanorum opera ex professo Josephus descripsit. Est, inquit, *Aries, trabs pręgrandis, quę malum navis adsimilat.* (Imo ex ipsis malis navium interdum lecta & adsumpta; genus vero abies vel ornus: longitudo 80 pedum. Vitruvius & Gręci formant pedum 106, imo & 120.) *Is solidatur in capite gravi ferro, in arietis formam, unde & nomen adsumpsit.* (Caput arboris ferro tegitur, & affigitur laminis paulo longius: antrorsus in acumen producitur, quod *Cornu Hegelippus* dixit; Gręci *ἰμβρόν*, sive *Rostrum*; iidem communius & *καρὰν*, sive *Caput*, sicut Latini: & fuit interdum trifidum, quadrifidum in mucrone, ut solent navium rostra. Finis & opus præcipuum Arietis fuit, cum grandiores firmioresque lapides, more prisco, muris inderentur, juncturas penetrare ac findere, & lapides emoliri.) *Dependit medius funibus suspensus ex alia trabe, (vel etiam catenis) velut trutina; quę trabs tignis utrimque firmis munita est & sulca.* Repulsus porro magna virorum manu retrorsum, (quantam scilicet admittebat longitudo: sed recens manus manui succedebat, eratque perpetuus is ictus) *iisdemque antrorsum statim & cum impetu reflectentibus, quatit muros prominulo ferro.* Neque est ulla turris tam valida, aut mania tam laza, quę ut primas maxime plagas tulerint, sustinere, & subsistere assiduas eas possint. Ideo Diaconus *Exterminatorium instrumentum* dixit: quia is admotus signum erat perdendę urbis; uti hodie mos, aut lex est, durius in eos consuli, qui tormenta expectarint: sic olim qui arietem. Circa hunc Arietem compositum alius etiam labor & cura: Nam & cratibus tegebant, & coriis, contra jactus aut ignes. Etiam pro his tegumentis receptum etiam, ut solida testudine totus Aries tegeretur. Atque ea forma est tertia, *Testudo arietaria*, vel *Testudo, aries* dictus. Hunc quoque Carthago reperit.

Aliud instrumentum, ad muros diruendos describit Athenęus, quod *Terebra*, Gręcis *τρυπάνον* dicitur. Est autem gladii aut mucronis quędam similitudo, quo muros perfodiebant. Romani ea non usi.

De Catapulta.

Duplex instrumentum priscis, quo in hostes emitterent & jacularentur; altero, tela vel grandiores sagittas; altero, lapides & saxa. Id prius *Catapultam* dixere, posterius *Ballistam*: alii postea confudere.

Catapulta Græce dicitur *καταπίλῃς*, καὶ τ' *πύλῃς*, id est, *hæsta* & *jaculo*. Erat autem machina, quæ tela & ligna jaciebat, quamquam alii & pro instrumento saxi jaculo ponant. Nam vox *Catapultæ* paulatim in defuetudinem venit, & pro ea *Ballistam* dixere, quæ antiquis non nisi saxa jecit. Repertam *Catapultam* à Syria, refert Plinius: Græci Siculis adscribunt.

Fuerunt duplices *Catapultæ*: *Majores* & *Minores*. Illæ, quæ telum fere 3 cubitorum emitterent: istæ, quæ dimidiatum. Telum illud *Trifax* dictum. Græci vero minores *Catapultas* vocant *τριπιδάμεις ὀφθαλμοί*, quia tela 3 spithamarum, id est, 36 digitorum, jaciebant. Interdum tamen & machinæ, & tela grandiora, imo non tela, sed tigna, & asseres 12 pedum, imo 12 cubitorum, & ad stadii spatium, jaciebant. Nihil ergo mirum, si plures homines simul penetrarint.

Formam *Catapultæ*, ex ligno, ferro, nervo fabrefactam, ita describit Ammianus: *Ferrum inter axiculos duos firmum compaginatur & vastum, in modum regulæ majoris extentum, cujus ex volumine tereti, quod in medio ars polita componit, quadratus eminet stylus, extensus recto canalis angusti meatu cavatus, & hac multiplici chorda nervorum tortilium illigatus, eique cochleæ duæ lignæ conjunguntur aptissime: quarum prope unam assistit artifex contemplabilis, & subtiliter apponit à temonis cavamine sagittam ligneam, spiculo majore conglutinatam. Hocque factò, hinc inde validi juvenes versant agiler rotabilem flexum. Cum ad extremitatem nervorum acumen venerit summum, percita interno pulsu à ballista ex oculis avolat, internum nimis ardore scintillans.*

De Ballista.

Priscis *Ballista* semper lapidem jecit, nec aliter ante Cæsarem legas, etsi posteriores variant. Græcanica autem stirpe videtur vox, καὶ τὴν βάλλειν, jaciendo, & ideo *Ballistam* gemina consonante, vel potius *Ballustram*, scribi melius. Sed quamquam ab iis vox, ipsi vix ea usi: & dicunt *λιδοβόλος*, *πτεροβόλος*, *πτεροβολικὰ ὄργανα*: communiter magis *ἀετιόερα ὄργανα*, itemque *μάχαιρα*, aut *μαχαίρικα* *Manganum* sane communiter *Machina*, sed huc transfertur ad violentissimam machinarum. Posterior ætas etiam *Mangam* appellavit: sed leguntur etiam ia avorum aut proavorum historiis, *Mangonella*, *Mangunalia*, *Mangatella*. Item *Bibliam* petrariam, & *Petrariam* simpliciter, *Ballistam* dici notum est.

Jaciebant vulgo, & minoribus *Ballistis*, lapides fere centenum pondò: atque eo sensu *Lucilio* ipsa, *ballista centenaria* dicitur. At majoribus amplius jaciebant, & vel talenta tria: id est, pondò 380. Nostra ista fulminea hodie non capiunt aut pervehunt hoc pondus. Igitur non solum contundeabant, sed distringebant omnia & discijciebant. *Tanta autem hujus tormenti vis erat* (scribit *Hegesippus*)

ut percussus unus ex sociis Josephi, qui propter adstaret, comminuto capite rueret, & decipitium ejus usque ad tertium stadium excuteretur, mulier quoque atro gravis, percussa uterum, supra dimidium studii, de intima sede genitalis secreti excuteret infantem. Non solum rotundos lapides istis jaciebant, sed enormes & sepulcrales, imo & molares: quibus domos & ædificia confringerent, & quidquid incidissent. Etiam equorum hominumque cadavera jaciebantur, stercore, foetoresque alii; sed & plumbei globi emissi, ferrum candens, metallum flum. Quin muros sive turres concutere iis solebant, & in pugna interdum utebantur.

Formam Ballistæ satis ubertim Ammianus tradidit his verbis: Dolantur axes duo querni vel ilicei, curvanturque mediocriter, ut prominere videantur in gibbos: hique in modum ferratoria machinæ connectuntur, ex utroque latere patentius perforati; quos inter, per cavernas funes colligantur robusti, compagem, ne dissiliat, continentes. Ab hac medietate restium stylus exsurgens obliquus: & in modum temonis jugalis erectus, ita nervorum modulis implicatur, ut alius tolli possit & inclinari; summitatique ejus unci ferrei copulantur, è quibus pendet stuppea vel ferrea funda: cui ligno fulcimentum prosternitur ingens cilicium, paleis consertum minutis, validis nexibus illigatum, & locatum super congestos cespites, vel latericios aggeres. Nam muro saxeo hujusmodi molis imposita, dissecat quidquid invenerit subter, concussionem violenta, non ponderè. Cum igitur ad concertationem ventum fuerit, lapide rotundo funda imposito, quaterni altrinsecus juvenes repagula, quibus incorporati sunt funes, explicantes, retrosus stylium penes uncinum inclinant: itaque demum sublimis astans magister, clastrum, quod totius operis continet vincula, referat malleo forti percussum. Unde absolutus ictu volucris stylus: & mollitudine offensus cilicii, saxum contorquet, quidquid incurrerit collisurum. Et tormentum quidem appellatur, quod ex eo omnis explicatio torquetur: Scorpio autem, quoniam aculeum desuper habet erectus. Cui etiam Onagri vocabulum indidit ætas novella, ea re, quod asini feri, cum venatibus agitantur, ita eminus lapides calcitrando post terga emittant, ut perforant pectora sequentium, aut diffractis ossibus capita ipsa displodant. In tōra hæc paratura duō adnotanda, de Nervis, & Funda.

Nervi ad omnia hæc tormenta maxime requirebantur: secundo Capilli, sic copia eorum non esset. Nam tormenta nihil prosunt, nisi funibus nervinis intenta. Equorum tamen setæ de caudis & jubis utiles, indubitanter vero crines feminarum: illi enim cum tenues sint, longi, multo oleo perfusi, cum plectuntur, vires & intentionem validam accipiunt, ut nec dissonent multum a robore nervorum. Historiæ etiam passim de hoc capillo. Carthaginenses obsessi ad catapultarum intentiones raserunt feminas, auctorum cri-

nium inopia. Romani idem fecere: Nam in Capitolii obsidione cum nervorum copia defecisset, matronæ abscissos crines suos viris obtulere; & ob hanc memoriam *Veneri calvæ* templum structum fuit. Idem de mulieribus Salonenſibus apud Cæsarem, de Aquileiēſibus apud Capitolinum legimus.

Funda, quæ in Ballistæ sive Scorpione ponitur, stuppea aut ferrea receptaculum lapidis fuit, & in qua firmaretur. Et ideo ipsæ Ballistæ sive Monangones à nonnullis *Fundæ* vocantur, Græcis *σπερδύρα*, quas rectissime Hieronymus *Fundibula* vertit. Ita enim illo ævo dixerunt.

De Scorpionibus.

Scorpiones Ballistis jam dictis vicini, sed tamen diverſi ab his & Catapultis. Describit Tertullianus: *Scorpio spiculum & fistula est, patula tenuitate in vulnus: & virus, quæ figit, effundit. Vegetius Manuballistas*, ait vocari Scorpiones. Vir unus dirigebat, & utebatur, ideo non magni fuerunt. Ut illi ergo parvi, sic proportionis & foramina illa, ac cavi.

De Muris Veterum.

Ut plene & firmiter noscatur Tormentorum vis, *Muri Veterum* sunt noscendi. Hos enim quatiebant & diruebant Arietes illi & Ballistæ; hos sub Musculis aut Vineis diruebant: & nescimus quo robore ii aut viribus? Caligat omnis machinalis & oppugnatória ista res, nisi hæc illustratur.

Muri Veterum validi & operosi faciunt, *Firmi, Magni, Alti.*

De firmitate sic Vegetius: *Murus ut namquam possit elidi, hac ratione perficitur. Intervallo pedum vicenum interposito, duo intrinsecus parietes ædificantur: deinde terra, quæ de fossis fuerit egesta, inter illos mittitur, vectibusque densatur; ita ut à muri primus paries parum inferior, secundus longe minor ducatur, ut de plano civitatis, ad similitudinem graduum, quasi cli-vo, molliusque ad propugnacula possit ascendi. Quia nec murus ullis potest arietibus concuti, quem terra confirmat: & quovis casu destructis lapidibus, ea quæ inter parietes densata fuerit, ad muri vicem ingruentibus moles obsistit. Paulo firmiorem dat Vitruvius: Interiore parte substractionis, fundamentum, distans ab exteriori interioris amplo spatio, constituendum est: ita ut cohortes possint, quemadmodum in acie instructæ ad defendendum supra latitudinem aggeris consistere. Cum autem fundamenta ita distantia inter se fuerint constituta, tunc inter se alia transversa, conjuncta exteriori & interiori fundamento, pectinatim disposita, quemadmodum serræ dentes solent esse, collocentur.*

Jam quod Magni & Alti, ab exemplis aliquot videamus. Appianus scribit: *Pyrei muros Athenis (Periclis opus) altitudinis fuisse 40 circiter cubitorum, sive pedum 60, saxo quadrato extructos. Thucydides de iisdem. Latitudine fuisse tanta, ut duo cur-*

rus juncti inter se vel obuii, per murum transirent introrsus autem neque cementum, neque lutum interpositum, sed junctos & coagmentatos grandes lapides, qui secti quadratique essent, eorumque exteriora ferro & plumbo revincta. Dio Cassius: Byzantii veteris muros fuisse firmissimos, quorum frons exterior grandibus lapidibus constructa, qui crassi 4 pedes erant, lato ferro aut aere inter se vincti. Herodianus addit: Adeo tenui & inconspicua junctura, ut nemini compositum opus, sed ex uno perpetuoque lapide videretur. Voluerunt ergo muros altos, contra turres, machinasque ligneas ad ascensum. Nam muri, quamdiu super eas, tuti erant ab hac pervasione. Firmi igitur, contra Arietes: Alii, contra Turres.

Inter artes munitionum hodie habemus, flexus & sinus in muris facere, ut pateat ad ictus accedens hostis id à veteribus prodit: Ambitum muri directum veteres duci noluerunt, ne ad ictus arietum esset dispositus, sed sinuosis anfractibus clausere urbes, propterea, quia, si quis ad murum tali ordinatione constructum, vel scalas, vel machinas voluerit admove, non solum à fronte, sed etiam à lateribus, & prope à tergo, veluti in sinum circumclusus opprimitur.

Sed & ~~perplexa~~ quædam habuere five Antemuralia; quæ fuerunt quali loriculæ, ante præcipuum murum ductæ. Nec solum loriculæ istæ, sed veri magnique muri plures ducti; ut uno diruto aut capto, alter & alter superessent. Lubet exempla duo dare splendoris atque operis præfisci. Prius ex Appiano, de Carthagine, quæ à Romanis capta & diruta. Murum, ait, fuisse triplicem, quorum quisque alius 30 cubitos esset, absque loricis & turribus. Quæ turres 200 pedum spatio inter se distabant, & 4 contignationes singula habebant. Ipsi muri fornicati, & capaces: & duplici quasi contignatione facti: in quarum parte ima elephanti 300 stabulari poterant, & adjuncta iis cellæ ac repositoria ad cibos: super eos 4000 equi, item cum receptaculis pabuli hordeique. Viri ipsi ibidem diversoria & habitacula, peditibus 20000, equitibus 4000. Atque hic bellicus apparatus in solis manibus erat. Alterum ex Josepho, de Hierosolymis, superba & valida urbium, quas historiarum celebrarint. Murus triplex erat: exterior altus 20 cubitos, lorica ejus ternos, pinne binos: in totum 25. Lapidibus in eo plerique, 20 cubitos longi, & 10 lati. In muris turres erant, quæ super ipsos eminebant cubitis 20. atque eadem erat latitudo. Hæc omnia solida, & iisdem lapidibus, quibus muri, structa. At super hanc turrium altitudinem cubicula & canacula erant, & cisternæ, & lati ad hæc omnia gradus. Ejusmodi turres erant in ei muro 90. intervalla autem cubiti 200, inter singulas. (Adde turres & portas, fiet ambitus circiter 6 milliarium.) Murus ipse, in quo erant, in colle fuerat conditus, atque is collis eminebat ad cubitos 30. Mirabilis & lapidum moles: non enim ex latere vul-

gari, aut saxis, quæ homines ferrent, structa erant, sed è candido marmore: quodque saxum, 20 cubitis longum, 10 latum, 5 altum. Ita autem juncta erant, ut unum saxum omnia viderentur, sed manu artificum in angulos & figuras diuisa. Hæc Josephus.

Qui, & ubi, Machinas fecerint.

De Machinis & Tormuentis pleraque dicta, nondum à quo, quibusve, & ubi ea facta.

Milites ipsi pleraque fabricarunt: sic tamen, ut certi iis mixti, qui fabrilem omnem artem scirent. Hi tales præformabant dirigebantque opera, etsi milites quoque vulgo adjutarent. His caput unum, & operibus curator exactorque, qui *Præfectus fabrum* nominabatur. Plutarchus *μαγιστὸν τεχνιτῶν* appellat. Hi igitur cum valida illa manu militari, subito opera pleraque destinabant, & in loco faciebant. Usi interdum & provincialium auxilio, eorumque ad materiem subvehendam iumentis. Sic Sylla cum Athenas obsideret, & mirifica opera moliretur ad Pyraeum, 10000 jugorum mularium habuit, quæ supportarent ad hunc usum. Sed & in agmine ac via, horum opera, cum machinas aliquas secum ferrent. Conquiri igitur hæc talia & preparari, interdum jam ante solebant, alias non solebant, at in loco, pro copia, parari.

LIBER IV.

D E T E L I S.

TELA, quorum usus in oppugnando aut repugnando, duplicia: *Lapides*, aut *Ligna*. Illos dupliciter iterum mittebant, aut *Manu*, aut *Funda*. De manuario jactu parum est, & natura ac mos docent: nec moneri aliud opus, quam plerosque veterum usurpasse. Sed de *Funda*, is accuratior, & explicandus est.

De Funda.

Funda Latinis dicta, quod ex ea fundantur lapides. De inventionem variant. Plinius Phœnicibus tribuit, Strabo Ætolis, communis opinio Balearibus.

Materies Fundæ triplex. *Prima* Melanchræna, quod est spartum, cujus copia in Hispania, estque junci acuti species, atque eo nomine linum & cannabin etiam comprehendimus. *Alterâ*, pili vel setæ. *Tertiâ*, nervi. Forma talis: Funiculus in medio latior, ovali formâ, & paulatim in strictibus abit. At medium & fundus, ut sic dicam, fundæ circinat. Rotabant enim circum caput, & vires ita dabant, ter, ut videtur, ex arte aut more.

Duo Fundis missa, *Lapides* & *Glandes*. Lapides jaciebant minz pendere, nempe drachmarum 100. Hinc Cæsar dicit *Fundas librales*.

librales. Ad hos lapides, & ut frequentare possent ictum, sacculos pelliceos ferebant iis implendos; magis expedire, quam ut sinu etiam præ se ferrent. Quod in lapidibus quoque factum. Telum alterum Clandes, atque eæ è plumbo, ideo *μαυλῆσις*; Græcis: & *Plumbæ* simpliciter Spartiano. *Spherulas* vocat incertus apud Suidam scriptor. His inscribi aliquando solere, & occulte sic ad hostem mitti, legitur, ut omnia, quæ gererentur, hostes scirent. Appianus ad istam rem tesseras plumbeas quasdam adhibet. Revera autem non istæ communes glandes fuerunt, sed tabellæ magis productæ, & huic rei aptæ.

Funda variis gentibus in usu, quia prompta, iteratu facilis, tum etiam quia longe & fortiter feriret. Nam sæpe adversum bellatores calidibus, cataphractis, loricisque munitos, teretes lapides de funda vel subtribulo destinati, sagittis sunt omnibus graviores: cum membris integris lethale tamen vulnus importent, & sine invidia sanguinis, hostis lapidis ictu intereat. Ergo per ipsa arma interfecit, etli sine sanguine; quia contulio plerumque & confractio ex ictu lapidis. Glans tamen profecto penetrabat. Quod cum ita sit, telum tamen hoc parum honestum habitum, & junioribus aut vilioribus assignatum. Itaque ipsi Romani raro uli, inter Auxilia habebant.

Præter communem illam Fundam, quæ vulgo in usu, fuerunt etiam distinctæ quædam species; ut *Achaica*, *Cestrophendonis*, *Fustibalus*. De Achaica sic Livius: *Itaque longius certiusque & validiore ictu, quam Balearis funditor* (loquitur de funditoribus ab Ægio, Patris, & Dymis accitis) *eo telo sunt usi: & est non simplicis habena, ut Balearica & aliarum gentium funda, sed triplex scutale, crebris suturis duratum, ne fluxa habena volutatur in jactu glans, sed librata cum sederit, velut nervus missa excutiatur.* Habena autem, Græcis *ἀνέρι*, *Amentum* Latinis, hoc loco *Scutale* dicitur, quia pars ea fundæ, cui lapis imponitur, quasi scuti formam palam refert. *Cestrophendonem* idem Livius describit; sed tenebrosa illius descriptio lucem accipit ex Suida, sic enim apud hunc aliquis: *Novum hoc inventum bello Persico. Ipsum spiculum bipalme fuit, tubulum habens aequalem mucroni. Huic hastile ligneum insertum erat, longitudine spithame mensuram æquans, crassitie digiti. In huius medium tres pinnule à ligno infigebantur, plane breves. Hoc in funda, quæ duo funalia imparia habebat, in medio utrorumque amento leviter, & ut solvi possit, ligatum, imponebatur. Tum igitur in circumactione fundæ, intentis finalibus manebat: cum vero alterum solveretur in emissionem, exiciens amento suo, velut glans è funda ferebatur, & cum impetu incidens, quidquid incurrisset, valide ladebat. Tertium Fundæ genus, *Fustibalus*. Vox est novæ ævi: appellatur ita funda fusti alligata, quo incusso, lapis scire & robuste emittitur. Et qui eo*

utuntur, *Fustibatores* dicti, non *Fundibatores*: nam *Fundibalus* diversus ab hoc. Antiqui has vocabant *Fundas libriles*, & *Librilia*, quasi quæ lapides libræ pondo emittant: *Libratores*, qui iis utuntur. Ita Vegetius descripsit. *Fustibalus fustis est longus pedibus 4. cui per medium ligatur funda de corio, & utraque manu impulsus, prope ad instar Onagri dirigit saxa.*

De Jaculis Rudibus.

Jacula duorum sunt generum. *Rudia* & *Ferrata*. *Rudia* appello, quæ simplici ligno constabant, non alia materie ad lædendum. In eo genere *Sudes*, & *Faces*.

Sudes est lignum, in capite acutum leviter, & igni duratum. Vetus id telum, & plerisque gentibus sic usitatum. Sed tamen meliore etiam ævo, & in legitimis bellis, usurpatum.

Faces, non adustæ, sed urentes quædam hastulæ, è picea, tæda, larice, & si quod tale genus. Obvium & populare fuit hoc telum.

Huc quoque referuntur *Præpilata missilia*, quæ sine ferro, nec aliud quàm pilæ instar, obtuso acumine, rotunda. *Præpilare* enim Ammiano non aliud videtur, quàm *Præjaculari*. Etsi *Pilare* idem usurpat, pro *prædari*, *vacuare*. Aliter Servius; cui *Pilare*, est *cogere*, *premere*: & ita interpretatur *Pilatum* agmen, *densum*.

De Jaculis Ferratis.

Jacula Ferrata pluria & multigenera sunt, nec alia in re fœcundius Martialia ingenia luserunt. Nos crebriora quædam tangemus:

1. *Hastam*. 2. *Lanceam*. 3. *Verutum*. 4. *Gesum*. 5. *Tragulam*. 6. *Securim*, & similia.

1. *Hasta*, Græci ἄσπερ, etsi commune fere id nomen est, & in plura valet; diciturque tam de grandi illa, qua còminus utuntur, quàm de leviori, quàm minus jaculantur. Simile in *Lancea* & *Conto*, in *Sarissa* & *Pilo*. Ab *Hasta* dicti *Hastati*, jaculatores olim in legionibus.

2. Alterum nomen communius. *Lancea*, Græcorum λανξ. Et est Hispanica vox, ut Varro & Agellius testificantur; Gallica, ut Diodorus. Sed potest esse Hispanica stirpe, in Galliam tamen post traducta, uti & in Latium ipsum. Vox quidem *Lanceare* quod est *jacere*, *mittere*, ipsis Hispanis Gallisque & hodie est in usu. Lucanus *Lanceam* pro *Pilo* usurpat, ut est profecto nomen jaculis commune. Hinc λανξόβηται, bene redduntur *Jaculatores*, & sunt ista, quæ *Menaula* posterior & deterior æras dixit. *Venabulum*, seu *Venabulum* idem; unde & vox depravata videtur *Menaula*. Sunt quidem *Lanceæ* venatorum.

3. Tertium, sed magis strictum. *Verutum*; cui nothē & formatio ab ipso *Veru*, quod refert. Itaque alii *Veruinam* dixerunt. Non nemo etiam *Veru*. Est spiculum tenue & longum, aptum forare.

forare. *Σαῖνι* Græci *Verutum* dicunt. Etsi Samnites primo & proprie usi, tamen & alii Itali. Livius levi armaturæ tribuit, sed veteri. *Hastæ velitares* haud longe iverunt ab istis, si non eadem.

4. *Gesum*, alii, & sæpius Græci, *Gesam* scribunt: vox ac tela peregrina videntur. Athenæus quidem Romanos petisse ab Hispanis vult, alii magis à Gallis. Est autem telum vel contus, longe feriens: & grandius fuisse jaculum, etiam Festus indicat, cum vocat *grave jaculum*. Pastoricium telum Livius facit, & Silius.

5. *Tragula*, dicta quod scuto infixâ trahatur. Hispani ea usi, apud Livium: sed & Galli, apud Cæsarem. Usi & Romani. Validum fuit telum, hamatum, forte ob etymon illud à trahendo. Hoc telo Corta tam validam plagam inferebat, ut percussum per lorica, per latera transfigeret, & velut clavo terræ affigeret. Vegetius *Tragularios* vocat, qui ad manuballistas vel arcuballistas sagittas dirigebant.

6. *Securis* etiam est in hoc numero, nam & missilis fuit, etsi communis pugnasse ea non nego: Sidonius Scythiis, Horatius Rhætiis, tribuit: atque etiam nunc habent & sic utuntur Boiemi, & vicini. Veteres item Galli. *Securis* ferrum crassum est, & utrumque acutum. Hanc Franci in primo congressu jacere in hostem consueverunt eo impetu, ut scuta perfringant; & ipsos simul interimant. Ipsum hoc telum est, quod *Haggones* patria lingua, *Haacken*, Franci dixerunt, vel *Anconas*, ut apud Agathiam, & sunt brevia tela, quorum pars major ferro obducta est, ita ut ex ligno aliquid, præter manubrium, vix exister. In superiori ferro tanquam hami utrumque sunt, & deorsum vergunt. Non est plane *Hallebarda* nostra, etsi hæc potest inde nata esse. Suntne Græcorum *διζόλια*, *bipemes*? Isthinc fortasse originem habent *Matriobarbuli* qui his telis scienter & fortiter utebantur.

7. *Aclis*, exiguum & teres quoddam missile. Fuit, religatum lino vel loro, ut peractis vulneribus posset redire. Fere idem est *Aclis* cum *Cateia*, quam sic describit Isidorus: *Est genus Gallici teli, ex materia quam maxime lenta, quæ jactu quidem non longe propter gravitatem evolat, sed quo pervenit, vi nimia perfringit. Quod si ab artifice mittatur, rursus ad eum redit, qui misit.*

De Amento.

Jacula alias manu sola missa, alia loro revincta: & eo excusso adjuta. Id dicebant *Amentum*. Latini & *Nodum* vocant, item *Ansam*: unde *Ansatæ hastæ*. *Habenam* etiam alii. Græcorum id inventum. Fuit autem non aliud, quam lorum revinctum in hasta media circiter, quod manui deinde & primoribus digitis illigabant leviter, in emissu cum impetu solvendum. Et videtur plane esse Græcorum *μυστήριον*; etsi teli certum genus Grammatici proponunt, certe vix aliud, quam *telum amentatum*, possunt & debent explicare.

explicare. Nam Græcis ἀγώνη, *amentum* est, & ἀγανίζω, *amentare* proprie, etsi interdum pro *faculo* & *faculari* usurpant. Ante pugnam strictis illigatisque amentis ad digitos primores incedebant, prompti scilicet & parati. Contra, ubi ignavia aut metus, laxæ ea habebant & solute: quod etiam in pluvia fiebat; & humor resolvebat.

Quia igitur amentum roborat & incitat hastam, inde Tertullianus metaphorice dixit, *Amentavit sententiam*, id est, fortiter & serio edixit, & velut amento intorlit. Et *Amentata sententia*, apud Ambrosium. Inde *Hasta amentata*, sortes, & sic ligatæ.

De Sagittis, & Sagittariis.

Romanis ipsis ab antiquo vix fuerunt *Sagittæ*. Sed post Punicum bellum secundum creberrime in Romanis castris *Sagittaril*, sed *Auxiliares*, non *cives*. In hoc numero maxime *Cretenses*, quos & excelluisse hac peritia certum est; & quidam originem primam ad eos trahunt. Alii ad *Perfas*; alii ad *Scythas*: & certe nostrate lingua *Sagittare*, etiam nunc est *Schieten*, forsitan à *Scythis*. *Scythiæ* igitur inter inventores censentur, & celebratur *Arcus Scyticus*, cujus forma ῥε ζ Græcorum. Sed & Parthi hoc taliarcu usi. Ab *Arcu Festus* notat *Arquites* dictos, arcu præliantes, qui nunc *Sagittarii*. Ipsæ *Sagittæ* dictæ etiam *Virgæ*. Sic & Græci usi voce πέλδον. Item *Calami*; quia sæpe ex leviori illa materia, etsi quædam firmiores atque etiam grandiores. Et *Arabes* majoribus usi. Pleræque autem *Sagittarum* hamatæ, & ne facile avelli possent: quædam etiam triplici hamo; quædam quadruplici, Hippocrati τετραγώνη βέλων, *quadrangule Sagittæ*. At illæ *Parthorum* mirificæ, quæ videntur aciem super aciem habuisse, quæ tenui ferro nexæ, aut ut involucrum insertæ, in corpore fere manerent, & rumperentur, si quis tentaret educere. Tanta autem violentiâ *sagittæ* emittebantur, ut arma perfringerent, & per omne quod obstitet, durum aut molle, penetrarent, quibus neque thorax ullus, neque scutum possit resistere.

Fuerunt & thecæ *sagittis*, quas *pharetras* aut *Corycos* prisce dixerunt. *Leo Imperator* *pharetras* vocat *Cocura* sive *Cocurra*; vox nostras, *Kokeren*. Festo *Scoretum*.

LIBER V.

DE REPUGNATIONE.

Opugnati non ita peribunt inulti & indefensi, sed repugnabunt nostris armis, quæ dabimus in tutelam eo ordine, quo dedimus oppugnantibus, ad singula nocumenta & plagas, adhibebimus modelas, amolietur Tormenta & Tela. Contra

Contra Testudinem.

Primum in subita oppugnatione fuit *Testudo*, & globus militum densus, qui incurrit, & nisi amolitur, scandit. Resistebant & saxis, aut ponderibus adventantem obruebant, aut certe dissipabant. Primum igitur erat saxis obruere: si pars aliqua leviter cecidisset, aut se abjunixisset, tum contos aut lanceas inferere, donec compage scutorum soluta, jam intutos, lapidibus, pilis, aliisque missilium prosternerent. Quod si qui per ipsam testudinem tamen scanderent, ii vero gladiis & armorum incussu præcipitati, sudibus & pilis obruebantur.

Contra Scalas & Ascensum.

Contra *Scalas*, repugnantes, *Furcæ* usurparunt. Certum fuit furcæ genus oblongioris, aut in pertica longiore. Dupliciter igitur Furcæ utiles, ad *scalas* ipsas rejiciendas & resupinandas; sed & ad homines ipsos.

Erant & alia communiter in ascendentes, tum in eos, qui testudine nixi; tum & qui sparsi, aut sine ea. Primum inter hæc, liquida quadam, aut liquefacta; ut, Oleum fervens, Pix, Sulphur, Bitumen, Plumbum, & si quid tale. Oleum enim celerrime à capite ad pedes, per omnia sese arma inlinuat, & carnem instar ignis depascitur: quippe quod natura facile accenditur, & tarde refrigeratur, ob pinguedinem & lentorem. Loricis itaque & galeis illigati cum essent, fuga non erat hujus pestis; sed nunc subsilientes, nunc dolore se incurvantes, decidebant de Pontibus. Picem, sulphur, bitumen; vasis plurimum inferebant, sive fictilibus, eaque servecta appropinquanti exercitui injiciebant, & imbris in modum dense & confertim inspergebant. Corbes etiam, sitellæque è ferro, huic rei adhibitæ: item Quali; sed ipsos vimineos, & una cum materie ardentes jaciebant. Et hæc non in viros tantum, sed & in machinas ipsas ligneas usurpata. Imo vasa hæc eminus etiam projecta in hostem, idque auxilio fundarum. Jam & Plumbum liquefactum infusum scandentibus, quod in valis æreis, perticis contisque protendentes, effundebant. Atqui non plumbo solum usi, sed & ferro; quod, cum fundi non posset per naturam, raserunt in pulverem, eumque ignitum sic injecerunt. Cui adsimile, sed parabilius, quod Curtius Tyrrii factum in Macedonas narrat: *ii clypeos areos multo igne torrebant, quos repletos fervida arena cænoque decocto è muris subito dolvebant. Nec ulla pestis magis timebatur.* Idem Tyrrii Macedonas scalis ascendentes, retibus piscatoriis involverunt, & inutiles ita factos scalis facile detruserunt.

Fuit & illud callidum & novitium: Fœnum Græcum elixum tabulis pontium, quibus usi ad ascendendum, inspergebant & superfundebant; qua re milites lapsantes & casabundi, incerto vestigio vacillabant, adeo ut nec progredi, nec regredi rectis iis esset, aliisque super ipsos pontes resupini caderent, alii in aggeres delaberentur.

berentur. Rumices & Tribulos spargi non rarum fuit, nam & hi in defensionem valent, contra ingressum: & in oppidorum tuitio-
ne item utiles esse possunt; sed & castrorum. Utile inventum hoc ligandi, & sic retrahendi. Reperio etiam Sudes plumbatas in flu-
mine defixas. Sed & contra equos & camelos (quorum molles ungulæ) rumicibus usi, sæpe cum successu. Remedium in eos, calcei è ferro aut duriore ligno.

Sed quædam ex dictis rara, aut novitia: lubet addere inter vetera de Doliis, Cylindris, aliisque talibus, quæ oppugnati, & in ho-
mines, & in machinas, usurpabant. Dolia faxis sarcire solebant, & sic cum pondere & impetu immittere, præsertim per declive. Sic molis & columnarum fragmentis pugnatores obruebant. Item de ligno Crates fecerunt, quas *Metellas* vocaverunt, lapidibusque complerunt, ea arte inter bina propugnacula constituta, ut, si per scalas ascendisset hostis, & partem aliquam ipsius contigisset, supra caput suum vergerent faxis. Rotas quoque de lignis viridibus ingentissimas demittebant per præceps, non solum ut obruerent subeuntes, sed etiam machinamenta confringerent. Interfisos etiam ex validissimis arboribus Cylindros (quos *Taleas* vocant) ut essent volubiles, lævigabant, qui per pronum labentes, prosternebant bel-
latores. Præterea axæ vinctæ trabes, per pronum incitabantur, axibusque eminebant, in modum Ericii militaris, veruta binum pe-
dum. Est enim *Ericius militaris* nil aliud, quam transversariæ ad portas trabes, aculeis confixæ, eæque versatiles; quarum & ho-
die usus manet. Currus etiam quadrirotos ponderibus onustos de-
jiciebant. Item lapides molares: qui non tam grandes, ut nostri, ut nec ipsæ molæ, quæ manuariæ tantum, & a servis volvendæ. Itaque crebræ eæ, & fere domesticatim erant. Nostros enim mo-
lares quæ brachia, imo qui vinctes, subito movissent?

Contra Machinas ligneas.

In omnes Machinas è ligno duo tela valuerunt, *Saxa & Ignis*: in Vineas dico, Pluteos, Musculos, Turres, & si quid tale. De faxis aut ponderibus dictum jam satis. Ignis restant: ii varii.

Fuere *Faces*, communes illæ è picea, larice, abiete, & quibus in usum luminis domi etiam usi; hæ paulo robustiores aut grandio-
res. Has manu jaciebant & destinabant in machinas propinquas: sed & iis pugnabant.

Aliæ magis sepositæ & militares: quas *Malleolos* dicebant. Id quoque duplex genus. *Simplices* & rudes, atque hi non aliud vi-
dentur, quam manipulus aut collectio sparteæ, ligata in medio, forma quadam mallei, & pice aut sulphure illita, sic projecta. At *Alterum genus*, magis efficax & militare, quod teli in morem for-
matur & aptatur. Id Ammianus ex professo describit: *Malleoli, teligenus, figurantur hac specie. Sagitta est cannea, inter spicu-
lum & arundinem multifido ferro coagmentata, quod in muliebris coli*

coli formam, quæ nentur stamina, concavatur, ventre subtiliter & plurifariam patens, atque in alveo ipso ignem cum aliquo suscipit alimento, (lino aut stuppa, continendis alimentis illis ignis.) Et sic emissâ lentius in valido arcu (jactu enim rapidiora exstinguitur) si hæserit usquam, tenaciter cremat, aquisque conspersa, acriores excitat aestus incendiorum, nec remedio ullo, quàm suprajecto pulvere, consopitur.

Malleolis adident σιδήρια συνδραμιζόντα, ferramenta minutâ scintillantia: item αλογεα σιδήρια, ignita ferramenta, quæ non proprie Malleoli; sed hami quidam aut unci ferrei, sive murices, qui toti igniti ad incendium adfigerentur.

Hastæ ardentes tormentis adigebantur, quæ proprie Falaricæ dictæ, quas describit Livius: Falarica erat missile telum, hastili oblongo, & cætera tereti, præterquam ad extremum, unde ferrum exstabat: id sicut in pilo quadratum stuppo circumligabant, linebantque pice. Ferrum autem tres in longum pedes habebat, ut cum armis transfigere corpus posset. Solebat è locis editis turribusque mitti, quas præsci Falas dicebant: atque inde Falaricæ nomen, ut Grammatici volunt. E ballista has Falaricas & Malleolos jaculantur.

Contra Aggeres.

In oppugnatione diuturna confidero primum Aggeres, qui everfi aut consumpti dupliciter: Cuniculo, aut Igne. Illo, cum ex urbe duxissent, terram ad se introrsus idemtidem subtrahebant: cum foris assidue injicientes, minus tamen attollerent, subducto scilicet inferius aggere, & in locum vacuèfactum assidue subfidente. Nec subtrahebant solum Cuniculo, sed & incendebant supposito igne. Sed alia item ratio, & magis exposita, destruendi per ignes: cum scilicet faces, malleolos, aliaque ad inflammandum, aut jacerent eminus, aut ipsi in aggerem inferrent.

Sed est & tertium subsidium in Aggeres, molem & velut aggerem alium opponere in ipsis muris. Nostri mechanici æmulantur, & est res quotidiana hodie in defensione. Sed & Corbes terra aut arena repletos, & in fastigium sic exstructos invenias: quod haud longe abît à Sportis aut Gabionibus nostris, imo iis dedit exemplum.

Contra Turres.

In Turres præcipuum telum Ignes: sed & saxa è catapultis, quibus perfringebant. Utrumque hoc satis innotuit è prædictis. Sed & tertia repugnatio: Asseres aut trabes advenientibus incussa, atque ita impetu evertebant aut frangebant. Muros quoque ea parte, ad quam turris admotâ, attollebant & augebant. Alias etiam turres struebant opponendum illis.

Contra

Contra Arietem.

Aries violentissimus machinarum, & maxime terribilis, eoque plura in eum adinventum. *Primum* remedium. Centones & culcitrae paleis plenae, quas demittebant funibus in eam partem, qua impetus Arietis ferebatur, ut hoc modo & aberrare facerent ictum: aut si exceperisset, vanus redderetur, mollitie & laxitate fractus.

Secundum. Laqueis excipiebant frontem prominentem Arietis, & sursum trahebant, in obliquum, & cum ipsis testudinibus evertebant. Sed & laqueis *Falces* murales soliti avertere. Falces scilicet illas, quæ lapides e muris extrahunt, & vicem ac vim pene Arietis habent: non illas, quibus pinnas detergebant: quibus navium funes abscindebant, atque talia patrabant.

Tertium. In modum forficis dentatum funibus illigabant ferrum, quem *Lupum* vocabant, apprehensumque Arietem aut avertunt, aut ita suspendunt, ut impetum non habeat ferendi. Hunc *Lupum* alii *niexa*, sive *Corvum* appellant.

Quartum. Ponderibus grandibus superne incussis aut injectis Arietem deprimebant, aut frangebant. Item Tollenonibus libramenta plumbi aut saxorum, stipitesque robustos incuriebant. Nam magnas trabes adaptantes longis catenis, à capitibus utrimque suspenderant ad duas antennas, super muros inclinatas & extensas. Has trabes sursum trahebant, attollebantque obliquas, & quoties in vasura machina esset, ictumque datura, trabem dimittebant, laxatis catenis, manuque remissa: atque is impetus decuriebat caput Arietis. Et plumbum ipsum in trahium formam factum, & in massam longiusculam productum, ut certius feriret.

Quo, si tanta vis fuerit, ut murus Arietibus perforaretur, & decideret, una salutis spes supererat, ut destructis domibus alius intrinsecus murus adderetur, hostesque inter binos parietes, si penetrare tentaverint, perimerentur. Hoc remedium hodie quoque receptum contra demolitoria nostra tormenta: imo ut nos lunari fere forma tum ducimus sic illi.

Contra Ballistas, & Catapultas.

Ballistis, Catapultis, & toti generi levium telorum unicum fere obstaculum & oppositio, *Coria, Cilicia, Vela*. His enim vim excipiebant & frangebant, molliter ita suspensis: imo & ignita jacula repellebant. In urbe, extra urbem utebantur, quia utrimque scilicet periculum & metus vocabant. Tegumenta & vela e caprellis pilis, Cilicia vocabant. Ea iusta & sufficienti crassitie ac longitudine suspendebant e proceris lignis, & ante se prætendebant. Ita nec ignita jacula, nec alia tela eos attingere poterant, sed in ipsis ibi tegumentis sistebant & hærebant. Sed & in alio opere *usurpabant*; tum ne conspici ab hoste possent; tum ut & tela sic eludi. Commodum inventum, & à nostra hodie militia non alienum.

num. Imo vero sistebant etiam lapides Ballistarum. Aqua quoque centones aut cilicia, aut coria humectabant, contra ignes aut ignita, quo minus corripere, aut corrumpere. Et proprie huic rei acetum habebant. Legimus, culcitra paleis aceto maceratis aut humectis farras, & in ignes oppositas; quod est lana nostros hodieque facere accipi in tormenta.

Contra *Catapultas* proprie, habebant totas marmoreas quasdam oppositas, crebris intervallis aut septis distinctas. Has per machinam quandam in orbemolvebant: & telorum alia frangebant, alia avertabant, omnia revolvebant.

DE AMPHITHEATRO LIBER.

Locum spectaculi & ludicæ voluptatis, quem hodie *Colosseum* dicunt, quia Neronis cum capite Colossus in vicinia, prisci tribus nominibus appellabant, *Amphitheatrum*, & sæpe *Caveam*, sæpe *Arenam*. *Amphitheatrum* Græca voce ideo, quia gradus circum undique, & sedilia continenter disposita ambibant in orbem. At *Cavea* Latinis, ab interiore hac parte, quæ concavâ, & capaci quodam profundo. Quod nomen quidem apud antiquos (libera rep. dico) in Theatris fere hæsit; sed sub Principibus, cum gratia & usus Amphitheatrorum increbuisse, bono jure migravit ad ista.

Sed & *Arenam* dixere vulgo, scilicet quia is locus defabulari solet, & arena sterni in usum pugnæ. Nam si lapide aut ruderato, in tam crebra effusione sanguinis, lubrico statim pavimento, quæ ratio standi aut certandi? *Arenam* igitur injecere, quæ bibula: & quam ipsam per intervalla ludorum renovare, & velut inare soliti per pueros quosdam, non sine lusu specie. Vulgaris arena insternebatur; nisi quod quidam rasuram lapidis albi destinarunt etiam huic rei, quæ sita gratia candoris. At Principes interdum arenæ loco instravere minium aut chrysocollam. Sed hæc monstrorum aliquot dementia, quibus satis non fuit ostentare opes suas in spectaculis, voluerunt etiam calcare. Cæterum Editorum vulgus contenti arena: inde ea vox passim pro certamine amphitheatrali, proque ipso loco. Ab hac stirpe *Arenarii*, qui in arena depugnant.

Dii, quibus Amphitheatra sacra.

Dedicabant in primis locum & ludum huic Dianæ; Tauricæ sive Scythicæ: nec ab alia causa Dianam pro ipsa venatione amphitheatrali.

phitheatrali posuit Martialis. Sed & Jovi sacrabant, sive Latjari, sive Strygio. Et aram imo Ditis, in Amphitheatro positam, quæ sanguine humano perfusa, videtur agnoscere Prudentius. Quin imo ex Minutio colligas, solenne quoddam ibi hominis sacrificium fuisse, velut ad committendos ludos: mactatio horrida, nec Romanorum cultu digna. Præter hos Deos, Saturnus etiam in partem venit hujus tutelæ.

Origo Amphitheatrorum.

Nata Amphitheatra hæc diu ante tempora Reip. desidentis: & quidem temporanea primum, & è ligno. Ita Curionem (illum Tribunicium, qui tuba belli civilis) ligneam molem extruxisse, quæ diducta, duo theatra redderet, iterumque Amphitheatrum unum, conducta, refert Plinius. Et in Dione legitur, Theatrum quoddam è ligno extructum corruisse cum multorum clade. Sane valde recepta & crebra theatra hæc lignæ. Et Cæsar ipse Julius, jam Dictator, Amphitheatrum ligneum extruxit in campo Martis.

At sub Augusto, & venatio valde jam increbuit, & increvit ejus dignitas. Sive una cum opibus augescente luxu: sive potius, quia ipse Princeps valde in hunc ludum pronus. Itaque statim venationi tunc reperta propria & mansura domus; Amphitheatrum extructum è lapide, Augusti suasu, Statilii Tauri opibus & sumptu, in campo Martio, Anno urbis 725. Hoc solum primumque lapideum Amphitheatrum Romæ fuit ad tempora Vespasiani.

Illud ergo in multa fama & usu, donec ambustum sub Nerone. Et quamquam restitutum postea, tamen quia incendio illo infirmius redditum & infirmius; occasio data Vespasiano & cupiditas struendi novi. Struxit, & quidem in media Urbe; hoc ipsum, cujus semiruta moles adhuc Romæ vilitur, & quod jure miremur injuriis restituisse tot annorum, tot bellorum.

Struxit autem Vespasianus in Consulatu suo Octavo, id est, vix biennio ante vitæ finem. Itaque coepit opus ipse, non absolvit. Struxit, non extruxit. At Titus filius summam manum imposuit, idemque dedicavit. Duorum ergo Principum opus: etsi fama & vulgus Tito magis adjudicavit; sive favore quodam in illum, sive potius ex Romano ritu, quo receptum, opera censeri a dedicante. Atqui hi duo soli Principes fecere, alii fecere, cum casu aliquo lasum, aut igne. Inter eos M. Antoninus Pius. Item, Heliogabalus. Denique Senatus ipse eam tuitionem suscepit sub Gordianis. Ita multorum cura, & Genio quodam. Perennitatis, pervenire tanta machina potuit ad hoc ævi.

Amplitudo Amphitheatri Titi.

Altitudo Amphitheatri Titiani nunc quoque miranda est, etsi multum à vertice ejus corruit, multum à pedibus subsedit. Nam mole & ævo magna hæc pondera clare desident, terra cedente: adde

adde aggestum ruinarum. Ammianus de altitudine ea scribit tantam fuisse, ut ad ejus summum ægre visio humana conscenderet.

De ejusdem capacitatis P. Victor asserit, cepisse loca 87000. Et de gradibus tantum intelligit, in quorum pulvillis federunt commode 87000 hominum: at in ambitu illo superiore, & circumjacentis porticum aulis, non minus item spectarunt, quam dena aut duodena millia, sive stantes, sive in allatis cathedris sedentes.

De Forma Amphitheatri.

Arenæ sive Cavæ totius forma non rotunda & orbicularis prorsum est, sed porrecta magis paulum, & oblonga: quia Amphitheatrum junctum & factum ex duobus Theatris, rejecta scena: Ex integro enim circuli ambitu quartam partem si abscindis, quod majus ejus reliquum est, scito Theatrum fuisse: atqui ex iis duo si jungis, (ita tamen, ut flexas lineas circa abscissionem dirigas, vel potius extra leviter flectas) Amphitheatrum habebis. Ovo aptissime comparatur; item Valli, quæ cincta undique supino monte.

Area erat pura, sine substructionibus aut ædificiis, libera tota ad cursum ferarum & ad pugnam; nisi quod in ea alibi ara fuit è lapide: illa, dico cruda ara, quæ sacra Jovi Latiani.

De Cloacis, Specubus, & Caveis.

Sub ipsa area Cloacæ, forsitan ad exsurgendum educendumque humorem illum stagnorum (nam in stagnis Neronis structum Amphitheatrum) structæ. An potius fuerunt cameræ quædam & specus subterranei, ad custodiam & receptum ferarum? sive etiam ad usum aquarum, quas in Arenam occulte & subito inducebant atque educebant ad Naumachias? Certe cum ferina magnavis quotidie in Amphitheatrum induceretur, credendum est, partim subterraneos hos cavos fuisse, in quibus recondentur sub ipsos ludos; partim depositas eas in caveis sub interiore porticu, è qua portulæ & aditus plures pertinent in Arenam. Ibi ergo cavæ ferreæ extructæ, per quas bestię intromittebantur in Arenam. In his caveis erant portæ, (*Ostia* vocat Varro, Vopiscus *Aditus*) ex quibus cum imperu quodam emittebantur in arenam feræ: iterumque in caveas immittebantur post pugnam.

Habebant & caveas itinerarias, in quibus feræ clausæ & transvectæ: quæ potuere forsitan in his specubus & fornicibus deponi. Hæ autem cavæ ex argento & auro, per splendoris speciem, sæpe factæ.

De vario Arenæ ornatu.

Hæc fuit solens & vulgata Arenæ facies: cui comptus aliquis novitius sæpe additus, & colorum quidam fuci. Varia enim quotidie ab ambitiosis Editoribus excogitabantur, ut studia spectantium allicerent

allicerent lenocinio quodam novitatis. Ita fuere, qui arboribus hoc planum conferrent, & Arenam totam verterent in silvam: scilicet ut vivam imaginem exhiberent veræ germanæque venationis. Arbores validæ per milites radicitus vulsæ, connexis longe lateque trabibus adfixæ erant, terra deinde superjecta: totusque Circus ad silvæ confitus speciem, gratiam novi viroris obtulit. Æmulati sunt hoc idem in provinciis.

Neque in solo solum hæc variatio, sed in caveis ipsis; quarum loco invenerunt antra quædam coëuntia & decuntia, quæ velut è terra emitterent subito feras. Quæ ipsa decora fuisse fatendum est, & blandientia sensibus imitatione quadam Naturæ.

At illud fuit improbi acuminis; quod navim ædificare solerent grandem aliquam in ipsa Arena, quæ solutilis esset, & subito luxata emitteret omne genus ferarum pro arbitrio magistri temperantis. Ea enim occulte soluta exsiliabant ursi, leæ, pantheræ, leones, struthiones, onagri, bissones: ita ut septingentas feras aut pecudes, simul & currere liceret cernere, & occidi.

Nec naves solum ejusmodi inducere in Theatra, sed quod magis admirare, quodammodo mare ipsum. Reperti enim qui totum locum, per occultos quosdam ductus & meatus, subito aqua replerent; & pro terrestribus feris, monstra maris ostenderent, & classes & navalem pugnam.

De Podio.

Post Arenam murus occurrit, qui Podium sustinet, quique claudit & ambit infimum solum. Dicitur enim *Podium*, projectura quæ in summo muro, quæ paulum provehitur & propendit instar pedis: Unde & nomen. Mænianorum ea quædam species est, facta in theatris, templis, ædibus, ad circumeundum, innitendum, spectandum. Ergo Podium est muri pars projectior & prominentior, ante imum spectaculorum gradum; cui columnæ impositæ cum epistylis ad ornatum, sive (cum liberet) ad innixum. In Podiis istis victoriolæ etiam reponi solebant.

Ad hoc Podium spectare soliti primi è Senatu. Nam cum Orchestra plurium graduum esset, dignissimus habitus ille imus, qui Podio proximus & Arenæ; quippe ex quo facillima spectatio. Inter ipsum Podium & gradus, spatii aliquid vacuum fuit latioris, in quo spectare soliti honorati: idque proprie, *ad podium spectare*. Quidam enim sellis curulibus spectarunt. Et eadem sellæ honoris causa positæ absentibus, sive etiam mortuis. Consules, Prætores, alique quibus id jus in curulibus suis ad Podium sic sederunt, cum lictoribus, viatoribus, & magistratus sui pompa.

Nec magistratus solum ad hoc podium spectavit, sed & ipse Princeps, cui tamen eminentior quidam suggestus exstructus, & velut sua domus. Origo rei à Julio Cæsare, qui inter alios honores, quos nimios recepit, admisit statuam inter Reges, suggestum in Orchestra.

stra. Secuti Principes id tenere. Suggestus ille tectus & inædificatus fuit ad modici cubiculi formam: cui proprium etiam suum Podium, quod ostiis quibusdam sive fenestris Arenam versus aperiretur.

Sed præter hunc suggestum, ad Podium etiam tribunal Editoris fuit. Cum enim alii honoribus, alii, licetoribus & veste prætexta, insignes voluerint eos esse, qui ludos exhiberent; tum etiam alicui hac sede, in qua præsiderent. Quod vero ad Podium ea sedes, cum ratio evincit, tum Suetonius, qui exadversum collocat Vestales: eæ autem ad Podium.

Hujus Podii murus, qui Arenam dividebat, non minus olim altitudinis habuit, cum hoc Podio, duodenos quindenosque pedes. Hunc ergo nulla fera poterat transilire. Et tamen contra inopinatos quoque casus à catiis illis provide provisum: nam primum retia valida nodosa, in orbem undique Podium cingebant, quorum raritas scilicet non impediēbat aspectum. Et interdum retia illa per luxum inaurata. Nec retia solum, sed versatiles quidam trunci appositum muro & Podio, contra scansionem omnem ferarum & insulsum; si quidem ligna illa transversa & versatilia objecta fuerunt muro, quæ feras, dum enituntur, fallerent, insilientium impetum frangerent, & vertens excuterent. Contra elephantes & immanes illas feras alia arma parata; nam aut clathris ferreis Arenam totam circumdabant: aut, quod certius, Euripis: valde enim id genus metuens aquæ.

De Gradibus.

Gradum promoveo ad Gradus, & ad hos Subselliorum, ut sic dicam, colles. Non male colles, quia revera per declive jacentium ea forma. Sed ut tota hæc sedendi spectandique ratio subtili quadam Minerva intelligatur, non crassa, opus, hoc omne spatium distingui per partes: quæ erunt istæ. 1. *Gradus*. 2. *Præcinctiones*. 3. *Aditus*. 4. *Via*. 5. *Cunei*. 6. *Cathedra*. 7. *Porticus*.

1. *Gradus* sunt ea ipsa loca, in quibus sedebant. Sic dicti in Amphitheatris, quia ad formam scalarum graduum alii alios consequuntur. Alti erant pede uno & palmo, sive palmis 5. Palmus enim 4. digitos continet, Pes 4 palmos. Quamvis ista altitudo non convenit gradibus Amphitheatris Veronenis. Latitudo pedes duo & semis. Hanc enim latitudinem exigebat in contextu graduum ratio sedendi. Pedes enim eorum, qui in superiore gradu spectant, innixi inferiori gradui proximo: qui ne læderent sedentes alios, neve ipsi læderentur, opus habuere aliqua laxitate. Fortasse etiam ad pone transeundum, si qui surgerent, aut sedentibus aut aliis intrarent.

Gradus autem isti è lapide. Unde scitum illud Aristippi: Cui bono eruditio? *Huius saltem*, inquit, *ne in Theatro lapidis sedens*
K 2
super

super lapidem. quanquam & sæpe ex ligno. Sero repertum, ut pulvilli infernerentur Senatui, ne nudis asseribus insiderent: idque primus Caligula instituit. Postea id etiam equiti concessum.

2. De Præcinctionibus.

Præcinctiones non sunt aliud, quam graduum intervalla & divisiones quedam in orbem. Videntur autem five ad Vomitoria & ipsos Aditus, five in discriminibus Orchestræ, Equestrium, popularium, gradus quosdam latiores altioresque struxisse, qui reliquos minores velut præcingerent & complecterentur. Unde & nomen. Vocatur id alio nomine *Balteus*, à pari causa; quia velut cingulum quoddam latum fuit. Eaque re Zodiaci zona etiam Balteus à Manilio vocatur, *Diazomata* item, Græcica voce, commode appellat Vitruvius. Apparent autem clarissime Præcinctiones istæ in Theatris: observavit Torellus in illo Veronensi, gradum esse circa medium, qui duos pedes & uncias 6 altus, cum reliqui tantum pedem & uncias duas.

3. De Aditibus.

Aditus sunt portæ quedam five ostia in ipsa gradatione, per quæ ab exterioribus porticibus venit in ipsas sedes. *Vomitoria* appellat Macrobius, voce vulgi, quod homines inde glomeratim ingredienti in sedilia se fundant.

4. De Viis.

Via inter gradus duum generum: *Alia*, quæ ad cardines five limites Balteorum in circuitu; *Itinera præcinctionum* vocat Vitruvius: *Alia*, quæ à Vomitoriis illis in descensu aut ascensu inter Cuneos; propriè *Scalaria* dicta. In his Viis, qui locum non habebant, quique (ut suo verbo dicam) excuneati erant, spectabant stantes. Latitudo Itineris ad Balteum non minus trium quatuorve pedum. Gradus autem Viarum humiliores aliis sedentariis parte diividia.

Canaliculæ quedam & derivationes aquarum ad oram extremam graduum fuerunt, qua Scalaria incipiebant; & usum habuerunt five aquæ cœlestis derivandæ, five potius humanæ. Nam cum dies totos in spectaculis perfederent, quin urina reddenda fuerit, non ambigendum, eique usui hi inciti canales tributuri. Nam ad pluviam, omnes gradus leviter penduli & proclives fuerunt.

5. De Cuneis.

Cunei jam (Alexis *καπίδες* dixit) inter has vias, medii: Quid enim sedilium dividitur præcinctionum Itineribus, & secatur lateralibus viis, in hoc nomen id venit. Nomen datum à forma, quia re ipsa scalarum directio talis, ut ab imo ordiens magis divideretur in altum, redderetque cunei formam. Viæ istæ scalares, non ab imo ad summum recta & line intercissione iverunt: sed contra; dirigebantur saltem ab ima Orchestra ad primam præcinctionem;

ibi definebant, & alternis aliæ incipiebant, cum Cuneorum nova variatione. Apparet hoc clarissime in Veronensi. Ita sitriplex præcinctio, triplex etiam ordo & discrimen Cuneorum. Nec absurde fortasse senserit, qui Cuneos & præcinctiones finiat ac discriminet limitibus Orchestræ, Equestrium, Popularem. Inde est, *Theatrum cuneatum*. Inde *Excuneandi* verbum, id est, ejiciendi & velut extra cuneum excludendi, usurpatum Apuleio.

Hi cunei certi certis adsignati. Cuneos autem etiam Equitum & Senatorum fuisse, clare docet Suetonius. Et Virgilius plebis item ac Patrum agnoscit.

6. De Cathedra.

Cathedra vocatur ipse in amfractu ad confessum situs; id est, superus locus, ubi clivi subscilliorum desinunt, & murus incipit, qui porticum facit, clivosque illos velut frangit. Nam plani aliquid spatii ibi fuisse videtur, unde cathedris positus spectarent. Et sane de sellis allatis & illatis quidam suadent: & pullati non nisi ex superiore loco spectabant, ex Augusti decreto.

7. De Porticibus.

Porticus superiores, e quibus tenuiores spectabant, pars est suprema, sive summus fornix Theatri. Dio vocat *ἀΐσια θιάτρῳ*. Nec mala: quia porticus illæ arcuato opere tectæ. Ideo *Cameras* vocat Tertullianus.

De Ordine in sedendo.

Populi Romani prisca divitio in Senatum, Equitem, Plebem. His discreta in spectaculis sua loca & gradus. In Theatris quidem jam olim lege Roscia, at non ita diu in Circo & Amphitheatris: promiscue enim ibi spectabant, & quovis loco libere, quamdiu libertas Romæ. At id mutatum sub Principibus, & discrimina dignitatum facta, bono jure. Senatui in Amphitheatris sua sedes fuit: sua Equiti, sua plebi: Illam, *Orchestra* dixere; alteram, *Equestris*; tertiam, *Popularis*.

Orchestra vox nata in scena & pulpito, transiit, communi abusu quodam ad alios etiam ludos. Sedes illi inter gradus imos: Is enim locus, quia Scenæ & Arenæ proximus, ideoque oculis auribusque expositus, optimus habitus spectationi, sive auditioni. Magnitudo ejus in gradibus 4 aut 5, fortasse pluribus, ut etiam Sacerdotibus ibi locus; & sociarum gentium Legatis.

Equestris, lege veteri, 14 gradus tenuere. Itaque passim legitur *Sedere in quatuordecim*, & pro ipsa equestri dignitate. Ut autem numerus idem sub Principibus fuerit, aucto immaniter numero Equitum, non hercle videtur probabile. Tribuni quoque inter Equites spectarunt, militares inprimis, quia adnexum hoc Tribunicie illi dignitati. Et quidem hi Tribuni in gradibus primis spectabant: fortasse & alii, qui vario agnomine sub Principibus nati.

Popularia sunt loco tertio. Et quamvis *Populi* vox communis est tribus ordinibus; hic tamen pro una ejus & uberiore parte capitur, pro Plebe sola. Popularibus autem attributi reliqui omnes gradus, id est, cavea media & summa. Nam ima Senatui & Equiti vacabat. Itaque propter granditatem discrimen aliquod in ipsis popularibus: & pro varia conditione plebis, varii adfessus. Quosdam, imo ple-rosque, Suetonius expressit in Augusto: *Militem secrevit à populo, maritis è plebe proprios ordines assignavit; Prætextatis cuneum suum, & proximum Pædagogis.* Pullati ex loco superiore specta-runt, ut & feminae. Hinc Verba ad summam caveam spectantia, sunt vilia & ad gustum minutæ plebis.

Hos limites, & hunc ordinem migrabat & miscebat sæpe Quiriti-um turbida plebs. Avidi enim multi ludorum, & exclusionis metuen-tes, loca de multa nocte occupabant, & inhærebant ut suis. Illud pro-prio verbo vulgo notabant *Occupare*. Interdum loca pretio aliquo distributa, quod receptum in servis. Et Græci pretium hoc *ἀντίποινα* appellasse videntur, τὰ ἀντὶ τοῦ τίς ἐστὶν ὁδία. *dona videndi causa.* Nec in servis hoc tantum, sed receptum etiam in aliis è plebe, qui Lo-caris nescio quid pro sedibus pendebant. Appellat autem Martialis *Locarios*, qui loca designabant, homines locabant, disponebantque; alio nomine *Designatores*. His lictores attributi. Ut enim in funere publico lictores comitabantur *Designatores*, severioris imperii cau-sa & ordinis servandi, sic in Theatris. Non quod proprii *Designa-torum* ulli apparitores, (viles enim ipsi olim, & fortasse inter liber-tinos) sed accipiebant à domino funeris & Editore ludorum. Ho-rum tamen dignitas sub Principibus aucta, & non pro modico bene-ficio dabatur. Horum munus ordinibus sua loca adnotare, pellere occupatores ab alienis. Et id dicebant theatriali verbo, *Excitare* aut *Suscitare*. Labente ævo, præter *Designatores*, fuere & digniore quodam nomine Tribuni, qui electi ad moderandas & tem-perandas ludicras populi voluptates. Ii dicti *Tribuni Volupta-tum*.

De Fistulis Amphitheatralibus.

Tubi five *Fistulae* in imo & summo Amphitheatro erant dispositæ, ea arte & fine, ut odoratum quemdam humorem ejacularentur levi-ter & inspergerent in sedentes. Is humor è croco plerumque, qui è fistulis illis per minuta quedam foramina stillabat in modum im-bris. Unde Antonius Musa apud Senecam has sparsiones *odoratos imbres* vocavit. Martialis *Nimbos*. Proprie autem vocabant il-lum rorem ingeniosum *Sparsiones*: & *Spargendi* verbo in hac re usi.

Nec è fistulis solum hic imber, sed scito magis invento è statuis expressus, velut humanus quidam sudor. Et ex Theatri Marcelli configuratione conspicuum, in media & summa præcinctione statu-

as plures fuisse, partim ad ornatum, partim ad hunc usum. Eas autem scire licet concavas fuisse, & per immixtas fistulas ferreas sive æneas (quæ grandes fuisse suspicamur, & alias minores, quæ ab illis diffusæ per membra) minutis foraminibus, velut per poros & membra, expressum hunc humorem: non sine præsentis quidem auxilio & manu ministrorum, qui in parte inferna stabant.

Sed sparsio hæc non fuit crocus merus aut aridus, sed vino dilutus: mixtus videlicet tritusque flos is herbæ cum vino fuit, quod colorem deinde assumeret & odorem. Hinc *Liquidum crocum* Ovidius dixit. Et fluebat per gradus. Balsamo etiam usi, etsi minus id crebrum. At de croco omnibus spectaculis protritum; etiam Scenicis. Ideoque *solemnes crocus* Propertius agnominavit. Adeo ut etiam supinorum hominum deliciis è Theatris in convivia sparsiones migrarint, & eadem illa arte unguentis persusi convivæ.

De Velis Amphitheatrorum.

Tegmen etiam in Amphitheatro fuit, quod superduci solebat arcendo ætui ac soli. Tegmen hoc è velis. Primus inventor rei Q. Catulus: aut certe jam inventæ primus Romæ imitator. Ejus ritus vestigia in ipsis Amphitheatris, ubi foramina in summis lapidibus ad funes velorum illigandos: ut in Nemausensi illo clare; & in summo Romano quædam grandiora, per quæ, conjicitur, trajici & in altum dirigi antennas solitas, velorum funes sustinentes. At ipsæ deinde antennæ sive mali, per foramina ea immixtæ & demissæ, mutulis quibusdam excipiebantur, firmitatis causâ. Ad antennas autem subrectas, funes transversim ligati & extensi, super quos ducta vela. Hinc dicunt, *Vela ducere & reducere*: & *Velorum inductiones*. Huic muneri præpositi milites è classe: scilicet quia maritimi illi, jure periti tractandorum velorum.

Vela illa varie colorata fuisse, ad ornatum, Lucretius ostendit. Et Carbasina vela Plinius nominat cum auctore Lentulo Spinthere. Cæsar Dictator vela serica suspendit. Jam Nero purpurea etiam vela induxit, stellis aureis varie interstincta.

Hæc ipsa vela Juvenalis dicere videtur *Velaria Velarii*, qui præpositi velis in aula ducendis. Sed Theatrica hæc vela non semper extensa, quia sæpe id impediēbat ventus. Nec mirum, in tam laxo & capaci circo.

De Pileis & Umbella.

Ne autem indefensi à Sole spectarent, cum vela non superducerentur, duplex iis tegmen, sive *Pilei*, sive *Umbellæ*.

Pileis quidem uti Thessalicis, qui fere idem cum Petaso. Uti & Gaufapis & Causia loco illius pilei. Ad hunc usum interdum pilei in Theatris ab Editoribus dati, sive bitri.

Umbellæ autem, à faciēda umbra dicta, non aliud fuit tegmen, quam quo hodie in Italia passim supra caput suspēso utuntur per

viam, & in æstu. E linteo formant, instar obtusæ & brevioris metæ, quod orbiculata virga extensum, baculo sustinent supra caput erectum. Hanc, puto, colorabant, pro favore cujusque in hanc illamve Circi factionem, Prasinam, Venetam, &c. Umbellam Græci vocant *σκιῶδες*. Hinc & *Umbellati clavi*, apud priscos Architectos, qui capite paulatim instar turbinis latiore: itemque *Umbellati flores* fœniculi, anisi, sambuci, apud Hortenses scriptores.

De Spoliario.

Spoliarium non erat in ipsius Amphitheatris, sed juxta ipsa: & videtur è regione ad alteram illam portam fuisse, quæ Libitinenfis. Nam *Spoliarium*, quod receptaculum mortuorum, aut graviter in *Arena læsorum*, jure constituitur juxta mortualem istam portam. Enimvero solent gladiatores occisi turpiter unco per *Arenam* trahi in *Spoliarium*.

De Gradibus interioribus.

Erant & gradus interiores intra porticus, per quos ad spectacula ascensus: hi ita flexi & dispositi apte, ut, quantumvis conferta multitudo, statim ingredi ordinate & sine conflictu potuerit. Ordines hi graduum sive scalarum miro artificio pene invicem decussabantur, & ad ostiola sua sive *Vomitoria* singuli ducebant.

Jam columnæ, jam coronæ, epistylia, zophori, & uno verbo, omnia exteriora hujus operis, admiranda nostro sæculo, non imitanda. Sed hæc videlicet potentia Romana, hæc olim opes, quas etiam docti plerique capiunt dumtaxat & vident per nubem.

De Pegmatis.

Pegmata antiqui appellarunt machinas quasdam è ligno, quibus usus in Theatris aut Arenis. Vox Græca origine est, *πῆγμα*, quod est *Figo, Gelo, Compingo*: Itaque Gloriæ priscæ *πῆγμα* interpretabantur *Confixum*; & docte Apuleius *Confixilem machinam* dixit, allusione ad vim ipsam verbi. *Pegma* paulo aliter, pro loculamentis pluteisque librariis, Cicero dixisse videtur.

At *Pegma* Theatricum non aliud, quàm grandis quædam & ingeniosa contabulatio, quæ sponte & occulte statim cresceret, statim subsideret; ideoque compacta raris quibusdam & interlucentibus tabulis & sublicis, ad laxandum & comprimendum. Quæ ornatus causa testæ sæpe argento vel auro, sed tenui.

In his *Pegmatis* varia inventa & stupendi lusus ingeniorum, de quibus Augustinum loqui sentio: *Ad quam stupenda opera industria humana pervenit? qua in Theatris mirabilia spectantibus, auditibus incredibilia, facienda & exhibenda molita est?* Nam hæc *Pegmata* ex se surgebant, tabulata tacite in sublime crescebant, subsidebant mox hæc eadem: quin interdum chasmate & ruina subita dehiscabant,

hiscabant, sive tota pegmata, sive homines qui impositi. Et solebant interdum ita componere pegma & hanc ruinam, ut ii, qui impositi, præcipientes ruerent in caveas ferarum, ibique discerperentur. Sed & flammæ quidam lusus & imago in hoc pegmate; sine ulla ejus plerumque noxa. Duces etiam captivos & oppida in Pegmatis iolere ostendi, Josephus adnotat; sed non hæc theatrica intelligens, verum Fercula, quæ portari solita per triumphum.

DE GLADIATORIBUS LIBER.

Spectaculorum apud Romanos quatuor genera fuerunt: *Gladiatores, Venatio, Circenses, Scena*. Tria ex iis ad oculos maxime, unum pertinuit ad aures. Quæ ad oculos, propria fere Romanorum; aut si in alia gente, tenuia præ istis, & dictu parum digna. De GLADIATORIBUS dicemus; quod inter omnia celeberrimum fuit frequentissimumque Romæ, & in quo plebs maxime vel delectabatur, vel verius insaniebat, juventutique erat in deliciis.

Spectaculum hoc appellatum proprie, *Munus*: vel quia populo gratis daretur: vel ab officio, quia officium se mortuis facere arbitrabantur. Nam *Munus* proprie officium antiquis; sicut *Munis*, officiosus: & è contrario *Immunis* dicitur, qui nullo fungitur officio. Is qui præbebat, ab ea voce *Munerarius* dictus; Glossæ, *Munerarius à munere*: cujus vocis primum patrem Quintilianus facit Augustum. Nam antea vel *Domini ludorum*, vel *Editores*, & res ipsa *Editiones*. Quamvis hæ voces communes sint omnibus ludis, *Munerarius* non nili is, qui munera edit, id est, Gladiatores aut Venationes. Hunc Florus magis nove dixit *Muneratorem*. *Et Gladiatores* plus semel pro spectaculo & munere ipso usurpat Cicero aliique homines pro re. *Gladiator* autem ipse est, qui in arena populo spectante pugnabit.

In hac autem re de Gladiatoribus quatuor sunt dicenda. 1. ORIGO progressusque. 2. LOCUS. 3. HOMINES. 4. MODUS.

1. DE ORIGINE GLADIATORUM.

ORigo Gladiatorum à re funebri: exemplum ab Etruscis. At fortasse Etrusci ipsi à Græcis. Undecumque exemplum, causa tamen & origo Funus. Nam quoniam olim animas defunctorum

rum humano sanguine propitiari creditum erat, captivos, vel malo ingenio servos, mercati, in exsequiis immolabant. Postea placuit impietatem voluptate adumbrare. Itaque quos paraverant, armis, quibus tunc & qualiter poterant, eruditos, mox edicto die inferiarum, apud tumulos erogabant. Hæc muneris origo. Atque Gladiatores illi à busti cineribus *Bustarii* dicti.

Itaque prætexu hoc religionis dati publice Romæ primi gladiatores in foro boario, A. U. 490. Dederant M. & D. Bruti, causa mortis patris. Dixi *publice*; quia facile suspicor, jam ante privatum & per convivia innotuisse. Nam in latiori convivio solenne fuit, in triclinio paria aliquot gladiatorum exhibere ad pugnam, qui cum applausu convivantium occidebant, occidebantur. Ortus mos à Campanis: ab iis à vide hauserunt Romani, perseveravitque ille mos ad extrema imperii tempora. Atque hi convivales gladiatores sunt, quos *Cubicularios* vocat Lampridius.

Olim in funere tantum data munera gladiatorum, nec eo omni, sed virorum Principum, illustriorumque. Non enim dabantur, nisi in funere Indictivo: Imperatorum ergo, Procerumque. Sed paulatim, ut solet, res increbuit, & à tenui canali in mare quoddam (sic loqui) excrevit Editionum. Dare enim cœperunt vulgo etiam privati, & plerisque ea cura in testamentis: cavebant enim post mortem suam tot & tot paria sibi edi. Imo usque eo mos evaluit, ut ditiori aliquo mortuo, populus Munus efflagitaret velut debitum, & ex præscripto legis. Nec vero hoc sine, aut in virorum saltem funeribus stetit mos, transiit etiam ad feminarum. Dux & auctor rei stirps illa Veneris Julius Cæsar, qui munus populo epulumque in filiarum memoriam pronunciavit, quod ante eum nemo. Nec dubium, quin Divi exemplum cupide imitatus sit vulgus.

De Progressu Munerum.

Præter funus & religionem, etiam Voluptatis causa dati gladiatores. Postquam enim res placere populo visa est, & omne vulgus cupiens harum voluptatum, ecce ansa præbendi reperta est etiam citra funus. Scilicet nimis raræ illustrium divitumque mortes: & inventum, ut Magistratus darent, Sacerdotes, Principes, denique omnes, qui gratiam à populo exambire vellent aut honorem.

Primi è Magistratibus dederunt *Ædiles*. Quidni enim exemplum rei primum ab illo Magistratu censeam, cui, velut peculiare munus, Iudi? Editio tamen ea quando cœperit, non scitur; vix est ut ante 600 Urbis annum. Quandocumque cœperint, mansere tamen ad extrema Imperii.

Secundo dedere *Prætores*, more item vetere. Augustus hac in re aliquid innovavit & astrinxit, è publico aliquid eis dari præcepit, & interdixit, ne quis à se aliquid amplius altero impenderet, nisi Senatus decrevisset. Neve sæpius, quam bis quoque anno, Gladiatores

tores daret, neu plurium quàm 60 parium. Postea tamen editum illud, qua de sumptu est, laxavit idem Augustus: imo è publico aliquid dari ultra vetuit. Caligula etiam aliquid statuit hac in re. At Claudius prorsum vetuit, & à Prætoribus ea munera removit. Videntur tamen iterum irripuisse.

Tertio *Quæstores*, instituto Claudii: quod tamen conatus Nero tollere, qui sanxit, ut ne designatis quidem Quæstoribus gladiatores edendi necessitas esset. Sed reduxit denuo Domitianus, & Quæstoria munera olim omiſsa revocavit. Non levavit, sed auxit Quæstorum onus Alexander, qui Quæstores candidatos jussit ex sua pecunia munera populo dare.

Quarto dedere *Consules*, exemplis tamen haud ita crebris. Non enim sæpe reperias Consularia munera gladiatorum, venationem sæpe. Hæc de Magistratibus.

Jam vero dedere etiam *Sacerdotes*. Atque ita Pontificales & Sacerdotales ludi passim observantur.

Item novo nomine & re *Ærarii*. Hos alii vocant *Arcaarios* qui præerant arcæ fisci.

Denique *Imperatores*, ita quidem frequenter, ut hoc eximium censuisse videantur inter munia principatus. Dabant enim Natali suo, dabant Quinquennialibus, Decennialibus, Viceſimalibus; dabant in dedicatione publicorum operum, in victoria & triumpho, & per variam occasionem. Ista Romæ.

Munera extra Urbem data.

Sed & Provincias pervasit studium hujus ludicri, velut rabes. Primus Perſeus Macedonum Rex tranſiit in Græciam, majore primo cum terrore hominum infuetorum ad tam cruentum spectaculum, quàm cum voluptate. Nec dubie alii Reges & Dynastæ in sua regna. Et profanæ solum gentes; imo ipsi ecce Judæi, apud quos Herodes Rex sub Augusto in singulis pene oppidis Theatra & Amphitheatra constituit. Et Agrippa una commiſſione dedit paria 700, Romanos quodammodo ipsos exsuperans.

Nec Reges solum insanierunt hanc insaniam, sed etiam in provinciis passim Proconſules Præfidesque. Editiones ejusmodi aliquando vetitæ, sed obedientia non diuturna. Jam vero coloniæ & municipia æmulabantur, & passim inter reliquias vetustatis Amphitheatra etiam nunc, cædium istarum sedes. Atque ut Romæ magistratus præbebant, sic in coloniis municipiisque Duumviri aut Ædiles. Sed & multi privati dabant, nulla lege, ad populi tantum gratiam, & pecuniæ suæ illudentes: imo & cerdones & libertini. Et ab hac causa in lapidibus frequenter decreti honores leguntur. Frequens etiam titulus præbendi. Salus Imperatoris; quamquam id Claudius, quod in se erat, vetuisset. Atque hi fortasse *Honorarii ludi* Suetonio dicti, quia in honorem Principis suscepti.

Postremo

Postremo non homines solum certi qui darent, sed etiam tempora quædam quibus darentur. Saturnalia imprimis. Deinde Quinquatruum festi dies. Atque etiam per adulationem Senatus dies unus alterve gladiatoribus sæpe additus, in honorem Cæsaris.

Crebritas Gladiatorum, & Numerus.

Munerum crebritas, & multitudo pugnantium, supra nostram fidem. Cæsar Ædilis 320 paria dedit. Adrianus Cæsar Gladiatorum munus per 6 dies continuos exhibuit. Gordianus ædilitatis suæ tempore populo Romano 12 munera, id est, per singulos menses singula exhibuit; ira ut gladiatorum nonnunquam 500 paria exhiberet, numquam minus 150. Ergo unus ille non minus 3000 dedit uno anno. Titus Gladiatores, Venatus Naumachias per 100 dies dedit. Bonus & moderatus Princeps Trajanus spectacula ejusmodi per dies 123 continuavit, & gladiatorum 10000 dedit. Caius 1000 paria. Itaque magna copia Romæ & in provinciis gladiatorum fuit. Gordianus Romæ habuit gladiatorum fiscalium paria 1000. nec tamen aut imperium tunc, aut ipse, ad ævi illius. Otho Imperator 2000 gladiatorum contra Vitellium armavit: credo, ex iis tantum, qui in Principis fisco.

Legibus inhibita munera.

Calamitas Orbi invecita per hos ludos: nullum enim bellum tantam cladem vastitatemque generi humano intulit, quam hi ad voluptatem ludi. Numerum dierum hominumque recensere; mentior, si non unus aliquis mensis Europæ stetit vicenis capitum millibus aut tricenis. Neronem culpamus aut Caligulam, qui 100 aliquot homines vita interfecerunt, ira sive metu: ecce unus Editor homines supra 1000 ludens interfecit, & die non toto. Atque hæc delicias vocabant, & cibum oculorum: fiebantque non per unius alteriusve lasciviam, sed velut publica lege & decreto. Itaque eo ventum est, ut aliis legibus effusio ista fuerit coercenda.

Primo ad ambitum reprimendum, cautum fuit, ne quis daret candidatus. Legem eam tulit M. Tullius Consul. Cautum etiam de numero aliquid gladiatorum, sub idem tempus, supra quem ne haberent in Urbe. Sicut in Catilinaria conjuratione item remoti gladiatores ab Urbe. Sed Augustus certe etiam de numero parium cavet, edixitque A. U. 732, nec Gladiatores sæpius quam bis anno dari, nec plurium quam 60 parium. At Tiberius firmus contra ista, certum numerum in commune præscripsit. Sed post Tiberium Caligula conculcato hoc edicto, permisit volentibus cunctis etiam supra numerum definitum, gladiatores præbere. Et Domitianus gratificatus contra eandem legem ingenio suo & sæculo videtur.

Nec de numero solum Tiberius, aliquid etiam statuit de Munerariis, cavique S. C. nequis gladiatorum munus ederet, cui minor 400000 res. Fortasse & idem vetuit, ne quis edidisse vellet libertus.

Quin

Quin & Nerone Principe statutum, ne quis Præses aut Procurator, qui provinciam obtineret, gladiatores daret. Sumptus etiam ad munera coercitus plus semel. Antonius Pius profusionem vetuit, certa pecunia definita. Post illum Marcus Philosophus. Alexander vero habuit in animo, ut munera per totum annum dispergeret, ut per 30 dies munus populo daretur, salubri consilio; sed sine effectu. Perrupit enim omnia septa inveterata licentia; nec jam Princeps aut lex, qui capere posset tam effusis cupiditatibus modum.

Tarde, imo sero descensum eo, ut gladiatoria spectacula prorsum tollerentur. Pulcherrima hæc laus ad Constantinum Imperatorem referenda: is primus Romanorum Principum gladiatoria spectacula è toto orbe Romano submovit, A. U. 1067. pene 600 annis post ea instituta. Repressit igitur Christianus Princeps: tamen & sub Constante, & postea sub Theodosio & Valentiniano conati irrumperè; imò irrupere. Etiam sub Honorio, qui tamen sustulit, occasione Telemachi cujusdam Monachi, qui gladiatores Romæ pugnantes, pio quodam ardore diducere conatus, à populo lapidibus obrutus fuit. Ita obviam itum ludo non ludo, & sublati adeo res cum memoria gladiatorum, ut ægre nunc ad intelligentiam retrahere possimus morem fugitivum.

De Habitu Edentium, Spectantium.

Duo genera fecimus Editorum: *Magistratus* & *Privatos*. Qui enim munus mortis causa dabant, plerique videlicet fuere privati; tamen dabant non quali privati; per dies enim omnes muneris, prætextæ illis jus, licitorum, accenti; omninoque imaginem quandam gerebant, Magistratus. Nec illud occasione prætereundum; propriam quandam vestem fuisse in munere funebri ipsorum spectatorum: spectabant enim in penula pulla. In munere vero voluptuario spectabant togati.

II. DE LOCO GLADIATORUM.

Locus Gladiatorum duplex: *Ludus* & *Arena*. Ille, ubi habiti alique gladiatores; hæc, ubi dati & producti. De priore prius.

DE LUDO GLADIATORIO.

Ludus gladiatorius inde dictus, quod in eo juvenes usum armorum condiscerent. Nam primo gladiatores domi & in reliqua familia fuerunt: mox crescente numero, & crebritate editionum, aperti iis velut Publici quidam ludi, & in his armorum Magistri. Itaque quidam splendidiore, etiam post institutos ludos, habuere domi eos aut apud amicos. Quod tamen perrarum, & vulgo ars pugnandi docta exercitaque in ipsis ludis. *Lusorium* appellasse videtur Lampridius. Græce *παταγιστὴν ματορμάχων*, appellat Herodianus,

dianus, quasi dicas *diversorum domiciliumque*. Suidas *μνομήνη*
αγογή.

In Urbe autem plures ejusmodi ludi, nominibus suis noti & discreti: ut, *Ludus Gallicus, Dacicus, Magnus, Mamertinus, Matutinus, Emilinus*. Ex his aliqui etiam Bestiariorum fuerunt; uti certe *Matutinus*; nam matutina spectacula ferarum. Et distincti ludi bestiariorum & gladiatorum.

Hiscæ ludis non Lanistæ solum præerant, (de quibus mox dicetur) sed etiam digniori nomine *Procuratores*, nec ii de plebe, sed ex civium primis: fuitque velut inter dignitates & insulas id munus. Nec longe ab istis diverſi Curatores munerum ac venationum. Medici etiam sui singulis his ludis; nec id invento novi sæculi, sed diu ante Imperatores, anno Urbis 663. adeo antiqua cura illa in valitudine gladiatorum. Exemplum translatum e Græcia, apud quos Medici athletis. Medicos autem hic haud tam arctè acceperim, ut hodie; sed incluserim etiam Chirurgos, usurpatione prisca: ii autem opus certe gladiatoribus læsis, laxativæ. Deinde & ratio victus gladiatorii ea, ut salvi esse sine Medico non possent: large enim edebant, bibebant, & dabantur velut in faginam: eo fine, ut domini, valentes eos producerent, ut Cicero ait, cum gladiatoria totius corporis firmitate. Inde *Gladiatoria sagina* Tacito. Inde *Sagina* nomine ludum ipsum Propertius intellexit. Plinius videtur attribuire hordeum iis in cibum. Sed non credo eo usos; male alibilis est is panis, flatus genitor malique coloris; ideoque ignominiae causa militibus datus qui deliquissent. Seneca etiam eum inter vilissima genera habet. Quæ omnia contraria huic gladiatoriae saginae.

Ludi isti non solum Romæ fuerunt, sed in coloniis item municipiisque: Capuæ inprimis & Ravennæ. Nam Ravennæ ludum extruxit, aut certe voluit Cæsar.

De forma ludorum nihil dixerim, præter, multiplices in iis minutasque cellas fuisse, in quibus seorsim haberentur singuli gladiatores: exemplo scilicet fervorum, quibus cellæ. Sed & meretricum cellæ (ex Juvenale & Petronio) & capitum omnium viliorum.

De Lanistis, Ludorum præfectis.

His ludis præfuisse Lanistas supra tetigi. Vocem *Lanista* vulgo à laniandis corporibus formant; nec persuadent. Ildorum potius audio, qui Tuscum esse vult, & illis carnificem signare: & audio eo libentior, quia res gladiatoria petita à Tuscis. Lanistæ avium etiam apud Columellam, qui aves condocerant ad pugnam. Embebant autem Lanistæ futuros gladiatores, aut expositicios pueros huic rei tollebant.

Tota autem manus, quæ sub uno Lanista, *Familia* appellabatur; & eum dicebant *Familie præfesse*. Hinc natum proverbium Ciceroni famili-

familiares : *Ducere familiam* quod idem est, ac Familiae praeesse, sumptumque ab hac ipsa Lanistarum praefectura.

Hic iidem Lanistae honestiores & invidendo verbo *Doctores* dicti, & *Magistri* : videlicet, quia gladiatores novitios & tirones docebant. Quin iidem *Commentari* dicuntur, & *Dictata dare*, verbis omnibus a meliore ludo sumptis. Nec inepte *Dictata*, quia revera praecepta sua armorum committere etiam scriptis.

In ludo duo erant genera : *Tirones* seu novitii, & *Veterani*. Veterani nobiliores, & usu longo edocti. Ad Tirones cura & institutio praecipue pertinebat. Ratio modusque instituendi, ut rudibus batuerent cum Lanista : sive etiam ad palum exercerentur, militum instar. Sed prius illud de rudibus proprie *Batuer* dicebant ; & gymnasium ipsum, *Batualia*, vulgo *Battalia*, *πορταίαι* ἢ *νορταίαι*. Erat autem *Rudis*, gladius e ligno. Et quidem pro modo cuiusque armaturae, Threci incurvus, Secutori rectus, Retiario dentatus. Fortasse etiam e ferro, sed tamen hebes. Amplius, duplex fuit *Rudis* : Lanistarum, & Tironum sive exercentium. Lanistae sua rudis, qua secerni cognoscique potuit ; ea fuit e ferula, qualia sceptrum Pædagogorum : & *Ferula* etiam nominata priscis, qua novos auctoratos, & novitios gladiatores aberrantes Lanista caedebat, velut legitimus magister. Nam & hæc res a literario ludo. At *Rudis* ad gymnasia diversa ab hac, & gladii forma, fortasse etiam ponderosior, graviorque. Hæc exercitatio & velut meditatio novis gladiatoribus ad caedem.

DE LOCO PUGNAE.

Dictum de loco, ubi habiti gladiatores ; superest locus pugnae, qui non unus : ad rogum enim dati, in foro, in Circo, in Amphitheatro, in septis ; vicatim, & regionatim. Ad Rogum olim in exsequiis, isque antiquissimus locus. Postea non placuit circumducere populum, & omisso rogo ipsi gladiatores funebres in foro dati. Forum ergo locus vetus pariter & diuturnus. Nam & sub Augusto fuit ; & Tiberius munus gladiatorium duplex dedit, alterum in foro, alterum in septis. Tamen coeptum vilesce & forum : forte ideo, quia loca sessui & spectationi parum apta. Itaque magno ambitu locum in foro Consules Magistratusque clientibus tributibus suis assignabant, & in beneficii loco. Igitur structa Amphitheatra, destinata proprie huic ludicro & Venationi. Et Plerumque exhinc in iis dati gladiatores, tamen non omisso prorsus foro. Etiam in septis Agrippæ. Sed & Circus interdum huic rei. Sæpe vici, & 14 regiones Urbis, quod sub Imperatoribus factitatum,

De Spoliario.

In loco ludi etiam Spoliario suus est locus. Est autem *Spoliarium* non ipse ludus, sed ludi pars. Ductum nomen a re balnearia : nam exteriores cellulae in balneis, *Spoliaria* dictae, Graece *ὑποθήκη*. Ubi ergo in balneis exuebantur, seque veste expoliabant, *Spoliaria* dicta ;

dicta; & à causa simili in ludis. Nam ibi gladiatorum vestes & ornamenta. Imo amplius, locus ille receptor vulneratorum caesorumque. Quin & ii, qui sine spe curationis læsi illic interficiebantur.

Erat & locus obscœnus in ludo, ubi spongia: de qua Martialis & Seneca.

De Diludiis.

Tempora, quæ gladiatoribus concedebantur inter dies munerum, quibus pugnatur, dicebantur *Diludia*, ut vult Horatii vetus Scholiastes. Verum potius Diludia videntur esse, cum mediæ ludi alio genere spectaculi interrumpuntur, & quasi diffinduntur. Ita enim mos, ut in mediâ sæpe Comœdia aut Tragœdia, Venationem, aut paria aliquot gladiatorum, poscerent, tædii levandi.

III. DE HOMINIBUS PUGNANTIBUS.

DE Origine & Loco dictum: Tertium nunc de *Hominibus*, de quibus duo dicenda: *Quæ* **CONDITIO** fuerit gladiatorum; & *Quæ* eorum **GENERA**, quodque discrimen.

CONDITIO GLADIATORUM.

Ad *Conditionem* quod attinet, è servis plerumque fuerunt, aut captivis. *Servi* aut vendebantur in ludum, aut damnabantur, adeoque id increbuit, & ob levem sæpe causam. Eos conqueri, moris etiam in provinciis fuit. De *Captivis* etiam non ignotum: aut enim venditi illi ipsi lanistis, aut ab Imperatoribus, postquam in triumpho ducti, dati in ludum sæpe & sine triumpho. Servi ergo captivique primo ad hoc munus.

Sed paulatim etiam liberi & ingenui, nulla quidem aliunde vi, sed pretio inducti, vel mala libidine pugnandi. Et vero paulatim, non desidentibus, sed corrudentibus moribus, eo ventum, ut primæ nobilitatis viri operas arenæ locarent; quidam desperatione & bonis exuti; alii Principibus gratificantes. Quin vulgo jam sub Principibus Equites polluti arena, & Senatores. Origo prima rei à C. Cæsare, qui permisit Equitibus Romanis ut pugnarent. Eoque temeritas hæc, sive insania fuit, evasit, ut lege cavere Augustus debuerit; qui ramen Equitibus palam id permisit, non item Senatoribus. Sed denuo id vetitum S. C. & fraudem, quæ huic legi fiebat, repressit Tiberius. Sed non ad Tiberii severitatem Principes secuti, qui solum adeo permiserunt, ut Caligula, una commissione 26 Equites dederit: Nero exhibuerit ad ferrum, 40 Senatores, 60 Equites Romanos Vitellius: quamquam ipse infamis infamiam hanc genere quodam sustulit; cavique severe, ne Equites Romano ludo aut arena polluerentur.

Nec

Nec solum Romana juvenus tam prodiga sanguinis sui pariter & honoris, sed & feminae ipsae in arena nudae pugnarunt veram illam gladiatoriam pugnam. Hoc adeo verum est, ut, Severo Principe, vetandum S. C. fuerit. Nec tantum feminae venerunt in hanc pugnam, sed pumili & nani, improbo quodam studio novitatis.

De Auctoratis.

Fuerunt ergo in universum duo genera gladiatorum, Coacti & Voluntarii. *Coacti*, servi, damnati, captivi. *Voluntarii*, liberi, quique pretio se addicebant. Hi postremi *Auctorati* dicti. Inde *Auctorandi* verbum notatione pari: ab eodem & *Auctoramentum*, pretium ipsum gladiatoris & merces *Gladiatorium* Livius appellavit.

Hæc autem *Auctoratio* non simplex. Quia enim liberi, juramento solemni interposito fiebat, quod vinclum servitutis; jurabatque novitius gladiator, se omnia passurum ausurumque, quæ legitimum gladiatorem jus, mos esset. Formula adeo ipsa juramenti in Petronii Arbitri fragmentis: *In verba*, inquit, *Eumolpi Sacramentum juravimus, uri, vinciri, verberari, ferroque necari, Et quidquid aliud Eumolpus jussisset: tanquam legitimi gladiatores, domino corpora animosque religiosissime addicimus.* In tria jurabant, unctionem, verbera, necem; quæ gladiatores patiebantur ex more: Necem, cum cecidissent, & ferrum juberentur recipere: Flammam, & Verbera, si quando timidius pugnarent, aut fugerent à ferro. Hoc sine Lorarii fuerunt, sive Maltigophori in Arena & in Scena.

GENERA GLADIATORUM.

Sequuntur genera & discrimen gladiatorum. Nec enim gladiatorum unum nomen, aut una classis; sed ab *Armis*: à *Locis*: à *Tempore*: aliisque *causis* diversi. Ea omnia operæ est accurate persequi, quia nec vulgo nota, & literatorum in his sæpe error.

In prima classe, qui armis & ratione pugnae diversi, collocantur isti: *Secutores*, *Retiarii*, *Threces*, *Myrmillones*, *Hoplomachi*, *Samnites*, *Essadarii*, *Andabatae*, *Dimachari*, *Laquearii*. De his singulis dicendum.

De Secutoribus.

Secutor ab insequendo *Retiarium* dictus est. Nam *Secutor* proprie est ascleia, comes, ἀσκλης ὄψις. Itaque extra rem gladiatoriam legitur. *Secutor Tribuni*, *Secutor Caesaris*; muneris operæque nomen. Et forte sic dicti milites, qui ex instituto prisco Tribunos comitabantur, velut loco apparitorum. Ab hac eadem notatione Mars cognomento *Secutor*; apud Apuleium. In Petronio etiam legitur *Secutuleia* mulier, ab hoc eodem etymo, quæ virum appetat, & sectetur ipsa. At *Secutorum* inter cætera gladiatorum nomina, mentio multa.

Arma Secutoris describit Isidorus, sed partim ex fide : Gestabat enim cuspidem seu gladium, clypeum, & galeam, quæ communis plerisque gladiatoribus. Isidorus ipsi tribuit etiam massam plumbeam, quæ adversarii jaculum impediret, ut antequam ille feriret reti, ille superaret.

De Retiariis.

Retiarius plerumque commissus cum Secutore. Interdum etiam cum Myrmillone : nec enim novum, ut unus cum diversis componatur : sicut Myrmillo cum Threce. *Retiarium* Isidorus describit : *Retiarius*, inquit, qui contra alterum pugnantem occulte ferebat rete jaculum, ut adversarium cuspidem insistentem operiret implicitumque viribus superaret : quæ armatura pugnat Nepotuno tridentis causa. Origo & exemplum ejus armaturæ non dubie à Pittaco, qui inter sapientes. Ita enim ille ex provocatione cum Phrynone pugnavit.

Juvenalis cum cura ejus arma descripsit, & velut ex professione non erat ei clypeus, non fida, non galea, quia fuit contentus solum galero : nuda facie soli hi ex gladiatoribus. Ita autem docti Retiarii, factique, ut arte quadam collectum suspensumque dextra manu rete in adversarii caput jacerent : & si errassent, effuse fugerent, donec forte iterum rete collegissent. Tridentis sive fuscina illis pro gladio ; inermes & in sola tunica. Tertullianus tamen spongiam iis attribuit, pectori nimirum tegmen.

De Threcibus.

*Thrace*s, vel (ut libri fideliores) *Threces*, gladiatores à similitudine parmularum Thraciarum. Imo non ab armis solum, sed quia ipsi ex ea gente. Certe suo ingenio ea gens prona ad pugnas & cædes : & jam antiquitus ad rogam singulari certamine decertabat. Sane Monomachia hæc ad gladiatores Threcas spectat, quorum sparsa in libris mentio.

Arma videamus ; quæ Ciceroni aliisque *Threcidica* dicta : & inde, *Pugnare Threcidicis*. Festus & Martialis iis parmam dant : sumpta enim parma à Thracum populo, quibus velut propria Harpe etiam, id est, ensis falcatus Threcum, Latinis *Sica*, Curtio *Copis* dicta.

De Myrmillonibus.

Myrmillones venerunt à Gallia, *Crupellarii* iis forte dicti : quasi qui ob gravitatem armorum reperent, non iwent. Hinc *Crupellarii* aut *Prorepos* vocarunt. Certe Myrmillones toti in armis. Videntur inter pugnam soliti subsidere, ad excipiendum adversarium ; & vitabundi. Myrmillo plerumque cum Threce compositus, nonnunquam etiam cum Retiario. Unde est illud Festi ; *Retiarius pugnantem adversus Myrmillonem cantatur. Non te peto, piscem peto. quid me fugis, Galle? quia Myrmillonicum genus armaturæ Gallicum est, ipsique Myrmillones, ante, Galli appellabantur, in quorum galeis piscis effigies inerat.*

De

De Hoplomachis.

Hoplomachi Græcum nomen. Univerſe ſonat quemvis gladiator, qui pugnet armatus: Romanis tamen certa ſpecies. Conſundi poſſunt cum Myrmillonibus, vel Samnitibus. Nam & in Myrmillonem vox Græca convenit, quia teſtus armis. At verius fortasſe in Samnitem, cujus nomen ante Ciceronem celebre, deſiſſe ſub Imperatoribus videtur, & abiſſe in *Hoplomachum*: at res armaque eadem.

De Samnitibus.

Samnitium originem non celat nos *Livius*: *Campani*, inquit, odio *Samnitium* gladiatores eo ornatu armarunt, *Samnitiumque nomine* appellarunt.

Arma eorum idem *Livius* deſcribit. Scutum auro & argento calatum, cujus ſummum latius, qua peſtus & humeri teguntur, faſtigio æquali; ad imum cuneatius, mobilitatis cauſa. Spongia ſive Balæus pectori tegumentum, & ſiniſtrum crus ocrea teſtum: pinnae in galeis. Itaque *Pimpirati* non alii, quam qui cum Samnite compoſiti, quique rapiunt ejus pinnas. Hos Cicero vocat *Provocatores*, qui cum Samnitibus ſolebant compoſi: *Artemidorus Probatores*; voce, ut videtur, peregrina.

De Eſſedariis.

Eſſedarii ſunt, qui ex eſſedo pugnant; quamquam mixtim modo è curru, modo pedites præliati ſunt. Nam deſiluiſſe, & pedibus pugnare, præit ad ſuſpicandum *Seneca*. Servum etiam habuiſſe videntur in pugna, qui pro auriga.

De Andabatis.

Andabatae hiſ proximi, ſive *ἀνὰ βάται*. Hi pugnabant ex equis, galea frontem oculosque teſti: inde origo adagii apud *D. Hieron. Clauſis oculis Andabatarum more pugnare*. Galeæ iſtiſ ex auro.

De Dimachæis.

Dimachæus ſive *Orbelas* parum notus, & inter legendum reſpertus, ſed non inventus: Colligaſ tamen facile, duobus gladiis pugnare.

De Laqueariis.

Laquearii liſidoro ſunt, quorum pugna erat, fugientes in ludo homines injecto laqueo impeditos conſecutosque protertere, amictos umbone pelliceo.

De Suppoſitiſ gladiatoribus.

Receptum erat, ut feſſo gladiator aut victo alius atque alius ſuſficeretur, & contenderet cum victore. Hi *Subditiſ*, vel *Suppoſitiſ* diſti. Græci, apud quos idem in Athletis mos, vocant *ὑποδύται*. Subſtituebatur autem ſæpe unus, alter, tertius: unde in Gloſſis *ὑποδύται, Tertiarius*. Id autem non fiebat ad cujuſque arbitrium; ſors decidebat.

De Pegmaribus.

Dictum de Gladiatoribus, qui ab armis appellati; ad reliqua genera eundem. Inter hos primi se offerunt *Pegmares*; ii à loco nomen habent, quia pegmatis impositi pugnabant; licet tantum captivos aut insignis sceleris damnatos in pegmatis solere ostendi constet. Ad pegma autem moliendum movendumque multi e numero fabrorum administri. Ii ergo admoti per occasionem, tractique in arenam à Caligula, deficientibus bestiariis.

De Meridianis.

Meridiani occurrunt, quibus hoc nomen scilicet à tempore, quia sub meridiem darentur. Nec hi tamen legitimi destinatique gladiatores, sed bestiariorum velut reliquæ quædam & purgamenta. Duplex enim spectaculum. Matutinum, & Meridianum. Mane cum bestiis depugnabant: post meridiem, ii qui superfuissent, inter sese; & *Meridiani* gladiatores vocabantur. Cæterum nec docti factique ad pugnam erant, nec armis in ea utebantur, aut arte: cædes tantum promiscua, & velut laniena.

Alia Gladiatorum cognomenta.

Gladiatores *Fiscales* sunt ii, qui in Cæsaris bonis, & velut fisco. Nam Principes ipsi proprios & peculiares gladiatores alebant, ad instruendum suas populique voluptates. Itaque recte Arrianus dixit istos, *Καίσαρος ἀντιμαχῆς*, *Gladiatores Cæsarianos* aulicosque. Nec gladiatores solum, sed alebant etiam histriones.

Ab his orti *Postulatitii* gladiatores. Quia enim Cæsariani isti, eximii viribus, arte, ornatu, (ornati autem auro & apparatu aulico) sæpe à populo postulari solebant, velut muneris auctarium & ornamentum. Et nominatim hunc illumve gladiatorem flagitare in pugnam solebant, sive manu, sive scelere, notum.

Sunt & *Catervarii* inter gladiatores, à modo pugna: scilicet, cum non singuli cum singulis, ut moris, sed confusi mixtique pugnant, & per catervas. Nec ab alia mente *Catervarii pugiles* Tranquillo.

Inveniuntur & *Victores*: dubium, an *νικῶν* & ab effectu, an cognomine certo, & discernendi causa.

Eliciunt aliqui ex Plinio *Consummator*, sed rejiciuntur: nisi accipias consummationem gladiatorum apud Plinium, cum conjuncti omnes congregatique pugnant, redacti tanquam in unam summam.

Postremo *Ordinarii* gladiatores lecti, qui legitimo tempore, loco, & apparatu, inducuntur: a prioribus illis (Postulatitios dico, & *Catervarios*) diversi.

De Veste, & Ornamentis Gladiatorum.

Vestis Gladiatorum in genere, *Tunica*; ut decuit servos. Sed Togatos facit Tertullianus & Capitolinus: forsàn labenti ævo mutata res. Togam certe, cum in honore & usu fuit, quis credat fœdatam ministeriis arenæ?

Arma

Arma gladiatorum antiquis proprie appellata *Ornamenta*. Suetonius ipsos gladios vocat *Ornamenta*. Festum audite: *Ornatus*, inquit, dicitur bene aptus, ut miles, aut gladiator, aut acturus fabulas.

IV. DE MODO PUGNÆ.

Quartus terminus & ultimus superest, de *Modo*; de quo modice dicendum, aut potius intra modum. Et tria erunt sermonis capita. 1. *Quid ante pugnam*. 2. *Quid in pugna*. 3. *Quid post pugnam*.

1. QUÆ ANTE PUGNAM.

Ante pugnam quædam fiebant ante diem muneris, & quædam ipso die pugnæ, sed tamen ante pugnam. Ante diem muneris fuit *Apparatus* & *Invitatio*. Ipso die ante pugnam, fuit *Pompa*, *Compositio*, *Ostensio ornamentorum*, *Prælusio*, *Tuba cantus*, & *Versa arma*.

Apparatus & Invitatio.

Ante Pugnam moris, ut Editor libellos proponeret, in quibus dies futuri muneris, item nomina & paria gladiatorum, scilicet alliciendæ plebi, & expectationi commovendæ. Id vocabant, *Pronunciare munus*, *Ostendere munus*, *Proponere munus*. Seneca vocat *Edita*. Edicebant enim describebantque futurum munus in libellis, quos tamquam ludorum indices vendebant describebantque palam, ut in provincias mitterent, & ad amicos absentes. *Libellum munerarium* apposite vocat Pollio.

Nec vero in libellis solum pronuntiatio hæc munerum, sed etiam in tabulis & pictura. Pingi, inquam, jubebant habitum formamque pugnantium gladiatorum, item loci, munerisque totius. Picturæ hujus primum auctorem Plinius facit C. Terentium Lucanum. Idemque in Venatione servatum esse, ex Capitolino discere est. Et hodie servant nostri in isto Batualium ludicro, quod *Gladiatorium* vocant, etsi prisca illius vix umbram. Atque hæc ante muneris diem.

Pompa & Traductio.

At die ipso, gladiatores ordine deduci in Arenam mos fuit, & inibi solenni quadam pompa circumduci. De qua traductione Quintilianus: *Jam ostentata per Arenam periturorum corpora, mortis sue pompam duxerant*. Ad hanc traductionem etiam accommodatur illud Capitolini, Faustina quondam, cum gladiatores transire vidisset, unius ex his amore accensam.

Compositio.

Postquam introducti, paria inter se componebantur, sive ut Græci decenter appellant, *ἑστῆν*. Hoc enim dicebant *Componere*, *Comparrare* etiam, item *Committere*. In hac compositione prima Editoris

cura, ut pares cum paribus confingerent : atque adeo id volebant ipsi gladiatores.

Armorum ostensio.

Post comparisonem, gladii armaque, quibus pugnaturi, Munerario ostendebantur, explorandi causa, & an satis acuti. Facit ad hunc invulgatum adhuc ritum, quod Dio scribit, gladios acutissimos, Drufianos vulgo vocatos : videlicet, quia crudelis ille & cruentus edito acutissimos semper exigebat. Contra lenissimus Marcus Imperator, qui ferrum acutum nemini gladiatorum permisit.

Praelusiones.

Ipsi pugnae praeittebatur Praelusio. Quidam enim arte quadam jaciebant hastas ; quidam velut feriebant gladiis : sed hastae illae parte a ferro, obtuli gladii, denique proludebant & eludebant. Praelusionis diem vocat Symmachus ; qui praemissus legitimo certamini. Sed ille de Venatione aut Circensibus intelligendus : Gladiatores illo ipso die pugnae proludebant.

Praelusio autem in *Hastis*, *Rudibus*, *Armis*. Praeludentes Hastis, Quintilianus vocat *Pilarios*, & *Ventilatores*, qui ea, quae emiserant, ita librabant, ut venire in manus viderentur, quaque juberentur decurrere. Rudes autem Seneca appellat *Lusoria tela* sive *arma* : Tertullianus, *Exercitatoria tela*. E contra, vera & acuta tela, *Decoratoria* : forte ideo, quia haec velut decreto Pratoris sive Editoris habebantur, postquam inspecta acriter & probata. Eadem *Arma pugnatória* dixere. Seneca *Pugnatatorium mucronem* dixit. Praeluserunt item armis : Nam parmas aut clypeos in altum jaciebant recipiebantque cum venustate ; nec parmas solum, sed & hastas, ut dixi, fortasse & gladios. Id vocabant proprie *Ventilare*. Hoc ergo erat *Praeludere* : ut, cum desierint, dicuntur *eluisse*, aut *deluisse*. Nec absimili notione *Litus* desinebat Aquilinus, quia fluctus eluderet, id est, ludere desineret. Plinius *Deludere* videtur dixisse.

Tubae cantus.

Cantus tubae signum fuit commissionis & verae pugnae. Ideo Apuleius *Tubam terminalem* appellat, quia primitias & ludicra certaminis finiret terminaretque. Idque in omnibus ludis factitatum, etiam scenicis.

Arma versa.

Dirempta ergo praelusione, abjectisque lusoriis armis, transibant ad vera. Atque hoc est, quod *Dimittere ad certum*, Tertullianus vocat. Appellabant id etiam, *Pugnare versus armis*, id est, transmutatis.

2. QUAE IN PUGNA.

Componebant se gladiatores & colligebant in arma, mira arte curaque sui defendendi, alterius petendi. Nec mirum : nam gladiator composito ad pugnandum haec proposita. fors est, aut occidere,

dere, si occupaverit; aut occumbere, si cessarit. Hanc ex arte posituram vocabant *Statum*; & *In statu stare*. Curæ enim iis fuit, atque adeo laudi, mansisse in statu. Imo nec læsi deserebant. Idem est, *Stare in gradu*. Hinc apud Tertullianum legitur, *De gradu pellere, Cedere de gradu, Construere gradum*. Cicero etiam ab hoc gladiatorio more elegantem metaphoram plus semel usurpat, *Dejici, Deturbari de statu animi, de statu mentis*.

Cum hoc modo igitur paria in statu; petebat alter, vitabat alter. Et hoc proprie dicebant *Petere*: & ictus ipsos, *Petitiones*. Videntur etiam appellasse conatus; invasionesque singulas, *Manus*. Unde Seneca dixit. *Manum mittere*. Est igitur *Petere*, arenæ verbum: etiam *Repetere*: sic enim appellabant geminare ictum.

Hæc invadendi verba: At vitandi cavendique, *Exire*: etiam *Excedere*: Prudentius & Manilius id ipsum *Ludere*, vel *Eludere* dixerunt. In vitando præcipua cura, ut latus tegerent. Et latus certe adversarius maxime petebat. Nec rari erant, ut cum plura paria pugnarent, vulneraretur quispiam per alterius latus. Unde, *Per alterius latus peti*, dicebatur.

Cum quis læsus esset, aut cecidisset, vox adversarii insultantis, aut acclamantis vulgi erat, *Hoc habet*, aut simpliciter, *Habet*. Læsi autem, & mortis metuentes gladiatores submittēbant arma, id signum victi fractique. Solebant etiam digitum tollere gladiatores, cum se victos faterentur, & veniam à populo ostensione digiri postulare. Hinc proverbio, *Digitum tollere*. Nec ideo tamen liberi: à nutu populi pendebat mors eorum vel salus; sive etiam ab Editoribus. Imperatori etiam, cum præsens, semper jus liberandi. Quinimo & solo interventu suo. Hæc liberatio, *Missio* dicta; diversa à *Rudi*: nam *Missio* ad victos pertinebat, *Rudis* ad victores. Illius effectus, ut ab imminenti periculo, & in eum diem duntaxat liberarentur: hujus, ut ætatem. Mittēbantur ergo læsi. Itaque *sine missione dare gladiatores, & sine missione pugna*, non aliud, quam ad certam mortem dari, nisi vincas; jus non esse vulneratos supplicesque liberandi. Augustus decreto prohibuit, gladiatores sine missione edi. Clementer, quoniam reperti sevi Munerarii, qui omnes dabant in certam mortem. Qualis Domitius, avus Neronis.

Populi ergo in arena præcipuum jus, & ad ejus voluntatem domini plerumque se conformabant. Intercedebat pro victis læsisque: interfecti jubebat idem. Signum, conversus pollex. Hoc *Tranquillus* dixit, *infectis spectantibus dimicare*. Causa huic malevole notæ à contrario proverbio, in favore pollices premendi. Hinc dicitur, *Pollicem premere*, in favore: nam pollex pressus, signum liberationis. Contra, *Pollicem convertere*, minus favere. Hæc in re multum potuit audacia & constantia gladiatorum, quæ accepta populo: ignavia odio fuit. Post hæc ergo suffragia vulgi, si alba

quidem favensque sententia, miser ille mittebatur, sed in eum diem aut id munus dumtaxat: sin funesta, boni gladiatoris erat decumbere, & libenter fortiterque recipere ferrum. Id enim imperabatur: *Recipe ferrum*. Iis verbis subjecta vis, ut jugulum ultro præberent, ne membra contraherent, ne manum opponerent. Mira firmitas, si in .re bona seriatque. Et tamen misericordia (si ita placet) admixta his sceleribus, si quis caderet gladiator famosus. Imo & quidam, quasi mitiores, avertebant se à vulneribus. At illud feritatis inauditæ, percussos jacentesque repeti jubebant, & cadavera ictibus dissipari, nequis illos simulata morte deluderet. Et superest alius ad severitiam gradus: Nam & manum mittebant in vulnus, & sanguine velut se proluebant. Nec defuerunt è populo, qui gladiatorum sanguinem ex ipso vulneris hiatu biberent, calidum adhuc spirantemque contra morbum quidem; sed iusta Plinii detestatione; cum plagis ne ferarum quidem admoveri ora fas sit humana. Non ergo injuria, in hanc fatalem arenam illata, una cum reliquo apparatu, Libitinæ instrumenta, ut esset videlicet, quo mortui subito efferrentur. Ab hac re certa porta in Amphitheatro, quæ *Libitinensis* dicta.

3. QUÆ POST PUGNAM.

Jam ad exodium perducta res, & pugna pugnata est. Venio ad ea, quæ post pugnam: *Præmia & Rude*.

De Præmio & Rude.

Præmium victori duplex; *Palma & Pecunia*. Nam præter palmam iisdem & pecunia data. Quæ donationes effuse creverant, & coercendæ à Principibus sæpe. Sed & ultra legitima præmia, corollaria adjiciebantur, exemplo à scena.

Rudem indulgebant gladiatoribus veteranis, quasi magisterii signum; aut etiam novis, in novo aliquo & strenuo facto; idque populo imperante. Hanc enim gladiator, stans ad crepidinem Circi sub circulo Amphitheatri à populo petere & impetrare solebat. Dabat eam Editor, vel Lanista etiam ipse; sed tamen populi arbitrio aut postulatione: quod etiam in aliis præmiis obtinuit.

Rudis mentio apud omnes scriptores crebra, cujus effectus, liberatio ab arena. Quod tamen aliter atque aliter pro conditione gladiatorum. Quidam enim liberi erant sive Auctorati, qui arenae operam pretio locabant: ii donati Rude, redibant in veterem prorsus libertatem, nullo ultra vinculo servitutis. Alii è gladiatoribus conditione servi: hi donati rude non libertatem accipiebant, sed vacationem dumtaxat à pugna; Lanistæ deinceps, prove lanistis erant, doctores tironum, & batuebant, non pugnabant. Ideo *Tuta rudis* Ovidio dicta. Quod si libertatem etiam impetrarent, mos erat, uti pilearentur, id est, exemplo reliquorum servorum pilei impositione liberi judicarentur. Itaque Tertullianus bene Rudem à Pileo sejunxit. Quæ tamen præmia ne temere conferrentur, cau-

tum

tum est, quid in noxiis damnatisque servaretur: tempus rudi, tempus pileo præscriptum.

Qui donati rude *Rudarii* dicti: ii non ultra depugnabant, nisi pretio aut sponte inducti. Moris etiam fuit, uti gladiatores emeriti arma sua suspendere, ad Herculis: sacra, videlicet, ejusmodi gymnasiorum Deo. Nam & athleticis & gladiatoribus Hercules præesse putabatur, qui facta ejus scilicet & robur æmulerentur. Igitur ut in Circo Neptuni, in Theatro Veneris: sic in Amphitheatro Herculis ædes vulgo.

De studiis & factionibus in Arena.

Vilissimæ animæ addictæ his ludis, & velut consecratæ, in partes deducebantur, & magno studio huic generi gladiatorum favebant aut illi. Atque ut in Circo alius in Venetum pannum, alius in Pralinum pronus: sic in Amphitheatro hic in Threcum armaturam, alius in Myrmillonum aut Secutorum. Hinc *Parmularii* fautores Threcum dicti, quia parmæ favebant: & simili modo, *Secutarii*.

Sed & sponsiones interponebantur vulgo, uter vinceret. Et vulgus hæc tantum? Principes imo ipsi imbuti hoc favore vel odio. Titus Imperator studium armaturæ Threcum præ se tulit. Domitianus contra, in hoc quoque dissidens à fratre, Myrmillonibus fautor. Nec simplex hic favor, & in re ludicra ludus, in iram, inimicitiam erumpebant, imo cædem.

Conclusio.

Profuisse potuerunt hæc bellica spectacula publice & privatim. *Publice*, quia hujusmodi meditationes fortitudinis fecerunt ad mortis contemptum; ideoque dari solebant tempore belli. *Privatim*, erat exhortatio ad constantiam.

ADMI.

ADMIRANDA,

Sive

DE MAGNITUDE
ROMANA.

LIBER PRIMUS.

INter Imperia & Magnitudines, quas Deus à condito Orbe esse voluit, eminet & primas fert Romana. *Nulla enim unquam, Livio teste, Respublica nec major, nec sanctior, nec bonis exemplis ditior fuit.* Ideo Ammianus *Romam, Imperii Virtutumque omnium Larem* appellat. Hieronymus duplicem interpretationem nominis ROMÆ, rei aptam reddit: *Roma, inquit, aut Fortitudinis nomen apud Græcos est, aut Sublimitatis apud Hebræos. Jungatur & tertia, quam dederit lingua nostra, quia Roma Gloriæ & Famae nomen est Germanis, Roem.* Quid, quod apud Orientales Indos *Rumes* appellantur (Osorio ita traditum) milites boni & fortes? an quasi Romani, & admiratio vetus apud eos mansit? an vox indigena id quoque norat?

Ob duplicem autem causam Romana Magnitudo anteferenda omnibus, ob POTENTIAM, & VIRTUTEM:

In POTENTIA,
consideranda,

FINES,
COPIÆ,
OPES,
OPERA.

In VIRTUTE, conside-
randa,

VIRI,
& Ipsæ
VIRTUTES, in specie.

De his ergo singulis dicemus, & quasi in umbra & imagine conabimur repræsentare formam faciemque illam veterem, & qualis, & quanta, Roma fuit.

DE FINIBUS.

Fines Romanæ potentia fuerunt amplissimi, & spacia terrarum ac maris, uno velut sinu & junctim inclusa, quanta in ullo priorum aut posteriorum imperiorum numquam fuerunt. Itaque attollunt

attollunt haud vane hæc veteres, & magnifice loquuntur, passimque illi sermones feruntur; *Romanos Orbis dominos, Solem utrumque in eorum imperio currere*, & talia, animose magis, quam superbe dicta. Non quidem habitata omnia loca sub imperio habuit, nam multa sub Parthorum jure ad Orientem fuere; multa libera, aut sub Regibus ad Septentrionem ac Meridiem. Sed quidquid opportunum aut dignum vinci, vicit: cætera non tam non poruit, quam contempsit, & judicio reliquit.

Illud nemo negaverit, florem Asiæ, Africæ, Europæ, in hoc imperio fuisse, ipsa gentium robora, ingenia, opes. Termini igitur finesque imperii, cum maximum & in culmine suo, sub Augusto, ab Oriente Euphrates: à Meridie, Nili cataractæ, & deserta Africæ, & mons Atlas: ab Occidente Oceanus: à Septentrione Danubius & Rhænus. Ita enim Augustus bono consilio instituit, claudere imperium, naturæ aliquibus limitibus, & custodes ac milites ad eos habere. Posterii consilium hoc neglexerunt: nec solum regna aliquot, defunctis aut everfis sociis Regibus, imperio adjecerunt; sed etiam ultra terminos, nova quæsierunt, aut Claudius, qui Britannias in ipso Oceano devicit; ut Trajanus maxime, qui ab Oriente Arabiam, Armeniam, Mesopotamiam; à Septentrione Daciam subegit. Ita moti prolatique tunc termini trans Euphratem ad Tigrim: iterumque parte alia ad Mare Rubrum, & trans Danubium ipsum tota Dacia addita fuit.

Provinciae Romani Imperii.

In Asia habuit Colchidem, Iberiam, Albaniam, Pontum, Bosphorum, Cappadaciam, Galatiam, Bithyniam, Armeniam, Syriam, Arabiam, Palæstinam, Ciliciam, Pamphylia, Lydiam, & *Asiam totam minorem.*

In Africa *Ægyptum, Cyrenaicam, Marmaricam, Getuliam, Africam propriam, Numidiæ, Mauritaniam*, aliasque minores aut ignotiores.

In Europa *Italiam, Hispanias, Gallias, Inalpinos, Rhatiam, Noricum, Illyricum, Macedoniam, Epirum, Graciam, Thraciam, Massiam, Daciam, Pannoniam.*

Consulto omisi magnam partem, quidquid Insularum mari ambitur. Eæ quæ multæ & magnæ quædam in toto illo mari mediterraneo fuerunt, à columnis Herculis ad Pontum usque. Profecto, quæ vel decimam partem pene provinciarum terrestrium æquant, si Britannias in exteriore mari adjungas.

DE COPIIS ROMANIS.

Flænes Imperii Romani mari, amnibus, montibus clausi ac muniti, sed Milite & Copiis multo magis. Nam Romanis mos & institutio, duplici via Provincias munire, **COPIIS, & COLONIIS**, de quibus utrique breviter dicendum.

Copio.

Copiarum nihil aliud sunt, quam perpetuus miles, qui ad tutelam imperii, ex instituto Augusti, fuit. Erant triplices fuerunt, *Provinciales, Urbanae, Classicae*: illae maximae, alterae satis validae, & tertiae utiles ac opportunae. Omnia haec ab Augusto, qui sapienter pleraque in novo imperio aut instituit, aut restituit, ut res visae postulare.

De Copiis Provincialibus.

Miles ad limites positus, ubi minimo oneri subditis, maximo usui in hostes esset. Sub Augusto & Tiberio 25 legiones fuerunt; postea tamen auctae, ut sub Trajano & Hadriano essent 30, aut etiam supra. Haec legiones Augusti & Tiberii aevi, sic dispositae. In Hispania legiones 3. In Gallia ad Rhenum 8. In Africa 2. In Aegypto 2. In Syria ad Euphratem 4. In Moesia ad Danubium 2. In Pannonia ad Danubium 2. In Dalmatia 2. Sed mutabant interdum, & ob causas huc atque illuc ibant, aut sedebant. Et quamvis legiones pleraque in castris, tamen & in oppidis erant, quae valida aut magna, & ideo motui aut rebellionis opportuna. Talis Alexandria in Aegypto.

Sed praeter legiones ipsas fuerunt etiam cohortes sociarum, aliarumque, numero satis grandi. Atque alibi in minoribus provinciis solae cohortes aut alae fuerunt, ut in Rhaetia, Judaea, talibus, & quae Procuratoribus regebantur. Interdum & in oppidis interioribus ad coercendum; ut Lugduni in Gallia, item Foro-Julii, auctore Tacito, & alibi.

Haec ita sub Augusto, sed creverunt, ut tetigi; & primum Claudius Imperator Britannia domita; legiones in ea 3 locavit, manseruntque. Tum Vespasianus 2 etiam in Cappadocia: & Trajanus deinde in Dacia 2. Et istae Copiae *Provinciales*.

De Copiis Urbanis.

Copiae *Urbanae* fuerunt; quae sedem Romae & in ipsa domina Urbe habuerunt: duplici fine, ut *Principem* in ea tuerentur, & ut ipsam *Urbem*.

Principis custodiarum triplex miles fuit: *Prætoriani, Evocati, Batavi*.

Prætoriani, in 9 cohortes divisi ab Augusto, flos militum, fide, robore, & gente. Exemplum instituti hujus fuit à Prætorii cohortibus in exercitu, quae circa ipsum Imperatorem, & ad ejus tutelam erant, sed plerumque una. Augustus, autem plures habuit in bellis civilibus, & victor quoque retinuit in pace, contra motus subitos, & ad plebem Romanamque coercendam. Nam fuere 9000 militum non robore solum, sed stirpe & domo eximii; nec capti nisi ex Hetruria, Umbria, Latium, & Coloniarum antiquitus Romanis. Alii Imperatores post Augustum Prætorianis auxerunt. Vitellius videtur primus, qui 16 Prætorias, 4 Urbanas, cohortes habuit.

Itis

Istis Castra prætoria fuere ad portam Viminalem, ut arctius & in disciplina haberentur, secreti à civibus & urbe.

Evocati, propria quædam & separata manus, vites ferebant, instar Centurionum, ut circa cubiculum Principis excubias agerent. Horum cohors una millenaria erat.

Batavi, equites peditesque, quos Dio equitandi peritissimos facit. Videtur autem intelligere superiores illos Batavos maxime, qui Geldriæ nunc accensentur; nam inferi & ad mare, nec ipsi, nec regio eorum, equis satis facti aut apti. Hos puto haud minus duabus alis plenioribus fuisse, & ut minimum 1000 equites, pedites etiam olim ad 1000.

Alter nunc miles in Urbe, & pro Urbe, duplex est: *Urbana*, & *Vigilum cohortes*.

Urbana cohortes, Tacito 3, Dioni 4, cæque grandes, atque etiam supra Prætorianas. Nam harum singulæ fuerunt 1500 militum. Earum officium præcipuum, tueri urbem, id est, motus aut turbas plebis coercere; noctu circum templa, fora, basilicas, excubare; stationes agere contra grassatores aut sicarios; itemque Præfecto Urbis, qui caput iis erat, apparere. Itaque & extra Urbem interdum dispositi, cum ejus jurisdictio ad centesimum lapidem porrigeretur.

Vigilum cohortes & ipsæ ab Augusto fuerunt. Nam is, cum crebra incendia in magna illa & frequenti urbe videret, remedium quæsitum firmum & perpetuum, militemque ex libertinis collegit, & in 7 cohortes digessit. Id factum A. U. 795. Et quamquam præcipuus hic finis & instituendi causa fuit; tamen servisse etiam tutelæ Urbis, & contra nocturnos fures aut grassatores, non est ambigendum; Minus lecta hæc manus fuit, & ministerio potius, quam militiæ facta: tamen ut regi melius juberique possent, digessi in cohortes, & Centuriones Tribunosque suos accepere.

De Copiis Classicis.

Terrestri milite satis limites, itemque vitalia imperii, id est, Romanam ipsam, munivimus; nunc & maritimo, sive fluviali etiam muniamus. Nam cum mare medium per totum illud imperium irret, cum etiam flumina magna clauderent & ambirent, utile censuerunt, Classes perpetuas in utraque parte esse, quæ & piratas cohiberent & hostes excluderent, & suis etiam transitum aut transvectionem, cum opus esset, statim darent. Prudens & pulchra inventio; fueruntque Classes in ipso Mari *Quatuor*: in Fluminibus *Tres*.

Primæ duæ majores in mari se offerunt, *Misenensis* & *Ravennas*: Dictæ Prætoriaræ, forsân dignitatis causa, & quia inter minores alias, ut Prætoria aliqua navis, eminent: nam Præfectus sane earum non fuit Prætor. Possunt & exemplo Prætoriarum cohortium esse dictæ, quia ad Italiæ & Principis tutelam. *Misenensis* Classis apud Misenum,

Misenum, pulcherrimo sinu stetit, & Galliam, Hispanias, Mauritaniam, Africam, Ægyptum, Sardiniam, atque Siciliam habebat in proximo. Eth autem naves ibi & classis, tamen castra etiam in terra & ad portum ipsum fuisse, commoditas eorum exigit. In his item portibus, præter castra, Pharos five turres quasdam ad præluendum noctu fuisse, Plinius suggerit. *Ravennas* Classis, ad notum & nobile illud oppidum, ob sedem ibi postea regni Gothorum, Epiron, Macedoniam, Achaïam, Propontidem, Pontum, Orientem, Cretam, Cyprum, petere directâ navigatione consueverat. Atque hæc sunt duæ majores illæ Classes maritimæ, utraque navium 250.

Sequuntur duæ minores: Prior in Gallia, colonia & portu Foro-Julienii: tum ad ipsam Galliam, tum ad Hispaniæ illam oram tendendam. Est autem hoc Forum-Julii in Gallia Narbonensi. Ab hac causa urbs illa Plinio *Classica* dicta: & *Colonia octavianorum*, quod octava legio eo deducta. Altera minor in ipso Ponto, id est, in capite & fonte mediterrei maris. Statio ei supra Byzantium fuit; 40 naves rostratas habuit.

Ex Classibus fluminum *prima* fuit in Rheno, per partes divisa: pars Bonnæ & Geldubæ, pars, & certo, ad exitum fluvii fuit, ubi Pharos olim, quam nunc *Arcem Britannicam* vocant. Pars enim hujus Classis *Britannica* dicta, quia & in Britanniam ea commebat. Sed tota Classis communiter *Germanica* dicta. *Alter*a Classis fluvialis in Danubio, cujus naves vocabant *Lusorias*, quibus pererrarunt totum annem. Videtur & *tertia* Classis fluvialis fuisse in Euphrate. Quidni in magno flumine, & contra Parthos? Ammiani aliquot loca suadent, eth non cogunt.

Copiarum Summa.

Hæc est tota munitio imperii, terra marique, an non valida, utilis, opportuna? Hinc ergo partium dictarum numerus, & totius præsidii summa facile patebit cogitanti. In *provinciis* enim copiarum non minus fuerunt, legionum, cohortium, alarum, 250000, aut circa; & sic, ut nec legiones plenissimas, sed 4000 accipiamus. In *urbe* ponere licet in universum ad 26000 militum: & post Severum vel ad 60000. In *Classibus* omnibus haud minus 100000 militum remigumque. Ita fient in universum supra 400000 ordinariorum: etsi Agathias Historicus plures etiam, & largiter, fuisse asseveret; colligi enim ex Romanis militibus vult 645000.

DE COLONIIS.

Præsidia militum in longinquis limitaneisque locis fuerunt, pauca aut nulla in provinciis mediis: imo pleræque earum sine milite & armis ullis. Quid ergo tuebatur interiora, & quæta præstabat? *Coloni*arum deductio, optimo & sapientissimo Romuli invento. Nam ad illum consensu referunt; qui victis finitimis oppidis aut gentibus,

gentibus, partem earum solitus in Urbem & ad se traducere; partem illic relinquere, sed sic, ut Romanos suos misceret, custodiam & regimen, ne quid moverent. Eos ira missos *Colonos* appellaverunt, & ab agrorum novæ dedicatione culturæ, ipsas *Colonias*.

Ratio & modus erat, ut agri dividerentur viritim, idque à Trimviris, quod graves & prudentes viros huic rei legere solebant; qui & sedes, agrosque, & ipsum oppidum (si condendum esset) disponebant, & jura ac formam novæ quali Reipubl. dabant. Sic tamen, ut omnia Romam & Urbem matrem referrent: ipsis quoque locis, Fora, Capitolia, Tempia Curia, pro illa imagine essent; & in gubernatione Duum-viri plerisque *Coloniis*, quasi duo Consules, & Decuriones pro Senatu.

Utilitates, & Causæ Coloniarum.

Varia in hoc instituto utilitas. *Prima*, quod allevabatur urbs ipsa princeps, & superfluum nimiamque multitudinem, ut sanguinem emittebat. Ita victus facilius, ita turba minor, & turbæ quoque faciles oriri inter tam confertos. Sed & soboli magis vacabant libentiusque, sic vacui: non aliter quam arbores aut plantaria, magis se diffundunt & propagant, ubi in arcto non stantur.

*Alter*a utilitas ipsos hostes aut subditos tangit. Ubi enim *Coloniæ* sic collocatæ, loca frequentabantur, colebantur, poliebantur etiam, novorum hospitem adventu, & artium inventu. Divina providentia hoc sine Græcos olim in Asiam, Europam hanc nostram, usque in Hispaniam, per maritima loca misit & disposuit: ut rudes ferocesque humanitate & elegantia percolerent, atque ad mitiora studia & mores transferrent. Quod idem Romani mox fecere; & iis cultum hunc omnem debet pulcherrimus noster Europæ tractus.

Tertia utilitas, quæ præcipue in oculis Romulo & Romanis, præsidium in subjectos. Sparsa hæc tot oppida locis opportunis, & in iis Romanus sanguis, quid nisi tot arces & propugnacula erant imperii Romani? Dicamus quidlibet, nihil tam validum, quam talis aliqua deductio: & ubi ii, qui agros in alieno acceperunt, semper obligantur aut tueri jura imperiumque donantium; aut pelli, si & ii peilantur. Atque hic primus præcipuusque aspectus,

Accessere mox, valde aucta re Romana, duo alteri. *Prior*, ut plebem inopem & gravem sic exhaurirent. *Alter*, ut militibus emeritis præmia largirentur. Nam ecce in tanta Urbe, & crescente civium tenuiorum numero per tot manumissiones, quæ ratio alendi aut subsistendi fuit, nisi ut emitterent; non aliter, quam ubi alvearia plena, nova examina in alia & nova transfunduntur: Sic & occulto Politico consilio, sentina & fax urbis educabatur; purior meliorque pars asservabatur. Jam vero in militibus pulchrum: &

qui

qui non libens in eam militiam se impenderet, ubi & post eam tam magna & certa præmia essent? Agri & sedes dabantur, regimen illic & honores, pecunia etiam (nam sic Augustus instituit) ad instrumenta, jumenta, &, si quid opus, cœmendum.

Frequentia Coloniæ.

Ista fuit deductio Coloniæ, & causæ, in quibus tamen tyranni aut violenti aliquot cives fraudem & injuriam miscuerunt; ut Cornelius Sylla, qui non, ut olim, agros ex hoste captos distribuit, sed in ipsa Italia, quod sciebat milites appetere, sedes iis dedit. Quod fieri non potuit, nisi pacatis fideisque populis, per summam injuriam & scelus, expulsis.

Appianus auctor est, 23 legiones à Sylla sic deductas, quæ facerent 120000 cum iis qui adjuncti. Simile & Cæsar Julius in pace & Consulatu fecit, qui agrum Campanum & Stellatam, 20000 civium, colonia Capuam deducta, diviuit. Idem jam Dictator in transmarinas colonias, 80000 civium distribuit, in Carthaginem maxime & Corinthum. Augustus sub quintum Consulatum, bellis civilibus jam finitis, 126000 deduxit: & postea multa millia adjunxit. Imo in sola Italia 38 colonias collocavit: quid apud tot exterar gentes, & imperio tam diuturno? Itaque hujus Principis plurimæ & in toto Orbe fuerunt: quod ipsa agnomina earum ostendunt. Denique paulatim tanta frequentia, ut negem regionem, imo vix regiunculam, fuisse, in qua coloniae aut colonia non esset. Tot illis vinculis miramur orbem compeditum, & astrictum in Romana ditione & imperio mansisse? Harum alia atque alia genera tamen erant, & quædam *Romani*, aliæ *Latini*, quædam & *Italici* juris. Fuerunt & *Patriciæ*, & *Equestres*, agnominate: haud dubie, in quam digniores civium militumve deducti.

Fuerunt in sola Italia coloniae 150. In Africa circiter 60. In Hispaniis ad 30. Paulo minus Gallis, & idem de reliquo Orbe jadicandum.

Ratio adfiscendi gentes.

Romani primum pauculi fuerunt, & cum Romulus militiam & Rempublicam ordinavit, vix ad millia terna peditum censâ; & equitum trecentos. At idem ille, cum è vivis abiit, peditum reliquit 46000, & equitum 1000. Tantum viri opesque creverunt in annis circiter, quibus Romulus regnavit, 37. Hoc autem assecutus est apertione Apyli, quæ haud dubie aliquid adjavit, & è vicinis, ethi non optimos, elicit. Lege de liberis lata, qua jussit, quidquid natum esset, tolli, modo ne mutilum aut monstrosium. Receptione in civitatem, quam non exteris solum confluentibus, sed victis & hostibus, dedit. Atque id sane diu retentum Romæ, ut è provincialibus honestissimos hoc beneficio civitatis obligarent, & ita simul se auferent, simul discrimen, & tacitum pene dissidium ob æmulationem, inter illos consiliarent.

Sed tertia etiam ratio augendi cives, ex instituto, non quidem Romuli, sed Servii Tullii. Ille cum videret, plerosque tunc servorum, aut bello captos, aut è præda emptos esse, atque eos fere è liberis & ingenuis, & ante etiam liberos; humanum bonumque putavit in civitatem recipere, si qui à dominis manumissi essent. Nam & Romanis moribus ingenuisque assuefacti jam erant, & sic fore providebat, ut semper tamquam ex fonte domestico, proles scaturiret ad belli aliosque usus.

Difficile id persuasum primo civibus, & inquinari eo consortio videbantur: sed nempe ostendit, & origine bonos eos esse, & jam diu ipsos etiam hostes in hoc jus admissos: ita cur non idem domesticis & fidis servis indulgerent, causam nullam esse. Maxime, cum in eorum manu totum hoc beneficium; & videre posset, ut nec temere manumittendo darent; & illos adnifuros, ut omni sedulitate ac fide emererentur. Amplius, futuros eos nihilominus velut in cura & clientela Patronorum: & sic nobiliores cives, in comitiis aut suffragiis, semper manum aliquam faventem & obnoxiam habituros. Ita illis persuasum: sed Regi in oculis præcipue frequentia & multitudo civium, fundamentum omnis potentiae & diuturni status. Nec tamen ii æquiparati statim dignioribus & veteribus civibus: rejecti in quatuor urbanas tribus fuere, & inventa ratio, ut minimum in suffragiis, aut alia publica re, pollerent. Quin & à militia legionaria & honestiore exclusi sunt, donec paulatim nepotes ac pronepotes eorum, vere jam Romanus sanguis, pervenirent. Liberti ipsi & Libertini, veteri quidem republica, arcebantur. Hoc institutum, incredibile est, quantum civitatem auxerit, in qua aliquot servorum millia pauculis annis manumissa. Neque negandum est, utile initio & præclarum fuisse, sed lapsu temporis (ut sit in humanis rebus) hic quoque lapsus: cum jam Syri, Cappadoces, Asiatici, Græci, Barbari, in servos recepti, & multi ex his facinorosi & perdit, qui pretio, blanditiis, aut & scædis obsequiis, libertatem meriti, quam colluviem in civitatem non invexerunt? Imo per eos effectum, ut egregia illa animi ac morum, Romana olim plebs, vilissima facta hominum sit, & uno verbo, cloaca & sentina vitiatorum. Sed ista seculis aliquot post Tullium.

Interea profuit largiter institutum, & effecit, ut cum primo censu ac lustro Servii Tullii, 74000 censa essent, illo, qui sub primis Consulibus fuit, 130000 censereatur, idque eorum, qui puberes & in virili toga essent. Post aliquot ætatis, id est, A. U. 414, censa sunt 260000. & paulo ante bellum Maricum, A. U. 639, circiter 400000, paulo minus. At post id bellum, sociis jam in civitatem paulatim receptis, crevit valde numerus, & ad 900000 censa. Quid jam sub Augusto? In consulatu suo sexto lustrum condidit, quo censita sunt civium Romanorum capita quadragies

centum millia & sexaginta tria. At etiam crevit assidue, & sub Claudio Imperatore Tacitus ac fidi auctores accensent, sexagies novies centena sexaginta quatuor millia. Ultra quærere supervacuum sit, cum jam passim in civitatem totæ urbes regionesque receptæ.

Ratio transferendi populum.

Non è solis civibus Romani copias scripserunt. Olim quidem & à Latino nomine: at postquam ii civitate donari, Principum temporibus maxime, cœperunt & è provinciis auxilia scribi. Augusti id inventum: & præter conspicuam utilitatem in militia, causam occultam etiam hanc habuit, subditos sic exarmandi, & quasi obsidibus traditis in fide continendi. Nam quorânnis dilectus istos habebant, & optimum ac robustissimum quemque abducebant. Ita enerves provinciæ; & illi qui dilecti, in longinquas & diffitas oras consulto trahebantur. Non enim facile res novas audere aut movere inter ignotos & alienos. Atque ejusmodi auxiliorum è variis gentibus magna copia.

Sed judicio & consilio in hac re opus, ne plures suscipiantur aut traducantur, quam coercere possis: peccatumque à secutis Imperatoribus, qui, Barbaris receptis, Imperium & Urbem prodiderunt. Alioqui multum commodi aut tutelæ translatio hæc habere possit, qua Philippum Macedonem usum Justinus prodidit. Parabat & Alexander simile, firmando imperio, nisi mors intervenisset. Antipater, qui in partem potentie successit, in idem hoc consilium: & Atheniensium urbis potens, ipsam ejusque regimen ditioribus honestioribusque concessit: tennes, & quidquid inopia turbidum, eduxit, & 20000 eorum in Thracia, agris datis, collocavit. Lego & Tigranem Regem, cui bellum Pompeius fecit, 300000 è Cilicia & Cappadocia in Armeniam & Mesopotamiam traduxisse, ad ea loca frequentanda, & meliori genere implenda. Et ut vicina magis temporibus locisque tangam, Carolum Magnum satis scitum est Saxones sæpe rebelles translatione domuisse, & in Belgicæ oris posuisse. Ludovicus etiam xi, Gallie Rex, Atrebatum fidei infensus, & quia a vita divelli, quam à Burgundiano imperio malebant, sparsit eos per Gallie Urbes aliquot, & suos in locum introduxit. Reges Peruani tractus, novi orbis, quos *Ingas* ipsi appellant, pro firmamento status habebant, populos victos statim cum tota sobole transferre ad interiora loca, & in illa limitanea alios suos fidosque supponere. Hoc genus *Mitimaes* patria lingua vocabant.

LIBER II.

DE OPIBUS ROMANIS.

IN Romanorum potentia tertium OPEs. Eas considerabo PUBLICAS, & PRIVATAS. In Publicis 1. *Vestigalia* sive *Tributa*. 2. *Triumphales munusculas*. 3. Denique *Liberalitates*, aut *Erogationes*.

I. DE VECTIGALIBUS.

Vestigalia olim ferè triplicia : è *Decumis*, è *Pastione*, è *Portoribus*.

Decumæ cum decimam partem fructuum in agris sativis sibi retinerent. Quid in ea re fuerit, Cicero in Verrinis satis dixit ; nec obscurum est vel ex moribus hodiernis.

E *pastionibus* genus alterum est, quod proprie & vulgo *Scripturam* appellabant. Hinc, *Scripturarius ager*, est publicus, in quo ut pecora pascantur, certum æs est : quia publicanus scribendo conficit rationem cum pastore.

Tertium est *Portorium*, quod scilicet in evehendo aut invehendo pendebant. Fuit & *Portarium*, antiquis, & faciunt discrimen Glossæ. *Portorium*, τὸ ἐν λιμένι, *Vestigal in portu*. *Portarium*, τὸ ἐν πύλῃ, *Vestigal in porta*. Et vero hoc quoque fuisse videtur, ævo præsertim inferiore, & sub Principatu, ut & in pontibus, & in viis, & portis adeo oppidorum dederint, pro transgressu, aut ingressu. Italia hodie, sed & Belgica, hæc non ignorat. Hæc sunt illa vetera, & Vestigalia propriè dicta, quibus dies & sagacitas, addo, & necessitas, aliquid semper addiderunt.

De Tributis.

Vestigal plura sub se continebat ; sed primo solum ipsum *Portorium*, quia id scilicet è vectura, unde *Vestigal*. Græcis etiam hic discrimen aliquod, quibus *Vestigal* propriè est τὸ ἐν λιμένι, *Tributum* ἐν πύλῃ. Sed & in re ipsa differunt, quod illud res & fundos magis spectat & ligna : hoc capita ac mobiles opes : Atque ita pessima conditio eorum, qui *Stipendiarii*, ipsi, atque agri, essent. Tales *Pœni*, *Hispani*, & plures, qui per vim ultimam & bello pertinace victi essent : Nam & corpora sive capita (ut Latini magis loquuntur) onusta erant, & terra ipsa. Hoc autem non nisi in vere victos ; & vi subditos, usurpatum, olim quidem : sed Imperatores, & ipse *Augustus*, produxerunt, & valde hæc tributa dilatarunt.

Magnitudo Vestigalium.

Sola Asia pro vestigalibus pependit annua 20000 talentum, id est, 12 milliones, juvat his compendiis, vulgariter magis quam

(elegantèr uti) Pompeii & Syllæ tempore. Decumas unius Sicillæ, atque eas tenuiter æstimatas, Cicero fuisse dicit nonagies H. S. quod nobis est 225000 Philippicū. Decimas dico frumenti : & hordei non computat, & leguminum, quid jam vini, olei? quid Portoria, & Pactiones? Valde tenui ore atque animo est, qui non audit concipere hæc universa ex proportionè, supra quadringenties, sive unum millionem. Atqui Sicilia quanta pars fuit Romani illius Orbis? profecto nec centesima quidem. Hinc liquere potest magnitudo reliquorum vectigalium per Orbem.

Sed ex Portoriis etiam constare in parte potest magnitudo vectigalium. Unus portus Syracusanus ex unius hominis Verris exportationibus pauculis mensibus, idque ex Vicefima tantum, perdidit sexaginta H. S. quæ sunt more nostro circiter 1500 Philippicæ. Quid ergo reliqui portus, in omni evectione, invectione, & in totum annum; præsertim ubi Octava, ubi Quadragesima (ut factum constat) capiebatur? Hæc enim pro locis, aut mercibus, sed & temporibus, variasse opinandum est; maxime tamen pro mercibus, & ut gravius vectigal solverent peregrinæ, ad delicias magis aut pompas, quàm usum, invecætæ. C. Cæsar ejus rei auctor. Quæ haud dubie ipsa Italia etiam pependit, etsi reliqua portoria, lege Metelli, in ea sublata essent. Hæc sane magna fuisse, quis potest ambigere, ex pretio & copia rerum? Nam gemmæ, lapides, vestes, ebur, mancipia, aromata, unguenta, & plura ejusmodi exotica, inferebantur: quibus si Octavam imponis, quanti ea sint?

De Capitatione.

Capitatio, seu Vectigal capitarium, vel maximum certissimumque fuisse arbitror; sed in modo, tenebras & nubes suas habet. Videtur autem centesima imposita pro ipso capite, æstimatione omnium facta: ut si 10000 aureorum in censu habeam, solvam ex iis annua centena. Hoc placeat ob æqualitatem, & quia pauperes & tennes non sic pressi, quàm si uniforme in omnia capita indifferetum fuisset Tributum. Sed alia sunt quæ refellunt, aut certe morantur. Quid enim tum servis fiet? quid filiis familias grandioribus? qui peculium suum nullum habent. Sed de servis responderi potest, dominum dependisse in suo capite, dum eorum æstimatio centibus ejus accedit: & servi aliqui in jure, *caput non habere*, scribuntur. Quod ad filios, certum est, parentes pro iis exsolvisse. Probabile ergo videtur, Capitationem fuisse ex censu non uniformem.

Multum rediisse ex ea, multitudo capitum dicet, quæ in Romano Orbe. Sola Ægyptus 750 myriadas (id est, 7 milliones cum dimidio) hominum habuit, Alexandria excepta, quæ & ipsa aliquot centena milia habuit. Si igitur talis ille Ægyptiorum numerus, facile intellectum est, in quantum creverit capitarium hoc vectigal ex 300 non minus millionibus hominum, quos in Romano Orbe fuisse, ratione colligitur.

Tributa

Tributa, quæ Ægyptus solvit, Ptolomæi ævo, fuerunt annua 12500 talenta, id est, 7 milliones & semissis. At eadem Augusti & Tiberii ævo ad 10, aut 12 milliones producta fuisse credendum est. Gallia quoque videtur primo reddidisse quater millies, id est, 10 milliones; postea hæc tributa aucta largiter, & vel in duplum ab Augusto, ad 15, vel 20, milliones. Jam si solæ Ægyptus & Gallia ad 30, aut circiter, milliones pependerunt; quid totus Orbis reliquus? An non Syria & Atia, tantum? Africa & Hispania? Græcia & Illyricum? Insulæ omnes simul? Ita ut supra 150 milliones summam tributorum fuisse asserere possimus. Quod vel hinc colligi potest, quod Vespasianus initio statim Principatus professus est, quadringenties millies opus esse, ut Respublica stare possit. Sunt ipsi 1000 milliones nostro ritu. Unde sic subito parandi, si non tales tantique redditus? Sed & nostro ævo, (ut desinant obliqui, qui nostra aut nova tantum cogitant.) Rex Sinarum accipere in tributo annuo asseritur 120 milliones. Et Sinas aliquis ad totum Romanum Orbem comparabit?

De Ærario militari.

Augustus ille, qui valde rem Romanam auxit, etiam onera: & hic quoque pro nomine suo fuit. Nam is Ærarium militare seorsim instituit, & ad id explendum redditus novos & certos. li triplices: *Vicesima, Vicesimaquinta, Centesima.*

Vicesima fuit hæreditatum & legatorum, quæ cuique obvenissent testamento. Deus bone, quanta & quam crebra ea, vel in Roma tantum? Quot illic divitiæ, & quoties, per capturas & aucupia, ad externos translata? Solvebant igitur sæpe *Vicesimam*. Excipiebantur tamen proximi sanguine juncti, & pauperes, quos hoc onere liberarunt. Atque ut verum fatear: hoc tributi genus imitabile videtur, nec grave etiam pendentibus; cum lætitia magni & inopinati sæpe proventus obruat vel minuat sensum inferendi.

Vicesimaquinta erat mancipiorum, anno post *Vicesimam* instituta. Quanti hoc vectigal fuerit, is agnosceret, qui crebra mancipia in Romanum orbe, crebram mutationem, & maxima deinde eorum pretia cogitabit. Quis nescit, Daphnidem vanisse 3700 sestertiis? id est, 7517 Philippæis cum dimidio? grande pretium in uno fluxu & mortali homine, & quem solus Grammatici titulus commendabat. Ab eadem classe & arte Lælius Præconius, emprus 200000 nummum, quæ sunt 5000 Philippæorum. Jam Calvisius ille Sabinus plures anagnostas habuit, & singulos 100000 emptos. Quot aurei igitur prodeunt e talibus singulis? quot ex millenis aliquot, qui, quotidie pene dixerim, vaniebant? Et Jurisconsulti quidem pretia servorum definiunt, in communi aliquo 20 aureos, in Artifice, Medico, Notario, 30, 50, 60.

Centesima rerum venalium fuit. Si omnium autem venalium, quæ, & quam infinita, summa fuit? Si in auctione tantum, minor,

sed & sic grandis. Hæc de *Ærario militari*, quæ proprie quidem ad ipsum faciebant. Alias non nescio, & pœnas sive multas legum, item damnatorum confiscationes, sæpe in hoc *ærarium* relatas.

De Metallis.

In ista re pecuniaria, non omittenda ipsa ejus materies, *Metalla*, magni ex iis redditus, & in variis locis; & redditus quidem innoxii, iusti, & sine onere subditorum. Terra, benigna illa mater, hæc quoque nobis donat. Aurum per bella quærere, nefas est; per maria, periculum; per falsitates, opprobrium: in sua natura, justitia. Sed nescio tamen, an non sævitia aliqua admixta. Nam multa millia hominum huc adigebant, quosdam mercede conductos, plerosque damnatos ad metalla, quos in subterraneo illo carcere fanies, labor, vapor, & ruina sæpe etiam necabat. *Ægyptiorum* hoc inventum fuit. Atque hi tali interdum numero apud Romanos, ut Polybius ad Carthaginem novam, fodinis in Hispania non minus 40000 hominum scribat assidue in opere versari. Plinius etiam notat, Censoriam legem fuisse, quæ cavebatur, ne plus 5000 hominum in opere Publicani haberent. Nec id credito miseratione aut cura pereuntium factum, sed cautione, & dispensatione operis, ut ne in una conductione Publicani totum aurum exhaurirent. Itaque lex in elocatione dicta fuit de numero operarum.

Ex hac quoque metallaria parte igitur magnum uberemque factum quæstum & nostra ætas doceat: maxime cum pulcherrimas fecundissimasque fodinas varie haberent, ut in Hispaniis, Galliis, Norico, Salassis, Illyrico, Pannonia, Thracia, Macedonia, Proconneso. Habuit & Italia: putatque Plinius, aliam macedonum fecundiorum metallorum quoque tellurem esse: sed interdicto Patrum cautum, ut ei, velut parenti, parceretur. Præter hæc fuerunt & Cretariæ, & Picariæ, Salinariæ, Ærariæ, Ferrariæ: & nullum genus quæstus e terra omisum.

De Vestigalibus pudendis.

Ab Augusto & priscis ad noviores, arque adeo avidiores, veniamus. Vespasianus (ut communiter de illo Suetonius) auxit tributa provinciis, nonnullis etiam duplicavit. In paucis verbis quantæ accessio rerum, attritio subditorum? Et quidni ille solita augeret, vel duplicaret, qui instituit & excogitavit etiam pudenda? Nam urinae vestigal commentus est; & notus, cum filio pecuniam ad nares admovisset, in ea re ejus jocus. Origo huic vestigali & causa, quod in publico amphoræ aut dolia stabant ad urinam reddendam, quam fullones vertebant deinde in suum usum. Principes etiam secuti tenuerunt, sive auxerunt: & videtur hoc fuisse triste illud *Chrysargyrum*, Historiis decantatum; ut scilicet quisque mendicus aut pauper, meretrix, sive jam emerita, omnis servus, itemque libertus, inferret in *ærarium* pro urina & stercore, jumentorum etiam

etiam & canum ; five in agris, five in oppidis, habitarent : Et homines quidem utriusque sexus, nomisma argenteum : equus, mulus, bos tantundem : asinus & canis, folles sex. Quanta hæc pecunia fuisse debuit, ex omni genere pene viventium ? Viri Proceres & Reipublicæ primi hoc munus colligendi ambibant, non aliter quam militarem aliquam Præfecturam, aut civilem magistratum. O indignitas ! sed Princeps dignitatem addebat, qui & in sacrum ærarium hanc pecuniam recipiebat. Atque isti pudendarum sordium lucrique exercitores aut conductores sunt, quos *Foricarios* Jurisconsulti appellant.

Caligula ex capturis prostitutarum vœtigal instituit, quantum quæque uno concubitu mereret : sed cum illo periit, ethi postea quoque sub Heliogabalo Lenonum vœtigal, & meretricum, & exoletorum, fuit. Ita fœda, & Romano nomine indigna : nec sustulit tamen optimus Imperator Alexander Severus : sed dumtaxat in sacrum ærarium vetuit inferri, & ad instaurationem Theatri, Amphitheatri, Circi, deputari. Ex quo verè dixeris, magnum & hoc vœtigal fuisse, cum ad tantorum operum restitutionem conferret.

De opibus Imperii Byzantini.

Divitiæ Imperii Græcanici quoque mirandæ : neque hic lubet in rationes aut vias omnes pecuniæ inquirere ; ipsam dabimus.

Basilis Imperator, qui vixit sub annum Christianum octingentesimum, implevit totum ærarium, & ipsos aditus viasque, pecuniis confertim stipatis. Habuit in thesauris 200000 talentum auri ; (id est, 1200 milliones.) Nam alterius pecuniæ nec numerus iniri poterat, adeo ut terræ eam infoderet, ærariis aut repositoriis ubique repletis. Quin & arculas habuit lapillis gemmisque pretiosis plenas, quæ æquarunt omnino summam illam auri. O mira, & rejicienda, nisi è dictis & dicendis fidem caperent, & mutuo sibi attestarentur ! Nam hæc Judæus scriptor nomine Benjamin, in suo itinerario, ab Aria Montano edito, affirmat. Is ante annos 400 Europam, atque alia peragravit, & scribit, se Constantinopolim quoque venisse, & in ea opes inenarrabiles vidisse. Deseruntur enim in Principis palatium quotannis tributa, quibus turres implentur, coccinea purpureaque veste, & auro ; ita ut nullibi terrarum par congestæ pecuniæ exemplum reperiri possit. Affirmatur etiam, ipsius solius Urbis vœtigal, ex foris vœnialium, & portu ac mercatorum pensionibus collectum, ad 20000 aureorum in singulos dies accedere. Sint ergo mensura 60000 aureorum nostrorum, sint annui 7 milliones, & pene quadrans, sed nempe Byzantium, id est, Nova Roma, hoc dedit, & tunc quidem in suo flore, quid autem censet illam veterem olim dedisse ?

IL DE MANUBIIS TRIUMPHALIBUS.

ALia nunc via se ostendit & aperit, lata, trita, & per quam cumuli & acervi pecuniarum inveſti. Pecuniarum? imo vaſorum, coronarum, veſtium, gemmarum, & quidquid dici appetendum, aut æſtimandum, poteſt; Opes nimirum, quæ è præda & manubiis per Triumphos ferebantur. Quot autem iſti fuerunt? Quam multi? ſupra modum & fidem, uberes diviteſque. Nobis ſatis ſit tangere, & ſpecimen eorum, aliquot per ætates, dare.

Fuere igitur Triumphi à Romulo, uſque ad extrema Auguſti, circiter 312, & ex his primi non nimis uberes, tamen modici, & magis magiſque creverunt. Sub Regibus L. Tarquinii Superbi triumphus reperitur, qui victa Sueſſa Pometia & caput, tantum prædæ retulit, ut ſacrata Diis decimæ explerent 400 talentorum numerum. Ergo fuit in cumulo 4000 talentum: id eſt, vicieſquater centena millia Philippiſcorum.

Poſt ejeſtos deinde Reges, inſignis L. Papyrii Curſoris de Samnitibus triumphus; quo æris gravis magna viſ tranſveſta, vicieſcentum millia & quingenta triginta tria millia. Id æs redactum ex captivis dicebatur, quos ingenti numero ſub corona venundabant. Argenti, quod captum ex Urbibus erat, pondo 1330. Summa autem illa æris efficit 25330 Philippiſcos: argenti 13300. Ac tales fere, aut minores, omnes illi uſque ad Tarentinum triumphi, qui incidit in A. U. 478. Purpura etiam, ſigna, tabulæ, atque adeo quidquid notabile aut optabile Orbis, aut in eo urbs aliqua haberet, per hanc viam portamque triumphalem id Romam fere inveſtum: etſi quædam etiam extra bellum, vi aut perſuaſione magiſtratuum.

Jam vero poſtquam copiæ & arma extra Italiam miſſa, in grandes illas, & priſcis opibus aut victoriis quoque incluytas regiones, quid auri, argenti, ſpoliorum, non relatum? P. Scipio ex Hiſpania argenti præ ſe in ærarium tulit 14342 pondo, & ſignati argenti magnum numerum. Ea pondo faciunt 143420 Philippiſcos. Idem iterum, victa Carthagine, intulit in ærarium argenti pondo 133000. quæ ſunt nobis ter & decieſ centena triginta millia Philippium. At alter Scipio, victa & diruta eadem Carthagine, retulit 4470 pondo. Et efficiunt 44700 Philip. Neque miremur, minus, quam antea, relatum, quia pleraque urbs, dum capitur, incenſa & diruta fuit: ita opes perditæ, aut ruinis oppreſſæ.

L. Æmylius triumphans de Macedonibus, tantum priores exceſſit, vel magnitudine Regis Perſei, vel ſpecie ſimulacrorum, vel modo pecuniæ, ut bis millieſ H. S. arario contulerit, id eſt, quinquagieſ centena millia Philippium. Nam reperta in theſauris Regis Perſei in auro argentoque 6000 talentum, id eſt, 3600000 Philippium.

lippam. Quod si in solis thesauris & aerario peculiari Regis, quid in reliqua præda publica oppidorum, aut privata hominum fuit?

Cornelius Sylla, etsi splendido triumpho minus intulit, tamen transtulit auri pondo 15000, (1500000 aureorum.) argenti pondo 115000. (1150000 Philip.)

Excessit omnes deinde Cn. Pompeius, in illo, quem de Rege Mithridate & Oriente duxit; intulit enim in aerarium 20000 talentum, ea sunt centena millia Philippam, præter ea quæ in milites expendit: iis enim solis donativi triumphalis nomine largitus est 16000 talentum, id est, 9600000 Philip. adeo ut is, qui minimum accepit, habuerit drachmas 1500. Magna hæc omnia sunt, & vere illo Magno digna: sed hunc hic quoque C. Cæsar, uti acie, vicit & superavit. Is enim intulit 65000 talentorum; efficiunt nobis 39 milliones. Ex paucis his videre est immensas opes in aerario cumulas eas triumphis, quos non omnes, imo nec decimam partem dedimus.

De Auro coronario.

Aurum coronarium dicitur, quod specie triumphorum vel oblatum fuit, vel exactum. Origo ejus, ut focii & amici Imperatori victori coronas aureas offerrent, quasi gratulantes, & meritum ei caput cingentes. Itaque primo quidem coronæ ipsæ datæ, aut missæ: postea invaluit, ut pro iis pecunia offerretur. Hæc accepta à fociiis, aut subditis; & sicut manubias ab hostibus legebant, sic spolia ista occulta ab amicis. Mos plane vetus, & à Græcis ad Romanos imitatione translatus. Cn. Manlius cum Gallogræcos viciisset, eoque terrore Aliam liberasset, in triumpho tulit 212 coronas aureas, pondo, id est, ut singulæ fuerint librales. Ita enim obtinuerat, ut eæ coronæ, ante ipsum victorem latæ in triumpho, populo ostenderentur. Jam ante etiam in Quinctii Flamini triumpho, coronæ aureæ, dona civitatum, translata 114. In Scipionis Asiatici triumpho Livius numerat aureas coronas 234. Appianus in Cæsaris 2822, easque pondo 20414, ita ut 10 pondo, aut circiter, plerasque necessum sit fuisse. Claudius cum de Britannia triumpharet, inter coronas aureas unam habuit, ut minimum, 700 pondo, quam contulit Hispania citerior: item alteram 900, vel potius 1000 pondo, quam Gallia Comata. Etsi non ad usus tales, sed pompam modo fuisse sciamus. Sicut & in torque aureo, quem 100 pondo D. Augusto Galli dederunt. Hæc in speciem tantum; imo plerumque nudo nomine, pecunia ipsa data. Neque coronæ solum ipsæ; sed aurum aut pecunia ad coronas: atque id proprie *Aurum coronarium.*

Non ab ipsis victis (quod putavit Servius) ob vitam hoc aurum datum, sed à fociiis amicisque: datum tamen in pecunia titulo coronario. Et hoc prætextu rapinæ extorcionisque usurpata. Imo vero

vero & ab ipsis Italis, qui tamen immunes talium videbantur esse: decretis enim coronis statuisque, pecuniam ipsam dari sibi curabant. Eo paulatim ventum erat, ut hoc Coronarium non minus tributis fere attereret; nec in triumphis modo, sed in lætitiis quacumque, & primordiis imperii, daretur; atque velut honorarium tributi genus exigeretur. Quid, quod legamus, civitates in alia occasione, atque etiam tristi, coronas has misisse? Appianus in Syllæ funere supra 2000 coronas aureas, magna celeritate confectas, prælatas scribit.

Post prælationem, hæ coronæ in templis, & Capitolio maxime, videntur dicatæ. Imo & triumphale ipsum aedium interdum, aut pars ejus, ibi condita: fortasse ut religio magis fervaret. Solebant tamen & alia templa auro coronario exornare. At Cæsar coronas suas in triumpho ductas vendidit, & ex earum pretio militibus promissa persolvit.

III. DE EROGATIONIBUS.

PERagravimus & onenſi ſumus Triumphalem viam: tempus, deſinere, nec addere ultra, ſed erogare. Ne ergo omnis Roma illationibus tot auri impleatur, nunc exhauriemus, & expendemus non loculis, ſed totis ſaccis, ut ipſum iterum admirandum ſit, unde ad tot expenſas ullæ opes. Oceanus ſi ærarium fuiſſet, dices deſiccandum.

Impendia igitur ſub Principibus *duplicia* fuere, *Necceſſaria*, & *Arbitraria*: ex quibus ſane colligas immenſas & vere admirandas quaſdam opes.

De Impendiis Necceſſariis.

Necceſſaria illa impendia fere trium generum: in *Militem*; in *Magiſtratus*; in *Populum*.

De *Militibus* res clara eſt; ſtipendiis alendos, emeritis proſequendos: & id perpetuo, in legionibus & præſidiis perpetuis jam factis. De his in Militia Romana dictum, ſupra pagina 143, & ſeqq.

Magiſtratus duplices fuerunt, in quos largiter & ſtatim expendendum; *Urbani*, & *Provinciales*. Urbanis quidem Auguſtus inſtituit, ad onera ſublevanda, ad ludos præbendos, & talia, aliquid dare: præſertim Prætoribus, quaſi ex lege. Provinciales autem vel plurimum auſerebant, ut ipſi plures, & per provincias diſperſi. Ea expenſio immenſa, vel hoc argumento, quod Cicero L. Piſoni objecit, eunti in Macedoniam, ut Proconſuli, ſeſtertium centies octogies, quaſi Vaſarii nomine datum. Ad ſola vaſa, inquam, id eſt, ornatum & inſtructum. Et objecit, non quia contra morem fuerit, ſed quia ſupra modum. Quid igitur? eſto vel centies tantum ſumma ordinaria (250000 Philip.) eſto vel quinquagies (25000 Philip.) In tot illis talibus nonne immenſum accreſcet?

Et

Et plura accedunt huic generi, ut Curatores variorum munerum alendi, vel ornandi; ut Legati exterarum gentium admittendi, & munerandi; & quæ scimus in omni Republica esse.

Jam de *Populo*, perpetui etiam & certi in eum sumptus, & præsertim ad alimenta. Nam jam ante institutum, Principes tenuerunt, ut plebem egenam aut tenuem perpetua frumentatione pascere; atque ea labore & sumptu magno paranda, advehenda, & tum gratis distribuenda.

De Frumentatione.

Frumentatio vetus Romæ, & ab ipso etiam Senaru. Ille in rebus & annona arcta, quasi benignus pater miseris plebis, frumentum aliquando divisit, non tamen nullo, sed modico ære. Accessere Tribuni statim, & hoc tam popolare sibi vindicarunt, variis frumentariis legibus latis. Ultimus in hac re Clodius Annonariam legem tulit, ut frumentum, quod antea populo semisse æris ac tridentibus in singulos modios dabatur, gratis daretur. Atque hæc origo, deinde & continuatio, gratuiti frumenti, fuit. Et statim à conjuratione Catilinæ, in Prætura C. Cæsaris, frumentationis sumptus 1250 talentorum. Id sit trecenties HS, more Romano; nostro 750000 Philippicorum. Quin & sub imperatoribus largiter crevit, cum plures adscripti, & classes etiam institutz ad transvehendum.

Numerus accipientium aliquando ad 320000 fuit. Sed Julius Cæsar minuit. Augustus deinde auxit, & 200000 fecit. Hi pauperes, aut saltem qui sublevati gauderent, inter quos liberti, & id genus, maxime fuere. Et fraudes etiam hic factæ: multi enim ideo manumissi, ut frumentum in singulos menses accipientes, & si qua alia liberalitas Principum in pauperes fieret, id totum dominis ferrent, à quibus facti sunt liberi: sic quos puderet ipsos è publico pasci, id fecerunt succidanea libertorum persona.

Distributio frumenti erat mensua: nam in cujusque mensis initio accipiebant per tesseras, quique eas habebat, ad Curatores frumenti dividendi ibat, munus institutum ab Augusto. Quatuor viri enim erant, iique ex honestioribus, & qui ante quinquennium Prætura functi essent. Et Præfectus etiam annonæ proprius, illustri honore, sed qui de advehendo & adservando in horreis satageret, non proprie de dividendo.

Ad hanc frumentationem Augusti tempore ex Ægypto Urbi annua ducenties centena millia frumenti interebantur: intellige, modios. Atqui Africa jam addenda est, quæ duplum ad Ægyptum dedit. Ex hac igitur rationatione frumentum Urbi illatum annuum fuerit sexcenties centena millia modiorum. Sint in dies, circiter 164083. Ingens copia, & quæ sufficiat vel vicies centenis hominum millibus alendis. Nam modius paulo plus minusve Romanis

manis pendit 25 libras: sed Romanas tamen libras; id est, 12 unciarum. Igitur censendum est, plerisque istorum qui caperent, Patres familias fuisse, uxorem, liberos, servulos, habuisse. Itaque largius valde quam in unum caput capiebant: & videtur testera five donatio ordinaria fuisse in singulos, 10 modiorum. Jam & hoc cogitandum; plures etiam in consortium hujus frumenti venisse. An non probabiliter urbanos illos omnes milites? Quid ipsam deinde aulam & Palatinos? nonne item probabile, annonas suas hinc accepisse? An non, & Clasiarios ipsos in Italia milites.

Circa Flavioꝝ imperium, non ipsum frumentum, sed panis distribui coepit: credo, quia lucrum aliquod ex eo fisco capteret, & quo minore modo in plures largitio spargeretur. Is *Panis gradilis* dictus, quia in gradibus divideretur. Idem *Fiscalis*, quia è publico & fisco. Si panes fuerunt bilibres. Aurelianus opsonium addidit, & populo Porcinam carnem distribuit, quæ distributio usque ad tempora Constantini fuit. Oleum quoque perpetuum populo dedit & instituit Imperator Severus. Vinum etiam, ut nequid deesset, Aurelianus statuerat, sed morte præreptus non fecit.

De Impendiis Arbitrariis.

Arbitraria impendia trium maxime generum fuerunt: In *Ludos, Opera; Dona.*

Impensæ in Ludos.

Ludos singulatim si persequar, aut exempla accumulem, seorsim theatrum mihi struendum sit, & novi aliquot sermones. Capita impendiorum tangam, de quibus univèrse sic Lactantius: *Quid dicendum est de iis, qui populari levitate ducti, vel magnis urbibus suffecturas opes exhibendis muneribus impendunt?* Item Ambrosius: *Magistratus in theatris, mimis, athletis, gladiatoribus, aliisque hujusmodi generibus hominum, totum patrimonium suum largitur & prodigit, ut unius horæ favorem vulgi aquirat.* Merito damnant nostri Patres damnosam hanc insaniam, & quæ privatos homines bonis per ludum exuit, Principes ipsos attenuat & debilitat. Atque id discere, cum ex frequentia eorum potes, tum ex apparatu.

Unus Augustus fecit ludos suo nomine quater & vices; pro aliis magistratibus, qui aut absent, aut non sufficerent, ter & vices. Vix arbitrator, ullos ex istis principalibus ludis minoris quingentes, aut & millies sestertio iterisse, (id est, milione cum quadrante, aut & duobus millionibus cum dimidio.) Quod apparatus & pompa facile persuadebunt. Nam in ipso Theatro, Amphitheatro, aut Circo, adornando, qui sæpe sumptus? cum semper gratia aliqua & illicitum novitatis in ipsa forma quæreretur.

Nero Theatrum totum, non scenam ejus tantum auro illevis & obtexit, sed & quidquid illatum fuit, & omne instrumentum ac choragium,

choragium, aureum; itemque vela, quæ superne contra Solem obumbrabant, purpurea tota, & aureis stellis interstincta. Ex quo & dies ille *Aureus* appellatus.

Quid Julius Cæsar, ante Neronem, & nondum Princeps? Is primus in *Ædilitate*, omni apparatu arenæ argenteo usus est, feratque argenteis hastis laceßere, tum primum visum. Cæsar igitur hoc primus, sed non ultimus: nam passim & in coloniis & municipiis argenteæ jam scenæ. L. Muræna, & Caius Princeps, in Circo pegma duxit, in quo fuere argenti pondo 124000, quæ faciunt 1240000 Philip. Nec id pro Caio aliquo sit magnum, imo nec pro privato nimium, quia argentum recipiebant, nec totum peribat, si tamen vellent.

Vis nunc unum & extremum furorem? Heliogabalus Imperator, in Euripis vino plenis navales Circenses exhibuit. Tu cogita, quantum vini profusum, fossis illis & Euripis in Circo ita eo plenis, ut naves inter se concurrere ac certare de velocitate possent. Quid jam dicam tot gladiatorum millia? tot ferarum ex toto Orbe quaritarum? tot equorum nobilium? quæ in vita actisque Principum assidua leguntur.

Addo huc Missilia & sparsiones in populum, id est, Tesseræ ligneas cum notis rerum, aut interdum res ipsas, magno certamine diripiendas. Quæ item velut legitima jam erant in omnibus ludis, ad populum illiciendum. Horum pretia & sumptus ex Neronianis istis colligantur apud Suetonium: *Sparsa & populo missilia omnium rerum per omnes dies, singula quotidie millia avium, cujusque generis multiplex penus, tessera frumentaria, vestis, aurum, argentum, gemma, margarita, tabula picta, mancipia, jumenta, atque etiam mansuetæ ferae, novissime naves, insula, agri.* Notetur hæc jactatio, quanti ea, & quantarum rerum. Præter aurum, gemmas, margaritas; insulas & totos agros dedit: insulas nempe urbanas, & habitabiles domos.

Neque Nero hæc solus: de more fiebant, etsi alius largius parciusque, pro opibus, præberet. Titus sane Vespasiani filius item profutissime in ludis, quos per 100 dies dedicatione Amphitheatri sui fecit. Nam globulos ligneos quosdam de loco superiore in theatrum jaciebat, qui symbolum haberent inscriptum, hic alicujus esculenti, ille vestis, alius argentei valis, alius aurei, equorum, jumentorum, mancipiorum; quæ oportebat eos, qui rapuissent, ferre ad Curatores ludorum, & ab iis accipere quamque rem inscriptam. Credis tu, hæc per tot illos centenos dies fieri potuisse sine impensa bis terque millies HS? ego non opinor: & ubi sumptus ludorum reliqui? Neque miror jam profecto, Hadrianum cum in adoptione Cæjonii Commodi multa in populum profudisset per similes ludos, & in militem, atque is Cæjonius ægro corpore, vitalis non videretur, sæpe dixisse: *Perdidimus quater millies*

HS.

HS, quod populo & militibus dedimus, qui sunt nostri 10 mil-
liones.

Sed dices, Principum virorum modo hæc fuisse. Firas: de Mi-
lone hoc jam olim Cicero, tria patrimonia in has res effudisse. Pro-
bus, filius Alympii, cum ipse Præturam gereret, 1200 pondo auri
absumpsit, id est, 120000 aureorum. Symmachus Senator, unus
è mediocribus, in filii Symmachi Præturam 2090 effudit, id est,
20000 aureorum. At Maximus, scilicet è divitibus, item filii
Præturam 4000, id est, 400000 aureorum. Edebant autem ludos
Prætores non nisi 7 diebus. Vide dies, vide sumptus: quanto im-
maniter plus olim alii? quanto scilicet tunc Resp. florentior, &
majores privatim opes. Si igitur sola sparsio, id est, missilia in
populum, tanti, quid reliqui omnes ludi, & eorum apparatus?

De Donis Principum.

Donæ sequuntur (nam de impendiis *Operum* toto libro 3 agetur)
magnitudine sua non jam inter admiranda, sed stupenda. Si quis
Midas fuisse fingatur, qui omnia tactu faciat aurea, defecerit inau-
rare, quantum isti sunt largiti. Per Principes aliquot lubet ire,
& hoc ostendere.

Ordiam à capite ipso, *Cæsare Julio*, qui nullum largitionis aut
officiorum genus in quemquam publice privatimque omisit. Mi-
litibus singula interdum mancipia vel prædia viritum dedit. Quid
in Senatum & digniores? Vel inviratos, vel sponte ad se commē-
antes, uberrimo congiario profecutus est. Nec hic finis. Extra
Urbem quoque & Italiam ea largitas se diffudit: & non minore
studio Reges arque provincias per Orbem terrarum illiciebat; aliis
captivorum millia dono offerens, aliis quo vellent, & quoties vel-
lent, auxilia submittens; urbes præcipuis operibus exornans. Atque
hæc privatus Cæsar fecit, & nondum in fastigio illo principali.
Magis mireris, si accogites, jam ab adolescentia profusum hunc fu-
isse, & grandi ære alieno oppressum. Debit enim, prius quàm
ullum Magistratum caperet, 1300 talenta. Ea sunt nobis 780000
Philip. Quid vero jam in iplis magistratibus? materies & causa
amplior largiendi. Itaque Appianus scribit, euntem ex Prætura
in Hispaniam, creditoribus renitentibus, dixisse joco: *Millies sibi
opus esse, ut nihil haberet*: id est, ut solum æs alienum solveret,
in suo nihil haberet. Ea reddunt vices quinquies centena millia.
Auxit etiam in Consulatu, & deinceps ad Principatum, ut hominis
hujus ingenium erat, tantum ut daret, querentis. Sed unde ha-
buit & reposuit? Non longe te duxero. Gallias vide: iste fons,
è quo haurit: ibi enim fana templaque Deum donis referta expi-
lavit, urbes diripuit, sæpius ob prædam, quàm ob delictum. De-
nique è tot præliis accessit ingens captivorum multitudo, è qua di-
vendita pecuniam redegit.

Sed lubet singulatim inspicere viri dona. Instante civili motu, in Gallia cum esset, L. Paulum Consulem designatum 1500 talentis flexit, ne contra se staret. Tot talenta reddunt 900000 Philippicū, id est, pene millionem; in virum unum. Quid jam in Curionem, ut pro se staret? amplius longe dedit, 25 alienum ejus totum exsolvit; illud fuit sexcentis H.S. Ea faciunt 1500000 Philippicū, quid nili plurium Senatorum census?

Sequuntur Milites, quibus unice se dedit, atque id ipsum privatus. Certe adhuc in Gallia, cum Pompeius duas legiones colore belli Parthici revocaret; ipse, ut animos sibi pigneraret, singulis abeuntibus 250 drachmas diviuit; id est, 25 Philippicos nostros. Cogita jam duplum in Centuriones, triplum quadruplumque in Praefectos & Tribunos; valde ea largitio crescit. Sed quid in ipso jam bello civili; privatim haud dubie multa; communiter haec largitio fuit. Veteranis legionibus decem, praedae nomine, in singulos pedites super bina sestertia (nobis, sunt 50 Philippaei) quae initio civilis tumultus numeraverat, 20000 nummūm dedit. Ea sunt ipsi Philippici 500. atque ita viritū, & in gregarios milites divisit, cum duplum Centurionibus; Tribunis, Praefectisque alarum quadruplum: praeter hos ergo, & equites, soli gregarii milites acceperunt 15 milliones; sunt autem 30000 militum in decem legionibus.

Atqui an finis est? imo sub ipsum idem tempus largitionem ad populum extendit. Praeter frumenti denos modios, ac totidem olei libras, trecenos quoque nummos, quos pollicis olim erat, viritū divisit, ac centenos pro mora. Populi vero illius, qui frumentum acciperet, grandis numerus, & sub id tempus 320000 erant: accepit ergo totus populus viritū 400 nummos. Sunt Philippici 10. Ergo in summam tres milliones ducenta millia. Ubi olei deinde modus? ubi frumenti? nam viritū quoque denas libras olei, & denos modios frumenti elargitus est.

Augustus non diuturnitate solum Imperii, sed etiam liberalitate patrem superasse videtur. Dona ejus quaedam ante imperium, alia in ipso sunt: & illa magis miranda. Primum militibus & Evocatis, quos contraxit metu Antonii, adita haereditate Juliana, dedit singulis 500 drachmas. Is numerus Evocatorum ad 10000 fuit; ergo hic 500000 Philippicorum. Amplius, eodem pene tempore, cum legiones Quarta & Martia ad se transissent ab Antonio, dedit singulis totidem illas drachmas: iterumque cum in armis decurrissent & speciem praelii perite assimilassent, alteras totidem; quae certe fuerunt ad dictam summam, & longe supra, si Equites & Centuriones suo more computentur; quod & in ipso primo Consulatu, cum signis à Mutina motis Urbem intravit, dedit qui se deduxerant singulis 2500 drachmas, sive 250 Philippaeos; atque ex 8 legiones fuerunt; minima legionum frequentia, surgent
6 milliones,

6 milliones, & Equites ac Ductores omittentur. Ubi autem prædæ, quas egit, aut spolia, quæ cepit? adhuc nulla: quo magis in admirandis hæc donationes tres, à privato Octaviano, & sola spe futura magnitudinis, susceptæ & perfectæ. Sed quarta etiam donatio à privato immensa, aut certe immodica. In Philippenſi prælio, ubi de Principatu actum vel libertate, hic ipſe Octavianus cum Antonio promiferunt viritim 5000 drachmas 19 legionibus, quæ in præſidiis aut Italia sparſæ: præter Auxilia, quæ haud longe infra legiones. Itaque hæc summa eſt ſupra 150 milliones. Atque hæc ille fecit ante Principatum; in ipſo tenuit & cucurrit eundem liberalitatis curſum.

Donationes Augusti in Principatu proponimus ex lapide Ancy-rano. In prima, ex teſtamento patris dedit viritim populo centenos vicenos ſeſtertios. ſunt 3 Philippii in ſingulos. In ſecunda, in quinto ſuo Conſulatu ſtatim poſt Actiacam & Alexandrinam victoriam, ſub triumpho, 400 nummi viritim dati, qui ſunt Philippii 10. nec viris tantum, pueriſque, ſed etiam pueri, in gratiam Marcelli, ſororis filii, aſſecti: ita ut ad minimum fuerint ad 600000 capientium. Fiunt in pecunia impenſa 6 milliones. In tertia, Conſulatu decimo, populo dedit congiarium bis 400, id eſt, bis 10 Philip. viritim. In quarta, Conſulatu undecimo, datæ 12 frumentationes, privatim frumento coempto. In quinta, in Tribunitia poteſtate duodecima, quæ incidit in A. U. 741, cum peregre & è Gallia rediit, plebi reſovendæ & conciliandæ diſtribuit ter uno anno 400, id eſt, Philippicos ter denos, ſive in univerſum 30. In ſexta, in 320000 capita plebis urbanæ dedit ſexagenos denarios viritim, quæ ſumma ad duos milliones, paulo minus (1800000 Philip.) ſe attollit. In ſeptima, donatione militari iis dedit, qui in colonias miſſi aut mittendi, 1000 nummum; acceperunt autem viritim hominum circiter 120000. In octava, in Conſulatu decimo tertio, ſexagenos denarios dedit in 200000 capita frumentantium. Liberalitates ejus plures ex facili dederim, ut ipſe dare facilis, etiam per ludum & jocum. Cujuſmodi iſta: Omnibus qui ſecum pila luſſent, ſeſtertia 100 dari Cæſar Auguſtus juſſerat, ſoli Cælio 50. Magna donatio in ludicra iſta cauſa, ſingulis 2500 Philippii. Iterum totidem Græculo cuidam pro carmine, & audaculo diſtichio factoque.

Aliorum quoque Principum carptim aut ſaltuatim quædam tangam. In *Tiberio* pauca ſunt, parca ille manu & reſtriſta fuit, atque ita moriens in theſauris reliquit vices ſepties millies H.S., (id eſt, 66 milliones & 50000 Philippi.) vel ut alii verius, ter & tricies millies H.S. Sunt 81 milliones. Quod Caligula non toto ver-tente anno abuſumpſit; ille vero ſtatim exhaustus & egenſ, atque ad rapinas ſe vertit.

In Claudio notatur prima liberalitas in auspiciis imperii, cum militibus omnibus ubique viritim remisit 5000 drachmarum, qui sunt 500 Philippæi. Quæ donatio superat omnes jam dictas, & fortasse dicendas.

Nero sequitur, qui divitiarum pecuniæ non alium fructum putabat, quam profusionem. Itaque nepotinos ejus sumptus frustra colligam, in Suetonio atque aliis patent; quædam addam, quæ magni & laudabilis animi sunt visa. Militi Prætoriano ob causam aliquam jusserat centies HS numerari: id est, 250000 Philippicūm. Et cum Agrippina mater, mirata improvidam fortasse liberalitatem, jussisset totam eam pecuniam ipso coram, in mensa exponi & expandi, ut sic vel aspectu poenitentiam eliceret: ille magno animo jussit alterum tantum addi, & *Nesciebam*, inquit, *tam exiguum me dedisse*. Hoc Nero in militem: sed quid in regū sanguinis Teridatem? Is per 9 menses continuos Romæ, aut in finibus Romanis, fuit, & toto eo tempore imhunis habitus ab omni sumptu. Decreta igitur ei diem 800000, quæ sunt 20000 Philippæorum. Numera in mensem, quid ea nisi 600000? In 9 menses, 5 milliones, 400000. Jam abeunti datum millies HS: quasi in viaticum, quod iterum efficit 2 milliones & dimidium. Atque ista conspicua & signata liberalitas Neronis est; quid minores aliæ & sparsæ, sed coalescentes in grandem summam? nam donationibus bis & vicies millies HS effuderat. Eæ sunt 55 milliones.

Severus Imperator, Decennalia imperii celebrans, una donatione in populum, qui frumentum solebat accipere, & in Prætorianos, effudit bis millies HS, id est, 5 milliones. Commodus vero Imperator pene triplum ejus, quod Severus postea dedit, populo congiarium donavit. Hæc de *Opibus publicis*.

DE OPIBUS PRIVATIS.

OPes privatae & ipsæ magnæ fuerunt, & per multos sparsæ: Quis nescit, Senatores aut Senatorios plurimos fuisse, & plures longo Equites Romanos? Atqui primus illis census sub Augusto fuit decies HS, sive 25000 Philippæorum. Itis, id est, Equitibus, census 400, quæ faciunt 10000 Philippæorum. Hic census, quem necessario haberent; quam multi autem, & plerique omnes excessere? Ac lubet paulisper recensere hos divites.

Crassus, cognomento *Dives*, dicebat, neminem divitem esse, nisi qui exercitum, 6 legionibus, & magnis equitum ac peditum auxiliis constantem, suis fructibus alere possit. In agris ille possedit bis millies HS, solos architectos & fabros in servis habuit ad 500. quorum operam elocabat in Urbe ruinis vel incendiis obnoxia. Quid deinde fervorum ad reliquos usus, domi vel in agris? Universe ejus opes fuerunt bis millies, sive 5 millionum, dirissimus

post Syllam Quiritium, post cum plures etiam opulentiores, qui ad ter millies, aut circa pervenerunt.

D. Domitius, successor in Galliam Cæsari destinatus, agris sane abundare debuit, qui Corfinii obsessus, ad animandos milites, in concione agros ex suis possessionibus pollicetur, quaterna in singulos jugera, & pro rata Centurionibus Evocatisque. At enim 30 cohortes ibi militum, id est, circiter 12000. Ea sint igitur 48000 jugerum: quid jam in Centurionibus & Evocatis, quibus duplum debebatur?

Poppæus quidam sub Caligula possedit aliquot flumina in suo orientia, in suo cadentia, ut loquitur Seneca. Oportuit igitur totas regiones possedisse. Uti C. Antonius ille, collega Ciceronis in Consulatu, totam Cephalleniam Insulam, velut proprium patrimonium habuit, atque ibi oppidum etiam novum struxit.

Inter divites L. Cornelius Balbus etiam merito locandus, qui moriens populo Romano viritum legavit denarios 25, sive aureum Romanum unum. Quid putemus nunc hæredes, & legatarios habuisse? Senecam ter millies H S, id est, 7400000 Philipp. possedisse, amicus illi Tacitus scripsit, & inimici cum multa invidia objecerunt. C. Lentulus Augur, divitiarum maximum exemplum, antequam illum liberti pauperem facerent, quater millies H S. suum vidit. Hic, stupor! ergo possedit ipsos 10 milliones, Regum aut certe Regulorum opes. Pallas libertus quater millies in bonis habuit, id est, 10 milliones. Et hoc ipsum de colliberto ejus Ælio Narcisso Dio narrat.

Sed aula hos beavit, inquires. Vis igitur, & homines, non è Senatû vel aula? ecce è media plebe unum. Sub Augusto C. Cæcilius Claudius Isidorus testamento suo edixit: Quamvis multa civili bello perdidisset, tamen relinquere servorum 4116; juga boum 3600, reliqui pecoris 250000, in numerato H S sexcenties, id est, 1500000 Philip. Funerari se jussit H S 11000. Belisarius ille, sub Justiniano magnus, 12000 puerorum propria habuit. Athenæus affirmare scribit, quosdam Romanorum ad 10000 aut 20000 servorum habuisse; nec ut quæstum ex iis facerent, sed ut assedas aut subsequas eos modo haberent. De aliis armentis simile quid legimus in Vopisco de villa Valeriani privata, in qua 500 servi, 2000 vaccarum, equæ 1000, ovium 10000, caprarum 15000 fuere. Et communia hæc, certe non nova, in opibus, illo ævo.

Quid autem, quod etiam inferiore ævo, rebus & imperio labentibus, magnæ istæ opes? Multæ Romanorum domus in annuo redditu accipiebant è possessionibus ad 400000 aureorum, idque absque frumento, vino, & aliis speciebus, quæ si venderentur, facile trientem æquarent illati auri. Secundariæ autem domus quindecim centenarios aut decem auri recipiebant. Addam distincte & unum exemplum. Gordianus adhuc privatus ditissimus & potentissimus

fuit;

fuit, in provinciis tantum terrarum habens, quantum nemo privatus. Quæsturam magnificentissime gessit. Ediditque sua tempore populo Romano 12 munera, id est, per singulos menses singula, de suo exhibuit: ita ut gladiatorum nonnunquam 500 paria exhiberet, nunquam minus 150. Peras Libycas una die 100 exhibuit, ursoſ una die 1000. & plura deinde animalium in minutum: quæ omnia populo rapienda concessit. Amplius de eo; in omnibus civitatibus Campaniæ, Hetruriæ, Umbriæ, Flaminia, Piceni, de proprio sum per quadriuum ludos scenicos & Juvenalia edidisse. Qui bene hæc tollit singula & pensitat, quique scit quid sit ludos olim edere; nescio quæ iam trutinam repetiet ad tot illa ponderanda aut æstimanda.

LIBER III.

DE OPERIBUS ROMANIS.

AD Opera ducimur, quæ ordine sequuntur. Duplicia autem ista Romana Opera: *Temporaria*, & *Diuturna*. Illa, quæ subito & in breve tempus aliquod excitabantur, è terra aut ligno plerumque. Ista longum, & mansura, è latere, lapide, & matèrie firmiore.

DE OPERIBUS TEMPORARIIS.

Temporaria iterum duplicia: *In militia*, & *extra eam*; atque utraque merentur justam admirationem. Nam siue Militiam videas, quis Possas, Vallos, Aggeres, & talia terrea; iterumque Materialia, Turres, Testudines, Musculos, Vinſas, legit, tam multa, tam crebra; & aut industriam, aut vires hæc patrantium, non æstimet & admiretur? Siue extra eam quedam in voluptatem aut splendorem structa; quomodo idem affectus non insinuet animo vel irumpat? De Militaribus jam dictum in libris *De Militia Romana*, & *De Machinis*. Igitur pauca ex civilibus tangam.

Inter Opera civilia ludicra præcipue fuere; ut, Theatra, Amphitheatra, Circi, & magnæ ejusmodi moles, structæ sæpe in paucos dies, & pene ut desiderantur. Duo exempla in Plinio, etiam cum ejus, quæ tam multa admiranda viderat aut legerat, nimia admiratione. *M. Scaurus in Edilitate sua fecit opus omnium maximum, quæ unquam fuere humana manu facta. Theatrum hoc fuit. Scena ei triplex, in altitudinem 360 columnarum. Ima pars scenæ è marmore fuit, media è ætro, inaudito etiam postea genere luxuria. Summa tabulis inauratis columnæ; ima sè*

pedum. Signa area inter columnas fuerunt 3000 numero. Caries ipsa cepit hominum 80000. Sed & reliquus apparatus tantus, atque vestes, tabulæ pictæ, cæteroque choragio fuit, ut in Tusculanam villam reportatis, quæ superfuerant, quotidiani usus delicias, incensa villa ab iratis, concremaretur ad HS bis milles, id est, 500000 Philipp.

Alterum exemplum ex eodem Plinio, qui jam dictis subnectit: Ausert animum, & ad finitum itinere digredi cogit contemplatio tam prodiga mentis, aliamque connecti insaniam e ligno. C. Curius, qui bello civili in Caesarianis partibus obiit, funebri patris munere, Theatra duo iuxta fecit amplissima e ligno, cardinibus singulorum versatili suspensa libramento, in quibus utriusque, autem iudicio ludorum spectaculo edito, inter sese avertis, ne invicem obstreperent scenæ: & repente circumactis, ut contra starent: postremo jam die, discedentibus tabulis, & cornibus inter se coeunsiis, faciebat Amphitheatrum & gladiatorum spectacula edebat, ipsam magis auctoritatem Populum Romanum circumferens. Quid enim miremur hæcque in hoc primum? inventum, an inventum? artificem, an auctorem? ausum aliquem hoc excogitare, an suscipere? Super omnia erit populi furor, sedere ausi tam infida instabilisque sede. Ecce Populus Romanus universus, velut duobus navigiis impositus, binis cardinibus sustinetur, & se ipsum depugnans spectat, periturus momento aliquo, luxatis machinis. Diserte ista Plinius, & culpans simul ac laudans.

Plura huius generis passim, sed in circumfusa rerum copia, excerptimus pauca & eligimus. C. Caligula pontem struxit in ipso mari navibus impositum; magnitudine trium miliarium & quadramis: id est, toto illo spacio, quantum est à Puteolis ad Baïlos. Per hunc triumphantis ritu cum Senatu militibusque incessit spectante toto populo; in eodem epulatos, noctem etiam pervigilem egit, inter lascivias & ludos. In paucis etiam diebus pontem hunc totum structum narrant; immensum opus perpendenti, sed cui tandem vanitas detrahit: nam quo fine structum, nisi ut destrueretur?

Caracalla, quem alterum Caligulam licet dicere, non suis solum, sed alienis opibus procerve abusus, cum adigeret homines Senatorii ordinis, quoties Romæ egredieretur, domos & prætoria varia struere, item diversoria splendida, etsi in plerisque non solum non acturus hæsurusque erat, sed nec ea visurus. Amplius, ubicumque hyematurus erat, aut etiam putabatur hyematurus, cogeantur Amphitheatra & Circos struere, nec in sumptum quidquam ab eo sapientes; & ea ipsa mox diruenda.

DE OPERIBUS DIUTURNIS.

A Damnoſis iſtis & Temporariis ad ſtabilia & utilia veniamus, & quæ ſunt perpetua. In hoc genere multa ſunt Romanæ magnificentiæ, nec in Urbe ſolum aut ipſa Italia, ſed per Terrarum Orbem ſparſa. Licet dicere, divino munere Romanos datos, ad quidquid rude, expoliendum; ad quidquid infectum, faciendum; & ad loca homineſque elegantia & artibus paſſim exornandos. Quot oppida nova ſtruſta? vetera ampliata, aut reparata? in iis *Templa, Baſilica, Fora, Porticus, Aquæductus, Viæ, Theatra, Circi*, & plura, quæ aut uſum haberent, aut amœnitatẽ. Quid jam privatæ ſtruſturæ? ut *Domus, & Villa*? omnia ſplendida, ab ingenio ſimul & pretio commendanda. Non per ſingulas provincias, urbes, agros, ibo: ſolam Romam oſtendam, omnium operum opus, & in qua ſola fuit, quidquid ubique fuit. Nam & coloniæ ſua Capitolia, Fora, Baſilicas, Theatra, & talia habebant, ad urbis dominiæ & parentis ſuæ ritum.

De Situ & Forma Urbis.

Non ſine cauſa Dij homineſque hunc Urbi condendæ locum elegerunt: ſaluberrimos colles (hodie tamen vix ita ſunt, ſed cauſa, ſolitudo, & deſertio; tum & auræ è vicinis paludibus vel æſtuariis) flomen opportunum, quo ex mediterraneis locis fruges devehantur, quo maritimi conventus accipiantur (Tiberis ille pater, qui Urbem ſecat, latus circa eam, ut Dionyſius monuit, 4 jugera, ſive pedes 400; profundus ſic, ut maximas naves ſuſcipiat & portet) mare vicinum ad commoditates, nec expoſitum nimia propinquitate ad pericula claſſium exterarum; (nam diſtat 16 millibus paſſuum, ſive 120 ſtadiis) regionum Italiæ medium: in longitudine quidem, nam latitudinem ſi ſpectas, ſinem tenet. Eſt & munitiſſimo loco ſita Roma, nec Alpibus ſolum ab omni vi ſubita, ſed Apennino deſenſa.

Forma veteris Romæ, quali ſub Romulo fuit, quadrata. Sed in ſuo flore propemodum rotunda (etſi haud juſte tamen) & ſeptem ſuos colles amplexa, grandem ambitum fecit. Scribunt veteres, Servium Tullium Regem, ad quinque colles jam incluſos urbi duos addidiſſe, Viminales & Eſquilinum, talem tantamque deinceps fuiſſe Romam.

Liquet autem, Romam quaſi duplicem fuiſſe; unam clauſam muris; & alteram non clauſam, quæ tamen in orbe circumſecta eſſet, & continentibus ædificiis inſtruſta. Illa habebat in ambitu 23 milliaria: hæc 42. Itaque totus ambitus interioris & exterioris Romæ erat 42 milliaria. Aurelianus vero muros Urbis ſic ampliavit, ut 50 prope millia murorum ejus ambitus tenerent. Quid miraris? an adeo tale nihil alibi? Ecce in ipſa Italia urbs Locro-

rum (nec ea inter has maximas) 12 millia in ambitu habuit. Quid Carthaginem illam, Romæ æmulam? 24 millia passuum circumdedit. Ipsa Constantinopolis olim 22. ut hac quoque parte compar matri suæ esset. Denique ad Tartarōs & Sinenſes si abeat hodie reperies exempla.

Iste Urbis fuit ambitus, sed desiit. Nam ecce cum Constantinus sedem Imperii tranſtulit, & una ſecum tot nobiles familias abduxit, frumenti etiam trientem abſtraxit, denique ſe ipſum & æulam; nonne probabile eſt, Romam iterum valde minuiffe? idque in extremis & longinquis maxime, ut ſolet: atque ita reditum, collapsis au diſſectis Aureliani muris, ad veterem ambitum & modum. Ne mihi aliquis rurfus dixerit, muros hodiernos contra noſ eſſe. Tum veteres eos potes credere? & ita neſcis, toties dirutam, incenſam vaſtatam, iterumque inſtauratam & reſectam eſſe? Noli arbitrar quod in iisdem veſtigiis, nam qua ſpe eiſdem frequentia aut ſe licitatis? Imo Honorius contraxit, poſt Belifarius, Narſes, denique & Pontifices Romani; e quibus Hadrianus Primus muros eos, qui nunc exſtant, 100000 aureorum e Tuscia contractis, exſtruxit.

Magnitudo Suburbiorum Romæ.

Romam duplicem hætenus habuimus, veteri ambitu, & novo eſt & tertia quædam ſine ambitu, & quæ in ſuburbis procurrit. Ea quoque ingens, & Plinii imagine offeſſenda, qui ait: exſpantiantia tecta multas addidiſſe urbes. Plures, inquam, ſunt urbes & tot quot ſuburbia. Quæ Tibur, Oriculum, Ariciam, atque alio excurrerant, ſed maxime Oſtiam, & mare verſus. Illuc ve ad 15, aut circiter, milliaria procedebant: & fidem huic aſſertionem Neronis conſilium ac deſtinatio faciat, cui ab hac cauſa viſum Oſtiam tenus mœnia promovere, atque inde poſſa mare veteri Urb inducere: etſi non effecit.

De hac magnitudine jam ſuo ævo Dionyſius: *Omnia loca circa urbem habitata, ſine manibus eſſe; in quæ ſiquis intuens, magnitudinem Romæ exquirere velit, fruſtra cum fore, & hæſurum ubi deſinat urbs, ubi incipiat. Adeo ſuburbana, inquit, ipſi urbi adhærent & innexa ſunt, & ſpeciem immenſæ longitudinis exhibent ſpectanti.* Et Ariſtides Rhetor, qui vixit ſub Hadriano, cum Urbs in ſummo flore, haud vana μεγαλοπρεπεία dixit: *Tantam Romanam eſſe, ut in quacumque parte quis conſtiterit, nihil impediat, & in media eum eſſe.* Quem locum hæc talia habeant, niſi in magnitudine iſta aditructa?

De Hominum in Urbe multitudine.

Opportune additur multitudo habitantium, argumentum præ magna noſtra Roma. Hanc colligere & affirmare poſſumus ex veſtigiis Scriptorum, quæ ſagaciter ibo indagatum.

Ex lapide Augusti, itemque è Suetonio constat, 320000 aliquando fuisse plebis urbanæ: plebis, dico, tenuiores, & quæ è publico victitaret; imo supra. Considera, & institue ratiocinium; si tanta multitudo inopum istorum, quanta jam etiam divitum? Quot illi Senatores aut Senatorii? quot Equites, & ex ipsa plebe honesti? Visne illos quoque 300000 fuisse? age sunt vel 200000 tantum; quid conficitur? pueros fœminasque addendas & quo numero? profecto duplo triploque (si non ultra) superarunt: & ita ubique gentium aut urbium observamus. Habebimus jam nunc in nostra Roma duos hominum milliones.

Rursus probabile est, totidem servos Romæ, quot liberos fuisse, imo plures. Nam tenuium, quotusquisque fuit, cui non unus alterve servulus? At divites illi agmina eorum post se trahebant: nemo certe divitum istorum aut lautorum fuit, cui minus centenis aut ducentis, qui in varia sua officia aut munia divisi. Jam igitur 3 aut 4 milliones servorum, quantum nec in provinciis quibuldam & regnis. Quot jam peregrini ex toto Orbe Romam venerunt? alii negotii sui causa, alii publici; multi & mansionis. Ita semper ea urbs referta iis, cum hi inirent, alii exirent; atque ipsa, ut mare, admitteret, nec cresceret minueretve. Itaque Aristides Romam dicit esse velut commune totius terræ oppidum. Athenæo Roma est Orbis compendium & Epitome. Eadem Urbs urbium dicta, quia videre in ea est omnes urbes collocatas. Nam & totæ Nationes illic simul & confertim habitant. Ut jam igitur hoc claudam & definiam, putasne & servos & peregrinos minus duobus millionibus fecisse? Ita in universum sint 4 Romæ, & circa eam; nec mitius aut contractius possum. Quid autem hoc magnum sit? cum & alias urbes reperire est affatim populas, Cæsarea Cappadociæ (nec ea inter urbes principes) 400000 incolarum habuit. Et hunc ipsum numerum aut circa, Lutetia Parisiorum in censum defererebat, ante ultimas istas turbas. Agrigentum Siciliae olim 800000 hominum inhabitavit. Sed hodie nonne Cairum in Ægypto scribitur ad 7 milliones hominum habere? Et Quinzai illud famosum, ad 1600000 familiarum? præ quibus nostra illa frequens Roma decreseat.

At ecce hodierna Roma, quam relinquitur, & à veteri illa abest? nam præcipuos illos collos, & valles etiam, vacua habet & deserta. In veteri illa, etsi ubique obvia Tempia, Porticus, Basilicæ, Theatra, Circi, Fora, Balneæ, Thermæ, cætera publica, quæ vel magnam partem, si non maximam, urbis occuparunt; non tamen vacua, sed plenissima fuerunt. In balneis & thermis an non multitudo curantium, ministrantium, ad observandum, purgandum, aquam aggerendam, lavandum etiam, fricandum, ungendum, siquis servum non habuisset? Tempia autem, basilicæ, fora, suos custodes & ædituos habebant, satis grandi sane numero, ob sacri-

ficia, ob ornatum, & tutelam. Et passim curatores, & servi item Publici in publicis istis locis.

Sed duo non omittendi ad frequentiam urbis, Milites, & Palatini. Milites tot illi in præsidio Principis aut Urbis erant: iis sui calones, & honestioribus servi plures; certo ad 100000 excreverunt. At Palatinos dico totam Principis aulam, in qua tot officia aut ministeria. Est & tertium genus. Meretrices & scorta utriusque sexus ingentem numerum reddiderunt, ut in Urbe, quam multi cælibes, multi exteri sine uxoribus inhabitarent aut frequentarent. Quid jam gladiatores, venatores, scenici, quadrigarii, xyfici? multa millia fuerunt.

Duo adhuc argumenta multitudinis addam. Primum quidem jocosum ex Lampridio. Heliogabalus servis imperavit, ut omnes araneas colligerent in urbe, atque ii collegerunt ad 10000 pondo: ut vel hinc intelligendum, quam magna Roma esset; quot enim domorum angulos excuti oportuit ad hoc pondus? Alterum argumentum triste, & à peste. In Eusebii Chronico traditur; sub Vespasiano ingentem Romæ luem factam, ita ut per multos dies in ephemeridem 10000 mortuorum referrentur. Nec nimium pro nostra Roma, quando in Cairo etiam legimus ad 20000 hominum in dies absumpta. Sub Nerone pestilentia unius autumnii 300000 funerum in rationem Libitinæ venerunt. Per hanc ergo frequentiam Romæ factum, ut paulatim Italia pene deserta esset, cum plerique eo confluerent, ob frumentationes, ludos, & alios usus, aut voluptates: multi quoque maluerunt manus in theatro movere, quam in aratro. Quod maxime fuit post frumentationes sic largiter & firmiter institutas.

De Ædificiis Urbis communiter, & de eorum Altitudine.

Inimus nunc ipsam Romam & perambulamus ac lustramus. *Tria* in Urbe miranda canit Claudianus, *Altitudinem, Spatium, & Decorem*. De *Spazio* hæcenus dictum, duo alia exsequamur.

Altitudo consideranda, sive in collibus ipsis ædificatio, pulchra specie; sive singulatim in operibus ipsis. Quod ad colles, quomodo non bellum, videre eos publicis privatisque ædibus infelios, gradatim declinantes, & velut superas quasdam urbes urbi inferæ imminentes? Itaque Plinius, cum de magnitudine dixisset; *Quo*, inquit, *siquis altitudinem tectorum addat, dignam profecto estimationem concipiat, fateaturque, nullius urbis magnitudinem in toto Orbe potuisse ei comparari*. Quæ altitudo tamen in templis, aut publicis maxime. Cæteræ ædes non communiter sic altæ, nec humiles tamen fuerunt. Nam Augustus Princeps, cum ambitionem in ædificando videret, atque alte attollendo, eamque cum discrimine & periculo ruinæ; sive etiam quia aërem interciperent, & nimis inumbrarent; coërcuit, & 70 pedes definivit in modo ædificiorum.

ficiorum. Nero hoc ipsum postea secutus; cum ab incendio Romam instauraret. Sed non sic communiter; nam multæ ædes, & in primis omnes publicæ, extra legem hanc fuerunt. Quid si & divites illi nobilesque neglexerint? ego arbitror, sive gratia impetrata, sive & ea neglecta. Et titulus sane fuit: quia lex in futuras novas ædes cavebat, structas non diruebat, & fas easdem sic reparare. Quidquid tamen sit, si vulgo ædes omnes septuagentum pedum, satis conspicua ea altitudo, præsertim ubi tecta compluviata, aut testudinata, quod sæpe. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illa altitudine quid minus, quam quaterna aut quina coenacula? quorum frequentia studebant.

De Decore ædificiorum.

Ad Decorem transeo, qui varius; in mole, in materia, in artificio, in symmetria, siquid aliud elegantia aut peritia amat. In hac quoque parte quin Urbs omnes Orbis urbes superarit, nemo dubitet. Quidquid artificum insigniorum Græcia aut Asia habuit, Romam evocabantur, aut ultro veniebant: quippe hic præmia. Et quidam ex iis, quibus ingenium & audacia erat, etiam quæ natura denegavisset, per artem tentarunt. Sed primus aut præcipuus decoris hujus auctor Augustus, qui urbem neque pro majestate imperii ornata, & inundationibus incendiisque obnoxiam, excoluit adeo, ut jure sit gloriatus, *Marmoream se relinquere, quam lateritiâ accepisset*. Alter ab eo Nero Imperator; qui ambitione impulsus urbem incendit, ut novam melioremque repararet. Sub Trajano autem viderur culmen fuisse pulcritudini urbanæ; adeo ut & Plinius & Cassiodorus Romam totam, ac per partes, miraculum esse, & inter prima Mundi spectacula censuerint. Sed paulo distinctius membra hujus pulcherrimi corporis videamus.

De Capitolio.

Divina, à quibus rerum hominumque ortus, præeant, & totum hoc pulcritudinis agmen ipsa ducant. Fuerunt Romæ 424 templâ; pleraque ex his magnifica, & aliter atque aliter structa, vel instructa. A templo Tarpeio sive Capitolino exordiemur, non quod pulcherrimum: sed quia primarium, & Dei Principis; itemque quia multa substructionum mole, & opibus ac tempore pleraque præibat.

Mons Saturnius primo dictus fuit; in quo hæc ædes, tum Tarpeius, & mox Capitoliinus, à capite hominis (cui vivo Teli nomen fuisse Arnobius tradidit) invento, dum fundamenta moliantur. Sed hæc nota, non vulgo nimis illud, duplex Capitolium fuisse, *Vetus & Novum*. Illud in regione sexta Circi Flaminii, à Numa constructum. Istud in regione octava fori Romani, à Tarquinio Prisco. Is complanato monte Tarpeio struere coepit, ex voto, quod voverat bello Sabino, idque oppido Apolis capto, e manubus & præda:

præda: sed fato præventus absolvendum nepoti L. Tarquinio Superbo reliquit, Regum ultimo; etsi Servium quoque Tullium aliquid addidisse, sociorum studio adjutum, Tacitus (sed solus) dixit. Præcipuus tamen auctor operis Superbus, qui Sueffa Pometia è Volscis capta, dividendita præda, cum 400 talenta argenti aurique recepisset, (ea sunt 240000 Philippæorum) concepit animo eam amplitudinem Jovis templi, quæ digna Deum hominumque Rege, quæ Romano imperio, quæ ipsius etiam loci majestatem esset. Nec tamen vel Tarquinius supremam manum imposuit, & gloria operis libertati reservata. Pullis Regibus, Horatius Pulvillus Consul dedicavit, ea magnificentia, quam immensæ postea populi Romani opes ornarent potius, quam augerent.

Capitolium ipsum Tarquinius describit his fere verbis Dionysius: *Situm est in alta crepidine, habetque in ambitu 8 jugera, sicut latera singula 200 fere pedum sint, exigua latitudinis & longitudinis differentia, nisi quod ista illam vincit vix pedibus quindenis. Qua parte frons ejus meridiem spectat, triplici columnarum ordine circumcingitur, ab aliis lateribus duplici. In ipso sunt tres cellæ ex ordine, à lateribus communione parietum clausæ. Media est Jovis, utrimque altera Junonis, altera Minervæ, sub eodem laqueari eodemque tecto.* Verba si examinemus, 8 jugerum ambitu fuisse dicit, id est, pedum 800: sed sic ut quadrum esset, imo pene quadratum, nisi quod longitudo 15 pedibus superaret. Egregia capacitas, & apta proportione. Ait, frontem ad meridiem spectasse, id est, Forum Romanum & Palatium versus, frequentissimam Urbis partem. Ergo ab ea quoque parte 100 gradus, quibus superbe adibatur: quos tamen continuos fuisse non arbitror, & retractiones suas habuisse, id est, arcolas, ubi fessi pedem figerent & respirarent, quas post singulos 7, aut 9, graduum ordines solere interponi, Architecti notarunt. Gradus autem isti haud dubie ad majestatem, eoque & in aliis templis, etsi pauciores, soliti usurpari. Sed ibi ratio, hic necessitas, & locus editor, voluerunt. Addit columnarum triplicem ordinem, quas L. Sylla Athenis, è templo Jovis Olympii advexit. Quam multæ ex fuerint, haud dixerim, quia varia proportio in collocandis. Tres in ipso cellas locat Dionysius pro tribus Diis: nec alii quidem Dii in Capitolio, excipio Juventutem & Terminum, qui cedere scilicet noluerunt exaugurantibus. Mons tamen passim & pene totus Deorum aris, statuis, templis, infestus.

Sed notandum, quatuor in hoc ipso loco, ex ordine, fuisse Capitolia. Nam *primum* illud Tarquiniorum, bello civili Syllano, incendio periit, negligentia custodum. *Alterum* ipse Sylla instruxit, sed non dedicavit; quod unum felicitati suæ defuisse, ipse apud Plinium fatetur: Lutatius Catulus dedicavit & nomen inscripsit. *Tertium* fuit à Vespasiano: nam illud Catuli arsit civili
iterum

iterum bello Vitelliano: atque iste reparavit iisdem vestigiis, sed & dedicavit. *Quartum* Domitianus instauravit. Sunt hæc igitur 4. Capitolia, sed in eodem loco repolita semper, atque innovata. Capacitas Capitolii, pro mensura jam assignata largiter data, erit hominum 8000. Altitudo, quæ minima esse potuit, fuit 200 pedum, sicut in Pantheo Agrippæ; par item latitudo & altitudo. Juvit & decuit altitudo, ubi tanta multitudo, aut aer laxior ac liberior ad respirandum, ad refrigerandum: alioquin ubi arctatio & compressio, scimus quam subito animo male fiat.

Ab ædificiis ad ornatum pergo, qui tamen varius in vario isto opere. In illo Tarquinii Capitolio ænea limina, & trium mensarum argentea vasa in cella Jovis, Jovemque in culmine cum quadrigis aureis Ædiles posuerant: item clypea inaurata. Post Carthaginem eversam laquearia inaurata fuerunt, id est, totum illud internum cælum & cameratio. Illud Catuli, fastigiatis supra tectis, auro puro fulgens præluxit Capitolium. Catulus enim primus tegulas æreas Capitolii inauravit. Sane hoc magnificum & vere splendidum fuit; & quis ille fulgor, Sole irradiante? Fuit & ad firmitatem aptum æs, & contra æruginem aut rubiginem valuit inductum aurum. Cætera donorum & ornamentorum varia, Coronæ aureæ, Victoriæ aureæ, candelabra, vasa, & quæ tu tibi subijcias. Illud omnino observandum, omnibus his detractis, ex Ægyptiaca præda alia victorem Augustum reposuisse; detractis ex S.C. ut tam multis his novis & melioribus locus fieret. Id vero ipsum tempus fuit, quo una donatione in cellam Jovis Capitolini contulit 16000 pondo auri, (id est, Philippicorum 1600000.) & quingenties H S in gemmis, id est, 1250000 Philipp. Quid censēs in duas alias collatum? nam & eas sua dona accepisse Dio disertim dicit. Pleraque tamen horum perire incendiis. Sub Domitiano quæ & quanta fuerint, ex Plutarchi verbis suspicemur: qui ait, in solam inaurationem privatum omnem modum excedentes opes impensas, nempe supra 12000 talentorum. Ea sunt nobis 7200000 Philippæorum, sive 7 milliones; & quod excedit. Tanti igitur inauratio, quæ fuit non in lacunaribus solum, sed in tegulis æreis, ut illo Catuli. Nec restā modo inaurata, sed ipsæ fores auratæ, & crassis laminis obductæ, quæ mansere ad Honorii Imperatoris ævum. Tunc in pecuniæ inopia Stilico mandasse perhibetur, ut fores in Capitolio Romano, quæ auro magni ponderis erant obductæ, laminis iis spoliarentur. Cum autem qui hoc facere iussi erant, id agerent, in parte forium scriptum reppererunt: *Infelici Regi servantur*. Quod eventus docuit; nam Stilico paulo post infelicitate periiit.

De Templo Panthei.

Pantheon ab Agrippa genero Augusti structum fuit, & opus notum est, hodieque (etiā ornamentis omnibus spoliatum) ipsum corpus

corpus exstat. Struxit in tertio Consulatu suo, quod inscriptio frontis indicat; sed perfecit biennio post, & dedicavit, A. U. 729. Quæ causa nominis, ipse Dio dubitat. In Glossis illis priscis legitur, *πᾶσιν θεοῖς*, *Omnium Deorum*. Sed & Athenis, atque alibi, τὸ κοινὸν τῶν θεῶν ἱεγὼν fuisse, *commune Deorum Templum*, ex Pausania disco: cui & origo esse apud Romanos potuit, ex communi Deorum sacro, de quo Festus. Sed Dio tamen aliter: & movit ipsum, credo, quod paucae & certæ in eo statuæ essent, neque Diis communiter positæ. Fuit enim Martis, Veneris, (in cujus auribus sextus famosus ille unio Cleopatæ) & Cæsaris Julii: ipsius Augusti, cum sua, in vestibulo posuit Agrippa. Jupiter autem præcipuus, & præses ibi, Deus fuisse videtur: sed & plures alii, eoque nomine haud male Pantheon, etsi Dio à cæli forma magis petit, quoniam id scilicet receptaculum & sedes Deorum.

Hoc inter pulcherrima operum Plinius recensuit: quid mirum vel ab ipso isto corpore, sed spoliato & nudo? Nam artificium & symmetria per omnes partes, maximas, minimas, in eo mirabilis; decor, ordo, devotio singularis, ut Sebastianus Serlius, vir peritissimus talium, habendum censet hoc velut unicum exemplar consummatæ Architecturæ. Latitudo atque altitudo par est, pedum 144. Amisit de specie, quod rudera locum sustulerunt, & gradibus in templum nunc descenditur; atqui antea ascendebatur. Testum & ipsum æreis tegulis, quæ prægrandes aliquot in fornice repertæ: nec dubitandum & has auratas fuisse. Abstulit eas tegulas Constantinus Heraclii filius, ut pleraque alia ornamenta Romæ reliqua; avexit in Siciliam, & Saraceni invadentes omnia abstulerunt, in Ægyptum avehentes.

Exustum fuit magno illo incendio sub Tito, cum & Capitolium tertio arsit: & refecit Domitianus. Sed nec diu post, Trajani anno 13, fulmine ictum conflagravit; & ab Hadriano restitutum. Itaque non soli ii restituerunt, qui in fronte operis hodieque insculpti leguntur, L. Septimius Severus, & M. Aurelius Antoninus; sed jam dicti. Muravit & transtulit in melioris templi usum, & à Venere ad nostram Virginem, faciente Bonifacio IV. Pontifice, sub Annum Christi 607.

De Templo Urbis.

Habuit & Domina Urbs, illa æterna & cœlestis, suum templum. O insaniam! ædificiis & inanimato corpori non vitam solum attribuere, sed numen! Atqui fecerunt: & Urbs hæc, in qua sedes tanti imperii, tamquam in ea potentia & divinitas, sic culta. Inventio & adulatio à Græcis Asiaticis est, apud quos Smyrnæi primi templum Urbis Romæ statuerunt, circa A. U. 558. Nec desuerunt alii sequi exemplum, statimque Alabandenses in sua Urbe struxere. Non alio fine, nisi ut propitiâ sibi non Urbem, sed Urbis incolas & rectores haberent. Ita igitur initium, sed in provinciis:

vinciis: imo nec sub Principibus statim Romæ, in ipsa Roma, templum. Hadrianus fecit, & ob eam causam Colossum transtulit: qui idem Veneris templum struxit; non inepte, ut Venus, *Æneadum mater*, cum sua prole jungeretur. Credendum est, fuisse templum Urbis ad radices montis Palatini, circa, aut in Comitio: in divitione tamen Urbis accensitum Regioni Pacis.

De Templo Genii.

Fuit & *Genii publici* templum Romæ, distinctum ab isto Urbis: & hoc verecundius paulo, & minus insolenter excogitatum. Nam Genium locis, regionibus, civitatibus, tribui, satis est frequens & notum. Itaque in Dione templum *Genii populi* aliquoties nominatur: sed diu ante Urbis, & quidem ab anno 741, ante Principatum Augusti. Sed & Antiochiæ, Alexandriæ, atque alibi, Templum Genii leges.

De Templo Pacis.

Templum *Pacis* Vespasianus Romæ consecravit, magna spe & animo, mansurum post civilia tunc quoque bella. Fuit foro proximum, ac nunc vestigia exstant, & ex iis operis ipsius forma. Grande fuit, & longitudo 300 pedes attingit, latitudo 200. Igitur supra Capitolium ipsum. Hac causa merito Herodianus id appellat *Maximum & pulcherrimum omnium in Urbe operum*: additque, ditissimum item fuisse, ornamentis auri & argenti excultum.

Fecisse id sui initia imperii, & post triumphum, Vespasianum, ex Josepho discas. Magnis enim opibus in hanc rem usus, & priscorum etiam præclara omnia adhibens, picturis & statuâ pulcherrimis adornavit. Omnia enim in hoc templum collata & disposita sunt, ob quæ homines videndi cupiditate antea per totum Orbem vagabantur. Consonat & Plinius, qui passim pulcherrima aut rarissima operum in templo Pacis fuisse adnotat. Quod magis impressiusque refertur, ut tristius damnum cognoscatur, quod factum est templi hujus incendio sub Commodio. Tunc enim levi terræ motu prævio, sive ictu fulminis, sive igne è terra exspirante, subito & improvise totum conflagravit, itemque porticus, & totus ejus ambitus: malo sane augurio, ut tunc Romani haud vane interpretabantur, periisse sibi Pacem. Inter adjecta autem vel circumjecta periit & Bibliotheca, quæ in ambitu ejus templi erat; cujus in A. Gellio memoria existat.

De Foris Romanis.

Fora Romana, sed & Græca, alia quàm pro nostris moribus hodie. Græci in quadrato amplissimis & duplicibus porticibus fora constituunt, crebrisque columnis, & lapideis aut marmoreis epistyllis adornant, & supra ambulationes in contignationibus faciunt. Atque hæc ipsa Romani, nili quod non quadrata æqualiter, sed oblonga magis faciebant, nec nili tertia latitudinis parte. Sed nec columnas tam crebras interponunt, & Romæ etiam magnis circumpositis

cumpositis ædificiis, ut Templis, Basilicis, Chalcidicis, magis ornabant. Ambitus ipse fori porticibus claudebatur, viis relictis & spatiis ad intrandum: exterius deinde templa, & quæ dixi, circumponebantur, & late super porticus illas eminebant. Sed membra singula videamus.

Porticus erant duplices, in altitudinem & latitudinem; magis tamen in latitudinem, ut latius inambularetur; quamvis nec de illa negem. Duplex ergo columnatio in altum solita usurpari, sed in latum sæpissime, atque adeo triplex, quadruplex, quintuplexque: pulchra sane tot columnarum series, & superba facies. Jam super istas porticus, ambulationes erant.

Fora duorum generum Romæ, & in universum 17 numerant descriptores Urbis. Erant *Civilia*, erant *Venalia*. Illa, in quibus res & lites agebantur; hæc, in quibus merces aut species certæ venales; ut Forum *Suarium*, *Piscatorium*, *Pistorium*, *Boarium*, *Ob-litorium*, & talia. In utrisque & cœtus ac circuli, ac sermones hominum erant, ut solet in vacuis; sed magis in Civilibus illis. Hæc olim fuerunt tria. *Romanum*, *Julium*, *Augustum*. Quantum *Transitorium* vocabant, & postea Nerva absolvit, ab eo etiam *Nervæ* dictum. Quintum denique addidit Trajanus, ab ipso sic appellatum. Luber breviter lustrare singula, & quædam in iis, levi oculorum injectu; præcipua observare.

De Foro Romano.

Forum *Romanum* est, quod *Vetus* appellant, aspectu ad hæc posteriora. Itemque *Magnum*, quia spatio superavit; & *Latium* dictum. Id à Romulo institutum, inter Capitolinum & Palatinum montes, ad hujus finem: sic ut templa Capitolina ei imminerent, palatii variæ structuræ, & varia in ambitu templa. Sed hæc postea fuere; Romuli ævo, simplex planicies. L. Tarquinius Priscus postea exornavit; & tabernis ac porticibus cinxit. Alii deinde tam multa & varia (quia quisque opus suum in conspicua maxime & celebri parte existare cupiebat) addiderunt, ut multæ & curiosæ curæ sit, singillatim recensere. Starius quædam recensuit in Equo Domitiani. Ille enim ex ære colosseum illum, & se infessorem, constituit in hoc Foro.

De Foro Julio.

Julium Forum C. Cæsar, etiam privatus, & Proconsul adhuc Galliæ, concepit, atque adeo cœpit. Nam locum & aream emit, ac purgavit; magno sane, siquidem area super HS millies consistit. Ea summa est nobis 3500000 Philippicam. Suetonius palam hoc inter Gallicanæ liberalitatis exempla refert. Tunc igitur emit, sed bellis impeditus aut tardatus, non nisi post bellum Africanum perfecit. Pulchrius Romano fuisse narrat Dio, quod eequidem credo, vel quia à Cæsare, vel quia posteriora opera prioribus fere ante-

antecellunt. Fuit autem hoc Julium haud longe nimis à Romano-
post templis Pacis & Faustinae.

De Foro Augusto.

Transeo ad Forum *Augusti*, quod nominatim Plinius inter ma-
xima operum collocavit. Profecto gradatim scandimus, & melio-
ra ac majora in his damus. Mars *Ultor* hic in medio, ut in su-
periore Julius, aut Venus. Ovidius *Bisultorem* cognominat, quia
& ob vindicatam patris necem hoc cognomen Augustus imposuit,
& ob Crassianam cladem, signis à Partho receptis Porticus in eo,
de more, ad latera: sed hoc in iis singulare, & ab Augusti invento,
quod in altera, ordine omnes Latini Reges à capite & principe
Aenea essent, in altera Romani Reges, aut Duces clari, à Romulo
ipso. Inter eos & ipse Augustus locum habuit, atque ejus tituli &
acta. Ergo illic sub quoque viro aut statua suae res gestae breviter,
& index. Atque istae novae statuae: quot deinde veteres, & praece
raræque artis? Situm autem hoc forum supra ipsum Romanum, ad
latus Capitolii, post ædem hodie Divae Martinae.

De Foro Nervae.

Quartum Forum est *Nervae*, quod Domitianus inchoavit, iste
perfectit & agnominavit. In hoc Alexander Imperator statuas co-
lossas, vel pedestres nudas, vel equestres, Divis Imperatoribus lo-
cavit; omnibus cum titulis & columnis æreis, quæ gestorum or-
dinem continerent, exemplo Augusti, qui summorum virorum sta-
tuas in foro suo è marmore collocavit, additis gestis. Istud fuit
situm inter Capitolinum & Quirinalem colles, dictumque ideo
Transitorium, quod per id in alia opportune velut transitus esset.
An & quia Jani in eo templum? quod quatuor portarum ibi fuisse
Servius tradidit. Forum hoc etiam *Palladium* dixerunt, quia Minerva
etiam ibi, familiare Principi Augusto numen.

De Foro Trajani.

Quintum Forum *Ulpium* sive *Traiani*, quia Trajanus fecit.
Quale hoc fuerit, Ammianus paucis verbis dixerit, clamitans, *sin-
gularem sub omni caelo structuram, etiam Naminum assensione mi-
rabilem*. Consentit Cassiodorus, & *Traiani forum*, inquit, *vel
sub assiduitate videre, miraculum est*. Apollodorus Architectus
fuit, summus in arte vir, & quem Hadrianus postea, livore quodam
ductus, occidit. Porticus & columnas fuisse, satis scitum est; &
puto in altum plures. Et sane altitudo columnarum, quæ in medio
lata fuit, hodieque apparet, pedum 128. Credibile ergo est, aut
tam altas, aut non longe infra, porticus ipsas fuisse. In quarum
fastigiis simulacra equorum, & signorum militarium: subscriptum-
que erat, *Ex manubiis*. Et hæc omnia inaurata fuerunt, & pro-
babiliter etiam statuae, quæ subter porticus collocatae. Has M. An-
toninus numero auxit. Ibidem & Templum & Equum æneum
fuisse, Victor ostendit, & circum Bibliothecam, alii.

De Thermis, & Balneis.

Thermas & Balnea Romæ fuisse magna, ruinæ docent, ornata valde & magnifica. Quo respiciens Ammianus, scribit, *Lavacra in modum provinciarum exstructa*; quasi quæ non urbes, sed regiones totas æmularentur. Videntur hodie illæ parietinæ Thermarum Antonini, aut magis Diocletiani, in quibus mira laxitas. Nam Thermæ Antoninianæ in usum lavantium habebant 1600 sellas è marmore factas; Diocletiani autem circiter 3200. quid nisi igitur tot personæ inibi simul lavari potuere? Ubi jam reliquum Thermarum corpus? Cellæ, Solia, Piscinæ, Sphæristeria, & reliquæ partes? De splendore porro & paratura earum audi hæc Senecæ: *Pauper sibi videtur ac sordidus, nisi parietes magnis ac pretiosis orbibus refulserint, nisi Alexandrina marmora Numidicus crustis distincta sint, nisi illis undique, & in pictura modum variata, circumlitio pretexatur; nisi vitro condatur camera; nisi Parius & Thasius lapis, quondam rarum in aliquo templo spectaculum piscinas nostras circumdederit, nisi aquam argentea epistomia fuderint, (significat, fistulas & canales argenteos fuisse, ipsa etiam labra.) Et adhuc plebeias fistulas loquor, quid, cum ad balnea libertinorum pervenero? quantum statuarum, quantum columnarum est, nihil sustentium, sed in ornamentum positarum, & impense causa? quantum aquarum per gradus cum fragore labentium? Eo deliciarum venimus, ut nisi gemmas calcare nolimus. Quod si igitur privata hæc ira culta, credo equidem & Principes in suis, quæ publicabant, parcos aut sordidos non fuisse. Ejusmodi publica & gratuita balnea 12, P. Victor agnoscit Romæ fuisse; omitto alia publica, quæ meritoria licet agnominare. Nam parvo ære & quadrante, ad ea lautum ibant.*

Sed ideo tam multa balnea Romæ, quia assidua lavatio; & quotidie, de more, lavabant, ituri jam ad cœnam. Hinc Artemidorus scripsit, balneum nihil aliud suo ævo fuisse, quam transitum ad cœnam. Itaque qui sæpius etiam cibum capiebant, sæpius lavabant. Commodus Imperator notatur septies aut octies in die lavasse. Etiam inter Christianos Silinnius quidam Episcopus bis in die, non sine suspitione intemperantiæ & voluptatum: sed ille disterio culpantes illudit: *Quia ter lavare non posset, significabat, bis se comedere, bis igitur lavare, tertio non terre valetudinem.*

De Odeo, & Rostris.

Alia quoque erant publica opera, ut Theatrum, Amphitheatrum, Odeum, Stadium, Suggestus, quæ singulos tractatus requirerent. De Amphitheatro alibi dictum. Odeum Plutarchus in Pericle describit, ad Musica certamina spectanda structum fuisse, interiore forma sedilibus instructa & multis columnis, tecto declivi, & ad imaginem atque instar tabernaculi Regis Persarum.

Suggestus

Suggestus consularis, huc spectat, scilicet *Rastrum*, quae *Talis* dicebant, sive *Neus*. Nam vetera illa, non in tanto nunc honore, vel usu. Vocat Ammianus *Suggestum*, a forma, quam ostendit, per gradus surrexisse, cum dicit, vertice scanili fuisse. Dicit & imitamenta Principum portasse, id est, vultus & staturae eorum, quas eodem arbitror in gradibus, ad extrema latera, dispositas in ordine fuisse. Eorum basim, sive ima, ornata rostris, maxime ex Aethiaca victoria, Dio Cassius docuit: & inde *Rastrum* nomen. Ideo autem *Consulatum Suggestum* appellat Ammianus, quia initio magistratus eo conscendere solebant Consules, & populum salutare; eodem iterum, cum deponerent magistratum. Mos ab antiquo mansit: quia & adire, & orare illic, ac gratias agere populo solebant, pro honore. Sed interiore & Principum vero nihil factum, nisi, ut conscenderent, salutarerent, itemque jurarent, aut curarent. Imo & sedisse illic in sella curuli videntur, & sic se ostendisse, quasi auspicii causâ.

De Statuis, earumque custodia.

Unum etiam in his omnibus operibus locique monendum, de *Statuis*, quarum incredibilis multitudo, pretium, speculique. Nullum publicum opus quodcunque nomines; nullus adeo locus publicus aut vacuus, ubi non haec ornamenta. Et credo equidem nihil magis in tota Urbe admirandum, elegantioribus ingenius fuisse. Earum originem & augmentum breviter in Cassiodoro habes, *Statuas primam Tusci in Italia invenisse referuntur, quas amplexa posteritas, postea patrem populum Urbi dedit, quam natura procreavit.* Fuerunt & *Tabulae* magnorum illorum artificum, ob quarum unam alteramque vel Romam philocalli & elegantes illi venient.

Jam de pretio statuarum, quod tetigi, quia non vel e materiae cernat? Omitto marmoreas illas & aereas infinitas, dico, argenteas, aureas, eburneas, fuisse. Et argenteae quidem sub Augusto maxime increbuerunt; sed ille moderatus est, & suas condavit; non ita alii Principes, & nominatim Domitianus, qui superbo arbitrio statuas sibi in capitolio (locum hunc sacerrimum, profanus Princeps statuis suis sedem eligebar) non nisi aureas argenteasque poni permittit, ac ponderis certi. Nota materiem, nota pondus: & ex solidi utroque igitur metallo fuisse. Fuerunt etiam graves pondere: atque adeo Commodus Imperator statuam 1000 librarum auream habuit, cum tauro & taurea, quam Urbis conditor. Claudio Populus Romanus sumptu suo in Capitolino, ante Jovis Opt. Max. templum statuam auream 1000 pondo collocavit. Eidem Principi in Rostris posita columna est, & palmata statua superfixa, librarum argenti 1500. Dilce hinc pondus grande in utroque meliore metallo: quod crebrum omnino fuit, & crebris etiam misceri, & res vel argentum inaurari. Et id dicebant, *Sub auro statuam poni.*

Harum

Harum statuarum tanta erat frequentia, ut Claudius Imperator coercere in conatus, quia nimia jam copia Urbem, vias, vicos, non ornabant, sed stipabant & ardebant. Atqui exceptio quam posuit, & permissio item a Senatu, frangere iterum laxabant, & qui in Urbe non posuit, in se in villis aut agris publicabat. Variæ statuarum fuerunt species, quædam Colossæ, Curules, Equestris, & habere variante & diverso. Quid, quod equestris, leonum, sphingum, & variorum animalium? ut Obeliscos, & hæc talia, omittam.

Ne autem aliquis e statuis illis aliquid abraderet aut rescideret, custodia & cautela antiqua fuit. Miles in Urbe excubabat, Urbanus ille & vigilum ad templis, ad loca nem publica. Sed præsertim ceteris etiam Præfectus huic statuarum custodia, & qui militem haberet. Vocarunt id officii, *Comitum Romanorum*. Atque hic est, qui *Comes Romanus* appellatur, quæ Romam & ejus opera servabat.

De Viarum operibus.

Non Romam solum, sed quædam circa, eam ostendam. Triæ autem occurrunt vel maxime admiranda. *Via, Aquaductus, Cloaca*. Quæ tria Dionysius vult specimen & argumentum esse Romanæ opulentia & potentia, sive ab usu consideres, sive ab impendiis & sumptu.

Primæ sunt *Via*, quas illi non in urbe solum, sed extra eam, ad longissima spatia, plurimas & plurimo opere muniverunt. Vel una via Appia considerantem in stuporem dabit, de qua audi Procopium, quem asserimus, & passim explicamus: *Hanc (viam Appiam) Appius Romanorum Censor ante annos 900 struxerat, (imo 850 circiter) & se dederat nomen: Longitudinem ejus 3 dierum spatio vir expeditus possit enetiri. Ab urbe Roma Capuam pertinet, (nimirum a porta Capena Capuam usque, quæ sunt miliaria 124. Deinde fuit usque Brundisium lapidibus strata, an ab Julio Cæsare, an ab Augusto, incertum: quæ longitudo est miliarium circiter 350. Addit de latitudine) & latitudine, ut duo carrus esse ad verso ab vii, libere queant pervadere & commeari. (Ergo statim minus 23 pedes patuit.) Et est sane hæc via præter ceteras speculabilis, sicut enim Appius ex alia & longinqua tunc, ut reor, regione excisos lapides, & hos quidem silices, & sumpto ingenio durissimos, in hæc viam vehendos curavit. (Intelligit silicem, durum asperumque lapidem, & e rûpibus, non illam minutum & tensem, quem vulgo vocamus, & qui in glaream potius venit. Sed e qua regione petiti? in vicinia tales non esse, Procopius indicavit. Onufrius Panvinus hoc amplius, duos montes ostendit, ad Sinuessam unum; alterum inter Puteolos & Neapolim, e quibus saxa ea, colore & duritie ferrum, referentia, videntur excisa. At Leander specus & fodinas in Brutiis existare, ad *Seminariam*, e quibus lapides ad vias eruti, præsertim ad Appiam. Quidquid sit, opus mirum*

mirum & laboriosum fuit. Nos in Procopio pergamus, qui addit: Quos planos deinde ac laeves redditos, & quadratos incisum factos, iunxit, & in ordine locavit, (Conspiciuntur hodie tales, diversa magnitudine, 3, 4, 5, etiam pedum quaque verus. Cetera de junctura & firmitate, utque unum corpus appareant, sunt miranda magis, quam explicanda,) metalli nihil vel aliter rei inferendo, sunt tamen ita coniecti, & valide inter se haerent, ut speciem visentibus praebeant non conjunctos ita esse, sed congematos. Et quavis tot jam seculis atterantur, assiduis plaustris spoliensisque, tamen neque serie sua vel minimum exeunt & dimoveantur, neque franguntur, aut laborem suum amittunt. Nec brevior quoque Via Flaminia, quae Roma Arminium usque, & inde porro Aquileiam ducebat.

Observanda hoc loco duplex ratio sternendi vias apud veteres, vel glarea, vel siliice. Amplius, marginare solebant: quod caput sanc erat, & agger ille viae, cum altiusculus, & instar pulvilli esset, (ita solet) firmiter archari & stringi lapidibus grandioribus ad oras debebat, ne diffunderet & spargeretur. Hoc Marginari: & ibidem etiam alii lapides duplices, & ad usum duplicem positi. Priores, Cippi, quidam eminentes, in quibus insidere sessis, onera reclinare, aut & ascendere ex his in equum fas esset: hi crebriores dispositi per totam viam. Alteri autem rariores, qui ut columellae exstant, & notis numerorum incis, millaria notabant. Utrumque hoc C. Gracchus instituit; & gratum id vulgo fuit. Cur non esset? nihil magis ad tedium & fatigationem, quam ignarus spatiorum oberrare, & contra, resciri animum ac vires ea signatione. Hinc ille mos per lapides computandi, quos Graeci ab hac notatione milliarium Ζωγία vocant, id est, Signa, sive Notas.

Quod ad munitionem viarum, pleraque similes, nec in Italia solum plurimae, sed in provinciis ipsis. Nam scripsit Isidorus, Poenos primos lapidibus vias stravisse, quas postea Romani pene per totum Orbem disposuerunt: excisis saepe montibus, complanatis vallibus, ut aequabiles & faciliores ita viae essent. Praecipuum vero in viis, si non in usu, at splendore & voluptate fuit, quod monumenta & sepulcra passim ad viam assita, & latus utrumque praetexebant. Quam pulcher ille aspectus viantibus? quanta & serio- rum & jocularum materies? Illic illustrium ingenuorum, aut clarorum virorum memoria & inscriptio; alibi libertorum, servorum, scortorum, superba monumenta. Mirari, dolere, illudere, etiam detestari, occasio erat: & quid in tot titulis & inscriptionibus pasci? Quaedam enim a meliore ingenio, & scite; quaedam aliqua nota aut inventiuncula spectabiles; & istae, quae hodie exstant, dicent. Sed & ipsius aspectus ille; nam monumenta secundum viam praetereuntes admonent, & se fuisse & illos esse mortales. Quid amplius? omnium illorum, qui disparibus monumentis sequuntur,

parem in exitu sortem fuisse: *Aquat omnes cinis; impares nascimur, pares morimur.*

De Aqueductibus.

Jam *Aqueductus* videamus, & pulverem fordesque, si quas è *Via* contraximus, abluamus. Diu *Roma* sine *Aqueductibus*: & *Tiberis*, ac siqui fontes nativi erant, sufficiebant populo, sed nondum sic aucto. Urbe dein magna, plena, & cum in collibus, procul à flumine, degerent, optimum rerum aqua (ut *Poeta* canebat) quasita, & per tubos ac canales, in fornicibus latericiis, *Romam* advecta. Id factum primo, A. U. 441, cum *Appius Claudius* Censor, idem qui vias sternere instituit, huc quoque bonum invenit. Ab eo est *Aqua Appia*, per millia circiter 11 deducta. Hoc initium; sed *Deus* bone, quæ mox incrementa? Nam egbat sane aquis populus illè, non solum ad potum, sed ad balnea, ad *fullonias*, ad *Naumachias* & *Circos*. Atque ita ubertim inducta fuit, ut quisque domi aut in vicino haberet copiam. Ita autem flumina per Urbem & cloacas videbantur fluere, ut unaquæque domus prope modum haberet fistulas & canales, quibus aquam induceret. De hac re *Plinius*; Si quis diligentius assina verit aquarum abundantiam in publicis, balneis, piscinis, domibus, earigis, suburbanis villis, statioque adventantium exstructas arcus, montes perfollos, convalles aquatas, fatebitur, nihil magis mirandum fuisse in toto Orbe terrarum. Nec *Romæ* tantum, sed in coloniis plerisque & majoribus oppidis hæc fuere.

Fuerunt in Urbem perducti 14 *Aqueductus* (*P. Victor* 20 numeravit), costili laterculo per præcos illos ædificati, ea latitudine ac simul altitudine, ut vir eques commode per eos posset incedere. Sed hæc altitudo de ipsis modo est; quid arcus & fornices arbitraris; quos in quibusdam locis sublevatos 109 pedes. *Julius Frontinus* affirmat. O rem stupendam! & magis, quod a tot milliaribus continuo opere (etli non ubique sic alto) perducebant. Reperies quosdam à quadragesimo milliari perductos esse, & nempe per valles, per tot inæqualia, supra, infra terram. Exstant juxta Sublaqueum *Aqueductus* *Claudiani* fornices, & ingentes pilæ sustentantes, de quo *Plinius* ita scribit: *Hic antecedens aquarum ductus, novissimum impendium operis, archæpæti à Cæso Cæsare (Calignam intelligit) & peracti à Claudio. Quippe à quadragesimo lapide, ad eam excelsitatem, ut in omnes Urbis montes levarentur infuxere Curtius & Caruleus fontes. Eratum in id opus HS ter milles.* Erant 7 nostri miliones & semis.

Idem *Plinius* quedam de lacubus, aliisque additamentis *Aqueductum* scribit, non sine miraculo etiam audienda. *Arrippa* in *Edilicate* sua, adjecta *Virgine* aqua, ceteris corrivatis atque emendatis, lacus 700 fecit, præterea salientes 105, castella 130; *omplura* etiam cultu magnifica. *Ope* bus in signa 300 area aut

marma-

marmorea imposita, columnas ex marmore 400: eaque tanta annuo spatio. Hæc ænus Agrippa, & uno anno. At scripsit Plinius, lacus 706 ab ea factos; recte ab eo: sed plures longe fuere in universum, & alibi 1352 legimus. Isti non aliud, quam aquarum in publico receptacula, è quibus petere omnibus fas esset: etiam gratior æstimatorque è salientibus ipsis sumpta. Nota autem in Plinio tot signa, tot columnas, ad ornatum lacuum, salientium, castellorum: atque ea ab uno Agrippa; quid arbitraris ab aliis prioribus & secutis fuisse? Atque alia etiam assidua multa impendia circa has aquas.

Harum aquarum Curatores ab Augusto fuerunt instituti, cum lictoribus, servis, scribis, librariis, accensis, præconibus. Sed præcipuum, quod familiaræ & homines certi, ad tuenda hæc opera, sumptu publico tolerati. Audi hac de re Frontinum, qui ipse inter Curatores aquarum; is ergo scribit, Agrippam primo per servos privatos suos hæc fecisse, eamque familiam Augusto morientem legasse, Augustum deinde publicasse, & deinceps mansisse; atque habuisse homines circiter 240. *Erat autem & altera, inquit, familia Caesaris dicta, & numerus ejus 360, quam Claudius, cum aquas in Urbem perduceret, instituit.* Addit, in utraque simili varia ministeria fuisse; Villicos, Castellarios, Curatores, Silicarios, Tectores, aliosque opifices. Habes igitur perpetuos homines 600, ad aquarum tuitionem.

De Cloacis.

Ponimus & Cloacas inter magnifica, & sordes has inter illos splendores, imo & sub terra thesauros ostendimus, & latentium quorundam operum moles, Cloacæ à Tarquinio Prisco Rege structæ, ad munditiam, sordesque omnes vel abluendas, vel evehendas: sed & ad sanitatem, quæ illam amat. Cloacæ operum omnium maximum: suffolis montibus, atque Urbe penili, subterque navigata. Quid magni, si tam magnæ, ut vehem tœni onustam large transmitterent? Id enim non Plinius solum scripsit, sed & Strabo. Latitudinem Marlianus reperit 26 pedum; nec forsitan minor altitudo. Fecit id Agrippa in Aedilitate, per meatus corrivariis 7 annibus, cursuque præcipiti, torrentium modo, rapere omnia atque auferre coactis. Fuerunt enim 7 Cloacæ præcipuæ, tot quot sunt montes. Nam ex iis disfluebant ac derivabantur aquæ ac sordes, & in magnam unam confluebant. Quin enim plures minute fuerint, non ambigendum est; sed istæ tot fuere quasi flumina, & alveo grandiore, atque eæ per plana Urbis ferebantur.

Cloacarum firmitatem commendat Plinius, & causas concutientes 4 commemorat, quarum vel singulæ firmissima opera everrant; at non labefactant istud. Sunt pugna aquarum & copia intus: moles & columnæ vastæ, quæ per vias, & super illas, trahuntur: ruinae varix & pondera incidentium ædificiorum; denique

validi aliquot terræmotus. Quidni igitur firmum & rare duritie opus, quod omnibus resistit; & id per tot sæcula? Esi tantum repararunt, aut fulserunt interim, quod omnino necesse fuit. Quam sumptuosa autem illa reparatio, dicit apud Dionysium G. Aquilius qui scripsit, neglectis aliquando cloacis, & non defluentibus, Centores in earum instaurationem 100 talenta impendisse in redemptores. Ea sunt 600000 Philipp. Quid igitur & quanti paratio universa, si tanti in partibus reparatio?

De Trajani Ponte in Danubio.

A Tiberi ad Danubium magno saltu imus, ut ejus aquis sordes Cloacarum abluamus. Libet Pontem in Danubio memorare, quem Trajanus Imperator struxit; operum omnium fortasse arte & difficultate maximum, si non sumptu. Describit graphice Dio Cassius, & gratia lectori ejus Xiphilino esto, quod hanc partem non recedit. O quam pulchras valentesque ille alias! *Pila igitur*, inquit ille, *ejus sunt 20, e lapide secto & quadrato, quæ altitudinem habent 150 pedum, latitudinem 60. Distant inter se 170 pedes, fornicibus devinctæ.* (Grande hoc concamerationis spatium, nec efficiendum, nisi altitudo illa pilarum accessisset, & tarde ac lenta inclinatione fornix surrexisset. Ex hoc autem numero pilarum, & distantia earum, colligo & efficio, fluvii latitudinem 4770 pedum fuisse, id est, paulo minus unius milliaris.) *Quomodo autem non aliquis sumptum in istas pilas admiretur? quomodo non & destituerendi firmandique modum? idque in flumine magno & vorticoso, & fundo ipso infido & limoso, nam nec avertere quidem cursum fluminis licuit ullo modo.*

Hæc de Operibus publicis.

Privatorum quædam Opera.

In Privatis Operibus duo nunc confidero; *Domos, & Villas.*

De Domibus privatis.

Domus fuerunt in tam splendida & nitenti urbe, pro ipsa urbe, & ut pulchri corporis apta ac decora membra. Domus, dico, magnificæ, ornata, instructæ columnis, marmore, auro, statuis, & quidquid excogitare ambitio aut luxuria poterat. Sed eædem etiam late, patentes, amplæ, & præsertim magnatium virorum procerumque. Hinc Valerius cum indignatione ait: *Auguste se habitare nunc putat, cujus domus tantum patet, quantum Gincinnati rursus patuerunt.* Quid domus? imo earum aliquod membrum, Cellaria, Piscinæ, Culina. Et Seneca increpat passim ædificia laxitatem magnarum urbium vincientia: habebant enim aulas semilatas urbium. Quod non nescivit Olympiodorus, qui scribit: *Quæque magnarum domuum omnia in se ipsa habet, quicunque mediocri urbs possit continere, nempe Cirkum, Fora, Tempora, Pontes, Balnea diversa.* Per Fora, puto intelligere hyæctura quædam & Tiburtina, inter illas porticus, & statuis alioque

que ornatu, in fori faciem. Quid autem, si revera ibi iudicia de forentes convenerunt? Fuere, & clientium, libertorum, servorum suorum, causas domi cognoscebant. Clientium autem magnus illam populus. Tales autem domus in tota Urbe fuerunt 1780. Insulae vero (quae distinctae a domibus) 400021. Marum longe minor numerus, ut quae tanto gradiores, intrusioresque essent, & propriae virorum procerum.

Apparatus jam & instructio domorum admiranda. Columnas ingentes, & longinquis petras, sive ex Aegypti athenis, sive ex Africæ solitudinibus, disponebant in porticibus & capacibus cenationibus. Cassius, Claudiam libertus, in una cenatione habuit columnas 30, easque & sudine lapide Germanico, cui ingens tunc pretium & novitas. Scaurus in atrio collocatas habuit maximas, atque adeo 38 pedum, Lucullæ marmoris. Vide hanc altitudinem, in uno atrio, quam multa domus tota vix aequant. Deinde parietes marmore inducebant, quod genus *Incrustationes* Latini, Graeci *κατακρημνισμός* dicunt. Id non aliud fuit, quam marmor in renes crustas sectum parieti imponere scire, & pro testoribus ei dare. Secandi ratio arena, & serra, in praetenui linea versante arenas, tractuque secante. Primum autem Romæ parietes crusta marmoris operuisse totius domus fuit, in Coelio monte, Mamurram, Equitem Romanum, Praefectum fabrum Caesaris, Plinius tradidit. Ista marmorum crusta saepe picturata & variegata fuerunt, velut aliquod Musivum opus. Solebant praeterea laquearia tota inaurare, quod passim scriptores & tradunt & damnant. Nec solum levi inductione, sed solido saepe auro. Trabes nonnunquam agratis faciebant, sed cameras geminatas & eboratas, ad splendorem & varietatem, ut quasi coelum imitarentur, & (ut Arnobius loquitur) *sidereos evolvant variata intermissione fulgore*. Longius hoc quoque producebant, ad parietes & columnas.

Sed alia hic etiam & ingeniola luxuria; nam lacunaria ista versatilia faciebant, & alia atque alia subinde facie convivis delectabant. *En Privata ingens & luxuriam*; quid eximias Principes tentasse & fecisse? Nemo Caesar in vestibulo ædium suarum Colossum 120 pedum posuit. Hoc principum: deinde porticos triplices miliarie, item stagnum, maris instar, circumseptum ædificiis ad urbem speciem. Rura insuper, arvis, atque vineis, & pascuis, silvisque varia, cum multitudinis omnis generis pecudum ac ferarum. In cæteris partibus cuncta auro ista, distincta gemmis unionibusque concinis erant. Cenationes laqueata tabulis eburneis versatilibus, ut flores, & fistulas, ut unguenta, desuper spargerentur. Praecipua cenationum rotunda, quæ perpetuo, diebus ac noctibus, vice Mundi circumagerentur. Omnia illa Capitolina, quæ & quanta fuerunt, nugæ & quisquilæ visæ, præ uno membro aliquo Palatinae domus.

Inter tecta & domos inclusæ aliquando silvæ, & intermixtæ virentes aves. Luci enim & arbuta in magnis istis ædibus erant, imo & super sedes. Seneca castigans & increpans, ut solet, suum avum: *Pamaria, inquit, in summis turribus serunt, quarum silvæ in tectis ac domarum fastigiis nutant, inde arborum radices, quo improbe cacumina egissent.*

De Villis Romanarum.

De Villis hoc universæ Strabo pronunciat: *In Villis velut mare Persarum regias quasdam struunt.* Quid majus ampliusque in hanc rem dicam? Vis tamen specimen aliquod in una villa? Capitolinum audi: *Exstat Gordianarum villa, via Prænestina, 200 columnas una peristylia habens, quarum 50 Carysiæ Claudiana, 50 Sienitides. 50 Numidica pari mensura sunt. In qua Basilicæ centenariæ tres: cætera huic operi convenientia; & iherma, quales, præter Urbem, nusquam in Orbe terrarum.* Sed nec Hadriani villam in Tiburtino ingero, cujus superbæ reliquæ existant. Quid tot aliarum in solo Latio, & circa Romam?

LIBER IV.

DE VIRTUTE ROMANA.

Quartus noster limes, de VIRIS & VIRTUTIBUS Romanorum. Plinii enunciatio est: *Gentium in toto Orbe præstantissima una, & in omni virtute, haud dubie Romana existit.* Quid homo Gothici sanguinis Cassiodorus? *Roma Virtutum omnium latissimum templum.* Profecto sedes suas per aliquot sæcula ibi habuere, nec injuria ipsi Romani templum struxere *Honori pariter & Virtuti.* Utramque colebant; sed & *Fortunam* etiam, id est, providentiam & fata ab alto, quæ incredibile est, quam presso nec tardanti pede, secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Nam (ut breviter & nervose Florus) *ad constituendum Romanum imperium Virtus & Fortuna contendisse videtur.* Sed amica contentio fuit, in qua tamen ipsa Virtus vicit. Habuit igitur Fortunam sive cœlitum illum favorem, sed habuit à causis, quas iidem cœlites per Virtutum gradus nexisque præstruxerunt. Ut id liqueat, videamus primum univærse, qui Viri in imperio illo fuerint, & tum quæ virtutes.

DE ORDINIBUS IN POPULO ROMANO.

Viros confidero dupliciter, & eos qui in Magistratu, Imperiis, Consiliis, fuerunt, id est, *Capita Reipublicæ*; & parte altera, *minora etiam membra*, id est, Populum, & eos qui paruerunt. Utrique egregii, nec quibus alia gens facile, aut ex vero comparatur. Primores igitur illi in duplici discrimine sunt, *Senatores, Equitesque*.

De Senatoribus Romanis.

Senatores si inspicias, qui proprie sedebant ad clavum, prohi Deum, quanta gravitas, sapientia, maiestas! Ut merito illum ordinem *Regum confessum*, Cynæus legatus Pyrrhi Regis, vir nec mentis, nec oris egens, appellaverit. Profecto talis fuit, & nec sub Principum imperio nimis degeneravit: etsi postea quidem discessit ab illa sua præstantia, & ut grande ædificium, paulatim mole sua defecit, & mox ruit.

Erant autem in illo Senatu civium eximii, genere, censu, virtute, Nam hæc spectabant; nec temere viles aut sordidos, (etsi plebeios interdum, quos magna virtus eveheret) inopes nunquam, & improbos raro admittebant: aut si tales, non tenebant. Censores enim legebant hunc Senatum, atque iidem per singula lustra examinabant, ac relegabant; si quis loco eo indignus, aut si quid in privata etiam vita turpe ac maculosum, notabant, & emovebant. Siebat id silentio, & sine accusatione ulla, aut causæ apud iudices dictione. Dumtaxat in recitando Senatu, quod publice & solenniter siebat, nomen ejus præteribant, quem motum Senatu vellent. Ita cum in albo illo non esset, nec in Senatu censebatur. Causa quidem iis movendi semper erat, & hanc subsignabant, & volentibus edebant: sed certare de ea lite nihil opus erat; iudicium sufficiebat; quod à tam gravibus viris, (nam primores fere Senatores erant) bonum meruisse, laus & approbatio habebatur; culpa & damnatio, triste. Rarènter, & vix evenisse legimus, ut Censores illi per affectum judicarent. Nam voces statim omnium damnasent, & exagitassent. Et fac tamen semel iterumque evenisse, quid magni mali præ magno illo bono erit? Non enim alia poena quam ignominia, facile aut contemnenda, aut eluenda, qui publica iudicia aut testimonia pro se haberet. Denique alii Censores mox reponebant. Nam & hoc sciendum, non in gravibus & grandibus peccatis hanc censuram intervenisse; ea enim legibus & iudiciis servabantur: sed minoribus delictis, aut domesticis flagitiis; à quibus vacare & castos esse primos illos ordines maxime volebant, & quorum vita erat in exemplum.

Initio à Romulo centum facti, & *Patres*, iidemque *Senatores* vel à cura, vel ab ætate dicti. Postea ad 300 crevere, & in liberam Republicam sic mansere usque ad Lævium Drusum: his in Tribunatu, cum opes Senatus veller extollere, eisdem iudiciis etiam proponere, numerum auxit, & ad 600 fecit. Mansisse ita ad Cæsarem videtur: qui per bella civilia, non opes solum, sed honores multis largitus, amplificavit, & vel ad 1000 allegit. Displacuit Augusto, & magna cura, atque iterata aliquoties recensione, purgavit, & denique ad modum veterem, id est, 600, redegit. Qui sane iam amplius numerus, etiam in amplo illo imperio: atque ex his plerique non solum consiliis publicis semper adhibebantur, sed etiam in provinciis, ad imperia, aut exercitus mittebantur. Itaque Curia hæc velut promptuarium erat, e quo statim Princeps caperet viros, ad omnia civilia aut militaria munia aptos, & suffecturos. Et hoc aspectu penerunt Senatui, grande vel unicum fulcrum illius Principatus.

Elogia de Senatu res & veritas multis distavit. In Cicerone leges, *Senatum principium salutis, publicæque mentis*. In Ammiano, *Asylum Mundi totius*. In Cassiodoro, *Gloriosum Senatum morumque lumina*. In Petronio, *Recti bonique præceptorum*. Jam in Tacito etiam dicitur, *Caput imperii & decora omnium provinciarum*. Quia jam sub Principibus ex omni regione capiebantur Senatores: & ut ditissimi honestissimique provincialium civitate donabantur, Equites fiebant, ita & mox Senatores. Utile inventum, & ad populos sub unum imperium firmiter colligandos. Symmachus ea causa scripsit: *Pars melior humani generis Senatus*. Cassiodorus: *Quidquid humani generis floris est, habere Curiam*.

De Equitibus Romanis.

Alter ordo est *Equitum*, qui & ipsi ab illis notis tribus probati, aut probandi. Nam de genere, multi erant à Senatoribus & Patribus orti, & certe liberti aut libertini, nec si censum haberent (nisi beneficio Imperatorum) in hunc ordinem veniebant. Erant tamen ex ingenuis multi, & fere omnes, qui censum equestrem haberent. Is fuit 400, id est, 10000 Philippicorum. Igitur latus hic ordo & amplius, ut tunc opes plerisque ample erant; & ideo quod ad vitam, coercendus aut recidendus. Apud veteres id quoque Censores fecere, sive in Transvectione, (quæ tamen eorum modo erat, qui equum publicum habebant) sive per lustra singula, cum ordines digerebant, & recognoscebant. Nam hic quoque album erat, sive tabule, & recitabant, quique primus ex his nominatus, *Princeps juventutis* dicebatur, plane in qui in Senatu primus recitatus, *Princeps* item *Senatus*, augusto titulo dicebatur. Ideo autem dictus *Princeps juventutis*, quod olim & prima Republica, pauci Equites, nec fere nisi filii Senatorum. Crevit

paulatim

senatim largiter numerus, & magnam civitatis aut civium partem comprehendit, sed nomen tamen *juniorum* mansit. Sed & *Juvenes* antiquis dicti ad annum 45. Hæc causa & origo nominis.

Sed Senatorum filii, an non Senatorii, aut Senatores? Cave erres; distinctione hic opus. Aliud *Senatus*, si Principum tempora aspicias; aliud *Senatorium ordo*. Ille certo numero stetit, ut diximus, & intra 600, sub Augusto quidem: at iste latius patuit, & juvenes quoque ac Senatorum filii, sed & alii Equites in eum cooptati. Censebantur enim Senatorii, qui jus lati clavi à Principe impetrassent, id est, insigne ipsum Senatorum: & in Senatum quidem ii veniebant, sed sententiæ jus fuisse non putabis. Institutum enim Augusti fuit, qui liberis Senatorum, quo celerius Republicæ affluerent, procius à virili toga, larum clavum induere, & Curie interesse permisit. Hoc ita Augustus, sed restrictè in Senatorum liberis: postea Caligula etiam aliis quibuscumque Equitibus permisit. Permisit dico, aliique Principes; sed sic, ut ab ipsis peteretur. Hi ipsi *Senatores* interdum dicuntur. Atque isti sunt, qui *Illustres Equites* à Tacito, atque aliis, ad discrimen appellantur; & palam ipse Tacitus cum Senatoribus jungit, aut coequat.

Genus Equitum diffusum, & in vario discrimine: Erant qui *Equo publico*, erant qui *Judices*, erant communi nomine *Equites* dicti. Illi qui equo publico, tempore Augusti, ad 5000 erant, aut supra. Qui in Judicibus, haud pauciores; imo plures, ex Plinii testimonio. Classis reliqua eorum, qui immunes. Atque isti Equites, quos Perseus Rex apud Livium ita laudat & insignit: *Equites enim illis, Principes juventutis, Equites seminarium Senatus, inde lectas in Patrum numerum, Consules, inde Imperatores, creant.*

De Plebe Romana.

Superest tertius ordo, *Plebis*. Is triplici discrimine fuit, *Ingenui, Libertini, Liberti*. Et in militia discrimen erat ab hoc genere: itemque a censu, sicut & in aliis muneris, siqua publice subirent. Vita etiam censura permixta; quam tamen neglexisse postea (malo sane publico) Imperatores constat, contentos duplicem illum priorem ordinem recognovisse.

Isti ordines statim poterant agnosci in occurſu ab habitu. Nam etſi toga communis omnium civium vestis eſſet, tamen discrimina alia, ab aliis notis. Ur ſolis Senatoribus, aut iſtis quaſi Senatoribus, jus lati clavi gerendi erat: quod non aliud, quam velut, bullæ e purpura, & capita clavorum intexta aut inſerta. Equitibus autem aurei annuli, qui hunc ordinem à plebe diſtinguebant. Qui his duobus notis carebant, Plebs erant.

DE VIRTUTE ROMANA
MILITARI.

JAM, quod propositum, de *Virtutibus*, addamus: nam Viros
los laudabiles, vel potius admirabiles, fuisse dico, idque a di-
plici virtute, *Militari*, vel *Civili*. Illam in Imperio & Republi-
jure considero, ut tutelam ejus, imo augmentum, sine qua fructus
aliquis status aut commune se jactet. Præmitto igitur, & duo
in Romanis miror, *Justitiam*, & *Fortitudinem*,
Justitia Romanorum.

Quod ad *Justitiam*, nescio an alia gens consideratius, & castius
in rationis trutina libratis, bellum sulceperit, quam ista. Nam
plerique aut Regum suorum arbitrio arma induerunt, aut primo
rum aliquot in Republica, qui decernebant. Hic aliter: & ne
Senatui, nec populo toti plenum hoc jus, nisi cognitio & judicium
Sacerdotum publicorum intervenisset, quos *Feciales* dicebant. Eo-
rum arbitrio sumpta arma, posita arma: religio, non solum *ju-
stitia*, ea temperabat. Etenim semper duplici hoc titulo usi Ro-
mani, ut aut pro *Salute* arma caperent, aut pro *Fide*. Pro illa,
ubi res eorum ageretur: pro ista, ubi Sociorum. Et hoc de So-
ciis late patuit: & est illa catena, quæ bella & terras conjunxit aut
subjunxit.

Vis pauca exempla? Ecce Carthaginenses validi sunt, imo æmuli
virum Romanarum; obstant crescentibus. Quid fit? removendus
ille obex; & causam ipsi præbent. Siciliam invadunt, & Ma-
r-
tinus: isti ad Romanos appellant, ut Socios. Veniunt, subve-
niunt, pellunt eos, & quæsitæ jam ipsis ad se trahunt. Fit pax, &
Sardinia etiam Siciliæ adjicitur, concessu ipsorum. Vides augmen-
tum? Sed enim jam sistimus, & illi manent ac florent? non: in
Hispaniam mala cupidine transcendant, arma etiam Saguntinis in-
ferant, & amicum sociumque Romanis oppidum evertant. Bellum
ergo iterum justum: quo fine, & fructu? Victi illi, & in Africam
compulsi: Hispania aucti Romani. At enim Græcia & Macedo-
nia jam defunt. Vis juste dari? Philippus Macedo foedus cum
Annibale coibit, Romanos & Græcos simul lacescit; atque isti eos
advocabunt, & sibi primum, mox & Macedonibus, imponent.
Talia in Antiócho, Jugurtha, ipso Mithridate; qui sceleratissimus
non Regum, sed mortalium, quid de fraude vel injustitia Roma-
norum quaeritur? ut volet; ipse ab illis & nobis audiet, *Veri*.
Non dicam, pereant; sed tamen pareant, qui vincere aut quiescere
non potuerunt. Hæc de antiquis saltem Romanis, & ante Syllam
civili bello nondum infectis, &, ut sic loquar, decoloratis. Plera-
que omnia tunc pura & justa. At postea degenerarunt, avaritia,
& ambitio quedam dictarunt, ad hoc rationis examen non dirigenda.

Punivit

univit quidem populos quosdam, fateor, sed non nisi imperio suo, stipendiario illo iugo. Quam multis autem & pacem indulgit, uti ea potuissent, aut voluissent. Iplis Carthagineisbus bis; Philippo etiam, & Antiocho, & Tigrani, atque hos omnes cum bellere terris in eorum manu esset, contenti fuerunt restringere, & per imagine hac trar, pennas incidere, ne temere & lascive sic evolarent.

Fortitudo Romanorum.

De *Fortitudine Romanorum militari*, satis in libris, *De Militia Romana*, dictum: sed argumenti & contextus etiam causa, pauca dicantur. Igitur & *Milites* & *Duces* praestantissimi huic genti fuerunt, & in omni aevo admirandi.

Vide mihi legiones illas, quae binæ junctae, & cum totidem Sociis, equitatu autem 1800 ad quaecumque bella & hostem ibant; ibant, sed & victrices fere redibant. Tota autem ea manus quid amplius, quam 18000 erat? Jam si 10 legiones jungeres, quod item factum, quid nisi Hirtii verbis dicam, *Vel Caelum dirigere eas potuisse*? Ecce gigantes novos, & veros, nec è fabulis petitos.

An non tales ibi videbuntur, si in *Operi*, *Agmine*, *Acie*, paullisper eos consideras? Quod ad *Opus*, fodiebant, vallum & fossas ducebant, aggerem, testudines, turres struebant: omnia celeriter & industrie, ut fidem superet, homines paucos tanta in tantulo tempore struxisse. Jam de *Agmine*, quid istud est? arma omnia peditem ferre, cibos semestres aut menstruos, utensilia, & septenos, aut plures interdum vallos. Jumentum ita oneres, negabis par futurum. Adde ordinem in toto incessu, à signis non discedere pari passu omnes ambulare, decurrere etiam, cum opus esset, in plenis armis. Denique in *Acie* quis par Romano miles erit? nam non fuisse quidem, id constat. Cum omnibus gentibus, omni genere armorum aut pugnarum concurrerunt, ecquando victi sunt ignavia sua aut culpa?

Quid autem mirandum tales fuisse, apud quos, à prima adolescentia, vita omnis in armis, honos omnis ab armis erat? Nemo honestiorum ad Rempublicam accedere, aut magistratus capere poterat, nisi decem annos militasset. Et pedestris ipsa militia, 20 annorum decursu denique terminabatur. In ipsa pace, an quietem egisse censet? exercitia assidua erant, vel in campo illo Martio, vel in ipsis alibi castris; Quis jam nescit locum in acie, vel in praesidio militi servandum, vel moriendum fuisse? Leviter ab eo discedere, à vita erat abire, ut severitas; quidem volebat saluberrima illius disciplina. Inde contemptus periculorum & hostium: & in medios illos vel exiguum manum si Dux misisset, quis non sine cunctatione parebat? Exemplum illustre & notum, sed admirabile est, in bello Punico primo, Consul parum provide suos ducans,

dictans, in locum humiliorem, & cunctas undique cunctum, in-
narat. Hostes agitus insederant, & sine ferro confectum bellum
videbatur. Ibi Tribunus consilium suppeditat. *Consul*, inquit,
videt tu collem illum, ad hostibus nonnullum occupatum; illic con-
fer mittendum cohortem aliquam militum, se te & alios vis
vis. Hostes enim in illis irruent: interea tu, si vis es, te expli-
cabis, & pervades. Placuit Consuli sententia, & vera erat: nec
de militis obedientia dubitabat, sed, *Ducem*, inquit, *illum, qui in*
certain mortem est, quam habemus? Me ipsum, ait ille. Dictum
factum, 200 ad montendum proficiscuntur, & cadunt; solus Tri-
bunus inter mortuos, semimortuus ipse, repertus convaluit, &
sepe utilem operam Reipublice postea navavit. Viros istos tal
robore, tali obedientia alibi mihi dabis? Sed hæc infelix audacia;
ista lætior, cum Punico item bello, fugientem eorum classem pe-
dies, in mare se conficientes & natantes, quasi in camporum in-
militate aggressi, manibus suis in litus retraxerunt.

In Histro legimus, Numidarum copias in corpore modum Cæ-
saris copias cinxisse; Cæsariani interim non amplius tres aut qua-
tuor milites veterani si se convertissent, & pila viribus contorta in
Numidas infestos coniecissent, amplius 2000 ad unum terga ver-
tebant. Vis nominatum & L. Sthenium aliquem citrem, qui ceantes
& vides in aciem descendit; 36 spolia ex hostibus retulit; & ex
provocatione occidit; 45 vulnera pectore excepit, tergo nullum?
Vis Calpurnium Scytham? qui in Britannico litore cum 4 commilito-
nibus in scopulo relictus, cum mari abeunte hostibus adire fas esset,
atque il confertim irruerem, desertus ab aliis, solus impetum su-
stinuit, multos dejecit aut occidit, denique, armis suis onustus, so-
lo scuto abjecto, in mare se dedit, & ad Cæsarem natavit. Qui
stupens ad viri virtutem, laudare parabat: at ille disciplinæ mo-
dior, *Da ventum, Imperator*, inquit, *quod scutum reliqui.* O
dictum factis illis ipsis laudabilis! & quid a tali animo, non enim
jam manibus solum, non speres? Idem Pompeiano bello, ad Dy-
rrhachium castello præpositus, solus in porta consistens, contra Ro-
manas legiones & copias id servavit. Quo tempore ei oculus ef-
fusus, humeri trajecti, & femur, scutum 130 ictibus perfora-
tum.

Sed in victoria quid milites istos misor? magis penè in clade &
morte. Milles in Cannensi prælio cum vulneribus confectus, manus
etiam mutilatus esset, spoliare se conantis Numidæ cervicem bra-
chii invadens, ad se traxit, & naribus atque auribus corrosis (cum
illa tela non essent, aut tractare non posset) deforme cadaver a-
spicientibus reliquit. De uno loquor: sed quoniam illi viri fuerunt,
quos ab elephantis obrutos Pyrrhi prælio accepimus? omnium vul-
nera in pectore, quidam hostibus suis immortal, omnium in mani-
bus enses, & relictæ in vultibus minæ, & in ipsa morte ira vivebat.
Unde

Unde mihi istos, non homines, sed Martes, si fas dicere, & nec victos quidem, nec vincendos?

Transco ad *Duces*: et si quomodo non isti omnes *Duces*? Sed tamen *Duces* etiam aliqui eximii: ut parens ille *Romulus*, ut *M. Furius Camillus*, ut *L. Papyrius Cursus*, quem vel *Alexandro* parem (si venisset) *Livius* opponit; ut *M. Claudius Marcellus*, ipso impetu; ut *Q. Fabius Maximus*, salubri rarditate; ut *P. Scipio Africanus* prior, divina felicitate; & posterior, divina virtute; ut denique (nam omnes quis numeret?) caput & culmen *C. Julius Cæsar*; fortuna, peritia, magnitudine, & celeritate animi super omnes, qui arma tractarunt, aut tractabunt. Sed conclusimus. Si post *Cæsarem* tamen unum addidero, alterius *Cæsaris*, o si quid utilemque ministrum? Is *M. Vipsianus Agrippa* fuit, vir bello providus & fortis, & vel causa victoriarum *Augusti*, vel instrumentum.

DE VIRTUTE ROMANA CIVILI.

Ad *Civilem* iam *Virtutem* venio, domi & in toga spectandam. Nam per omnes ordines diffusam triplicem maxime reperio, *Pietatem*, *Probitatem*, *Constantiam*.

Pietas Romanorum.
Pietas eminet, vana illa quidem, dixerit aliquis, sed tamen in assiduo *Numinis* cultu (pro inlorum capto) reverenter occupata. Incredibile est, quam omnia publice & privatim religiose coepta, administrata, parata: ut totam civitatem sacris operam & ad dictam possis arbitrari. Atque id secundum vetera instituta, nec novitati aut mutationi dabant hic locum. Miratur hoc *Dionysius*, quod quamquam 600 nationes pene in urbem confluxerant, quibus singula sacra sua ritusque patri essent, tamen nulla peregrina religio publice suscepta: aut si qua oraculorum monitu introducta, ea ipsa *Romano* more culta, abdicatis toridis vanitatibus, aut fabularum portentis. Quo valde faciebat, quod sacris præsentes, & ipsi non interpretarentur solum, sed administrarent, viri in *Republica* primi, honoribus honesti, qui & exemplo plebem eo trahebant, & prudentia ac maturitate, nova aut nocitura spernebant.

Probitas Romanorum.

A *Pietate* tanquam capite, alia virtutum membra, & imprimis illa *Probitas*, id est, animi morumque integritas quedam & candor sine furo, sine fallacia, diu mores illi fuerunt, & in proverbium abiérat, *Homo Romani ingenti, Romana simplicitate, & Romana fides*. Et sane differere alibi de virtute crebrum, hic usurpare. Nec solum in pace, sed etiam in bello candoris fuit, & raro astu aut fraudibus victoria quaesita aut parata. Tangit graviter *M. Aquilius*

Aquilius Imperatorem Annæus Florus, quod is bello Asiatico veneno fontes miscuisset, ad deditionem quarundam urbium. Jam & huic Probitati *Abstinentia*, sive etiam *Continentia*, adherent: non fide aut injuste appetere alienum, parce & modice suo uti. Et illius quidem (*Abstinentia*, dico) quàm pulcrum, nec jactatum nimis, exemplum fuit ab universo populo editum Mariana & Cinna proscriptio? Quippe cum ii hostium suorum penates, omnibus opibus aut elegantis plenos, vulgi manibus diripiendos ultro objecissent; nemo inventus est, nemo qui justam hanc prædam e civibus peteret, capere: sed tamquam à sacris ædibus omnes manus & cupidinem abstinerunt. Et quid in toga miramur hæc exempla, cum in ipso bello, & inter hostes, prædæ abstinentia fuerit? quæ non nisi permissu capta, & sic quoque tota ad Duces relata.

Jam in *Continentia* quàm laudabiles, si cibum, vestem, aut externa alia, spectes? Plinium & Plautum testes habemus, populum Romanum per aliquot sæcula non nisi farre & pulve vulgo usum. Quod si nuptiæ, festivitas, aut lætius convivium esset, pro magno pauci pisciculi, & porcinae aliquot pondo in opsonium adjecta. Similis in vestibus frugalitas, & omnium, dictum pauperumque, lana; atque ea navi & albidis coloris, nisi quod ditiorum splendentes paulo magis & nitidæ à fullonia arte essent. Nam Sericum, Holofericum, & ipsa Lintea, sero innoverunt, & timide etiam in usum paucorum venerunt.

Adderem *Modestia* laudem, & reverentem Senatus & Procerum suorum populum, nisi Tribunicia interdum procelle turbassent: quam ego pestem unicam & labem reperio in re Romana.

Constantia Romanorum.

Tertia Virtus *Constantia*: ô vere admiranda in Romana gente! Nam in aliis pares alios habeant, in hac nec comparandos. Mucius ille olim oraculum protulit: *Et facere, & pati fortia, Romanum est*, quasi hæc in malis magnis patientia (quæ ipsa est Constantia) peculiaris eorum virtus esset. Et tu dispice: Unquamne unum aliquem hominem plus invicti & obnixi in omnes casus roboris ostendisse, quàm populum hunc universum? Exemplis doceatur.

Pyrrhus ille in Italiam venerat, cum novi generis gentisque copiis, & in primis inaudito terrore elephantum: victor grandibus preliis erat, Italiam percurerat, & à trigelimo pene lapide Romanam prospexerat. Quid Romani? trepidant scilicet, & pacem petunt? Immo oblatam ultro respuunt, & legatos ejus cum animoso hoc responso dimittunt: *Pyrrhus Italia cum copiis excedito; ubi excesserit, de pace, si voler, agito. Ni excesserit, arma & viros, & aciem expectato.* Qui animi isti aut verba sunt? non contra Pyrrhum, sed contra Fortunam, & pene dixerim, cælum dimicantium.

tium. Etsi mos ille eorum semper in bellis, notandus & admirandus, nihil largiri armato hosti : sed ubi ea posita, & obsequiosi aut flexibiles illi visi, tunc denique conditiones ferre & æquas, & sæpe nec expectatas. Generosorum hoc est, ire in adversos, parcere aut abstinere jam abjectis. Fructus autem Constantiæ in Pyrrhum fuit, sponte Italia illum fugere, ipsos ejus dominos & potentes fieri.

Vide & bellum Punicum primum : quot ibi clades : raræ & novæ ? Rara in Africa ipsa, cum Atilius Regulus Consul, cum toto exercitu oppressus, & vivus venisset in hostium potestatem. Novæ aliquot in mari, cujus antea expertes & imperiti, classes plures vel naufragio vel pugna amiserant. Polybius scribit, & ipse miratur, 700 quinqueremes eo bello amissas fuisse. Satis autem jacturam eam æstimas aut intelligis ? in quaque earum 300 remiges ferme erant, milites 190. Hos tu si una computas & colligis, videbis paulominus 300000 hominum periisse. Et qui Romani tunc erant ? nec tota, etiam Italia plene adhuc potiti. O constantiam, ô robor, ô Fortunam ! nam hæc se vertit, & puduit tam merentibus non se dare.

Jam ad mortem plagâ, Punicum bellum tertium. Annibal, summus Ducum, in Italiam ipsam venit, sylvam excindere parat, in qua stabulabantur Martiales isti lupi ; & pene fecit. Tribus præliis magnis victor, & ultimo illo Cannensi, quid nisi totum virile sanguinem Romanum exhausti ? Heu cladem ! 50000 seclorum militum una cum altero Consul, cum tot Tribunis & Centurionibus, tot Senatoribus & Equitibus Romanis jacent. Et tu Roma adhuc spiras ? quibus freta ? senibus, puerisque ; & fœminis, quos solos pene reliquos habes ? Spiro, inquit, imo alta & vetera spiro. De pace nulla mentio : veniat vel Romam Annibal, arx & Capitolium nos defendet, & è cinere isto suscitabuntur rerum domini Romani. O infantas, dixerit aliquis, cogitationes ! Sed res & exitus docuit, constantes & felices. *Magna populi Romani fortuna*, (ait Florus) *sed semper in malis major, resurrexit* ; & pueros, senes ; victos, servos, armavit, & imbecillo aut fœdo exercitu victrices illas copias profligavit. Plura possum ; nam in omni Romana historia propria hujus virtutis exempla sunt : sed quid majus istis potest ?

Jam quid admirabilius ; quam, cum Varro auctor & causa tantæ cladis (nec falso) diceretur, Romam redeunti obviam itum ab omni ordine & populo, & gratias actas, quod de Republica non desperasset ? Si qua alia hæc plebs fuisset, itane gratias funesto & furiali capiti ? supra, saxa, tela, nec unam mortem. Illi fecerunt : quia hoc quoque Constantiæ proprium, mederi malis potius, quam irasci.

Est & minutum aliud. Nam cum Urbem ipsam Annibal obsideret, & terreret, fundus in quo castra ejus posita, publice sub hasta Romæ venit ; nec minoris quam si liber, nec infessus ipse, aut Italia, ab hoste essent. Item alterum : eodem illo tempore, cum ad unam portam Annibal pugnaret & invaderet, altera militum &

auxilia in Hispaniam emisserunt. Fiducia hæc humana non fuit; à Deo inspirante Venit.

OBJECTIONES

Contra Probitatem Romanam.

De candore & fide Romanorum multa sunt dicta: sed proh sancta Fides! quæ legimus alibi & videmus contra tuum numen aut nomen admittit? Caucaei, populus Hispaniæ satis potens & notus fuit, qui, cum pares Romanorum armis & violentiæ non essent, legatos supplices in castra ad Lucullum Imperatorem miserunt, pacem & fœdus quacumque lege facturos. Ille obsides imperat, & argenti statim talenta 100 (id est, 60000 Philippæorum) equites auxiliares certo numero. Omnia fiunt sedulo & obnoxie. Imperat tum amplius, ut 2000 militum in urbem suam accipiant, præsidii causa. Id quoque factum. Sed illis occulto mandatum, ut muros portasque occuparent: atque ita Lucullus reliquum exercitum induxit, & tuba signum datum, ut sine discrimine, senes, pueri, viri, femine, interficerentur. Ita oppidum direptum, deletum, ipsa 20000 hominum per summum scelus interempta. O candorem! ô simplicitatem!

Ecce aliam in eadem Hispania similem. Sulpicius Galba Lusitaniam hostiliter ingressus vastabat. Mirantibus illis, nec causæ aut culpæ satis consiliis, legatos mittunt, fœdera priora renovant: illo recipiente, & ultro miserante, quod sic affligerentur. *Sed, inquit, egestas vos impulit prædas agere, & belli speciem præbere: medebor. Tripartito vos dividam, & in agro ac solo pingui collocabo, ubi reliquum beati ac tuti agatis. Venite cum uxoribus, cum liberis, in talem vallem; talis illa pars, assignabo.* Venerunt miseri læti ac securi, & in triplici regione distincti; ad quorum primos cum accessisset, arma ponere quasi amicos sociosque iussit; & iis positis, milites immisit, & fidem ac Deos implorantes, ad unum omnes occidit. Idem alteris, tertiisque celeriter factum, & priusquam fama prioris facinoris ad eos venisset. Vide, si tale aliquid infidum & barbarum in ulla barbarie factum. Vis antiquiora? accipe. Autonomus gens in Italia fuit, uno tempore, nullo satis certo crimine, excisa. Livius ipse narrat, suspectos & delatos à paucis, quasi deficere ad Samnites vellent: præventos autem à Romanis, qui occulte submissis militibus, quibusdam & togatis, portas trium oppidorum occuparunt, & eadem hora, cædibus promiscuè factis, urbes & gentem deleverunt.

Contra

Contra Abſtinentiam Romanorum.

Jam quæ, aut ubi *Abſtinentia*? Romæ & inter cives fortaffe? credo, & ex veteri dicto, *Corvus corvo oculum non eruit*. Sed an eadem in Provinciis, & ubi occasio, aut facultas peccandi? O Dii Deæque, (ſi fas ſic exclamare) quæ illic occulta aut aperta furta, libidines, nundinationes, raptus? Poëtæ Harpyias aliquas finxerunt, quæ contactu unguibus omnia diriperent, aut fœdarent: in re iſti Romanorum Præſides fuerunt. Optimus & belliffimus quiſque ita ſe gerebat, ut bella omnia domum auferret. Demades olim dictitare ſolitus, cum ad tribunal aut magiſtratum iret, ad auream meſſem ſe ire: mihi crede, iſti ibant, & Colchos quiſque Jafon ſibi ſpondebat. Legiſti tu Ciceronis illa de uno Verre? Pleraque talia in aliis, & miſeri Provinciales non niſi præda & ſpolium Præſidibus ſuis erant. Quod ſi in pace talia, per bellum & arma quid ſuſpicamur fuiſſe? Dabo exempla.

L. Sylla in Aſia, cum communiter 20000 Talentum exegiſſet, privatim edixit, ut hoſpes militi, apud ſe divertenti, 16 drachmas in diem daret; cœnam inſuper ipſi, & ſodalibus quot vocaſſet; Centurio autem acciperet in diem 500 drachmas, id eſt, 50 Philippæos, veſtem præterea duplicem, domeſticam & forenſem. Hæc Sylla, inquit, homo nequam, & natus ad diſciplinam militarem diſſolvendam. Bene eſt; accipio excuſationem. Quid ergo L. Paulus qui Macedoniam vicit, inter optimos civium? Deſtinatum ei, Epirum totam diripere, & in prædam militibus dare, quia cum Perſeo Rege ſenſiſſent. Quid facit? Centuriones ſubmittit, per ſpeciem deliberandi, decem primos evocat, ut conſilio & ducibus ſpoliet: ô candidum factum! Milites deinde immittit; diripit, cædit: ô clemens abſtinenſque factum! Sed pulcherrima clauſula, tot millia caputim abducta: nec finis, in miſeros muros & teſta ſævitum, & dirui ea juſſa.

In vicina Græcia quid Hortenſius Prætor patravit? Legati Abderitæ in ipſa Roma audiantur: Flentes ante Curiam, querentefque oppidum ſuum ab Hortentio expugnatum direptumq; eſſe. Cauſam excidii fuiſſe, quod cum 100000 denarium (id eſt, 10000 Philipp.) & tritici 50000 modium imperaret, ſpatium petierant, ut de ea re ad Hoſtilium Conſulum, & Romam legatos mitterent. Vix dum ad Conſulem ſe perveniſſe, & audiſſe oppidum expugnatum, principes ſecuri percuſſos, ſub corona cæteros veniſſe. In ipſa Italia, Locrorum oppido, Q. Pleminius, legatus Scipionis Africani, cum milite præſuit. Sed quomodo? In corpora, in liberos, in conjuges, infandæ contumeliæ editæ.

Et quid ego Conſules, Prætores, Legatos, nomino aut conquiro? Ecce puſillus unus Præfectus Equitum, titulo tenuis, Scaptius, cum pecuniam

pecuniam deberi sibi à Salaminis diceret, illi ad Senatum appellerent, ejusq; consultum; homo probus & justus, 50 Equites ab Appio Consule impetrat, inclusum in Curia Senatum habet in multis dies, adeo ut interierint nonnulli fame. Quid plura dabo? Claudas mihi Polybius testium agmen: qui scribit, Scipionem, capta Carthagine nova, omnes obvios occidi jussisse, nec ut ulli parcerent. Tum addit, solennem hunc morem Romanis fuisse: *Videntur enim, inquit, terroris gratia hoc illi facere. Itaque frequenter videre est, quando Romani civitates capiunt, non homines modo occidi, sed etiam canes diffecari, & aliarum animantium membra truncari.*

Contra Continentiam Romanam.

Continentiam, & frugalitatem veterum illorum Romanorum, sed plane veterum, si laudas, ego succino, & Fabricios, Curios, Quinctios, tecum miror. Sin longius trahis; ut non ego, lectio & observatio tacite refellent. Quid? leges illæ sumptuariæ ab antiquo latæ, & sub bellum Punicum secundum, non ostendunt morbos in ea parte fuisse, cum ad publica hæc remedia decurrendum? ipsa cœnæ & lautitiæ quæ narrantur, non id clamant? Reminiscere Pontificæ illius cœnæ apud Macrobiū, ubi incognita & nobis quærenda ciborum genera. Reminiscere & Sallustii verborum de Metello, Proconsule in Hispania: considera cœnaculi apparatus, cœnantis habitum aut honores, cœnæ ipsius exotica fercula, quis ganeonum & lurconum possit vel ausit imitari? Quis nostrum hodie aves aut feras trans mare, cœnæ causa, conquirat? Atqui olim non Metellus solum aliquis, sed jam vulgus lautiorum. Seneca, acer ille talium quæsitō & censor: *Non est necesse,* (inquit, ad sæculi sui mores) *omne perscrutari profundum ac strage animantium ventrem onerare, nec conchyliis ultimi maris ex ignoto litore eruere. Dii Deæque istos perdant, quorum luxuria tam invidiosi imperii fines transcendit. Ultra Phasim capi volunt quod ambitiosam popinam instruat; nec piget à Parthis, à quibus pœnas nondum repetimus, aves petere.* Quid Latinus Pacatus in Panegyrico? Laudat Theodosium Principem, quod nihil tunc opus esset ad penum regiam flagitare remotorum litorum piscem, peregrini aeris volucrem, alieni temporis florem. Et tum addit imaginem prioris sæculi: *Nam delicati illi ac fluentes, & quales sæpe tulit Respublica, parum se lautos putabant, nisi luxuria vertisset annum, nisi hibernæ poculis rosa innatassent, nisi æstiva in gemmis capacibus glacie Falerna fregissent.* Horum gulæ angustus erat Orbis noster: namque appostas dapes non sapore, sed sumptu æstimantes, illis demum cibis acquiescebant, quos extremus oris, aut positus extra Romanum Colchus imperium, aut famosa nautæ agis maria misissent. Ecce vitia & prodigiosum luxum, omnia fastidientem, nili remota & sumptuosa.

Sed inferioris tantum illa ævi? imo vero à bello Punico secundo aut circa: cum ecce Cato Censorius publice questus, *Non posse saluam esse urbem, in qua piscis pluris, quam bos, veniret.* At ego dico, pluris quam decem boves, veniisse unum piscem; piscem? pisculum, dico. Mulli in quo tunc pretio? Putantur fuisse, quos *Barbos* hodie, aut *Regulos marinos* vocamus. Sed quicquid fuit, pisciculus; & vix 5 aut 6 librarum. O non delicias, sed insanias! unum ex iis 5,6,8,10, millibus HS reperio emptum. Tiberius Cæsar nullum sibi missum 4 pondo & selibrarum venire iussit, quem P. Octavius 5000 HS, id est, 125 Philippæis emit. Asinius Celer è Consularibus, hoc pisce prodigus, unum mercatus est 8000, hoc est, 200 Philipp. Tiberius graviter questus est, tres mullos 30000 nummum veniisse. Si numeri recti, certum est, excessisse, & singulos 250 Philippicis stetisse.

De Apicio res nota est, hominem perditæ gulæ fuisse; de quo, ut alia fileantur, mors sola iudicabit, quam Senecæ verbis dicam. Cum *HS millies* (duo milliones & semis) in culinam congefisset, *are alieno oppressus, rationes suas tunc primum coactus inspexit.* Superfuturum sibi HS centies computavit, & velut in ultima fame victurus, *veneno vitam finivit*: Quam luxuriam, & quam effusam vitam privati hominis hanc fuisse putamus, cui centies HS (id est, 250000 Philippæorum) paupertas & desperatio fuit?

Sed hunc omitto, & duos eodem nomine alios, qui in exemplar & nomen transierunt hujus vitii. Claudium Æsopum addamus, Histrionem. De eo Plinius: *Maxime insignis est in hac memoria Clodii Æsopi tragici Histrionis patina, 600 HS taxata, (15000 Philippæorum) in qua posuit aves, cantu aliquo aut sermone humano vocales, millibus sex singulas coemptas, nulla alia inductus voluptate, nisi ut in his imitationem hominis manderet.* Atque iste etiam fuit (alii ad ejus filium referunt) qui margaritas forbere solitus aceto solutas.

Sed quod ad illos gulones, de M. Antonii & Cleopatæ sponcione non meministi, cum hæc se centies HS una cœna diceret absumpturam? Ille negare, & rem *adivallor* censere: ad summum, iudex & sculna captus Munatius Plancus. Res non differtur, sequenti die illa cœnam apparat pollicibilem, si quis umquam, & deniq; ut Cleopatra, ut *Ægypti Regina*. Nihil mirari Antonius, & calculos ad extremum poscere: cum illa arridens, *Unum, inquit, ferculum rem confecerit.* Et simul ex composito, illata phiala acris aceti plena, unionem, quem aure dextra gestabat, singulare naturæ opus, detractum in phialam demisit, cumque, ut natura est, statim liquefactum absorbit: parata & in alterum, quem sinistra gerebat, manum injicere, ni provide & propere Munatius victum Antonium, clare pronunciasset. Quidni victum? cum sola ea gemma vel centies HS esset? live, ut nostra æstimatio, 250000 Philippæorum.

Caligula, quem à Natura editum, ut ostenderet, quid summa vita in summa fortuna possent. Seneca iudicavit, centies HS cœnavit uno die, & in hoc omnium adjutus ingenio, vix reperit, quo mediocri- um provinciarum tributum una cœna fieret. Commentus est portento- sissima genera ciborum, unguentis calidis frigidisque lavabat, pretiosissimas margaritas aceto liquefactas sorbebat, convivis ex aure panes & opsonia apponebat.

Quid jam Vitellius, ille helluonum omnium altissimus gurgis: de quo Plinius: *Vitellius in principatu suo decies HS (25000 Philipp.) condidit patinam, cui faciendæ fornax in campis ex ædificata erat.* Scripsit autem Suetonius, *In hac scarorum jecinora, phasianorum & pavonum cerebella, linguas phoenixopterum, murenarum lactes, & Capathio usque fretoque Hispania, per navarchos ac triremes peti- tarum, eum commisisse.* Idem non solum ipse prodigus, sed alios impellens, indicebat eadem die jentacula, prandia, cœnas, comesta- tiones, ipse omnibus sufficiens, vomitandi consuetudine. Nec cuiquam minus singuli apparatus 400000 nummum constiterunt. Heu illud vel abusum in alienis opibus! nam ea sunt 10000 Philippicorum, sive ipse census equester.

Jam de Heliogabalo quid dicam? de quo Lampridius: *Namquam minus 100 HS cœnavit, hoc est, argenti libris 250. (2500 Philipp.) Aliquando autem 3000 HS cœnavit, omnibus supputatis quæ impen- dit.* (id est, 75000 Philipp.) *Cœnas vero Vitellii & Apicii vicit.* Si ergo centum HS quotidie, essent 75000 Philippæor. in mensem. Quid jam convivia, quæ ejusdem totius summæ in unum diem in- terposui?

Sed jam monstra omittimus; aliquid ad communem morem qua- rimus, à quo non nimis Philippus, Hortensius, Lucullus, & hi tales, lumina Reipublicæ, abiverunt. Piscinæ & vivaria istorum nota sunt, & cœnæ; ex una Luculliana 50000 drachmarum, quæ sunt 5000 Philippæorum. Quid plura adferam? unum hoc Senecæ: *Quid est sumptuosa cœna flagitiosius, & equestrem censum absumente? & tri- cies tamen HS adiciales cœnæ frugalissimis viris constiterunt.*

De luxu in vestitu aliquid addendum. Romam à Censore nostro Seneca: *Quidquid est boni moris, extinguimus levitate & politura corporum. Muliebres munditiæ antecessimus: colores meretricios, matronis quidem non inducendos, viri sumimus. Tenero & molli in- gressu suspendimus gradum; non ambulamus, sed incedimus. Ex- ornamus annulis digitos, in omni articulo gemma disponitur. Ista de viris: quid de juvenibus? Pater illius Senecæ: *Torpent ecce in- genia desidiosa juventutis, nec in illius rei honestæ labore vigilatur. Cantandi saltandique obscena studia effeminatos tenent: & capil- lum frangere, & ad muliebres blanditiæ vocem extenuare, molli- tie corporis certare cum feminis, & immundissimis se excolere munditiis, nostrorum adolescentium specimen est.* Fortasse de fœminis addam,*

quas

quas scimus cum venia peccare, ubi viri gradum struunt? Iterum Seneca: Video uniones non singulos singulis auribus comparatos: junguntur inter se, & insuper alii bini superponuntur. Non satis muliebris insania viros subjecerat, nisi bina ac terna patrimonia auribus singulis pependissent. Ille de auribus queritur, alius de toto corpore. Pedibus etiam aurum & gemmæ adhibitæ. Ac Plinius scribit: Non tantum crepidarum obstragulis, sed & totis socculis addi. Neque enim (inquit) gestare jam margaritas, nisi calcent, ac per uniones etiam ambulent, satis est. Addit pro fastigio insanix, Visam à se Lolliam Paulinam, ne serio quidem ac solenni cærimoniarum aliquo apparatu, sed mediocrium etiam sponsalium cæna, smaragdis margaritisque operam, alterno textu fulgentibus, toto capite, crinibus, spiris, auribus, collo, manibus, digitisque: quæ summam quadringentes HS colligebant, (decies centena millia Philippicum) ipsa confestim parata, mancipationum tabulis probare.

Excusatio Objectionum.

Non est magnum opus hoc, quod hic acervatum; unius alteriusque manus impulsu dirigitur, nec machina aut ariete alio adhibito cadent infirmi isti muri. Triplex accusatio structa, in *Probitatem*, in *Abstinentiam*, in *Continentiam*. Et videamus.

Fraudulenti quidam & perfidi fuere, rapaces quidam & crudeles, luxuriosi in cibis aliqui aut veste, sed quidam, sed aliqui: & hæc prima responsio sit, & scutum pro me firmum. Quid pungis aut invadis gentem totam ob pauculos tot sæculis nominatos? Fuisse non miror: nec id prodigium aut monstrum; imo esset, si non fuissent. An tu in hac facie nostra hominum puram meramque virtutem aliquam vis? Soles nobis imperiorum lucere sine nube, aut tonitru, aut procella? nec fuere ista, nec erunt: & Deus in superis illis locis, & liquido æthere, serenum hoc habet & servat, cætera omnia inferiora miscentur & turbant. Galbam aliquem aut Lucullum in Hispania nominas? Hortensium aut Pleminium alibi: quid ista sunt in tot millenis Præsidibus, qui boni & innoxii fuerunt? Ut si guttas aliquot aceti in magnum vas aquæ mulsæ jaciam, non ipsam corrumpam, sed gratiam fortasse magis ab acore aliquo addam: sic in magnis istis imperiis magis sentitur bonorum bonitas, si pauci interveniant acidi aut amari.

Et tamen (quæ altera responsio) adversa sæpe fuere, atque etiam animadversa. Hoc excuset Senatum & imperii præfides, quod legibus pœnas dederunt, quicumque convicti sunt leges alibi violasse. Nonne id in Galba, Hortensio, Pleminio, Verre, & talibus? Nec Romanis igitur universis fraudi aut culpæ fit, peccasse aliquos, sed impune & libere peccasse. Paulum Æmilium attulisti, magnum virum, fateor, & uno illo vel colore culpæ, non enim culpa, indignum. Cur tamen cum invidiose rem totam narras, hoc callide fides,

Senatum iussisse? Ex scripto id fecit; qualecumque est, non jam ipse, sed Senatus potius accusetur. Cur tamen vel iste? Audi, & disce. Epirotæ illi omnes firmiter pro Persa steterant, Romanos oppugnaverant: quæ injuria est, si hostes hostium pœnas luant? At nimias, inquires. Nollem factum; sed ad coercendas rebelliones aut defectiones talia quædam à modestissimis Regibus aut Rebus publicis facta, possim docere.

Addis solennem sævitiam Romanorum, ut puras, in expugnatione oppidorum; homines occidi, canes dissecari, animantes truncari. Miseranda sunt, non nego: nec tamen, ut censes, referenda inter admiranda. Quid dissimulas? non heri & hodie hæc fiunt in puberes & viros omnes, ubi vis ultima expectata? Et causa aliqua huic rei est, Terror: & non facile alioqui, manum & finem bellis imponere, nisi hæc interdum frangendæ pertinaciæ, usurpentur. At canes etiam dissecti. O ridiculum, si in canes non licet, quod in homines! Hæc dici & excusari possunt, & vere possunt: non infiteor tamen, sub Sylla aliquo, Mario, aut Cæsare, & præsertim per civilia bella, jus omne & fas neglectum aut calcatum; sed mox attollendum ab Augusto, aut siquem bonum Principem Deus dedit. Illo medico opus fuisse fateor, Republica jam tam laxa & opulenta: & inter pares severitas aut terror esse non poterat, ad satis reprimendum.

Venio ad Continentiam asserendam. Argumenta in eam præcipua duo erant, Leges sumptuariæ ab antiquo latæ, & exempla aliquot luxus.

Quod ad leges, aio & affirmo, non firmitus pro frugalitate argumentum esse. Nam quod ex coercent aut emendant, quale est? ex emendatione apparet, quam videamus. Fannia ecce lex, sub bellum Punicum tertium lata fuit in hanc sententiam: *Permitti diebus festis centenos æris; cæteris, denos.* Centeni illi æris 10 drachmas nobis reddunt, deni unam. O nuptias, repotia, natales, apparatus celebri, quibus Philippæus unus sufficeret in potum, in cibum! Quis de via aut ponte mendicus pene non plus hodie absumpserit? Atqui Respublica tunc satis opulenta & florens erat, & maxime sub Sylla: tunc & Græcicæ, & Asiaticæ deliciæ cognitæ. Videamus igitur, & laxè lautequæ jam epulemur. Nam ecce tulit Sylla, ut feriis solemnibus 30 sesterlios liceret insumere; cæteris diebus ternos; 30 sesterzii sunt nostro calculo 7 drachmæ & semis, id est, nondum Philippicus: terni autem nec drachma. Lex Licinia prævit, in qua non nili 30 asses (tres denarii) permitti diebus festis. Laxavit igitur & auxit Sylla. Sed quid hic sustinimus? Augustus ille, qui Romam opibus & gaza Ægyptia replevit, & sub quo illa in ipso flore, Cibariam legem hanc tulit: *quæ profestis diebus, 200 sesteritiis; Kalendis, Idibus, & aliis quibusdam festivis, 300; nuptiis autem & repotiis, 1000 finiuntur.* Sunt 5 Philippæi, profestis; festis, 7 cum dimidio; nuptiis, 25.

Atqui Apicios, Lucullos, Caligulas, Vitellios, adduxisti. Quid ad me? cum Rempublicam laudavi, plurimos in ea laudavi, nec aspicere debui, si quæ in tanto ac tam uberi agro malæ alibi & nocentes herbæ. Non obstant, quo minus hæc seges bona & laudabilis sit: nec tales certe mihi dabis ante labentem Rempublicam, id est, Syllanum ævum.

Notandum quoque est, apud Romanos interdum tantam rerum vilitatem fuisse, ut bos aliquis non nisi quaternis aut quinis drachmis constiterit. Plinius ita scribit: *M. Varro auctor est, cum L. Metellus in triumpho plurimos duxit, elephantibus singulis farris modios fuisse, item vini congios, ficique sicca pondo 30, olei pondo 10, carnis pondo 12.* Si igitur carnis pondo 12 singulis assibus venit, fac bovem pependisse 400, aut 500, libras, quid erunt nisi quaternæ aut circiter drachmæ? Sed illa nimis vetera sunt, inquit. Nec id quidem, sed bello Punico primo, A. U. 502, evenerunt, haud longe à Catonis ævo. Bello Mithridatico, Lucullus prædas è Ponto agit, sic abundantes, ut mancipium 4 drachmis venale esset, bos, una; capræ, oves, vestes, alia, pari vilitate; ecce, bovem reduxi ad drachmam. Catonis ævo in Gallia Cisalpina medimnus Siculus (sex modios continet) non nisi duabus drachmæ partibus venit, nempe 4 obolis: metreta vini (12 congii sunt, si Atticam intellegis, & sunt libræ mensurales 120) tertia parte drachmæ. Viator in iis locis nihil cum diversitore aut hospite pascabatur, sed bene & laute habitus, abiens solvebat dimidiatum assen. O si nobis peregrinari ita fas! tota juvenitus dilabatur, & abeat in beatas illas oras. Non tamen, ut serio loquamur, tam grandis vilitas hæc semper fuit.

Vestibus & viros foeminasque lascivisse, non nimis nego, neque excuso: concessu omnium peccet in nugis ille sexus, ad seria non aptus. Sed viri, parum aut nihil in veteri Republica: sub Principibus cœpere, ne Principibus ipsis invitis. Frangi aut mitigari altos & generosos animos, vestium, conviviorum, ludorum deliciis aut remissionibus, haud abs re eorum est; nec Augustus & sagaciores illi ignorarunt. Itaque Tacitus scripsit: *Luxus mensæ, à fine Asiatici belli, usque ad arma, quæ Servius Galba rem Romanam adeptus est, per annos centum, profusus sumptibus exercitos fuisse. Sed antea negamus.*

De Doctrina Romanorum.

Abolvimus de *Virtute*, nisi placet ornamentum vel adjumentum ejus adtexere, *Doctrinam*. Nam & ea Romæ viguit, atque adeo ab ipsa condita Urbe, vel potius ante eam. Atque adeo erat transfusa ipsa Græcia in magnam Italiam partem, cui & nomen reliquit. Exolevisse tamen hæc paulatim fateri debemus, & usque ad bellum Punicum secundum ratas Romæ vel elegantias, vel literas fuisse; Mars & horrida virtus omnia obtinebant. Postea capta ipsa Græcia victores iterum

iterum cepit, & feliciter artes suas intulit, & diffudit. Magno gradu tunc itum ad variam doctrinam, sed primo ad eloquentiam maxime, ut quæ conjuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moreſque colendos, aut honeste oblectandos, facere videretur. O hanc quoque curam laudabilem! & maxime, quia cum modo & temperie fuit, quod nec omnes passim se darent, nec nimis etiam se darent literis. Non omnes, sed primores fere, & ii qui vel erant in Republica, vel ad eam se præparabant. Et triplici illo ordine. Plebs ad militiam aspirabat, neque erat harum rerum Senatus & Equites, præter illam, animi cultum assumebant, & mente, non manu solum, conspici volebant. Modum quoque plerique servabant; nec ut mancipia quædam literarum essent; sed ut, quatenus opus, haurirent, & ad rem atque usum transferrent. Talis Scipio ille posterior, talis Cornelius Sylla, Pompeius, Lucullus, Cæsar, alii, uno verbo, quicumque in Republica eminentes postea fuerunt.

Itaque studium hoc doctrinæ publice viguit, & doctores paulatim, in privatis primo Principum ædibus, mox & in publico, ac stipendiis publicis, auditi, conducti, & præmiis varie affecti. Quis nescit, Cæsarem omnes liberalium artium doctores, qui Romæ essent, civitate donasse? qui summus extero honos, & nulla pecunia æstimandus; etsi nec hæc defuit, primo quali è privatis loculis data, mox è fisco annuatim appensa. Primus id Vespasianus firmiter instituit. Qui Latinis Græcique Rhetoribus annua centeta constituit. Ea reddunt 2500 Philippæos: ubi hodie vel eximiis doctoribus largiendos? Atqui & Medicis quingena HS mercedem annuam fuisse, Plinius docuit: quæ sunt 12500 Philippæi. Cur ergo non admittam vel 600 excellenti alicui honorarium fuisse? Imo fuerunt Eumeno Rhetori, & doctori in scholis Augustoduni, quem Constantius Princeps sub Augustis Diocletiano ac Maximiano salarium in 600000 nummum accipere iussit. Scilicet alienum nimis à magnitudine Romana est, 15000 Philippæorum singulari doctori, & qui Magister Palatii fuisset, dari? nihil est: & credent mecum, qui veteres opes & animos fati sciunt.

De Diuturnitate Imperii Romani.

Vidimus, quam magnum Imperium Romanum à *Finibus, Copiis, Opibus, Operibus, Virtutibus, Virisque* fuerit: & potuissimus addere à *Tempore*, ac diuturno statu. Nam quod alibi imperium, modice magnum, tam diu perseveravit? Atque istud maximum tot sæcula stetit, & reliquiæ ejus cum nomina, etiam nunc in Germania & Austriaca domo feliciter ecce vivunt. Itaque Plutarchi verba liceat usurpare: *Cum Fortuna alata sic ac vaga, & modo Assyrios, Medos, Persas, Macedonas, Carthaginenses, lustraverit, eosdemque reliquerit: videtur ad Tiberim alas posuisse. volubilem globum reliquisse, & Urbem quasi perpetim inhabitatura intrasse.* Quid Homerj jam olim vaticinium? quam mirabile est?

Nunc

Nunc autem Trojana Aeneas sceptrum tenebit,
Et nati natorum, & qui nascuntur ab illis.

Ille vero tenuit, & nati ejus; inter quos Romulus primus Regum, ex eo sanguine; & o occultam decreti vim! primus Imperatorum Caesar. Et si autem mutatio aliqua status intervenit, tamen imperium mansit; primo sub Regibus, tum Consulibus, tum Principibus: & sub istis scissum divulsisque, & caput alterum in Thraciam aut Græciam translatum.

LIBER I.

DE CRUCE.

Materies & Ordo Operis hujus iste: QUID CRUX, & CUJUS-
MODI fuerit: UBI, QUARE, QUOMODO, & QUATENUS,
usurpata. De his omnibus accurate & distincte dicetur.

De Nomine Crucis.

Crux significatione duplici, *laxa* & *adstricta*. Illa est, cum pro omni angore, tormento, atque etiam interitu, sumitur à Comicis passim, qui jubent, *Abire in malam crucem*; ut Gracchus, qui dixit, *Mala cruce perire*. Sed & Terentius à cruciando, Meretrices dixit *Cruces*. *Adstricta* significatio est, & vulgo receptissima, cum peculiariter cruciatum & interitum notamus in ligno. Dixerunt & alio nomine *Gabalum*, voce Hebræa: nam illis *Gab*, excelsum; *Gabal*, terminus aut rectus stipes in agris. Quid nisi tale crux, quæ erecta, & in excelsis? Et Germani patibulum *Galgen* vocant. Dixerunt aliter, *Infelicem arborem, lignum, stipitem*. Dixit & *Infamem stipitem* Poeta incertus. Natæ appellationes à judicio & sensu vulgi, quibus hoc supplicium in horrore pariter & vilitate. Et quamvis *Crux* proprie in ligno, tamen similitudine etiam ita dicta suspensio aut fixio in alia paratura, puta in monte aut petra.

Nomina vero supplicii, quod per eam, sunt ista, *Cruci suffigere, in cruce suffigere, Cruci affigere, Crucifigere*, crebra sunt. Illud minus. *Figere, in cruce, & sine additione*, quod alii, *Configere*. Suo etiam & proprio verbo appellarunt, *Cruciare, Crucificare*. A *Crucio*, sive *Cruce* ipsa, *Crucianus* dictus is, qui in cruce, vel qui ea dignus. Quo modo & *Verberonem, Flagronem, Mastigiam*, dicimus, verberare, flagro, mastigare, dignum. Qua mente & *Vinum crucium*, insuave, acerbum, Festus observat.

Græcis duo fere Crucis nomina, σταυρός & σκάλος. Illud frequentius, quod tamen proprie non nisi stipitem signat singularem & erectum: Latine dixeris *Palum*, sive *Vallum*. Vox facta παρὰ τῷ εἰς αἶαντα εἶον, ἢ παρὰ τὸ εἰς εὐρύ. Ἰσχυρα; hoc est, quod ad aëra stent,

stent, vel quod in latum. Lucianus derivat à *Tau* litera, quæ figura crucem refert. Jam *Σκῆλο* proprie vallum sudemque significat acutam, Appellant etiam *ἰκεῖον* crucem. Duo autem sunt verba, quibus ipsam crucifixionem signabant; *ἀναστυρεῖν*, & *ἀνασκολομίζειν*. Ita enim plerumque compositæ, ad elationem scilicet fixationemque in alto notandam; et si alias etiam simpliciter *εὐρεῖν* & *σκολομίζειν*. Sunt & alias duo verba, quibus vulgo valde usi, *προσηλῆν*, & *πριμῆν*, sive *ἀναπριμῆν*, quorum illud clavationem ipsam in ligno proprie notat, hoc suspensionem. Tale apud Latinos ipsum *Suspendere*, quod ad crucem referendum.

Divisio Crucium.

Rem ipsam ordiamur; cui illustrandæ duplex genus statuo, *Simplex* & *Compactum*. Illud voco, cum in uno simplicique ligno sit affixio, aut infixio. Quæ crux, meo iudicio, prima fuit, & in aliam speciem à rudi hac ventum. Sed ea quoque duplex; altera ad *Affixionem*, altera ad *Infixionem*. Nam alias ad arborem sive stipitem alligabant figebantque hominem. Nec ambigimus, arbores plerumque huic rei servisse, præsertim in grandi numero cruciandorum, sive recisas leviter, & ad crucem aptatas, sive etiam comantes. Sed & in stipite simplici idem fuit. Atque hæc fuit in simplici Cruce affixio.

Est & in eadem *Infixio*, cum nudum hominem erecto acutoque stipiti infigebant, ea forma & facie, quam docent Scriptores. Seneca: *Cogita carcerem & cruces, & adactum per medium hominem, qui per os emergat, stipitem*. Viden' clare, medium hominem scissum & transfossium? Vulgo dicitur *Impalatio*. Et hoc proprie est *Σκῆλο*, & *σκολομίζειν*, ubi legitur plerumque referendum ad hanc formam. In hac cruce, quam *acutam* vocat Seneca, habitus erat hominis ab infero in superum sic transfixi, quasi federet. Hoc ipsum genus *ἀνασκολομίζειν* dictum Græcis, quasi diffindere & diffecare. Item *ἀνασκολομίδιαι*.

At *Compacta* crux est, quæ manu facta, idque è duplice ligno. Hæc est plena & vera crux, in qua brachia etiam explicantur, atque ideo *Patibulum* non semel dicta. Hujus species triplex: Est *Decussata*, est *Commisssa*, est *Immissa*.

Decussata est, in qua duo ligna directa & æquabilia inter se obliquantur. *Decussare* hoc enim Romani dixerunt. Hieronymus: *Decussare, est per medium secare; veluti si duæ regulæ concurrant ad speciem literæ X, quæ figura est crucis*. Hæc illa est, quam *Andream* hodie dicimus, valida & satis veteri fama, divum istum in ea cruciatum.

Jam *Commisssam* crucem appello, cum ligno erecto brevius alterum, superne, & in ipso capite committitur, sic ut nihil existeret. Ea forma examissim est in T litera, quam uno ore omnes cum cruce componunt. Astruunt etiam picturæ, & nostra lingua. In illis quidem,

dem, passim hodie videas D. Antonii, vetustissimi monachi, penulae & manui assui aut imponi hanc crucem. An quia Ægyptius ille vir, quibus jam olim notum, & inter sacra hoc signum? Certe in obeliscis, qui inde Romam vecti, sculptum sic videtur, cum annulo tamen vel ansula superne. Certe in penula aut veste monachorum crux, imo cruces. Quod autem manu tulerint, hodieque in Æthiopibus sive Abyssinis ille mos, uti vulgus reliquum cruces è collo pendulas gesserit, monachi hoc amplius etiam manu, auctor est Damianus à Goës. Ægyptiis autem litera T olim inter notas hieroglyphicas, & significabat *Vitam venturam*. Atqui & à lingua nostra argumentum petii: nos enim Germani hodie bacillos in hanc formam, quos ægrorum brachiis sustentaculum subijcimus, vocamus ipsa Latina voce *Crucken*.

Denique *Immissa* crux est, cum ligno erecto transversum alterum iungitur atque immittitur, sed sic, ut ipsum secet. Ita eminentia hic semper aliqua & capitellum, aliter quam in *Commisâ*. Etiam anguli hic sive fines quaterni, illic terni. Ingerunt eam oculis picturæ pariter & scripturæ priscæ.

Habes omnes crucium species. In qua earum ille mortuus, qui morte sua nobis vita? In illa postrema, quæ quatuor finibus universum Orbem complexa est, non sine mysterio, quod toti Orbi mortuus, Salvator noster pendit. Nec ambigi profecto potest, in tam veteri Christianorum sensu.

Crux ubi usitata.

Cruces satis vidimus: *Ubi* gentium ex in usu fuerint, addemus: etsi uno verbo pene dixerim, ubique gentium receptas. Oriens quidem plerumque usurpavit, idque jam olim. De Syris, in *Esthere* scriptum. De Judæis, in sacris libris sæpius. Ægyptios etiam usos reperio; & Persas crebro: sed Afros vel omnium creberrime: qui non in viles modo, sed illustrissimas Personas adhibebant. Atque à Senatu Carthaginensium etiam in Duces, bella pravo consilio gerentes. Video & Græcos usitasse. Jam Romanis vetus veterrimumque supplicium patibulorum. Si Livio fides, statim sub primis Regibus usurparunt; & exemplum in Horatio, cui id sub Tullo parabatur. Etsi Cicero dissentire videtur, & horridum illud carmen ad Tarquinium Superbum auctorem referre. Utrum horum est, video etiam libera Republica statim in usu cruces: An Germani usi, dubium.

Causa varia hujus Supplicii.

Plurifariam igitur receptæ cruces, sed vix tamen, nisi in homines viliores, Romano quidem ritu. Atque apud eos servorum fere hoc supplicium, aut plebejorum, qui juxta servos. Ea adeo peculiare hoc servis, ut nomine *Servilis supplicii*, crux veniat capienda.

Servile

Servile igitur hoc supplicium, sed non ob levem aut quotidianam noxam, sed graves erant, & in extremo supplicio extrema causa: ut Delatura domini; & in genere, omnis machina contra dominicam salutem. Item Fuga, sed diuturna, aut repetita. Hæc & plura in servis, quos mitiores durioresve domini, gravius, mitius, pro arbitrio sunt puniri.

Quid autem in liberis? Rara crux, ut prædixi. Quin remove prorsus ab hoc genere Læstantius videtur. Sed frænanda ea assertio est; & cive quidem indigna crux, nec credo usurpatam in eos, nisi præter leges, & per sævitiam: viliores liberi, & provinciales, non ab ea profecto immunes. Atque hæc crimina in iis cruciaria. Primum, Latrocinium. Deinde, Sicariatus. Tertio, crimen Falsi. Anne & Furtum? ita, sed non Romæ. Et mirum ni è Gallis Germanisque isti Reges, quorum moribus etiam nunc fures ad furcam. Alia etiam crimina in hanc pœnam, ne ambigas.

Cum hæc vidimus, pie, non curiose, quæro, in Servatore nostro quis prætextus (nam causa numquam fuit) ad crucem? Blasphemiam aliquis dixerit, ex vocibus & judiciis Judæorum. Atque ipsi sane ita apud Pontificem accusant, & huic noxæ testes quærentur, & ipse denique Pontifex ejus damnat. Attamen si legem spectes, hi tales lapidibus, non cruce, puniri. An non verius ac simplicius, totum illud judicium, etsi judicii dissimile, Romanis moribus legibusque directum? Mihi videatur: & respondeam, damnatum innoxium nostrum Agnum, quasi Seditionis nomine & Regni affectati. Certe Romana lege, auctores seditionis aut tumultus, pro qualitatis dignitate, aut in crucem tolluntur, aut bestiis objiciuntur; Quod autem sic etiam apud Pilatum accusatus, Lucas clare. Credidit, nec credidit, Pilatus; & titulum tamen causamque mortis inscripsit, *Rex Judæorum*.

In hos ergo tales ex ordine & more crux usurpata. Interdum regnum ei largius, & præsertim apud Reges: nam hi ex libidine sæpe ita sævierunt in hostes aut rebelles, & uno tempore multos. Alexander Magnus 2000 Tyriorum, capta eorum urbe, crucifixit. Alius minutus Alexander in Judæa, convivans in publico & conspicuo loco, una cum pellicibus, jussit in crucem dari Judæorum ad 800. Quintilius Varus, ex eadem gente, ob nescio quem motum, crucifixit circiter 2000. At Titus in obsidione illa exitiali, 500 & plures, in singulos dies crucibus affixit: & ob multitudinem terra crucibus & cruces corporibus deerant. Jam & Augustus confecto bello Siculo, 600 servorum, quorum domini non exstabant in crucem egit. Et in Christianos Tyranni crebro adhibuerunt, atque eos numerosos: sic uno tempore, uno loco, ad 10000, interfecta. Atqui nec a foemineo sexu abstinerunt hoc supplicium: & Tiberius, ob adulteratam in templo Isis Paulinam. Sacerdotes crucifixit, & Idam, (ancillæ nomen) quæ corruptelæ causa fuerat. E Christianis etiam Beata Eulalia cruxi affixa, Sancta Julia, & alia,

LIBER II.

DE MODO CRUCIFIGENDI.

Dixi satis *Quid* Crux, & *Cujusmodi* fuerit, *Ubi* & *Quare* usurpata; pergo longius, & universum hoc poenale ædificium exstruò, per singula etiam membra. Dicam enim *Quomodo* usurpata; & non solum animis, sed pene oculis subjiciam sævitiam & foeditatem ejus supplicii; quæ sane magna: nec temere Cicero crudelissimum teterrimumq; appellavit: & Poëta Nonnus, ἐλγυστικὴν τῆς πόλεως, *damnatissimum quoddam fatum*. Quin etiam Jurisconsulti nomine *Summi supplicii*, velut ob eminentiam, designant istud. Ab eadem mente *Supremum* Ulpianus dixit. Dicta hæc ipsa *Extrema pana*: Nam ex Jurisconsultorum mente, Crux etiam supra ignem, si infamiam, magnitudinem, & præsertim diuturnitatem poenarum, in ea attendis.

Sed sævi foedique quid in hoc supplicio fuerit, *Modus* ipse dixerit; quem graphice imus representatum. Duplex autem iste modus, *Vulgaris*, & *Rarus*. Ille receptissimus, & quo vulgo utebantur. Alter magis sepositus, nec in tam assiduo usu. De illo prius, & quidem ordine, hæc tria: *Quæ ante fixationem*, *Quæ in ipsa*, *Quæ post ipsam*.

Quæ ante fixationem.

Ante fixationem duo adhibita: *Flagellatio* & *Deductio*. Flagellatio quidem solennis antecessor, & raro in crucem dati, nisi sic purpurati. Solennis ergo mos, imo lex: & horrendum carmen diserte canebat: *Verbera intra aut extra pomerium*: & tum denique succinebat: *Arbori infelici suspendito*.

Verberati igitur: sed utrum virgis an flagellis? Illas interdum reperio, sed magis crebro ista. Discrimen enim esse scimus: & quia virgæ honestiores, inhonestissimo huic supplicio attributa flagra, fervorum propria, ab ingenuis, tum à foeminis, remota maxime. Flagella autem hæc aspera, adeo ut Ulpianus scripserit, ministrorum immanitate multos sub ejusmodi flagellis interiisse. Fuerunt enim taxillata; siquidem insitis talis, aut ossiculis, exasperabant. Factum Romæ, & alibi. Apuleius agnoscit, & *Flagrum pecuinis ossibus cænatum*, scite Appellat. Ille idem Gallis Matrisdeum adscribit. An tale aliquod flagri genus, quo Christus etiam noster cæsus? imaginantur aut pingunt per pietatem nonnulli. Haud ego assero; sed illud Evangelistæ, cæsum esse, & quidem flagro. Hoc ἰμρόδιον Nonnus appellat, *flagellum loreum*.

Fla-

Flagellatio hæc non uno semper loco, aut tempore. Aut enim ante Deductionem utebantur, idque domi, aut in pratorio : quod in Servatore factum. Aut in ipsa Deductione per viam : quod moris fuit magis prisce. Si domi, ligabant interdum ad columnam. Id de Servatore nostro non ambiguum, piis quidem & in religione antiquis : etsi enim Evangelia non exprimunt, secuti tamen Patres. Quid per viam ? sub furca id factum ; de qua suo loco dicetur.

Ad Deductionem venio, in qua duo observo : *Ludibrium & Tormentum*. *Ludibrium*, quod ipsi coacti crucem suam ferre, aut certe ejus partem ; ut vere esset istud, quod dicitur ; *Suo sibi jumento malum*. Atque ita Johannes de Christo : *Bajulans suam crucem, exiit in locum Calvaria dictum*. Qua sola causa vetera quædam vaticinia aut imagines, ductores nostri ad Christum trahunt. Et Christus sane totam plenamque crucem tulit : ni fecisset, quid opus erat auxiliatore & subsequa, qui allevasset ? Alii non semper totam : atque ideo caute prædixi, *ejus partem*. Nam qui ritu veteri sub furca cæsi ducebantur, ferebant non nisi istam : Imo interdum nec istam : nam fac in arbore aliqua crucifixum, & subito, profecto præter se nihil tulit.

Tormentum etiam in Deductione : quia trahere, divexare, & stimulis agere, per viam solebant. Nec dubium est, quin impulerint, dejecerint, crexerint, per sævitiam aut per lusum. De stimulis etiam non temere addo ; & aperte auctor affirmandi Plautus.

Quæ in ipsa fixatione.

In ipsa fixatione tria consideranda, *Suspensio, Adstrictio, Inscriptio*. **SUSPENSIO** præit, & ante illam etiam nudatio, quia simul ad crucem ventum, spoliabant hominem & sic in eam dabant. Receptum hoc in plerisque suppliciis, velut Naturæ suavis, quæ nudos induxit in vitam, & educit ; etiam in isto. In Christo factum hoc observes, quem Evangelistæ narrant recepisse vestes post flagellationem jam deducendum, & posuisse iterum deductum. Ergo nudi dari in crucem ; sed jacentem, an erectam ? Pro jacente Acta vetera de Pionio martyre satis clare stant. Et ratio etiam aliqua suadet. Nonne enim facilius hominem sic affigere supinum & inclinatum, quam tollere in erectam pendulum, labentem fortasse & reluctantem ? Videtur. Tamen, quod in erectam, plusculi affirmant testes. Nec video quid obduci possit, nisi istud infirmum, statutas quidem, sed sub adventum noxii, iterum demissas, Quis credat ? aut irriti laboris quæ ratio ? Abnuunt etiam phrasæ veteres, quas scimus plerumque affimiles rebus ipsis. Dicunt enim, *Tollere, Agere, Ferre, Dare, in crucem*, quæ omnia elationis sunt aut motionis. Item in ipsis fontibus, *Excurre, Ascendere, Salire, in crucem*, quæ mihi videntur convenire non nisi in erectam. In hoc dissensu quid definimus ? consensum, quia licet. Dicimus, utrumque usurpatum, sapius

sæpius tamen hoc postremum. Imo interim necessario hoc postremum. Pone enim in arbore suspensos, (sæpe factum;) quomodo demitti ea potuit, & tunc attolli? Qui si de transversario tantum ligno capies, in eo figi solitos, & deinde subduci atque appendi? Pugna omnis cesset.

ADSTRICTIO facta clavis, aut funibus, sed plurimum illis. Atq; ab hac re Græcis passim ipsa crucifixio *προσήλασις*, dicta, quasi dicas, *Clavi-fixio*. Et *προσῆλθαι*, *cruci affigi clavis*. Funes etiam adhibiti, & quorundam iudicio videntur necessarii fuisse in omni fixatione: Nam volunt manus ligatas, ne se subducerent ad ictum, aut commoverent, tum etiam ut firmiter & cum adminiculo penderent. Deinde & alterum funem ad pectus corpus ambiisse sub ipsas alas, eoque sublevatum hominem & attractum in summam crucem. Id porro factum admotis utrimq; scalis. Et sane de scalis, apponere eas penè necessarium videtur, utique ad erectam crucem. Quomodo alias subduxeris, aut fixeris? Funibus autem alligari, magis sævum habitum. An sic quoque appensi latrones bini, cum Christo? Vulgo sentiunt, nec aliter pingunt. Tamen falso, quia illi pariter ac Christus fixi. Nonnus affirmat, & magis historia prisca, quæ est de Helena Constantini matre. Ea cum venisset ad sacra & Deo homini trita loca, cupidine visendi & venerandi, de Cruce etiam quæsit, nostra illa servatrice. Fodit, tres reperit, ac diu animi anceps hælit, quæ esset illa vera: nam titulus, quo dignosci potuisset, jacebat seorsim disiectus. Deniq; miraculo & divina indicatione opus fuit ad discernendum. Quid autem opus, si vestigia clavorum modo in una? Argumentum certum est, & res ipsa per Ecclesiæ Annales.

Clavos autem istos, sive & funes, in manibus pedibusq; fuisse satis notum. At quam multi isti clavi? Enimvero dissident. Alii de ternis asserunt. At contra tendunt alii, & suggerunt quaternos. Utriq; de Christo id volunt. Quid, quod Plautus ex more asstruere videtur quatuor? Quàm magis considero, tam magis hoc dictum censeo; cum id quoque reperiam, per sævitiam multiplicatos alibi clavos. Interdum & in alia corporis parte. Itaq; si morem veterem vides, arbitrium fuit de clavis, & frustra litigemus. Si de Christo tamen quæritur, nescio; & in dissensu Patrum non est nostrum arbitrari: prior tamen sum in quaternos. In templis Græciæ hodie passim Christus cruci affixus, disparatis pedibus sic pingitur. Modus figendi fuit, ut manus primum figerent, inde pedes. Atq; initium à manu dextra; tum itum ad pedes. Sed ambigas, manusne fuerint toti moli ferendæ? Apparet enim, corpus omne (præsertim si quis pedes inflecteret) pependisse à manibus solis. Ita arbitror. Quidni? Dure & nervosæ illæ partes, & lentæ frangi. Fortasse nec in media semper manus vola clavi fixi, sed superius paulo, qua cum brachio coit, id est, circa carpum. Sed puto equidem amplius; si corpus gravius, aut manus tenuior, adminiculum sæpe fuisse funes. Illos quoq; addi-

tos, & circa humeros aut pectus medium ad crucem adstrictos. Hoc malum, quàm cum aliis asserculum sive tabellam inducere, in qua innixi & fixi simul pedes; nimis accurata ea fabrica, imo delicata. Tamen in Christi Cruce Gregorius Turonicus agnoscit: quia ne fuit, an quia pie imaginatus est? Tamen in picturis sculpsitque, prae se etiam tabellae hujus vestigium exstare audio; non ergo temere spreverim; non certe à Christi cruce: de aliis, audacius.

Post Adstrictionem INSCRIPTIO. Quid ea est? Causa supplicii, & ipsum crimen, & Romana voce *Titulus*, qua & Johannes est usus. Matthaeus *αἰτία* bene & signanter dixit. Glossae Graecicae veteres, *Αἰτία, causa, materia, titulus*. Eadem Latine, *Titulus*, *ἐπίγραφον*. Latini etiam passim pro causa. Atque hic Titulus praeferi solebat damnatis, cum circumducerentur: id quod etiam *Traduci* dicebant, cum ostentui duntaxat per ora populi ducebantur, & saepe alibi puniendi. Sed & appendi, aut apponi damnatis solebat titulis: & sic Gladiatorum quoque productos cum titulo, Quintilianus offendit. Saepe etiam, neglecto aut spreto titulo, contenti Superdictione fuerunt, id est, ut Praeconis praecuntis voce populo id nunciaretur.

Qua post fixationem.

Bene jam & fideliter fiximus: quid post fixationem? Haec tria, *Mors, Corruptio, Custodia*.

MORS, lenta, molesta, & vel à stillante paulatim sanguine, vel à sanie. Quid si etiam ab avium ferarumque laniarum? videbimus, & singillatim deducemus. De sanguine, quem dimittebant fixi, clarum est, nec testimoniis eget: & tum ea de causa, tum ex acri verberatione, quae praeverat, credo invalidiores multos obiisse. Itaque legas quosdam diu in crucibus vixisse, ut ingenitum scilicet robur erat aut vires. Beatus Andreas in cruce suspensus, in ea populum docens biduo supervixit. Victorinus sub Nerva, jussus suspendi capite deorsum, ita per triduum vixit. Timotheus & Maura in cruce novem diebus vivi pendentes, ac se ipsos in fide corroborantes, martyrium consumpserunt. Unde haec vis aut vitalitas, nisi à vitae ipso fonte? Quamquam & alii quidam animose egisse in extremis istis rebus legantur: velut Bomilcar apud Justinum; qui patibulo suffixus foro medio, magno animo crudelitatem civium tulit; adeo ut de summa cruce, veluti de tribunali, in Poenorum scelera concionaretur. Quidam etiam petulanter: ut potervuli apud Senecam, qui ex patibulo spectatores suos conspuerunt. Quidam etiam miseratione Principis aut Magistratum à cruce ablati, post vixisse leguntur.

At de laniatu etiam addidi, & causam illam quoque feci mortis, Haud temere: quia sic ligati, & cum sese non commoverent, dati revera canibus laniena, atque avibus cunctis; atque id vivi etiam. Quin reperio in sententia judiciali quoque id aliquando expressum. Itaque Apuleius proprium hunc refert patibuli cruciatum, cum canes

& vultures intima protrahunt viscera. Hinc discas licet, cruces non semper fuisse per-altas : quomodo enim, si canes attingerent, atque etiam lupi ? Nam & hos Catullus addit. Istæ mortes. Nili quod interdum lanceis etiam transverberati legantur. An ad accelerandum fatum, an explorandum ? Illud fuit in Marcelliano & Marco : Illud in nostro Domino, cui miles jam mortuo lancea latus aperuit, scilicet periculum an bona fide obiisset.

Non autem & crura iis fracta, inquires, atque ita interempti ? Vulgo invaluit hæc opinio, sed vulgo. Qui penetrant & examinant, vident disparata hæc supplicia & seorsum fuisse. Induxit vulgum, quod in sacra historia latronibus duobus crura fracta leguntur. Atqui sciant, pro moribus Judæorum id fuisse ; atque illic tortasse tantum. Et cur hoc Judæi ? ne fraus legi fieret, quæ jusserat, ad Solem occasum suspendiosos deponi. At deponi nili mortui non debebant : diutius autem plerique vivebant : ergo hæc, aut alia via mors festinanda. Alia etiam dico via, nec crediderim fuisse hanc solam.

Ergo Crurifragium proprie nihil ad crucem : tamen quia sese ingerit, & vile atque item sævum est juxta crucem, breviter de eo dicam. Vox ipsa proba & vetus. Glossæ priscae, *Crurifragium*, *σκαλονομία*, atque alibi *Crurifragium* recte etiam scribunt. Ipsa res antiqua : & jam Plauti, & ante, ævo, passim Crurifragium minati fuisse. Et credam, ut crucem ipsam, peculiare fuisse servis ; sed ita, ut liberi non immunes, sive in crimine, sive potius per sævitiam vindicantis. Et in Martyres nostros plurifariam sic sævitum. Modus hujus supplicii, ut incus cum malleo vel veste ferreo inferretur, ac tibias incudi imponerent, validis ictibus sic frangendas. Sublatum hoc supplicium a Constantino, Victor asseverat. Aliud autem est a fragio crurum. *Exsecare crura*. Hoc enim proinde est, ac nervos aut suffragines succidere. Vetus sævitia, & Annibali usurpata in Romanos. Usurpatum etiam fuit Tyrannis in Christianos.

CORRUPTIO jam post Mortem : quam sic intelligo quod nec mortuos deponerent, sed tabo illic passi sunt dissilire, & a Sole ac pluvia corrumpi. Hanc in cruce putrefactionem intellexit Theodorus Cyrenæus, cum Tyranno minanti eam, respondit : Sua nihil interesse, humi, an sublime putrescat.

Itaque hoc sine asservari in cruce, & deponi, rarum omnino fuit. Ne quis autem deponeret, Miles & CUSTODIA assedit. Possis ad hanc custodiam illud Evangelistæ referre : *ἐχὲς نگارديان و پاسگاه. Habetis custodiam ; abite*. Quæ Pilati vox fuit ad Judæos petentes asservari monumentum. Videtur autem intelligere custodiam, quæ patulo ante ad crucem : nisi quis malit, *Habere custodiam* ; quam ab imperante, & indignanter dante. Vox enim Græca in utrumvis valet.

LIBER III.

DE MODO FIGENDI RARO.

ABunde, quæ ad *Vulgarem* crucifigendi modum, diximus : *Rarus* superest, quem ipsum pari cura imus expunctum. Eum supra descripsimus, (& vox præfert) sepositum, & minus in assiduo usu. *Sepositum* *Ævo*, *Inusitatum*, vel SCHEMATE, vel FINE. De his tribus ordine & partite dicam.

Modus Rarus Sepositus. Æ V O.

Ævo seposita *Furca* est ; olim quidem in creberrimo usu, sed quæ paulatim desiit atque abolevit. Mentio crebra non in historiis solum, sed Comædiis priscis : mentio tamen magis, quam explicatio. *Furca* duplex : *Vetus* & *Nova*.

De Furca veteri.

Furca Vetus, priscis Romanis (non enim apud alias gentes legi) usitata : atque hæc rursus duplex : *Ignominiosa* & *Pœnalis*. Illa est, qua collo imposita servi circumduci solebant ob culpam aliquam, ostentui & ad irrisum. Hinc *Furcifer* dicebatur olim, qui ob leve delictum cogebatur à dominis, ignominie magis quam supplicii causa, furcam circa urbem ferre, prædicans peccatum suum, & monens cæteros ne quid simile peccarent. Atque hæc illa prima est, ab ipsa re & sine *Ignominiosa* dicta; quæ origo aut exemplar tamen *Pœnalis*.

Pœnalis ea est, qua item collo impositi circumducti, sed cum verberibus, & pœnæ causa. Atque adeo mors plerumque huic consequa : sive sub ipsa furca ad necem cæsis, sive cum ea in crucem latis. Nec servi solum, sed & interdum liberi sub furca cæsi. Sed cum in crucem cum furca lati, ligati ad furcam, & sub ea cæsi, per viam ducebantur ; fixi deinde ad eam, tollebantur in crucem. Ergo sub furca ad supplicium acti : sed numquid in ea appensi ? Ita ; quia hæc Furca non aliud quam Patibulum fuit. Alligari autem brachia manusque ad hanc furcam solent, atque ita circumduci, mox in ea attolli. Hinc in Plauto legis : *Dispositis manibus patibulum habere*. Item, *Ire patibulum per vias*. Atque hinc illa phrasis, *Patibulo crucis affigi*, quia Patibulum scilicet hoc sensu pars crucis distinguit & Tacitus, *Patibula, ignes, crucis*. Et quod patens hæc transversaq; pars sic dicta, Seneca indicat. Sicut inferior defixusque stipes *Crux* proprie dictus.

Quæ forma *Furcæ* fuerit, obscure traditum in veterum scriptis. Ex his tamen tres elicio opiniones de Furca. *Prima*, Furcam potuisse esse faciem, qua nostrum hodie Patibulum : atque id ipsum reliquias & exemplar esse à pœna prisca. *Secunda*, lignum fuisse geminum, quod à tergo per humeros, & ante per pectus, hominem medium includeret, atque ita rectum ad expansas utrasque manus iret.

Tertia

Tertia, Furcam, veram esse furcam, quam hodieque dicimus, & quam Varro indicat, quod singula ibi extrema bacilla furcillata figuram habeant literæ V. Pro hac sententia multa sunt. Primum, quod furca *disparis*, item *disparis*, *Furcifer*. Quid, quod in curribus hodie, qua temo cum axe coit, furca est sustentando illi aut fulciendo? Præterea cum de serptione Dionysii convenire videtur examissim. Da furcam istam paulatim divaricantem; ab humeris per pectus, & inde manus veniat; est illud ipsum lignum, quod descripsit. Jam Plauti Carbonarium, quo nisi huc referas? Ecce qui lignarios fascies, aut Carbonum facellos hodieque ferunt, furcam jungunt, cujus caput cum exstantia aliqua bacillorum, à tergo est, longiores duo fines diversi per pectus descendunt, & manu utraque (quasi contra nixum) sustentantur. Atqui, inquires, manus hic non in alto expansæ. Fateor, non in alto; expansæ tamen; & cum funibus traherentur, ligatis ad extremas manus, etiam protendebantur tolleranturque.

Suspensionis modus pro formis est distinguendus. Si prima placet, res facilis: in trunco abscisso, in paxillo infixo, imo in fissura superne facta, potuit firmiter appendi. Si altera; tum sic censeo, ductos quidem cum duplici ligno ad crucem, sed non cum utroque in eam actos. Quod ante pectus, dispositum putem, manus fixas in altero, atque ad ipsum in trunco, paxillo, fissura firmatum, ut prius. Nec absurda aut vero nimis extranea sententia est, cum & *Patibulum* reperiam singularem ejusmodi rectumque stipitem dictum. Atque ego amplius arbitror: etiamsi olim Furca alia facie fuerit: tamen commodi causa, & quia pronior faciliorque hæc appensio, successisse singulare hoc rectumque lignum, & id tulisse in humeris, manibus inibi revinctis, in eoque mox figendis. At si tertia sententia sederit, duplex potuit fuisse suspensio. Prior ista, quod hominem sic revinctum clavis in loco fixerint, tum furca sublatum appenderint funibus iis ipsis, quibus traxissent, vel etiam aliis. Posterior, quod furcam ipsam, sed inversam, in trunco aut paxillo appenderint.

De Furca nova.

Sequitur Furca *nova*, quia ævi inferioris inventum. Ea est instrumentum è ligno triplici, forma jugi veteris, cui appensos homines laqueo strangulamur. Hodie quoque usum & speciem hanc habet in pleraque Europa: priscis incognita. Poena quidem laquei Homero expressa, qui facit impudicas ancillas ab Ulyssæ sic puniri; atq; idem *infamem* & *impuram mortem* vocat; Plinius *præposteram*, quia spiritus intercluditur, cui exirus quærebatur. Panegyrista appellat *fæmineam*, Victor *postremam*, est enim ignava & vilissima mors. Istud mortis genus à Græcis usurpatum vix invenias; nec à Romanis quidem in publico; et si in carcere damnatis gulam laqueo frangebant, sed non ut appenderent. Credo coepisse, cum crux desit, & vicariam illi factam, Isidori quidem ævo nomen hoc & usum habuit.

buit. In libris legum, quas Tribonianus atque ejus adjuvæ collegarunt, satis frequens hoc nomen: & ut opinor, significatione novicia, quia sublato crucis supplicio, quidni etiam Furca vetus? Itaque ipsos Jurisconsultos usurpasse, non habet fidem apud Juris & moris antiqui peritos, qui verè notant, substitutum id pro cruce: causa aperta & liquida, quia Constantinus lege lata sustulerat crucem. Ergo ipsi quoque, qui leges collectum ibant in ævi illius & sequentis usum. Quo ipso sensu inferiores Græci dixerunt *πυλῆσεν, in furcam agere*, asperiore illa litera mutata. Credo autem, hanc furcam primo non nisi diinidiatum Patibulum fuisse, id est, facie adhuc aliqua furcæ; paulatim, & quo plures appendi possent, immutasse.

Modus rarus & inusitatus à SCHEMATE.

Alter modus, qui *Schemate* à Vulgari diversus, est, cum alio atque alio habitu hominem affigebant. Id quoque factitatum, ut ingeniosa est crudelitas in pœnas. Hæc schemata varia fuere. Est illud, quod *Inversum* dixeris, cum hominem in caput suspendunt, pedibus sublatis. Martyribus in Ægypto id factum, Eusebius ostendit. Quod ipsum in D. Petro, sed eo rogante, ne assimilaretur magistro. Et Petrum quidem etiam clavibus inibi fixum, Chrysostomus testatur. Sicut & Calliopius Martyr. Tamen in funibus adstricti, ut Philippus Apostolus.

Reperio & obliquos super crucem cruceve positos. Legitur id in Plutarchi Artaxerxe. Et hæc *Obliqua infixio*. Video & inter duos palos dispressis manibus pedibusque alligatos: ut in Martyrologio de Anastasia. Hæc *Decussata*. Video & inter arbores appensos, & reductis, iis scissos. De Corona Martyr. Quod ipsum Schema ad cruces refert Propertius.

Modus inusitatus à FINE.

Tertius figendi modus Rarior, qui *Fine* divertit à vulgato, est, cum cruces alio spectant, & hominem capiunt moriturum in ipsis, non per ipsas. Tale, cum appensi flamma aut fumo necati. Olim factum ex Cicerone discas. Alexander etiam Imperator quempiam, qui fumum vendiderat, quasi compari pœna affectus. Atque in nostris Martyribus hoc genus crebrum: ut in Pionio, & Polycarpo, antistite Smyrnæorum. Quin uno etiam tempore plures appensi pedibus in sublime, capite verso deorsum, suffocati fumo, & lento igne consumpti sunt. Et Tertullianus significat, adeo crebrum in majores illos nostros & in religione Procures supplicium hoc fuisse, ut in illudium convitiumque venerit; & Christiani vulgo *Semaxii*, a stipite, cui adstringebantur; & *Sarmenticii*, a sarmentis, quibus urebantur, sint dicti. Lapidibus etiam in cruce obrutum Philippum Apostolum, videtur vulgata opinio esse.

Crux & ista *Fine* alia, cum homines in ea fixos, bestiis objiciebant. In publicis spectaculis id sæpe factum. Sic Blandina Martyr, in ligno suspensa, prostituta est esca & laniena incurrentium ferarum. Sed factum

factum & non Christianis. Atque ad hunc ipsum morem infamis & infanda illa turpitude Neronis, qua viros foeminasque ad stipitem ligatos, ipse feræ pelle contextus, emissus è cavea, medios invadebat.

Postremo Crux sine alia, cum non vivi, sed mortui in ea appensi. Notabis &, quod nobis solenne in rota exponere supplicio jam affectos, ad notam sceleris & infamiam, id olim in cruce, & Orientalibus præsertim. Plerumq; id factum post mutilationem, membrorumq; fractionem, aut etiam excoriationem. Nam deglubere olim crebrum Orientalibus; & antiquum hunc morem excoriandi in suppliciis, Ægyptiis Persisque fuisse legimus; quem & hodie Ægyptii tenent. Nam grassatores ficiariosque ira puniunt, diu vivos, donec ad umbilicum carnifex perveniat.

De Materia & Loco crucis.

Peregimus de Forma & Modo: duo velut succisiva & extra divisionem relicta, nunc adjungo, *Materiam & Locum*. E qua materies crux? Ex obvio & prompto aliquo ligno. E qua nostri Salvatoris? Censemus è quercu. Primum, quia viri fide digni asserunt, frustra sacratissimi hujus ligni, quæ hodie exstant, speciem hanc referre. Tum, quia crebra & frequens in Judæa olim & nunc quoque illa arbor. Tertio, quia robustum lignum, & fixationi laturæque aptum. Quod superioris aliquot ævi scriptores tria aut quatuor genera ligni in Cruce dominica agnoscunt, (Cedrum, Palmam, Cupressum, Olivam) curiose magis dictum, quam vere.

At quis *Locus* cruci factus, & pro arbitrio; tamen plerumque conspectus aliquis, & juxta vitam. Exempla enim exempla esse desinunt, nisi aliorum animum deosque in se vertant. Quin etiam oppida certa loca habuisse videntur, huic rei attributa. Hac ipsa de causa posita ea sæpe in monte, ut Servatoris nostri in Calvariae. Quin ipsa sæpe alta, præsertim in noxio aliquo insigni. Irrilio Galbæ huc pertinuit, qui cuidam imploranti leges, & civem Romanum se testificanti, quasi solatio aliquo poenam leuaturus, mutari, multoque præter cæteras altiore & dealbatam statui crucem jussit: altiorem, ut digniori: albatam, ut civi, qui in veste alba; sive etiam, ut magis notabilis conspicuaque esset. Jam illa Amanis præalta, qui Mardocheo crucem 50 cubitorum posuit, sed ipsi ascendendam. Sanè pleræque omnes altiusculæ.

Crux quatenus usurpata.

Nunc pedem in ultimo velut spatio pono, quod est, *Quatenus* crux usurpata. Postquam enim vitam ipsam interfecit, non diu illi vita; & sustulit ex humanis, aut certe Romanis rebus Constantinus. Serio jam ille Christianus, noluit salutare signum subservire ad perniciem; & colendum illud atque eximium, poenis vilescere damnatorum. Ergo sustulit; atque efficaciter etiam sustulit, nec postea reperies reductam. Sed sero sustulit, nec nisi sub imperii extrema, & vitæ finem.

Hic exitus Pœnalis crucis fuit, & jam cœpta à Constantini præmordiis Salutaris nostra honorati. Causa & origo à victoria contra Tyrannum. Nam cum Maxentium aggressurus esset, ambigenti & animo anxio ob ista, figura ei crucis media die, stellis efficta, apparuit in cœlo, & scriptura circa eam Romanis litteris, *In hoc vince*. Igitur ex auro statim subitario opere efformans crucem, juxta speciem quæ apparuisset, & hanc jubens prægredi exercitum, cum Maxentianis prælium commisit, & superavit. Itaque statim victrix illud signum militaribus signis inseruit, & maxime labaro, quod inter ea primum.

Nec vero in signis solum crux expressa, sed etiam ipsorum militum armis, clypeis & galeis: sed ita, ut Christi quidem nomen ipsum (litteris & notis, quibus in labaro) clypeis inscriberetur, galeis autem imponeretur superne crux ipsa. Et merito Christus in clypeis, eo ritu, quo solent nomina Imperatorum. Atque etiam hodie Constantinopoli sunt columnæ, a Constantino, ut putatur, in quarum basibus clypei cum his notis.



Sed & crucem in suum caput, & ad diadema effigiemque imperator transfudit. Et videtur ab ipso esse Constantino. Exemplum secuti Imperatores alii, in quorum nummis hodieque cruces varie videmus, etiam quorundam, qui nec Christiani. Alias victoriæ sunt, quæ manu eas levant; alias ipsi, idque dupliciter: aut enim solam eam gestant; aut globulum, cui ea infixa. Quin Principes Byzantini in progressibus publicis crucem hanc suapte manu prætulisse legimus. Ab hoc ritu etiam nunc crucifer ille globus inter sacri illius Imperii insignia.

Hoc Signum, *admirandum & venerabile* Imperator appellat, Nov. 5. Eaque causa vetitum in lapidibus sculpi, qui in solo. Quamquam autem è pavementis templorum remota, non etiam è tectis. Fulsit jam olim ibi clarum certumque Symbolum Christiani cultus.

De Vesta & Vestalibus Syntagma.

INter antiquas religiones, ea, quæ VESTAM spectat, fuit præcipua; Romanis quidem.

Quid Vesta.

Vesta plurium sensu, Saturni & Rheæ filia, sorores habuit Cererem & Junonem, ipsa natu prima: fratres, Plutonem, Neptunum, Jovem. Alii tamen dissident, & Urani sive Cæli uxorem Vestam faciunt. Mystica hæc sunt, ut verbo absolvam, varie tradita, sed in re & interpretatione concordant. Nam Cæli uxor Terra fuit, ex iis omnia nata: & Vestam ipsam passim Terram interpretantur. Et à similitudine, quia mensa nos alit, itemque rotunda est, sicut Terra, notat Plutarchus, Mensam ipsam quibuscundam *Vestæ* nomine dictam. Causam deinde & hanc dat prisca moris sive religionis, ne mensa vacua relinquatur: nam nec Terram sic esse volumus aut optamus. Hinc Vestam & cum Cerere quidam confundunt, quæ ipsa est Terra: sed distinguenda; quod hæc terra dumtaxat fertilis & frugifera; illa (Vestam dico) ea universa. Inde & nomen petunt, quasi quod vi sua stet & immota libretur. Alii (ut Servius) quod variis vestita sit rebus.

Est etiam crebra, imo passiva opinio. Vestam ignem esse. Vox Græca adsonat, qui *ἱστία* appellant *Focum*, sive *ἱεραία*. Est igitur ista quasi Publicus focus, sicut privatim in ædibus alii consecrantur; eoque haud absurde Macrobius, Vestam inter Deos Penates, aut certe comitem eorum recenset. Sunt qui *Statam matrem* hanc eandem opinentur; sed opinentur. Augustini traditio, ut fidem habeat, vix exempla, Vestam etiam Venerem dici. Nostra Vesta Græcis Latinisque culta, inter præcipua numina fuit, atque adeo inter duodecim illa prima.

De cultu & origine Vestæ.

Sed ad Romanam proprie Vestam ut veniamus, (id institutum) unde ei exemplum; & quando origo? Exemplum a Trojanis, atque una cum Ænea in Italiam venit. Nam primitus culta in Illo, extulitque Æneas; elatam Lavinii constituit, condita à se urbe, & sede regni: Inde in Albam Longam transtulit Ascanius: & denique ab urbe ea matrice coloni Romam. Origo igitur à Trojanis, & Alba: imo mansit sacrum Albæ, etiam si Roma jam accepisset. Sed quando traducta? tempore Romuli, ut quidam volunt; sed tamen communiter fama ad Numam refert.

De Templo Vestæ.

Numa templum Vestæ instituit, & quidquid ad certum & solennem ejus cultum. Id fuit situm inter Capitolium & Palatium, medio fere spatio, & extra Romulæam urbem, quæ radicibus Palatii fere
ter-

terminabatur. Condidit Numa anno Urbis quadragesimo, id est, regni sui secundo. Olim id vile, sed postea ære & marmore nituit.

Rotundum fuit id templum, quia Vesta Terram notat, Terra autem rotunda. Illud de die omnibus patuit, at pernoctare nemini masculino fas fuit: intrabant quidem viri, non penetrabant, aut pernoctabant. In hac autem æde negant simulacrum ullum fuisse. Quæ ut ita sint, tamen Vestæ imago passim in nummis aut statuis expressa; hodieque exstat. Plinius sedentem effingi solitam ostendit, à stabilitate; sed nummi hoc amplius, & sedentem exprimunt, & altera manu facem, altera discum live pateram libatoriam præferentem. De face, ad ignem pertinet: de disco, ad sacrificia solenniter & perpetim oblata. Interim etiam stantem in nummis videas.

Estne aliud Vestæ templum? aliud, falsum, & verum. Falsum, quod Antiquarii hodie attribuunt, ad Tiberim, juxta Forum Piscarium, sub Aventino. Ædícula exstat, forma rotunda, & extra murum interiore columellæ 18 velut porticum formant. Quia rotunda, quia extra pomerium Romuli, faciunt veterem illa Numæ esse. Falli arbitror; nec assertor huic opinioni, in isto quidem loco, erit: & quis nescit, aliorum quoque Deorum templa sæpe ea forma fuisse? Quod autem extra Romuli pomerium; valde quidem: etiam extra Numæ. Sed ante diximus, hanc veram jam descriptam, item extra finitionem illam fuisse. Ergo hæc valeat: altera est vera, & à nobis eruenda, in Palatio collocanda.

Augustus cum omnino in Palatio habitare veller, & mos tamen ac cæremonia haberet, Pontificem Max. in domo publica juxta Vestæ habitare; ipse Vestam potius ad se transtulit, & SC. partem domus suæ publicavit, atque alteram illi consecravit. Ovidius notat, Patres ita censuisse; qui scilicet proni tunc valde in Principum desideria live affectus. Imo non partem tantum, sed mox totam publicavit. Hæc autem Regia domus erat in Sacra via, non procul à Vesta. Etli Regis Sacrificuli domus fuisse etiam videtur propior, quam ipsam Vestalibus Augustus dono dedit. Ibidem & Atrium Vestæ, quod Regiæ huic adjunctum. Hoc Atrium virginum habitationi serviebat, ut Regia proprie dicta Pontificum. Illic igitur egerunt, sed vi morbi exierunt, quia locus scilicet parum laxus, nec ægrorum curæ. Etli major tamen jam ab Augusto, Regia etiam iis concessa; sed neque sic amplius.

De Vestalibus.

Satis de ipsa Dea, & templo; de ministerio alioque ejus cultu videamus. Ministre Vestales fuere, atque eæ virgines. Causa duplex, Prior, quod Juno & Ceres, sorores Vestæ, ambæ peperisse feruntur, restitit una de tribus, impatiens viri, nempe hæc Vesta. Altera causa, quod Vesta ignis, qui nihil gignit. Cicero & duas alias dedit: *Vestæ colenda*, inquit, *virgines præsent*, ut *advigiletur facilis ad custodiam ignis; & sentiant mulieres, in natura faminarum omnem*

captem castitatem peti. Advigilent facilius: quia liberæ à viro, prole, aliis curis. Castitatem peti: cum virgines placere Diis vident, ipsæ, pro parte sua quæque, sint castæ. Potest & ab exemplo esse. Nam Plutarchus scribit, in Græcia quoque, ut Athenis, & Delphis, & si- cubi servatur æternus ignis, præesse si non virgines, tamen viduas & à viro castas. Usus ergo obtinuit Romæ, ut parvæ & tenera æta- te caperentur, certæ pudicitia, & vitii expertes. Minorem enim quam annos sex, majorem quam annos decem natam, capi fas non erat.

Multæ non erant, nec crebræ istæ lectiones; nam ægre parentes in hanc velut custodiam, & adauctam virginitatem, suas dederunt filias. Numa in universum quatuor eas instituit, cepitque, Geganiam, Veraniam, Cospuleiam, Tarpeiam. Duas inde alias Servius Tullius addidit, sive ante eam potius Tarquinius Priscus; & sic sex semper fuerunt.

Modus capiendi Vestales.

Quot captæ fuerint, vidimus: nunc & Modum capiendi collu- stremus. Hoc enim verbo solenniter utebantur, causamque dat Ag- gellius: *Capi virgo propterea dici videtur, quia Pontificis Maximi manu prehensa, ab eo parente, in cujus potestate est, veluti bello cap- ta abducitur.*

Cepit primas ipse Numa, & jus deinceps capiendi voluit apud Re- ges esse. At pulsus Regibus Pontifex Maximus in locum venit; sed non libera prorsus electione, legibusq; suis adstricta. E quibus Papia fuit, qua cavetur, *uti Pontificis Maximi arbitratu virgines è populo viginti legantur, sortitioque in concione ex eo numero fiat, & cujus virginis ducta erit, ut eam Pontifex Max. capiat, eaque Vesta fiat.* Ergo arbitratu Pontificis lecta, nempe ut jus probandi rejiciendique ipse habeat, & sitne idonea, dijudicandi. Nam non ætatem solum, sed *Genus, Corpus, quæque adherent*, inspicere solent, & ut omnia apta honestaque ministerio essent. In *Genere* quidem, ne cujus pa- rentes, alter ambove, servitutem servissent? aut in negociis sordidis diversarentur. Item excusari, cujus pater Flamen, Augur, Quinde- cimvir, aut Septemvir, aut Salus est: & talia minuta, quæ in Agel- lio legas. In *Corpore*, ne lingua debili, sensu ve aurium diminuta, alia- ve qua corporis labe insignita sit. *Quæ adherent*, ut patrima sit & matrima, ut ne emancipata sit, & talia.

Sequebatur in lege, *virgines viginti.* Magno satis numero ad u- nam dumtaxat capiendam; sed causa est, ut fors levior accidat, sparsa sic per plures. Addit, *E populo*, toto, inquam, populo. Non enim è Patriciis tantum; sed & plebeiis. Imo vero Augusti ævo, præter legem moremque veterem, etiam ex libertinis captæ. Sequi- tur, *sortitionem in concione fieri*, in concione, Comitibus, puto, Curia- tis, ut coram testibus res fieret, & dignitas sacerdotio adcrederet dignitate actionis. Sortitio autem adhibita, ut quasi divinitus legi

excer-

excerpique è pluribus talis videretur. Nec tamen semper ad fortis ventum : oblatio locum habebat ; & talis, si apta, præferebatur. Habet deinde lex, *Eam Pontifex Max. capiat*. Atque ipsa verba solennia capiendi sunt hæc : SACERDOTEM. VESTALEM. QUÆ. SACRA. FACIAT. QUÆ. JOVIS. SIET. SACERDOTEM. VESTALEM. FACERE. PRO. POPULO. ROMANO. QUIRITIBUS. UTI. Q. QUÆ. OPTIMA. LEGE. FOVIT. ITA. TE. AMATA. CAPIO. *Amata* autem inter capiendum à Pontifice ideo vocatur, quoniam quæ prima capta est, hoc fuisse nomine traditum est.

De Disciplina Vestalium.

Sed jam igitur captæ, & sic puellæ & teneræ ; quid deinde ? Disciplina sequitur, & quomodo ad ministeria sua factæ. Deducebantur in Atrium Vestæ, atque ibi à senioribus ad ritus & ceremonias omnes (plusculæ erant) instructæ. Nam in tres velut classes, et si parvis hic numerus, dividebantur : *Discentium, Exercentium, Docentium*. Tempus tricennale eas manere oportebat ; quo tempore decem annos discere, decem sacris operari, decem docere debebant. Itaque non nisi 30 annos obligabantur, & ante nefas excedere ; post id tempus licitum nubere, haud pessima adhuc ætate. Nam pone ab anno 7 (id licebat) ingressam : ergo anno 37 fas virum quærere, & ætate etiam frui. Ergo & interdum nubebant ; et si antiquitus observatum, insautas tere & parum lætabiles eas nuptias fuisse. An eadem autem annorum terminatio Albæ, unde oriundum hoc sacerdotium ? non videtur ; lex Albana paulo durior Romana, & 50 annis manendum fuit. Et observamus, plerasque ad ultimam ætatem in sacerdotio perseverasse.

Omnes *presidere sacris*, itemque Antistites vel Antistitæ dicebantur. Et si ordo tamen inter eas fuit, sed ministerii & ætatis. Una enim, quæ vetustissima, *Maxima* dicebatur : quod ad ætatem referendum.

De Muneribus Vestalium.

Numerum, Capturam, Disciplinam, Ordinem, habemus : ad *Munia* earum transeamus. Neque enim vacuæ unquam aut feriatæ habitæ, sed plures frequentesque operæ, & mireris tam paucas sufficisse. Tria præcipua, in quibus deditæ : *Vigilare, Adservare, Sacrificare*.

Vigilia Vestalium.

Vigilia ad ignem spectavit, quem sine intermissione ali opus & reparari. Itaque *æternum, sive sempiternum*, dicebant. Voluit enim Numa, sicut sidera æternum lucent, sic debere, virginum assidua cura atque opera, hunc ignem. Atque ita erat, nam ignis extinctionem super omnia gravia & timenda Romani timebant ; interitus aut immunitiois Reipublicæ id signum interpretantes, a quacumque tandem causa eveniret. Et miseras Virgines, si evenisset ? Nam ignis Vestæ si quando extinctus esset, verberibus afficiebantur à Pontifice,

tifice. Sed pudore virgineo tamen salvo, in loco obscuro, & velo medio interposito. Vigilia per vices ivisse videtur, & singulæ suis noctibus duntaxat excubasse.

Quod si autem extinctus ignis; sua & certa ratio accendendi iterum erat. Mos erat, tabulam felicitatis materiam tamdiu terebrare, quousque exceptum ignem cribro æneo virgo in ædem ferret. Quam rationem eliciendi ignis Simplicius in Aristotelem etiam agnoscit: *Ignem à lignis excutiant, alterum lignorum, tamquam terebram, in altero circumvertentes.* Hoc genus Igniarii Theophrastus agnoscit, & terebram e lauro sæpe factam ostendit, & addit, alia quædam item ligna, ut rhamnum. Tangit & Ilidorus Pelusiota, & hodie assiduo usurpant occidenti Orbis Indi. Similis cæremonia Græcis fuit; sed paulo diversa: nam siquando sacer ibi ignis devixit, negant, eum fas esse ex alio igne accendi, sed novum parandum eliciendumque ex ipso Sole. Addo, Romæ etiam, sine intermissione ulla ignis, solitum novum accendi, novo anno, qui tunc primo Martii: cum enim Vestales à Numa institutæ, nondum sic auctus & correctus annus. Eodem illo primo die reliqua scilicet, innovabant, & laurus veteres tollebant, novas subrogabant.

Adservatio Vestalium.

Alterum Vestalium munus fuit, *adservare.* Quid autem? arcantum imperii pignus, ut appellabant. Quid autem pignus istud, & cujuscumque fuerit, in arcanis habebant. Et ideo variant auctores. Alii servari sacrorum partem e Samothracia, quæ Dardanus Trojam, Æneas in Italiam advexerit, & cum Penatibus alii confundunt. Alii cælo delapsam Palladium, quod verum idem Æneas asportavit; nam falsum & simulatum Achivos furto sustulisse. Ex hæc de Palladio opinio in vulgus maxime recepta est, & nobile illud fecit ac decantatum.

Quid appellamus Palladium? Palladis minutam effigiem, Græcanica sermonis forma. Multa super isto multi. Apollodorus intelligendo sufficit: *A cælo hoc delapsum est, & Illo Regi traditum. Erat autem magnitudine tricubitale, habitu quasi ingredientis, dextra hastam sublatam præferebat, sinistra fufum & colum.* Viris videre nefas, solis ergo virginibus fas. Sed nec Pontifici maximo fas, etli esse sciebat & coli. Itaque nec impune Metello fuit vidisse, cum, trepidantibus virginibus, irrupit in ardens penetrale, ut sacra e flammis eriperet & servaret; qui proinde orbam luminibus exegit senectutem. Tertia opinio est eorum, qui dicunt, duo dolia recondi haud magna, atque unum ex iis plenum esse obfignatumque, alterum vacuum; utrumque tamen solis virginem oculis usurpandum. Igitur incerta hæc: Et bono religiosoque animo Dionysius: *Quæ ista sint, neque me, neque alium, qui religiose Deos & divina colit, inquirere curiose oportere arbitror.* Atque ipsi sane Romani velabant, si non vetabant. Itaque in operto habebant, in adyto & penetrali,

neutrali, quod *Penum* vocabant. Penum enim vocatur locus intimus à sede Vestæ, tegetibus septus, qui certis diebus circa Vestalia aperitur. Ii dies religiosi habentur. Penum solæ virgines, & Pontifices, adeunt. Pontifices quidem non ut videant, sed iis satis, adire. Nam Palladium nudum non visum, sed velamento suo sive seria obductum.

Sacrificia Vestalium.

Tertium munus *Sacrificare* : atque ad assiduum pene erat ; diu noctuque. Armata virgo dicebatur sacrificans, cui lacinia togæ in humerum rejecta. De quo cultu aliquid Festus : *Suffibulum, vestimentum album, prætextum quadrangulum, oblongum, quod in capite Vestales, cum sacrificant, semper habent ; idque fibula comprehenditur.* De sacrificiis autem ipsis, aut eorum ritibus, longum & tenuē sit hic dicere.

Aquæ etiam curam habebant Vestales, sed non aliam, opinor, quam quod fonti Camœnarum præessent, exque eo solo aquam ad sacra peterent : idque ex mandato Numæ. Possit sane aliquis ad Physiologiam referre ; quasi duo rerum principia coli Numa voluerit. Ille fons Vestalibus dedicatus, sacer habitus, & in Deos etiam relatus, delubrum postea accepit. Hinc *Fontinalia*, fontis sacra. Fuit & alia aqua Vestæ haud longinqua, Juturnæ fons & lacus. Sed nihil ad nostram rem.

Premia & honores Vestalium.

Munia, & labores vidimus : nunc iuste *Premia & honores*, quibus ad illa excitatæ. *Primo*, jus testandi habebant, vivo patre ; scilicet, quia statim exhibant ex patria aliaque omni potestate ; & ætatis deliquium leges benigne supplebant. Adeo ut vel sexennes, id est, primo anno quo captæ, testari possent.

2. Præmia habuerunt, quæ trium liberorum matres : quod non quidem Numa, sed Augustus instituit.

3. Alius honor ; præcedere & deducere eas licentem : Id quoque non à Numa, sed Triumviris referunt acceptum. Causam siue *causam* habet Dio Cassius ; quod una aliqua earum vesperi à cœna rediens & incognita, male habita ac violata esset. Tutela igitur & decus, licitor additus. Istitis Consules Prætoresque via cedebant.

4. Morte liberabant, si reo, ad supplicium qui ducitur, fortuito factæ sunt obviæ. Oportebat autem jurare, à casu, non à consilio fuisse hunc occursum. Non quod illæ ad iuramentum cogerentur : sed venisse in forum & testes adhibitas constat : at religionis honore voluerunt vel injuratis credi.

5. Si quis lecticam earum aut sellam subisset, per proterviā aut lasciviam, & quali velandis illis revelandis : vel si quis in idem vehiculum ascendisset, morte luebat. Factitatum enim tale aliquid ab improbulis in matronarum transvectione : sed hic honori virginum morte vindicatum. Vestales enim lectica aut sella latas, sed plurimum pilento siue carpento, tecto superne, & camera in modum arcuato.

cuato, vestas legimus. Hoc pilentum non nimis diversum à Thensa (id quoque enim vehiculum sacrorum) quod ad formam, sed hæc Diis adtributa, illud eorum etiam ministris.

Ornamenta aut insignia Vestalium.

Isti honores live prærogativæ Vestalium ex Plutarcho, aliæ alibi reperiuntur, opportune adtexendæ, Sicut in ipso cultu aliquid eximium. In primis Vittæ in capite, ut in Deo Deave consecratis. Vestes etiam iis purpuratæ fuerunt: nempe prætexta eæ usæ, id est, limbo in oris purpureo: ita enim Magistratus & Sacerdotes solebant: ergo & Vestales, ut supra in Suffibulo observes. Non unguento iis, non floribus, non veste uti concesserunt, nisi alba. Quæ vera sunt, & induta contra lasciviam: sed purpuratas eas, non purpureas, dicimus fuisse. Et obirer noto, & jocos & cultum scitiorum, vetita: omnisq; cultus luxuriosior, conversatio cum viris licentior, iis interdicta. Veste alba usæ, sed limbo punicante; non tamen florida aut variegata, ut aliæ solebant. In carbaso etiam aut tenui lino fuerunt.

Nec de cultu aliud, nisi capillum in spiras quasdam plexum & divisum, tum vittis illigatum, a tergo & in cervices annulatim pendisse. Aliquis etiam ambigat, an non tonderi solitæ, ritu nostrorum Virginum, quæ Deo sacrantur? semel igitur tonsæ, atque in ingressu, fortasse: & capillum hanc Deæ Vestæ suspendebant. An & alias crinem eo, caducum, vulsum, scissum, deferabant? in obscuro hæc, atque etiam in parvo.

De stipendiis Vestalium.

Præter hæc ornamenta aut insignia, accessit etiam res & fructus, id est, stipendia & opes. Numa enim his de publico stipendium statuit, ut, vacuæ scilicet ab aliis curis, Deæ & sacris operarentur. Et credo agros à Numa adtributos, quorum vectigalibus alerentur. Sed & Augustus adjecit. Imo & alios agros habuerunt, a privatis pietatis ergo (ut hodieque solet) legatos: quos omnes fiscus eripuit, sub Valente & Theodotio Principibus, invidiosa & diserta Symmachi querela; & Ambrosius contra obducit.

Sed præter agros, video & pecuniam interdum cepisse. Tacitus de Tiberio: *Cornelia Virgini, quæ in locum Scantia capiebatur, HS vicies dedit*: quæ sunt nobis 50000 Philippæorum. Unde non immerito objicit iis Ambrosius, Privilegia maxima, lucra ingentia.

Atque inter privilegia addamus, etiam ludos certo & honestissimo loco spectasse. Auctoritas earum maxima, & in precibus, aut alia re, vix repudianda. Cicero, cum pro Fonteio causam diceret, fororis ejus Vestalis intercessione usus: *Superbum sit, inquit, ejus obsecrationem repudiare, cujus preces si Dii aspernarentur, hæc satis esse non possint*. Atque inter exempla est Claudia Vestalis, quæ fratrem injussu populi triumphantem, ad se ensu simul curru, usq; in Capitolium profecuta est, ne vetare aut intercedere cuiquam Tribunorum fas esset. Adeo & leges, & magistratus reveriti sunt hanc impotentem, ut sic dicam, potestatem.

De

De Panis Vestalium.

Hæc Præmia igitur, sed virginum; nam pollutarum *Pana* etiam grandes & graves. Vetus lex fuit Festo tradita: *Probrum virginis Vestalis ut capite puniretur: vir qui eam incestavisset, verberibus necaretur.* Sed ejus hæc lex credam Numæ regis, qui simpliciter statuit, incestam lapidibus obrui, sine alia supplicii Pompa. Alia autem Albæ, ant Romam conditam, quæ juberet pollutam virginis ad necem cædi. Sed Tarquinius Priscus, qui numerum earum auxit, idem & poenam, & conspicuam magis horrendamque fecit. Clare narrat Dionysius, & Pinariam quandam primam supplicio isto affectam: verba ejus digna apponi, & illustrari: *Pana*, inquit, *delinquentibus graves constituta, quarum arbitri & exactores sunt, ex lege, Pontifices*, quod in omni earum culpa siue delicto obtinuit, causamque apud hoc tribunal dixere. Et Pontifices omnes, id est, Collegium judicavit; Pontifex tamen maximus convocante, & præidente. Moneo, etiam, inferiore ævo aliquid huic Pontificio detractum, & cognovisse quidem de culpa, poenam tamen non exegisse; quæ Præfecto Urbis reservata fuit. Pergit Dionysius: *Qui virginis quidem cadunt compertas levioris delicti: probrosas vero & incestas sædissimo & maxime miserabili maerant supplicio. Vivæ enim, funebri ritu & pompa, effervuntur, amicis & cognatis cum luctu & lacrymis comitantibus.* Plutarchus hoc expressius, qui scribit, lætica inditam per forum efferi, clausæ undique & loris revinctæ, ut ne vox quidem ejus possit exaudiri. Idem non amicos tantum, sed totam civitatem in luctu ponit & gemitu, neque ullam in ea diem tristiores. Obvios autem via decedere, vasto ubique silentio, attonitosque omnes itare, aut comitari. Iis vero, antequam deducerentur, ablata vitæ & ornamenta, quia scilicet polluisent. Amplius Dionysius; *Delata autem ad portam Collinam* (ad locum nempe, qui *Sceleratus campus* ideo dictus) *intra muros* (Plutarchus *Aggerem* dicit; non tamen existimo totum aggerem, sed proximam tantum portæ partem ejus huic usui applicatam) *subterranea in cella, cum funeralibus ornamentis disponuntur*, quod accipio, ipsas ut cadavera velatas & cultas Zonoras dixit, lectulum appositum, & lucernam, & mensam cum cibis; & causam adjungit Plutarchus, ne sacratissimum illud corpus videretur fame consumptum. Priusquam vero deponerentur, Pontifex maximus arcanas quasdam preces, manibus in cælum sublatis, fundebat: tum ipse sua manu eductam e lætica in scalis constituebat, & sic carnifici ac ministris supplicii tradebat. Itaque his gestis, scalæ attrahebantur, adicula multa homo injecta contegebatur, donec reliquo aggeri solum adæquaretur. Sed vincam illam ibi; aut stantem sedentemque obrutam, nemo declarat: putem in lecto depositam. Clauduit deinde Dionysius: *Nec monumento poro dignata nec parentalibus, aliisve solemnibus defunctorum.*

Hoc supplicium; causam assignat Ovidius: *quia quam violavit, in illa Conditur*, Et si duplex etiam alia in Plutarcho. Vel, *quia Romani igne mortuos cremant; igne autem funderet eam, quæ ignem parum caste coluit, iniquum erat*. Vel, *quia corpus maximis consecratum caeremoniis occidere, aut manus mulieri adferre, nefas putaverunt*. Sub terram igitur condi, cum victu apposito, ut quasi sponte examinata videretur. Atque hæc solennia. Principes interdum immutarunt, aut mitigarunt.

Quando desierint Vestales.

Finivi de Vestalibus, quæ & ipsæ finem suum sub Christianis mox Principibus invenerunt, extremo Theodosii senioris ævo. Nam et si concussæ antea, & periclitatæ sub Valentiniano, Theodosio, Arcadio; tamen animam traxere ad ultimum Theodosii, id est, 17 Imperii ejus annum, cum ille templa claudi & sacrificia tolli lege jussit.

Ignis cultus alibi.

Lubet pro Corollario addere, ubi locorum præcipue cultus etiam ignis, sive imago aliqua Vestalium fuit.

Apud Judæos primum; & Dei jussio: *Ignis in altari semper ardebit, quem nutriet sacerdos, subjiciens ligna mane per singulos dies*. Et mox: *Ignis est iste perpetuus, qui nunquam deficiet in altari*. Habuere & Ægyptii; & Diodorus vult, servandi ignem perpetuum, cœlesti similem, morem ab illis natum, & ad alias gentes propagatum. Item Afri: & Plutarchus auctor est, in Jovis Ammonis λύχρον ἄσκειν, sive *lucernam inextinctam* arsisse apud Indos. In Peris simile, ubi ignem perpetuum custodiunt Magi. Idem apud Cappadoces; apud quos Pyrathea, facella quædam modica, & in iis mediis ara, in qua cinis multus; & inextinctum ignem Magi servabant. Jam in Græciæ Prytaneis ipsa hæc Vesta, & æternus focus: iterumque distincte, Mantinæ in templo Cereris, Athenis in Minervæ, Delphis in Apollinis.

Imo & virgines ipsas aliquot locis habuere. Video, & Persas Soli virgines sacrasse. Simillimum nuper, priusquam Hispani Regi & Religioni subegissent, in toto Peruano tractu, ubi crebra, & magna templa dicata Soli, & in iis virgines sæpe 200 fuisse tradunt, qui viderunt; è quibus si qua corpus polluisset, morte luebat, nisi ramen è Sole se concepisse (ride credulitatem superstitiosam) sancte adjurasset. Sed de Vesta & Vestalibus satis.

incolis gereret, & tuitionis suæ causa ignem in naves misisset, qui & vincina navalibus, ipsamque Bibliothecam comprehendit & assumpsit. Triste fatum : & Cæsari (etsi absque destinata culpa) pudendum ! Hic igitur finis nobilis Bibliothecæ fuit, Olympiade 183, cum vix 224 annos stetisset.

Revixit tamen, non eadem (qui id potuit ?) sed consimilis, & eodem loci, id est, in Serapeo, collocanda. Auctor reparandi Cleopatra, illa armoribus Antonii famosa : quæ ab eo in auspiciis & velut fundamentum operis impetravit Bibliothecam Attalicam sive Pergamenam. Itaque totam cum dono accepisset, & transferri curasset, iterum adornata auctaque est, & Christianorum etiam temporibus in vita & fama fuit, in porticibus Serapei, loco portui vicino : videruntque stetisse, quamdiu ipsum Serapeum, immensæ molis & artificii stupendi templum : quod Christiani denique, Theodosii majoris imperio, ut arcem superstitionis, demoliti à fundo sunt.

Bibliotheca apud Græcos.

Apud Græcos nobiliores Bibliothecas strictim tangit Athenæus, & Polycratem in hoc studio parandorum librorum dilaudat. Agellius Piliatrato tyranno laudens primi auctoris in hoc studio adscriptit. Magnus vir (odiosum hoc modo cognomen tolle) & cui Homerum etiam digestum & correctum nunquam soluturi debemus. Adeo Critica hæc cura olim Principum, imo Regum fuit. Ea Bibliotheca ab ipsis deinde Atheniensibus varie aucta, donec spoliavit & avexit Xerxes, Athenarum potitus. Sed multis post annis Seleucus Nicator, Syriæ Rex, liberaliter remittendam Athenas curavit, donavitque. Et mansisse deinde ad Syllæ tempora, qui & ipse Athenas cepit, diripuit, afflixit : postea tamen instauratam, iuste opinor ; quomodo enim mater artium sine instrumento hoc librorum ? Imo plures ibi Bibliothecæ postea. De Aristotele magnifice Strabo, eum copia & dilectu insignem Bibliothecam adornasse. Quam tandem ad Ptolomæos Reges venisse scribit Athenæus. Neque memoratu digna alia de Græciæ Bibliothecis leguntur. Romani haud dubie pleraque talia ad se traduxerunt, Græcia jam potiti ; nisi placet Byzantinam his accensere, quæ Principum ævo fuit ; in qua 120000 librorum conflagrarunt ; inter ea draconis intestinum 120 pedes longum, cui aureis literis Homeri Ilias atque Odyssæa fuerint inscripta. Etsi hæc Thraciæ potius, non Græciæ attribuenda.

Bibliotheca in Asia.

Attalica sive Pergamena proxima claritate ab illa Alexandrina fuit. Nam Attalici Reges a parvis progressi, cum societate opibusque Romanis crevissent, sedem regni Pergamum varie, tum & Bibliothecis, exornarunt. Eumenes Attali Regis filius, hujus rei auctor. In hac Pergamena fuerunt librorum singularium 200000.

Bibliotheca in Urbe.

Veniamus ad Romanas Bibliothecas, situ & ævo magis propinquas. Satis enim tarda ibi hæc cura aut studium, apud Martis, non Musarum prolem : etiam, cum bono Deo, parvis primo initiis, ut solus Ildorus duos nominat, qui libros advexere, sed publici usus aut juris non prorurs fecere ; Æmylium Paulum, & Lucillum : quorum iste, quamquam jus mancipiumque sibi retineret, usum tamen eruditæ concessit. Cornelius Sylla, postea Dictator, è Græcia Athenisque magnam librorum vim traduxit, & Romæ deposuit & disposuit. Tamen vere publica Bibliotheca nondum structa : quam cogitationem primus magnanimus ille & magnificus Julius Cæsar concepit, ac, nisi fata interpellassent, effecisset, data M. Varroni cura comparandorum & digerendorum librorum. Sed destinavit Cæsar, non perfecit. Augustus, adoptione filius, inter alia ornamenta urbis & imperii, hoc quoque plurifariam adjunxit. Nam eo invitante atque incitante, A. tinius Pollio, Orator & Senator nobilis, de manubiis Dalmatarum, atrium libertatis in monte Aventino exstruxit, atque in eo Bibliothecam publicavit.

Post hanc duæ mox aliæ ab ipso Augusto institutæ. Prior *Ostia-ria*, quam sororis suæ memoriæ & nomini dedicavit, in superiore Porticus parte, toto & decore ; cum inferior ambulationi modo esset : in qua Junonis ædes, & nobiles statuæ quoque fuerunt. Altera *Palatina*, à loco dicta, quia in ipso Palatio. Præter alia, Præpositus sive Custos huic loco fuit C. Julius Hyginus, in Grammaticis celebris. Imo seorsim Græca custodem suum habuit, & Latina. Ab Augusto igitur, artium ingeniorumque amantissimo Principe, duæ istæ fuerunt.

Ab aliis deinde aliæ, & videtur certamen in hac re Principum fuisse, & velut contendisse de palma. Ecce Tiberius statim ab Augusto in ipso Palatio etiam struxit, ea parte, qua viam Sacram spectat : nam illic Tiberii domum fuisse, curioli talium, hodie autumant, & in domo ejus hæc locatur. Videtur & Vespasianus deinde struxisse, & adjunxisse Templo pacis. Fuit item à Trajano alia, quæ, à gentili ejus nomine, Ulpia passim nominatur. Hæc in foro Trajani initio fuit, ubi Principis ejus alia opera ; sed ævo mutavit, & translata est in Collem Viminalem, ad ornandas Diocletiani Thermas. Fuit & Capitolina, in Urbe, instituta (ut divinare licet) à Domitiano. Nam ille servatus olim in Capitolio, templum ibi Princeps struxit, quid si & hanc Bibliothecam ? Conflagravit sub Commodò, fulmine tacta. Sub ævum Constantini Bibliothecas publicas in Urbe 29 fuisse, Principum studio ab interitu vindicatas, testatur P. Victor : ex iis præcipuè duæ, Palatina & Ulpia. Heu quam etiam à memoria perierant ! nam ex illis 29, vix 7 industria nostra indagare potuit, & nomina saltem ab oblivione vindicare.

Bibliotheca extra Urbem.

Juxta Urbem etiam Tiburti publica fuit Bibliotheca, in Herculis templo satis commode structa (fere juxta templa, aut in illis Bibliothecæ: quidni, sacra illa ingeniorum opera, in locis sacris?) For-
tassis eam Hadrianus Imperator Tibure instruxit, quem eo loco & secessu impense delectatum constat, variaque & ampla inædificasse. Etli in aliis municipiis coloniisque Bibliothecas sparsas fuisse, æque atque artium istum cultum, mihi certum est.

Bibliotheca privatorum.

Sed & privatim viri divites usus & famæ causa, sibi pararunt, & nobiles ex iis quasdam. Sicut Tyrannio Grammaticus, Syllæ tempo-
ribus, qui 3000 librorum possedit. Sicut Epaphroditus Chæroneus, item Grammaticus professione, qui usque ad 30000 optimorum quid-
dem & selectorum librorum collegit. Superavit eum Sammonicus Serenus in hoc studio, qui Bibliothecam habuit, in qua 62000 libro-
rum censebantur. Is moriens eam reliquit Gordiano minori, qui gu-
stavit Imperium.

Atque hi, aut pauci alii, proditi sunt insigniores Bibliothecas ha-
buisse: plures tamen fuere, & Seneca commune hoc studium jam tunc suo ævo ostendit & damnat. Damnata: *Non enim in studium,*
inquit, *sed in spectaculum comparabant: sicut plerisque ignavis eti-*
am servilium literarum, libri, non pudiorum instrumenta, sed cæ-
nationum ornamenta sunt.

Observandum, Bibliothecas etiam in Balneis & Thermis habuisse: quia corpori curando otiose tunc vacabant: & igitur occasio erat
legendi aliquid, hominibus alias occupatis; vel audiendi. Enimvero
etiam in Villis & Prætoriis passim habebant, ab eadem hac, otii &
vacationis ibi, causa. Utinam nostri divites sic lasciviant! semper
cum alieno aliquo, si non suo, usu & bono.

De Armariis Bibliothecarum.

Parietes in Bibliothecis ebore & vitro comptos fuisse, suggerit
Boëtius. Non ergo Armaria & Plutei ad parietes laterales (neque
enim conspicuus sic ille ornatus fuisset) sed in medio disposita, ut ho-
die quoque publicæ fere Bibliothecæ usurpant. Sæpe vitri olim in
quadras, orbes, ova, aut rhombos distincta parietes ornabant, non
aliter quam marmoreæ crustæ; sæpius tamen cameras & lacunar.

De Armariis vetus Scholiastes Juvenalis, in illud: *Hic libros dabit*
& forulos. Armaria, inquit, ad Bibliothecam. Et proprie, opinor,
Foruli, ipsi nidi, ut cum Martiale dicam, librorum, sive cum Seneca,
distincta loculamenta. Sidonius & hæc & alia in Bibliothecis collo-
cat: *Hic libri affatim in promptu, videre te crederes aut Gram-*
maticales Pluteos, aut Athenæi Cuneos, aut Armaria exstructa
Bibliopolarum. Pluteos, id est, tabulas inclinatas transversim, quibus
libri legendi imponerentur. Cuneos, scammorum seriem, ut in Athe-
næo, digestam. Armaria autem plena & alta: ea Pegmata vide-
tur appellasse Cicero ad Atticum.

Imagines in Bibliothecis.

Præcipuus ornatus fuerunt Bibliothecarum Imagines & Statuæ doctorem, quas una cum libris disponebant. Nonne pulcrum, & suave oculis ac cogitationi? Natura trahimur ad simulacra & effigies magnorum virorum noscendas, & illa corpora sive hospitia, quibus se cœlestis animus includit: ecce hic erat. Romanum hoc inventum videtur, ne omnia bella ad Græciam referantur. Plinius Asirium Pollionem facit auctorem; quem etiam M. Varronis, unius viventis, imaginem in Bibliotheca poluisse, idem refert: Quod tamen & aliis postea, indulgentia an iudicio? datum video. Alioquin plerumque mortuorum, & quos famæ consensus jam sacrasset, imagines ibi posuerunt. E metallo ut plurimum, sed etiam e gypso in privatis Bibliothecis, pro cuiusque scilicet copia. Imo & in tabulis imagines fuere: & fortasse in librorum fronte picturæ etiam expressæ. Itaque utrumque, & Statuæ, & Imagines fuere. Cæterum minores illæ imagines sive statuæ pluteis plerumque impositæ, videntur ante suos quæque libros. Inde & *Sigilla plutealia* apud Ciceronem. Nam jam tunc Bibliothecas exornabant Deorum, si non Aulæ, sigillis.

De Museo Alexandrino.

Sed si Bibliothecæ solæ, aut rarus adventor; si homines, inquam, non sunt qui frequentent & evolvant, quo ista congeries? & quid nisi studiola quædam luxuria sint? Providerunt hoc quoque Alexandrini Reges, & una cum illis Musæum (ita dixerunt, quasi Musarum ædem) extruxerunt, in quo fas esset Mulis operari a cæteris rebus feriaros. Imo & a vitæ victusque curis vacuos, cum alimenta iis hic e publico darentur.

Fuit id Regiæ sive Aulæ pars, scilicet adnecti & jungi sibi voluerunt Reges, ut in propinquo & promptu essent erudiri isti, cum quibus disserent, cum libitum, animo docendo & pascendo. Habuit Porticus & Exedras: illas exercitio corporis magis, has animi, & ubi confidentes altercarentur & conferrent. Fuit & domus, ubi omnibus ex omni terra literatis receptis communis victus & mensa. Habuit hoc Collegium & pecuniam sive vectigalia in commune; & sacerdotem item, qui præfesset Musæo, Regum aut Cæsarum dilectum constituendum. Magna igitur dignitas, & quæ ab ipso Cæsare conferenda.

Addere licet, non vacuum omnino aut otiosam ibi vitam vixisse, (qui possent viri bono publico nati?) sed aut scripsisse, aut disseruisse, & recitasse. Claudius imperator Musæum hoc altero addito adauxit, ut certi libri ibi quotannis recitarentur.

GEORGII FABRICII
CHEMNICENSIS
ROMA,

Liber ad optimorum Autorum lectionem
apprimè utilis ac necessarius.

ROMAN
CATHOLIC
MISSIONARIES

THE ROMAN CATHOLIC MISSIONARIES
OF THE SOCIETY OF JESUS

GEORGIUS FABRICIUS
WOLFGANGO WERTERO,
Viro Claro & Docto, S. D.

Sallustius, scriptor in primis nobilis, in Carthaginis mentionem incidens, de ea silere melius putat, quàm parum dicere, idem multo justius de urbe Roma, non Carthaginis solam, sed orbis terrarum victricem scripturus, nunc ego dicerem: præsertim cum multorum hominum, eorumque doctorum, sermones mihi subeundos esse intelligam. Aliqui enim hoc totum scribendi genus tanquam inutile improbant: aliqui vero tot de Urbe monumentis, nostra patrumque memoria editis, condemnant, quasi minime necessariam. Obstat mihi præterea gentis & patriæ nomen, quod homo Germanus, & in Herimunduris natus, post tot viros in literis claros, de urbe vetustissima & remotissima scribere audeam. Itaque illi, qui non me solum reprehendunt, sed alios accusant in hoc genere studii literarumque versatos, scribendi operam atque industriam, in tradenda morum & bene vivendi doctrina rectius, quam in his, similibusve rebus, collocari posse existant. Nam Servilium lacum ignorare, aut Turbonem pugilem nescire, aut tempora, quibus urbs opibus aucta, vel minuta viribus sit, non tenere memoria, minus malum esse, quam aut errare in vita, aut labi in officio, aut peccare in Rep. Hi cum viri boni sint, & cupidi honestatis, credo eosdem veritatis quoque studiosos esse. Atqui hominis animus cum & actionibus virtutis delectetur, & rerum fruatur scientia, utrumque certe, & virtutis præscripto vivere, & res cognitione dignas investigare, verum ejus & proprium munus est, licet altero alterum habeatur præstantius. Bene igitur hominis excellentiam cum bonis moribus, tum eruditionis elegantia sapientes metiuntur. Quamobrem & Aglaus Psophidius Arcas, qui in vita sua nihil præter agrum coluit: & Socrates Atheniensis, summus doctrina & sapientia Philosophus, felices olim Apollinis oraculo sunt judicati. Qua de causa? ne nos quidem ita alteram præferamus, ut de altera detrahamus cum dedecore & incommodo. Ut autem civitatum magnarum, ex quibus mortalium omnium judicio Roma maxima fuit, instituta, leges, mores, actiones libenter cognoscimus: ita ortum, incrementa, ruinas scire desideramus, & loca ipsa muta cum admiratione intuemur: Illud utile & necessarium est, hoc à liberali animo atque ingenio nequaquam alie-

num. Tolle enim ejusmodi studium; & omnis antiquitatis notitiam, & pulcherrimorum exemplorum copiam, & suavissimum artium disciplinarumque fructum sustuleris: & hac civilis societas, ferarum, quam hominum, congregationi erit similior. Merito igitur gratia habenda illis, qui Urbis potentissimæ & nobilissimæ memoriam passi non sunt interire: sed quidquid vel ex veterum scriptis discere, vel ex ruderibus colligere, vel vestigiis qualibuscunque potuerunt deprehendere, id fidelibus literarum monumentis commendarunt. Quorum libros cum nondum visa Urbis, admirarer, & bonos auctores legenti utiles & jucundos esse sentirem: tum in Urbem ipsam tecum profectus, Wertere, magna (ut scis) diligentia acquisivi atque perlegi, ut eos communi studio, & labore mutuo cum rebus ipsis præsentibus conferremus: quod cum totos quinque menses sine intermissione à nobis ageretur, non pauca vel neglecta ab aliis, vel non satis animadversa, observatu tamen & scitu digna, annotavimus: ea autem in id tantummodo comparaveramus, ut nobis perfectionis susceptæ, & artii nostri ratio constaret. Nuper vero cum Cass. Peuserus, Melanthonis gener, doctus imprimis vir, & Philosophiæ de ditus, ad me veniret, & de Urbe cum viris aliquot eruditis loquentem avidè auscultaret, rogavit tandem, ut aliorum quoque studii mea opera, si placeret, & otium esset, consulerem. Quod cum ille humaniter, ut solet, peteret, & vultu ipso significationem suæ voluntatis daret, facile mihi non abhorrenti persuasit, ut quæ observaveram, rursus colligerem. Novo igitur labore suscepto, ea cum scriptis Poëtarum & Historicorum majore cura & attentione contuli: qua ratione cum aliis ante me Urbem, jam dirutam, quasi à fundamentis instaurarint, eorundem vestigiis institi, in quo proposita & ordinem rebus ipsis congruentem servavi, & locos non paucos in Græcis Latinisque scriptoribus explicavi. Hoc quoniam publicæ utilitatis gratia factum à me est, bonam in spem venio, me studiosis hominibus, & a quibus lectoribus probaturum institutum meum, quod ipse post alios plurimos ad hanc scribendi materiam animum adjunxerim. Ignoscant autem ii, quos patria nomen offendit, hospiti mihi atque extero, si quid minus in rebus vetustate plane obrutis vidi: aut si in iis etiam, quæ ante oculos sunt, parum Lynceus fui, hoc enim; quamvis arrogantiusculum sit, quia tamen verum est, dicam, me possi aliorum, qui de Urbe scripserunt, errores varios certis testimoniis convincere. Syracusani certe olim, cum sepulcrum Archimedis indagatum ipsis ostendisset Cicero, non ideo iniqui aut ingrati ei fuerunt, quod peregrinus esset, & Arpinas: neque mihi, si quid laudis Urbi, aut studiosis commodi sum adferre conatus, obesse debet, quod sum Hermundurus: præsertim cum, existimatione nullius læsa, simpliciter exposuerim meam vel opinionem, vel sententiam. Primum enim, veterum auctoritate nitior, in notandis aut explicandis locis: deinde non solum recentiorum scriptis, quibus plurimum ad-

EPISTOLA NUNCUPATORIA. 231

jutus sum, verum etiam demonstratione Marliani, qui diligentissime omnium scripsit, hanc, quævisque est, Urbis cognitionem comsecutus sum: cuius domum quæ frequentaremus, statim mandatum nobis indicavit ex Capitolio, & ad viarium, quæ in Urbe sunt, initia nos perduxit: & aliquoties apud Salamancam & Tramezinum, nostram sententiam audire visus est perhumiliter. Hos labores nostros tibi dedico, Vixere, homini amico, quo nomine omnia consuetudinis, fidei, benevolentia officia continentur. & viro docto, qui hac eadem cognovisti magna cupiditate, studio, industria. Quamobrem quædam ex his tua recognosces, & multa agnoscet Wolfgangus Maurerus, Philosophia sacentia, elegantia literarum, cognitione antiquitatis vir celeberrimus, ejus temporis facius & comes noster. Optarem autem plurimos ex nobilitate, viros splendidos & copiosos, excitari ad revehenda optimarum artium studia. Res enim humane cum nihil firmi habeant, nihil possideant diuturni, sola virtutis & literarum laus est æterna: imo ne virtutis quidem, absque literis. Exemplum illustre est, & sempiternum erit, Urbs ipsa, cui, aliis ornamentis amissis, hæc sola reliqua manserunt, quæ conservarunt doctorum virorum ingenia. In quam sententiam aliquando Lazarum Benamicum, doctissimum & eloquentissimum virum, peralegans nobis epigramma recitare memini, quæ ipso claudere hanc epistolam placuit: quia nobis ejus viri memoria grata merito est, & maximi nominis fama doctis notissima.

Vos operum stratae moles, collesque superbi,

Quis modo nunc Romæ nomen inane manet:

Vosque triumphales arcus, cæloque colossi.

Æquati, Paris cæsa columna jugis:

Edita Pyramidum fastigia, Tempia Deorum,

Digna vel æthereis Amphitheatra locis;

Vos ævi tandem attrivit longinqua vetustas,

Vos longa tandem fata tulere die.

At Romæ Æneadæ magnum & memorabile nomen,

Tempus edax rerum tollere non potuit.

Nec poterit, donec clari monumenta vigeant

Ingenii, quæ non ulla senectæ rapit.

Cætera labuntur tacito fugientia cursu,

Calliope æternum vivere sola potest.

Vale, & me ama. Ex laido illustri Misena, Calend. Julii, Anno Christi, M. D. L.

CAPITA

CAPITA hujus LIBRI.

ID E auctoribus, qui de Roma scripserunt.

II. De situ, & ambitu, & gloria atque interitu urbis.

III. De montibus, à quibus Urbi additi, quæ loca adjacentia habeant, quot nominibus, & unde appellati.

IV. De portis veteris novæque Urbis, & quam variis nominibus eadem appellatæ.

V. De viis intra & extra urbem.

VI. De regionibus & tribubus.

VII. De foris, ad splendorem Urbis, & hominum necessitatem factis.

VIII. De campis.

IX. De templis gentilium in templa Divorum mutatis.

X. De templis sacellisque veteribus, quæ ab aliis omiſſa sunt.

XI. De domibus quorundam doctorum.

XII. De Theatris, Circis, Odeis, Stadio, Xysto: item de factionibus aurigantium.

XIII. De porticibus.

XIV. De arcibus triumphalibus, & trophæis.

XV. De Tiberi, & fluviis Urbis, & de ornamentis fontium, ac naumachiis.

XVI. De pontibus Tiberinis.

XVII. De aquæductibus, quorum vestigia nunc sciuntur extare.

XVIII. De balneis & Nymphæis.

XIX. De thermis.

XX. De locis sepulcrorum, & de insignibus quibusdam sepulcris, item sepulcrorum ornamentis, ac ratione conditarum urnarum.

XXI. De iis, quæ nunc in Urbe sunt præcipue visenda.

Auctores

Auctores veteres & novi, quorum inventis & testimoniis
vel ad confirmandum, vel ad explicandum, utimur.

AEmilius Probus.

Albertinus

Alifanae inscriptiones.

Am. Marcellinus.

Asconius.

Atheniensis inscriptio.

Augustinus.

Aurelianus Imp.

Ausonius.

Auximi inscr.

Bap. Leo.

Bergomates inscript.

Blondus.

Charisius.

Cassiodorus.

Cicero.

Cyriacus Anconitanus.

Claudianus.

Columella.

Corn. Balbus.

Corn. Nepos.

Corn. Tacitus.

Cornutus.

Cuspinianus.

Dacica inscript.

Demosthenes.

Dion.

Dionysius.

Egnatius.

Eutropius.

Fab. Pictor.

Festus.

Florus.

Formiana inscript.

Formula magistrat. Roman.

Frontinus.

Fulvius.

Gallica inscript.

Gellius.

Gyraldus.

Helenius.

Herodianus.

Hieronymus.

Hispanica inscript.

Homerus.

Horatius.

Iosephus.

Ful. Capitolinus.

Ful. Obsequens.

Iustinus.

Iuvenalis.

Lactantius.

Lampridius.

Livius.

Lucanus.

Lucilius.

Lucretius.

Lud. Gometius.

Macrobius.

Manutius.

Marlianus.

Martialis.

Mediolanenses inscript.
Merula.

Neapolitana inscr.

Non. Marcellus.

Naucerina inscript.

Ovidius.

Persius.

Persii interpres.

Pindarus.

Pindari interpres.

Platina.

Plautus.

Plinius.

Plinius junior.

Plutarchus.

Poggius.

Pomp. Lætus.

Pomp. Sabinus.

Porphyrio.

Porphyrius, Homeri interpres.

Portius.

Prænestina inscript.

Priscianus.

Propertius.

Prudentius.

Quintilianus.

Reatina inscript.

Romana inscript.

Sallustius.

Salonensis inscript.

Seneca.

Servius.

Sex. Aurelius.

Solinus.

Sophoclis interpr.

Spartianus.

Stadius.

Stephanus.

Strabo.

Suetonius.

Sulp. Verulanus.

Tacitus.

Terentius Scaurus.

Testamenta antiqua.

Tibullus.

Tiburtina inscript.

Torellus Sardyna.

Tortellius.

Tranquillus.

Tremellius.

Val. Flaccus.

Val. Maximus.

Varro.

Velleius.

Veronenses inscript.

Verrius.

Vibius Sequester.

Victor.

Vitruvius.

Volaterranus.

Vopiscus.

Urbinate inscript.

Urbis epigrammata.

Zanchius.

Zonærus.

GEORGII FABRICII ROMA.

CAPUT I.

De auctoribus, qui de Roma scripserunt.

Urbem Romam etſi plures olim literis monumentiſque celebrarunt, nihil tamen ſcriptorum veterum relictum fuit, præter Fab. Pictoris & C. Sempronii, de origine Urbis, fragmenta : de quibus merito dubitatur. Catonis Origines, & M. Varronis de tribubus, & de ædibus ſacris, & de ludis theatralibus libri interciderunt. Exſtat Ariſtidis Smyrnæi, de Romæ laudibus oratio. Nervæ temporibus de aquæductibus Romanis libros duos Julius Frontinus : Diocletiani dominatu de regionibus Urbis unum Publius Viſtor, vel (ut aliis placet) Sex. Rufſus, edidit. Ex recentioribus, Urbis admiratione, ad ſcribendum excitati ſunt plurimi : Flavius Blondus, Pomponius Lætus, Andreas Fulvius, qui multis libris proſa & carmine ſcripſit, Jacobus Poggius, Joannes Tortellius, Raphael Volaterranus, Fabricius Varranus, Franciſcus Albertinus, Bartholomæus Marlianus : ſed diligentia inveſtigandi, & judicandi ſolertia excellit Marlianus, qui & veterum ſcripta majore ſtudio contulit, & plurimos aliorum errores prudenter animadvertit. Scripſerunt de eadem Manuel Chryſoloras, & Bernardus Oricellarius : & ex noſtris hominibus Hieronymus Queſtenbergius Miſninus, patria Fibergentis, doctus atque diligens antiquitatis inveſtigator, qui in urbe mortuus eſt, ſed ex horum ſcriptis nihil ad noſtras manus pervenit.

Totam Urbem ſecundum regiones pinxit Fabius Calvus, ſed ejus picturæ cum nullius deſcriptione conveniunt. De ædificiis veteribus vulgari nunc Italorum lingua ſcripſit Franciſcus Serlius, Boncniensis Architectus. Picturas ſtatuarum, columnarum, coſoſorum, templorum, theatrorum, arcuum, portarum, ſepulcrorum, Antonius Salamanca ſparſim expreſſit. Imperatorum & virorum illuſtrium imagines ex nummis antiquis excudit Jacobus Mazochius, addita brevi hitoriarum deſcriptione : quem ſecuti ſunt Joannes Hurrichius, & Nicolaus Gerbelius, Germani. Sed Antonii Zantani opusculo, quod nuper prodiit, nihil fieri poteſt eo in genere elegantius, aut perfectius. Idem Mazochius ingenii libro Urbis epigrammata ex ære, ſaxis, marmoribusque, incerto auctore congeſta, edidit : quem librum nos, inſpectis locis plurimis, & correctiorem, & ſeptingentis epigrammatis auctiorem habemus. Nec inutilis in iſdem colligendis, Petri Appiani & Bartholomæi Amantii, & ante illos Sebaſtiani

baſtiani Sergii opera extitit. Superiore anno Marlianus Conſulum, Dictatorum, Cenſorum, cum ipſorum triumphis deſcripta ex marmoribus nomina publicavit, quæ marmora in foro Romano effoſa, nunc in Capitolio aſſervantur. De antiquis Romanorum familiis ſcripturum, retulit mihi Paulus Manutius, omnis elegantix & antiquitatis ſtudioſiſſimus juvenis : & de iis Commentarium ante annos ſex & quadraginta promiſit Petrus Crinitus, qui, cum alia ejus opera in manibus ſint, nondum exiit. De mirabilibus Romæ non nominati auctoris libellus, in vulgi manibus eſt, ad decipiendos (ut apparet) illiteratos & ſuperſtitioſos homines conſectus. In cognoscenda Urbe ſermo vulgi audiendus non eſt. Molem latericiam ante Amphitheatrum, quæ Meta ſudans dicta fuit, aiunt fuiſſe turrim Virgilii : ædem Jani Quadrifrontis, ſtrutura quadrata in foro Boario, domum Boëtii. Columnas æneas in S. Joanne Laterano, quas Auguſtus Cæſar ex præda Aëtiaca conſlavit, e templo Hieroſolymitano religionis cauſa nugantur tranſlatas : de quibus Virgilius canit,

—*Novali ſurgentes ære columnæ.*

Statuam æneam equeſtrem M. Antonini Pii, neſcio cujus liberatoris Urbis, fingunt fuiſſe. Quæ licet apertè falſa ſint, tamen vulgus aſſeverat, & deſenſores pertinaces invenit.

C A P. II.

De ſitu & ambitu, & gloria atque interitu Urbis.

URbs Roma primum Italiæ, poſt orbis terrarum caput, à paſtorum manu condita, Regum, Conſulum, Dictatorum, Imperatorum dominatu uſa, à vicinis populis tentata, ab externis gentibus ſepius perita, a Gallis Senonibus incenſa, à Gothiſ Vandalique vaſtata & diruta. Contemptu noſtrorum Imperatorum quater capta : primum ab Arnulpho, Franco, tum ab Othone Tertio, Saxone, deinde ab Henrico Quarto, item Franco, noſtra denique memoria a Carolo Quinto, Auſtriaco. Polita in ſolo ſterili, & partim in montibus, partim in vallibus campisque ſubjectis, aſtro objecta, & cœli aliquanto gravioris : nunc male habitata, & ruinarum plena. Antiquitus, quod miraculo ſimillimum eſt, ſuffoſſionibus montium, & meatibus cloacarum penſilis, & ſubter ædificia navigabilis extitit. Hodie valles & campi ex vaſtitate & ruinis ædificiorum altius quam credi queat, exaggerati ſunt. Ambitus Urbis, qui nunc eſt, xlii M. paſſ. non excedit. Urbem veterem ampliatio pomœrio auxerunt Sylla, Auguſtus, Claudius, Nero Trajanus, Aurelianus, Arcadius, Honorius : cujus rei teſtes ſunt Seneca, Suetonius, Tacitus, Vopſcus, antiqua epigrammata, ex quibus & illud diſcitur, cenſorum, augurum, præfectorum urbis, cura & auctoritate, id factum eſſe. Muri vetuſtiſſimi ex ſaxo quadrato fuerunt, Gabino in primis, Alban, Tiburtino, & Præneltino : ea enim ſaxa firmiſſima, & igni impervia.

impervia. Postea facti sunt latericii, qui adhuc durant. Suetonius scribit, Augustum gloriantem dixisse: Urbem latericiam reperi, relinquo marmoream, & Propertius poëta canit,

Hoc quodcumque vider, hospes, quam maxima Roma est:

Ante Phrygem Aeneam collis & herba fuit.

Atque ubi navali stant sacra palatia Phæbo,

Evandri profugæ procubuerunt boves.

Verum (quæ est rerum humanarum imbecillitas & vicissitudo) illa ipsa Urbs nunc rursus latericia est, & Palatinus a nullo habitatus, collis jam & herba factus est, & in foro ipso Romano suæ vaneunt, & in Tarpeia arce crux hominum nocentum supplicio cernitur erecta. In murorum ambitu circiter trecentas & sexaginta turres numeravimus, pluribus tamen ex his collapsis. Varius Imperator cum decem millia pondo araneorum, opera servorum per domos collegisset, ex iis intelligi posse dicebat, quanta esset Roma. Nos, inepti hominis risu omisso, in sequentibus summæ & clarissimæ Urbis magnitudinem & amplitudinem ostendemus, in qua tot tantaque ædificia fuerunt, quot, præter Urbem, & quanta, terrarum orbis nusquam habuit: ut de cæteris ornamentis nihil dicam, nihil etiam de Imperii gloria. Vere enim ad Germanicum Cæsarem Ovidius,

Gentibus est aliis tellus data limite certo,

Romanæ spatium est urbis & orbis idem.

Cum autem omni fortunæ varietate sit exercitata, tamen in secundis rebus nunquam secura, invicta in afflictis semper extitit Urbem olim arroganti titulo, sed minime vano, appellarunt ÆTERNAM, quia Neptunio Homeri vaticinio posteritati Aeneæ, à qua orti Romani sunt, imperii æternitas promissa fuit.

Νῦν δ' ὃν αἰνέω βίη τέλειον ἀνάξει,

Καὶ πάντες παῖδες τοῖκον μετόπισθε γένουσιν.

Urbis nomini divinos honores tribuerunt Smyrnæi, Pergamenses, & Græcorum omnium cultissimi Athenienses. A Smyrnæis id factum est, ut Tacitus scribit, M. Porcii Catonis consulatu: à Pergamentibus, imperante Augusto. De Atheniensibus planius loquitur inscriptio vetus, quæ ante everfam à Mahomete urbem in vestibus templi fuit, quod in arce quondam Palladi dicatum erat. Postea sacrum B. Mariæ virginii.

Ο ΔΗΜΟΣ ΘΕΑΙ ΡΩΜΗΙ ΚΑΙ ΣΕΒΑΣΤΩΙ ΚΑΙ ΣΑΡΙ ΣΤΡΑΤΗΓΟΥ-
ΤΟΣ ΕΠΙ ΤΟΤΣ ΠΟΛΙ ΓΑΣ ΠΑΜΜΕΝΟΥΤΣ ΤΟΤ ΞΑΝΩΝΟΣ

ΜΑΡΑΘΩΝΙΟΥΤ ΙΕΡΕΩΣ

ΘΕΑΣ ΡΩΜΗΣ ΚΑΙ ΣΕΒΑΣΤΟΥ ΣΟΤΗΡΟΣ ΕΝ ΑΚΡΟΠΟΛΕΙ ΕΠΙ
ΙΕΡΕΙΑΣ ΑΘΗΝΑΣ ΠΟΛΙΤΑΔΟΥ ΜΕΓΙΣΤΗΣ ΑΣΚΛΕΠΙΑΔΟΥ ΑΛΛΙΕ-
ΩΣ ΘΥΓΑΤΡΟΣ ΕΠΙ ΑΡΧΟΝΤΟΣ ΑΡΗΟΥ ΤΟΥ ΜΥΤΡΙΩΝΟΣ ΠΑΙ-
ΔΕΩΣ.

Ad quod alludens cecinit Martialis:

*Terrarum dea, gentiumque Roma,
Cui par est nihil, & nihil secundum.*

S

Itaque

Itaque cum templa sacro Urbis nomini dicata sint; minime mirum Vetrici statuas Triumphales collocatas fuisse. Cujus generis multæ elegantia & artificii statua è marmore, superiore anno re-
perta, & nunc in ornatissima Cæstorum domo statua est. Roma juvenili habitu sedet, galeata, sinistra manu tenens, ut videtur, pugionem, dextra coronam lauream, designans indice mulierem sub basi sedentem, vultu mœsto, vestitu lugubri, capillo per vittam passio, caput sinistra manu sustentantem, dextra ad sinistrum femur posita, projectisque ad idem latus armis atque clypeis, cum hac inscriptione:

ROMA VICTRIX DE DACIA PROVINCIA
SUBACTA TRIUMPHANS VULTU AC HABITU
BARBARORUMQUE SPOLIIS INLUSTRIS.

Quin etiam in Urbe prope viam Sacram, Romæ atque Veneris consors delubrum fuit. Romanæ urbi Constans Imp. Constantini junioris filius, septem dierum spatio plus ornamentorum ademir unus, quam ducentorum quinquaginta octo annorum intervallo detraxerunt omnes barbari. Imperium autem quamvis ante septingentos & quinquaginta annos ad nos translatus sit, tamen Romani nomen retinuit: ut poetico quodam ac vere fatidico spiritu dixisse videatur Propertius:

Roma, tuum nomen terris fatale regendis.

Sibyllæ de Romæ interitu vaticinium ejusmodi refert Lactantius Firmianus, in libro de Divino præmio: Roma interibit, & quidem judicio Dei, quod nomen ejus habuerit invisum, & inimica justitiæ, albumum veritatis populum trucidarit.

Ortum nuper aliud est, nescio quo auctore, idque occasione ejusmodi. Phocas Imp. eodem jure summam potestatem Pontifici tribuit, quo ipse imperium invalit. Id autem factum est anno à nato Christo DCVI, à quo primum regia autoritate Pontifex Christianorum ecclesiis præfuit: ad hunc annorum numerum si addantur ii, quos *Ρώμη*, si Græcè scribatur in se continet (singulæ enim literæ certum numerum significant) tum sublatum iri urbis & Pontificis potentiam. Complent autem hæ literæ annos DCCCXLIIX. Hæc qualia sint, ab Italis excogitata, aliis relinquo judicandum.

C A P. III.

De Montibus, à quibus urbi additi, quæ loca adjacentia habeant, quot nominibus & unde appellari.

PROPERTIUS, poeta elegans, & doctus Urbis præco, canit,

Septem urbs alta jugis, toto quæ præsidet orbi.

Unde *ἑπτάκορυς* à Græcis, Septicollis à Fabio Pictore, Septemgmina à Statio dicitur. Hos colles, septem arces Virgilius in Georgicis, & in Epithalamio Ausonius, nominarunt. Nos decem Romanorum

norum collium situm, & varia eorum nomina, & loca circumjacentia, unde reliquæ urbis cognitio fiat apertior, paucis notabimus. Moenibus enim inclusi hodie sunt, Palatinus, Capitolinus, Aventinus, Coelius, Esquilinus, Viminalis, Quirinalis, collis Hortulorum; & trans Tiberim, Janiculum, & Vaticanus.

Palatinus.

Romuli sedes, unde & Romulus à Tremellio, & à Strabone *Ægeus* nomine, propter primam sedem regiam, appellatur. Ad ortum habet Coelium, ad meridiem Aventinum, ad occasum Capitolinum, ad septentrionem forum. Adjacet ex eo latere, quod ortum spectat, arcus Constantini: quod meridiem, Circus maximus: quod occasum, Romuli ædes, & velabrum: quod septentrionem, templa quæ in ipso foro sunt, & Vespasiani arcus. Hunc Virgilius à Palanteo oppido nominatum vult: Propertius & Ovidius, quod ibi pecudes palari, id est, errare, consueverint. Hujus montis pars forum versus, Germali nomen habuit: Coelium autem versus, Velæ. Quia autem prima imperii sedes in eo constituta, cujusvis principis aulam, aut splendidi hominis domum, Palatium nominamus. Hodie suffusionibus & subterraneis meatibus totus quasi pensilis, ruinis deformis, aut hortis occupatus.

Capitolinus.

Tatii Sabini sedes, qui & Saturnius, & Tarpeius. Ad ortum habet forum & Palatinum, ad meridiem Tiberim, ad occasum urbem planam, ad aquilonem collem Quirinalem. Ab ortu adjacent Tullianus carcer, artus Septimii, porticus Concordiæ: à meridie, Janus quadrifrons, forum holitorium, theatrum Marcelli: ab occasu circus Flaminius, in quo porticus Cn. Octavii, & recens turris Argentina: à septentrione, Trajani forum. Dictus, à vetustissima Saturni sede, Saturnius: & mox (ut Justinus inquit) quasi pulso à Jove sedibus suis Saturno Capitolinus: idem Tarpeius, quod vel à Tarpeia virgine, vel

Aduce Tarpeio mons est cognomen adeptus,

Ut canit Propertius. De eodem in VIII Virgilius.

*Hinc ad Tarpeiam sedem, & Capitolia ducit,
Aurea nunc, olim sylvestribus horrida dumis.*

Aventinus.

Ab Anco rege, crescente civium numero, ex parte additus, non totus habitatus, Tatii regis Romanorum, & Aventi. Albanorum, sepulcris celebris. Variis appellatus nominibus, à Remo, Romuli fratre, Remurius: Murciæ fœcordiæ Dæ facello, Murcius: à Dianæ templo, collis Dianæ. Martialis lib. xii.

*Cum tu forsitan inquietus erras,
Clamosa juvenalis in Subura,
Aut collem domina teris Diana.*

Ex idem libro VII, ad Maximum :

Esquilis domus est, domus tibi colle Diana.

Propter longitudinem certò describi nequit : sed tamen, ut in prioribus, tentabimus. Ad ortum, in meridiem declinantem, respicit mœnia : ad meridiem, campum Figulinum : ad occasum, flumen : ad septentrionem, montem Palatinum. Ortum versus, sed valde in meridiem flexum, propinqua est porta Capena : meridiem, porta Ostiensis, Cæstii pyramis, mons Testaceus : occasum, Navalia, salinæ, spelunca Caci : septentrionem, Dianæ templum, & Naumachiæ initium. Aventinus dictus ab avibus : quod nomen ante Evandri & Herculis in Italiam adventum, ut liquet ex Virgilio, habuit. Quod si certis auctoribus scripsit ille, minime nomen accepit ab Aventino rege, qui in eo extinetus bello ; & sepultus fuerit, ut 4 Fast. ait Ovidius, quamvis in eadem pagina alteram, & cum Virgilio consentientem opinionem ponat. Neque etiam ab Avenne Sabinorum fluvio, ut de gente populi Roman. tradidit Varro. In hunc montem aliquando plebs secessit, ut est apud Senecam in libro de Brevitate vitæ, & apud Plin. lib. 19. Nemo Sacros, Aventinosque montes, & iratæ plebis secessus circumspexerit.

Cælius.

Ab eodem Anco additus, ut Strabo : vel à Tullo Hostilio, ut Livius : vel à Tarquinio Prisco, ut Tacitus. A querna sylva, Querquetulanus : à Tiberio Cæsare, quod is post incendium habitatoribus ædificia consumpta instaurasset, dici cœptus mons Augustus. Ab ortu habet mœnia. à meridie Cœliolum, ab occasu Palatinum, à septentrione Esquilias. Adjacent ab ortu, Cœlimontana & Nevia portæ, & inter has Statilii Tauri theatrum dimidiata sui parte mœnibus inclusum : à meridie, vallis : ab occasu, Severi septizonium : à septentrione, Tiri Amphitheatrum, vulgo Colosseum. Nominatus à Cœle quodam Hetruscorum duce, qui cum Romulo contra Sabinos arma sociâ conjungens, castra in eo posuit.

Cœliolus pars est Cœlii, à Martiale lib. 12. ad Juvenalem, Minor Cœlius dictus :

Dum per limina te potentiorum

Sudatrix toga ventilat, vagumque

Major Cælius & minor fatigat.

Ab ortu habet mœnia. à meridie Aventinum, ab occidentis & septentrionis partibus vallem, per quam fuit Appiæ rivus. Incipit post portam Gabiufam, nunc Causam : & inde ad Latinam flectitur, terminaturque ad Capenam.

Esquilinus.

A Tullo Hostilio adjectus, ut Livius, a Servio Tullio, ut Tranquillus. Hanc autem in auctoribus diversitatem peperit, quod aliqui reges premi adjecerint, aut habitarent : reliqui ædificiis, aliisve rebus ornarent, aut auxerint. Hunc montem, auctore Verrio Flacco,

& Cispium & Oppium veteres nominarunt. Attingit ab ortu, Urbis muros : à meridie, viam Lavicanam : ab occasu, vallem inter Cœlium & Palatinum longe lateque parentem : à septentrione, Viminalem. Adjacent ortum versus, Esquilina porta, & Querquetulana : meridiem versus, Carinæ : occasum, vallis subjecta, & regio Tabernolæ : aquilonem, vicus Patricius & Subura. Unde Suburanum nonnulli vocarunt ex veteribus. Dictus, quod excubiæ ibi agerentur, primum Excubinus : postea murata pronuntiatione, Exquilinus : & melioris soni gratia tandem Esquilinus : & à Poëtis Esquihus, litera e medio sublata. Ut Ovid. 11. Fast.

Monte sub Esquilio. ———

Idem lib. 3.

Adde, quod excubias ubi rex Romanus agebat,

Quis nunc Esquilias nomina collis habet.

Horatius in sermonibus ; ——— *at simul atras*

Ventum est Esquilias. ———

Viminalis.

A Servio Tullio ad reliquos additus, qui & Fagutalis, à sylva fagea, ut est apud Varronem & Festum. In ortum tendens, respicit campum Esquilinum : In meridiem, Suburæ partem, & fori Romani : in occasum, Quirinalem, interjecta Subura plana : in septentrionem, vallem Quirinalem. Ab ortu adjacet porta Querquetulana : à meridie, Novatii & Olympiadis thermæ : ab occasu, Decii palatium : à septentrione, lavacrum Agrippinæ. Nomen invenit à viminum copia : quæ tamen cujus generis fuerint, Varro, Festus, Plinius non dixerunt, neque Juvenalis Sat. 111.

Esquilias, dictumque petunt à vimine collem,

In locis incultis, quæ hortos aut vineta non habent, nunc papuli, & salicam vimina, & arundines nascuntur.

Quirinalis.

Ab eodem rege additus. Alio nomine Agonius, vel Agonenfis, & quadam sui parte mons Clatræ & Apollinis, si Victoris liber emendatus est. Nunc vero mons Caballinus. Habet ab ortu, Viminalem : à meridie, Cæsaris & Nervæ forum : ab occidente, Urbem planam : à septentrione, collem Hortulorum, & campum Martium. Contiguae sunt ab ortu, portæ Viminalis, & Collina : à meridie, Corneliorum domus : ab occidente, quæ in plana urbe sunt ædificia : à septentrione, porta Collatina. Dictus Quirinalis, ab æde Quirini. Ovid. 11. Fast. de Quirino,

Templa Deo faciunt, collis quoque dictus ab illo est.

Horatius secundo lib. epist.

——— *Cubat hic in colle Quirini,*

Hic extremo in Aventino, visendus uterque.

Agonius, quod, circo Flaminio eruptione Tiberis inundato, ludi

Agonales in eo fierent. Clatræ & Apollinis, à templo quodam. Caballinus, à duobus equis marmoreis, qui stant ibidem in excelsa basi, cum suis ductoribus, prope ædem S. Saturnini, qui à Phidia & Praxitile sunt facti, si titulus verus est.

Collis Hortulorum.

Vel (ut Suetonius) collis Hortorum, extra antiquos muros. Quirinali contiguus. Ab ortu tangit ejusdem montis campum, à meridie item aliquam ejus partem, ab occasu vallem Martiam, & Domitiani naumachiam, à septentrione urbis moenia. Ab ortu propinquam habet portam Collatinam, à meridie pilam olim Triburтинam, ab occasu viam Flaminiam, à septentrione templum Solis, & Neronis sepulcrum. Ab hortis ad nostra usque tempora nomen antiquum retinuit.

Vaticanus.

Trans Tiberim, olim habitatus non fuit, nec ad Urbem pertinuit. Nomen accepit vel à vatum responsis, vel à Vaticano Deo, qui & Vagitanus. Ad ortum, spectat campum Vaticanum, & flumen : ad meridiem, Janiculum : ad occasum, alium campum, in quo ex creta & argilla vasa fiunt, ab usque Juvenalis & Plinii temporibus nota : ad septentrionem, prata Quintia. Meminit hujus montis Horat. 1. Carm. oda xx.

*Care Mecenas, eques, ut paterni
Fluminis ripæ, simul & jocosæ
Redderet laudes tibi Vaticani.
Montis imago.*

Olim fuit Scipionis sepulcro nobilis, nunc vero clarus S. Petri basilica, item Palatio, hortisque Pontificiis.

Janiculum.

Ab Anco mons hic additus, Numæ regis, & Statii Cæcili Poëta sepulcris celebratus. Ab ortu meridiæque Tiberim respicit, ab occasu campos, à septentrionis parte Vaticanum. Adjacent ab ortu, prata quondam Muria : à meridie, porta Portuensis : ab occasu, Aurelia : à septentrione, naumachia Neronis. Dicitur vel à vetustissimo oppido, quod Janus condidit, de quo in VIII Virg.

*Hic duo præterea, disjectis oppida muris,
Reliquias, veterumque vides monumenta virorum :
Hanc Janus pater, hanc Saturnus condidit arcem,
Janiculumque illi, huic fuerat Saturnia nomen.*

Vel quod populo Rom. primum in Hetruscos eunti quasi janua fuerit, ut Verrius Flaccus. Nunc à flavis harenis, mons aureus, & corrupto vocabulo Montorius. Ex hoc propter altitudinem Roma maxime conspicua, cæteris autem infrequentior est, ob aëris gravitatem, utrumque testante libro primo Martiale :

*Longo Janiculi jugo recumbunt,
Et planus modico tumore vertex,
Cælo perfruitur serenior.
Hinc septem dominos videre montes,
Et totam licet æstimare Romam.*

In hunc secessisse aliquando plebem Romanam, & à Qu. Hortensio dictatore revocatam, scribit Plinius libro 16.

Hi montes jam rarissimi habitantur, maxima ex parte hortis, & dispersis hinc inde templis, aut claustris religiosis occupati, aut veterum ædificiorum ruinis obruti. Vetusissimis temporibus nemora & pascua habuit Palatinus, ut scribit Tibullus : Capitulinus dumeta, ut Virgilius : Aventinus lauretum, ut Solinus : Cælius quercetum, ut Tacitus : Viminalis sylvam fageam, ut Varro : Janiculum esculetum, ut Plinius : Vaticanus ilicetum, ut Fulvius.

C A P. IV.

De Portis veteris novæque urbis, quam variis nominibus eadem appellatæ.

PORTÆ urbis in universum sunt viginti, antiqui nominis & loci quindecim, recentioris Urbis quinque. Ad septentrionem sunt Flumentana & Collatina. Ad ortum vernalium, Quirinalis, Viminalis, & Clausa. Ad ortum æstivum, Esquilina & Nevia. Ad ortum hyemalem, Caelimontana, Gabiula, & Latina. Ad meridiem, Capena & Trigemina. Ad occasum, Navalis, Aurelia, & Septimia Reliquæ quinque urbis, Leoninæ sunt, ut mox dicemus.

I. *Flumentana.*

Quod ad Fluvium pertineret, à via Flaminia, & vulgo nunc Porta populi.

II. *Collatina.*

In colle Hortulorum, à Collatia oppido ; & à palatio Pincii Senatoris, modo Pinciana.

III. *Quirinalis.*

Aliis nominibus Collina, & Agonia, sive Agonenfis, Ovid. 4 Fast.

Templa frequentari Collinæ proxima portæ.

Juvenalis Satyra 5. ——— Proximus urbi

Hannibal, & stantes Collina in turre mariti.

Aliquando Lavernalis, quod ad ejus deæ fanum in via Salaria duce-
ret : & nunc à via ipsa, Salaria.

IV. *Viminalis.*

Quæ & Numentana, vel (ut Strabo scribit) Nomentana, & Figulensis, & nunc S. Agnetis.

V. *Querquetulana.*

Ab aliis inter aggeres, sine auctore. Prope enim sunt Aggeres Tarquinii, quadrata forma tumulus. Querquetulanam proximè Vi-
minalem

minalem fuisse, videtur indicare Plinius lib. 26. Hæc nunc in vine-
tis jacet clausa, ad quam per viginti gradus ascendimus.

VI. *Esquilina.*

A Procopio Prænestina, à Fulvio & aliis quibusdam Ticurtina, à
bovis capite, quod supra eam est, nunc Taurina : à templo subur-
bano, vulgo S. Laurenti. Antiquissimo nomine Metia, id enim inde
conjicio, quod idem de Metia scribat Plautus, quod de Esquilina Ho-
ratus : nec dissentit ab utroque Corn. Tacitus, qui libro secundo
Annalium ait, sumptum more prisco extra Esquilinam de nocentibus
supplicium, Plautus in Calina,

Illum ædopol videre ardentem te extra portam Metiam

Credo ecastor velle.

Horatius V. Epod.

Post, insepulta membra different lupi,

Et Esquilina alites.

In quem locum annotavit Porphyrio, in regione aggeris extra por-
tam Esquilinam solita fuisse pauperum corpora vel comburi, vel
proji. Combusta fuisse indicat Plautus, projecta Horatius.

VII. *Navia.*

A Plinio Lavicana, à vetustioribus Raudusculana : hodie porta
Major, ab ædificii magnificentia, propter ductum aquæ Claudie,
cujus ibi vestigia apparent.

VIII. *Cælimontana.*

Aliquando Alinaria, nunc à templo porta S. Joannis, à quibusdam
porta Laterana. Per hanc Alarico duce ingressi Gothi, urbem ca-
ptam diripuerunt, Innocentio Primo Pontifice.

IX. *Gabiusa.*

Sub Cœliolo, nunc Clausa, alias S. Methodii. Per hanc rivus Ap-
piæ urbem influit.

X. *Latina.*

Quæ & Valeria, à via : & Ferentina, ab oppido Hernicorum. De
priori nomine incertum est : de altero suam conjecturam attulit Mar-
tialis.

XI. *Capena.*

A via interdum Appia, à templo olim Camœna, à Tortellio & Me-
rula Fontinalis, nunc S. Sebastiani. Celeberrima apud Poetas. Pro-
pertius lib. iv. *Arma; cum tulero porta votiva Capenæ*

Juvenalis Sat. iiii.

Substitit ad veteres arcus, madidamque Capenam.

Martialis lib. iv. Epigram.

Capena grandi porta qua pluit gutta.

XII. *Trigemina.*

Nunc Ostiensis, vel S. Pauli. Veteris Trigeminæ ad Tiberim in
vineto quodam sunt vestigia, alium enim in locum translata à Clau-
dio Imp. fuit. Extra hanc tenues stipem petere solitos, significat
Plinius lib. xxxiv, inquit : Extra portam Trigeminam, unciaria
stipe collata, & alludit eodem Plautus in Captivis, apud quem sic lo-
quitur paralitus :

Vel

*Vel extra portam ire Trigeminam ad sacculum licet :
Quod mihi ne eveniat, nonnullum periculum est.*

XIII. *Navalis.*

Trans Tiberim, quæ & Portuentis, nunc porta Ripæ, vel Vinaria, quod extra eam vina externa, maxime tamen Campana & Thufca, vendantur.

XIV. *Aurelia.*

In Janiculo monte, nunc S. Pancratii, aliquando Trajana.

XV. *Septima.*

In eodem monte, hæc & Fontinalis, & subtus Janum. Per hanc ingressi, Fronsbergio & Borbonio ducibus, Germani Romam diripuerunt, Clemente Septimo, Hetrusco, Pontifice.

De Urbe Leonina, & ejus portis.

Planicies intra Tiberim & montem Vaticanum, vulgo Regio Burgi, seu Vaticanum suburbium, à Leone Quarto Pontifice, urbs Leonina, & nova Roma appellata, quod eam partem adversus Saracenos, tunc universam Italiam ab utroque mari infestantes, munitam reddiderat, mœnibusque contra incurfiones sepserat. Ea nunc quinque habet portas, quarum hæc sunt nomina :

Posterula.

Vel porta Turrionis, quæ ducebat ad scholam Saxonum & Longobardorum, prope campum sanctum.

S. Spiritus.

Infra Janiculum, eundo ad Septimiam. à templo vicino nomen habens, circa quam olim Triumphalis porta fuit.

Pertusa.

Vel S. Peregrini. in dorso Vaticani, non longe à stabulis Palatinis.

Viridaria.

Vel porta Julia, subjecta palatio Pontificis : hæc in campos ducit.

Subjecta.

Per quam apud molem Hadriani, nunc castellum S. Angeli, in campos iter est.

De Portis, quæ jam non extant.

Legitur de aliis portis apud scriptores, quæ jam nullæ sunt, ut Urbis Romuli antiquissimæ quatuor. Prima Romana, quæ ab Ovidio porta Palatii, à Varrone Mugionia, à Verrio Trigionia appellata. Altera Pandana, quæ & Saturnia, & Romanula, & Libera. Tertia Carmentalis, & aliis nominibus Tarpeia, & Scelerata, & Veientana, & (ut ex Plinio conjici potest lib. vii. 11.) aliquando Ratumena. Quartam addunt nonnulli, Janualem. Præter has auctæ jam urbis & aliæ inveniuntur, vel à statis sacrificiis dictæ, ut Piacularis, & Carularia & Stercoraria : vel à deorum templis, ut Sangualis à Sango, Salutaris à Salute, Libitinentis à Libitina, Minutia à sacello Minutii. De his malo allatas aliorum sententias sequi, quam contra aliquem contendere, aut novam conjecturam sine auctoritate affingere.

C A P. V.

De viis intra & extra Urbem.

Maxima senatus diligentia fuit in viis faciendis: bonis enim Reip. temporibus id agebant principes Romani, non ut sua cupide nimis augerent, sed ut honori publico, & civium commodis consulere-
rent. Ac quod Demosthenes de Atheniensibus prædicat, Aristidem & Miltiadem, aliosque illustres viros, cum urbem publice ita ornaverint, ut ad incrementi amplitudinem posteris vix reliquerint locum, privatim ipsos nihil magnificentius habitavisse, quam quemvis ex modicis vicinis suis. Idem de Romanis veteribus, suorum temporum improbitatem reprehendens, merito jactavit Hortatius secundo Carminum oda xv.

*Privatus illis census erat brevis,
Commune magnum: nulla decempedis
Metata privatis, opacam
Porticus excipiebat Arcton.
Nec fortuitum spernere cespitem
Leges sinebant, oppida publico
Sumptu jubentes & deorum
Templa novo decorare saxo.*

Ex talibus operibus laude dignis, & utilibus Reip. fuit viarum magnificentia. Earum curandarum munus censoribus à senatu commissum fuit: quibus Augustus Cæsar, Viarum curatores addidit, qui ut & Quatuor viri tuendarum viarum in primis nominati fuerunt, id quod inscriptiones Tiburi, Formiis, Alysis, item Urbini, Romæ, Prænestæ, & extra Italiam, Daciæ, Gallicæ, Hispanicæ, indicant: Viæ autem ejusmodi cum intra urbem, tum etiam extra fuerunt, & in Provincias ipsas commoda earum translata sunt. Etenim viæ Pompeiæ in Sicilia meminit Cicero contra Verrem; viæ Domitiæ in Gallia, idem pro M. Fonteio: viæ Pósthumiæ in Insubria, Cornelius Tacitus: viæ Domitianæ in Campania, Statius Papinius. Nunc ad Romanas venio, & primum ad urbanas.

Via Urbana.

Sex, Pompeius, ne hoc ignoretur, annotavit, in viarum nominibus, substantivum in sermone præponendum, ut dicatur, Via sacra, & via nova; non sacra via, aut nova via. Verum hæc communis est præceptio, ut dicatur, forum Cæsaris, theatrum Scauri, domus Pompeii: item mons Vaticanus, pons Sublicius, porta Metia, tribus Cornelia: ut id quod generis significationem habet, minus commune verbum in sermone Romano usitate antecedit. Hoc licet à Poëtis raro, à Cicerone & aliis non semper observetur, tamen plerumq; locum habet.

Via Sacra.

Inter urbanas celeberrima, incipit ab amphitheatro, & per vicinos hortos

hortos juxta templum Pacis & forum Cæsaris recta tendit in Capitolium. Per hanc triumphantes Capitolium ascendeabant. Propert. lib. 11.

Attiæque in sacra currere rostra via.

In eadem, ut fit, animi causâ ambulabant : unde Horatius in Sermonibus :

Ibam forte via sacra, sicut meus est mos.

Item populo se ostentabant homines auræ popularis studiosi : ut de Mena Pompeii Magni liberto idem Poëta in Epodis,

Videsne, Sacram metiente te viam

Cum bis te vulnarum toga,

Ut ora vertat huc & huc euntium

Liberrima indignatio?

Et de puella populo se præbente Propertius,

Cui sæpe immundo Sacra coneritur via focco.

Nec sinit esse moram, si quis adire velit.

In eadem propter frequentiam res viles vānibant, ut poma, flabella, tesserae, tali : testantibus Varrone, Ovidio, Propertio, Sacravientes, ut Suburense, qui ad viam sacram, & Suburam habitant, nominavit Festus.

Via nova.

A Velabro inter Capitolium & Palatium, ducens in forum. Ovid. 1v. Fast.

Qua via Romano nunc nova juncta foro.

Via nova alia.

Prope Severi septizonium declinans ab Appia Aventinum versus, & rursus in eam sub thermis Antoninianis incidens, qua pulcriorem inter plateas Romanas nullam inventam, scribit Spartianus.

Via lata.

A macello corvorum, ad septa campi Martii extensa. Hæc vetus nomen retinet, & nunc Romæ est pulcherrima.

Via alta.

Intra Quirinalem & Viminalem, tendens ad portam Viminalem, lapide olim quadrato strata, & Alta semita dicta.

Via recta.

Ducens per longitudinem campi Martii. Seneca de morte Claudii : Trahit capite obvoluto, ne quis eum posset agnoscere, per campum Martium, & inter Tiberim & viam rectam descendit ad inferos. Hæc via prope Flaminiam fuit. Martialis lib. viii.

Dum repetit sera conductos nocte penates

Lingonus à Recta Flaminiaque recens.

Via fornicata.

Prope Flaminiam, ea parte qua steterunt Ovilia. Hujus sæpe mentionem facit Livius.

Via suburbana.

A foro Trajani, ad ædem nunc S. Agathæ.

Via piscinaria.

Inter Cœliolum & Aventinum, porrecta ad piscinas publicas, quæ quævis tollerentur, viæ tamen nomen remanuit.

Via triumphalis.

A campo Vaticano continuabatur in Capitolium. Ejus particula silicibus strata adhuc cernitur, inter templum S. Spiritus, & Tiberim.

Via Ælia.

Ab Ælio Hadriano facta, Triumphali contigua.

Via extra urbem.

Hæ viæ partim intra urbem initium habuerunt, ut Flaminia, Prænestina, Tiburtina, Lavicana, Campana, Gabiula, Appia, Ardeatina, Aurelia: partim extra urbem inceperunt, ut reliquæ omnes. Nomina sortitæ sunt, una tantum, a porta unde oriatur, ut Salaria; plures ab auctoribus, ut Flaminia, Æmilia, Cassia, Valeria, Numicia, Appia, Aurelia, Cornelia, Vitellia: pleræque a civitatibus, ad quas erant deductæ. Tam autem latæ quædam fuerunt, ut binos currus simul euntes caperent: tam longæ, ut Provinciarum terminos attingerent. Primum in urbe tantum silice sternebantur, extra vero glareæ, ut ex Tibullo & Plinio licet cognoscere: posterioribus temporibus omnes silicibus stratæ sunt. Verum unde tanta lapidum copia advecta sit, nondum me legere memini. In Campania duos montes vidi, ex quibus saxa ejusmodi excinduntur: unum prope Sueffam, alterum ad mare intra Puteolos & Neapolim. Silices lati sunt ternos quaternosve pedes, & reperi quædam versui latos pedes quinos. Viarum nomina recensere secundum portas. Quod autem discrepant interdum scriptorum sententiæ, minime mirandum est: liquidem non uno tempore sunt stratæ: & una in alteram sæpe exiguo, sæpe longiore, intervallo incidens, nomen alterius mutat.

Via Flaminia.

Hæc à Cn. Flaminio per Hetruscos Aretium, ab Augusto Cæsare per Umbriam & Picenum, Ariminum usque strata, longa ad xl. miliaria Germanica. Martialis lib. x.

Totaque Flaminia Roma videnda via.

Hujus intra Oriculum & Romam vestigia in vepretis vidimus. Crebra ejus mentio apud Tacitum, & de eadem inscriptio Tarracoenensis Hispaniæ, quæ L. Ovinio, L. F. Quirino Rustico posita, in qua inter cætera legitur.

CURATOR. VIÆ FLAMIN. LEGATO LEG. MYS. INFERIORIS CURAT. VIÆ TIBURTIN.

Claudia.

Flaminiæ juncta; Ovidius l. de Ponto,

Nec quos promiseris poscos in collibus hortos
Spectat Flaminia Claudia juncta via.

Æmi-

Æmilia.

Æmiliæ duæ fuerunt, unam stravit Lepidus Bononiam, & ex ea Aquileiam, Martialis lib. 111. alloquens librum suum,

Romam vade liber : si, veneris unde, requires ?

Æmilia dicas de regione viæ.

Si, quibus in terris, qua simus in urbe, rogabit ?

Corneli referas me licet esse foro.

Idem de eadem libro vi. & Plinius libro 1. agens de mirifico portento agri Mutinensis : in eadem Faventiam positam significat, lib. XIX. Junior Plinius ad Pontium : Mihi nunciatum est, Cornutum Tertullum accepisse Æmiliæ viæ curam. Alteram Æmiliam stravit Scaurus, quæ per Pisas, Lunam, Sabbatios, Dertonam usque pertinet.

Cassia.

Extra Flumentanam per Sutrium, Viterbium, Vullinios mittebat. Hujus rudera quædam inter oppida nominata extant.

Cimina.

Fuit propinqua superiori, vel ab oppidi, vel à montis, vel à lacus nomine dicta. Hujus mentio apud Victorem, & in marmore Auximi.

C. OPPIO C. F. VEL SABINO CUR. VIAR.

CLODIAE ANNIAE CASSIAE CIMINAE APPIAE AURELIAE
TRIUM TRAJANARUM ET AMERINAE.

Clodia, quæ in hac inscriptione nominatur, est, quæ ab Ovidio Claudia. De Annia, & tribus Trajanis, nihil certi habemus.

Amerina.

Hanc ex posita inscriptione fuisse cognovimus, & duxisse Amerinam.

Collatina.

Extra portam ejusdem nominis, ducens Collatiam, post exiguum spatium incidens in Salariam.

Salaria.

A porta Collina mittens in Sabinos, non magnæ (ut Strabo inquit) longitudinis, a deportando sale adepta nomen. Martialis,

Illic Flaminia, Salariaeque,

Gestator patet effedo tacente.

Tacitus lib. XIX. Ut transverſis itineribus per agrum Sabinum via Salaria Urbem introirent, & paulo post, Tertium agmen per Salarium Collinæ portæ propinquat. In hac via, ad quartum & decimum milliæ, ut Vibius, vel ad undecimum, ut Livius, prope Alliam flumen, victoria contra Romanos potiti sunt Galli.

Numentana.

A Viminali, vel (ut Strabo) à Collina inchoans apud Eretum vicum in Salariam incidit. Quamobrem superiorem & hanc tanquam vicinas conjungunt, Suetonius in Nerone, & Eutropius loquens de morte Caligulae : Numentanæ prope Urbem extant adhuc vestigia. Ovid. IV. Fast.

Hæc

*Hac mihi, Numento Romam cum luce redirem,
Obstitit in media candida turba via.*

Tiburina.

Extra Esquiliam. Tibur mittens. Ab hac porta multæ viæ incipientes, in diversa loca postea dividuntur. Horat. 1. Serm.

Cum Tiburte via prætorem quinque sequuntur.

Tusculana.

Hanc una cum Albana instauravit M. Messala, quem laudibus celebrat lib. 1. Tibullus :

Nec taceam monumenta viæ, quæ Tuscula tellus,

Candidaque antiquo detinet Alba lare.

Namque opibus congesta tuis hic glareæ dura

Sternitur, hic apta jungitur arte flix.

In Albana olim via Julio Procule apparuit Romulus.

Prænestina.

Hujus initium cœpit à Subura, cujus intra urbem adhuc ex lapide quadrato supersunt vestigia, & in trutetis extra urbem, à Tusculo Præneste euntibus.

Lavicana.

Intra Esquilinum & Cœlium, per Esquilinam (ut Strabo inquit) portam exiens, vel, ut alii, per Næviam, deduxit ad Lavicorum oppidum. Sed & hoc & Tusculum à dextra relinquens, ad Pictas & Latinam viam terminabatur.

Campana.

Extra Cœlimontanam de qua Romæ in marmore :

**HUIC MÓNUMENTO ITUS ADITUS AMBITUS DEBETUR EX
SENTENTIA EROTIS AUG. L. JUDICIS A VIA CAMPANA
PUBLICA.**

Et apud Suetonium in Cæsare Augusto.

Gabina.

Intra Cœlium & Cœliolum orta, ducens Gabios. Strabo lib. v. non idem dicit, primum enim ait, Latinam inter Appiam & Valeriam positam : postea inter Latinam & Valeriam, interjicit Prænestinam, & in Prænestina via Gabios sitos inquit.

Valeria.

De Latina declinavit per Sabinos, ad Marfos : & inde ad Corfinium, Pelignorum metropolim, pertinuit.

Latina.

Hæc per Ferentum, Frusinum, Fabrateriam oppida ad Casinum extensa, ubi in Appiam incidit. In Dacia hæc legitur inscriptio,

L. ANNIO FABIANO.

**III. VIRO CAPITALI CURATORI VIÆ LATINÆ LEG. X.
FRETENSIS LEGATO.**

Hanc

Hanc viam Martialis modo Latiam, modo Aufoniam nominat,
libro 1K.

— *simili venerandus ab Hercule Caesar,
Consecrat Aufonia maxima fana via.*

Idem eodem libro 1X.

Herculis in magni vultus descendere Caesar

Dignatus, Latia dat nova templa via.

Quâ Trivia nemorosa petit dum regna viator,

Octavum, domina marmor ab Urbe legit.

Cicero pro Cluentio, cauponem quendam de via Latina nominat.

Appia.

A porta Capena, vel potius à septizonio initium sumpsit, omnium maxima & laudatissima, ab Appio censore (ut Frontinus inquit) ad urbem Capuam munita, sed verius Tacitus, & auctor de Viris illustribus, qui Appium hanc viam deduxisse Brundisium usque affirmant. Certe Augusti temporibus eo pertinuit, si Horatio credimus: item Tiberii, si Straboni, & hoc ipsum sub Nerva potuit ignorare Frontinus? Longitudine circa sex & sexaginta milliaria Germanica (unumquodque autem v M. pass. continet) est complexa, quomobrem ad Pollium bene Statius,

— *qua limite noto*

Appia longarum teritur regina viarum.

Hæc prope Romam deflebens, inter Tusculum, & Albam, per montes deducit Aretiam, Algidum, Pictas, Pandochiam: hinc ad maritima pervenit Taracinam, Formias, Minturnas, Sinuessam, & inde Capuam, Sidicinum, Callateriam, Calydium, Beneventum, Brundisium. Libo Drusius Scribonius, conjurationis adversus Tiberium reus, aliquando consultavit, an habiturus esset opes, quis viam Appiam Brundisium usque pecunia operiret. Ab auctoris nomine dicta Appia: à gentis, Claudia: ab imperatoris qui restituit, Trajana. Ejus menti partem sumus à Monticella, Fundis, Iatro, Formiis, ad xx M. pass. & iterum vidimus apud Capuam novam; quo in loco eam restituisse Antoninum Pium, inscriptio pontis supra Vulturum fluvium demonstrat.

Numicia.

Appiæ vicina, testimonio Horatii lib. 1. epist.

Brundisium Numici melius via ducat, an Appi,

Ardeatina.

Ex Aventino, juxta Antonini thermas, strata Ardeam.

Laurentina.

Ex eodem monte Laurentum deducta. Ovid. 11. Fastorum:

Est via, quæ populum Laurentes ducit in agros.

Inter

Inter Ardeatinam & Ostiensem Gellius Laurentinam ponit : Et Laurentinam atque Ostiensem, tanquam propinquas inter se, coniungit Plinius junior, in epistola ad Gallum.

Ostiensis.

Quæ ad Ostiam mitteret. De hac inscriptio Neapolitana,
M. BASSÆO M. F. PAL. AXIO

PATR. COL. CUR. R. P. II VIR MUNIF. PROC. AUG.
VIÆ OST. ET CAMP.

Hæc exigua spacio fuit.

Portuensis.

Quæ ultra flumen ad portum Ostiensem, totius orbis amplissimum ducebat.

Aurelia.

Maritimæ Thuscæ ora, per agros sylvasque Pisas extensa. Hæc & Consularis dicta fuit, & ab instauratore, Trajana. Invenitur Aurelia vetus & nova, altera fortasse ob auctorem, altera propter reparatorem. Tiburi in epigrammate C. Popilii inter cætera sic legitur,

CURATORI VIAR. AURELIÆ VETERIS ET NOVÆ
CORNELIÆ ET TRIUMPHALIS.

Cicero, xii Philipp. Tres viæ sunt ad Mutinam, à supero mari Flaminia, ab infero Aurelia, media Cassia.

Cornelia.

De hac in Tiburtina inscriptione, & in Roman. domus Cæsæ.

CURATORI VIARUM
AURELIÆ CORNELIÆ.
TRIUMPHALIS.

Ex quibus conjicio, inter Aureliam & Triumphalem interjectam fuisse.

Triumphalis.

Hæc intra urbem initium habuit, & de qua supra dictum est.

Vitellia.

A Janiculo monte ad mare usque munita, auctore Suetonio.

Curatores viarum vectigalia certis hominibus locabant : quæ qui redimerent, mancipes dicti sunt. Unde mancipum fraude, & magistratuum incuria viæ sæpe interruptæ, & imperviæ factæ sunt : de qua re conqueritur Tacitus. De ejusmodi mancipe inscriptio Romæ, in domo Cardinalis Carpenfis :

CN. CORNELIO
CN. F. SAB. MUSÆO
MANCIPI VIÆ APPIÆ.

Viarum munitio ac restitutio maximæ curæ fuit
C.

C. Graccho, ut Plutarchus: item ex Imperatoribus Tiberio, ut Tacitus scribit: & Vespasiano, ut Sex. Aurelius, probatque marmor vetus Romanum.

IMP. CÆS. VESPASIANO AUG. PON. MAX. TRIB. POT. IMP. IIX. P. P. COS. III. DES. III. S. C. QUOD VIAS URBIS. NEGLIGENTIA SUPERIOR. TEMPOR. CORRUPTAS IMPENSA SUA RESTITUIT.

Post hoc Trajano, à quo multæ viæ nomen abolito pristino acceperunt, ut Appia, & Aurelia: & trium Trajanarum supra facta est mentio. Ad vias exædificatæ fuerunt ædes, domus, arcus hippodromi, prædia, horti, tabernæ, & (ut suo loco dicemus) sepulcra, tanta frequentia & splendore, ut exterarum gentium legati per suburbana cunctes, in ipsa Urbe se versari crederent.

CAP. VI.

De regionibus & tribubus.

URbs Roma in regiones quatuordecem divisa fuit, quod Plinius scribit, & his verbis Tacitus, de incendio loquens Neroniano: In regiones quatuordecem Roma dividitur, quarum quatuor integræ manebant, tres solotenus dejectæ, septem reliquis pauca testorum vestigia supererant, lacera & semiusta. Testatur idem antiquus lapis in Capitolio ante domum Triumvirum, quos nunc Conservatores nominant:

IMP. CÆSARI DIVI
TRAJANI PATRICI FIL.
DIVI NERVÆ NEPOTI
TRAJANO HADRIANO
AUG. PONTIF. MAXIMO
TRIBUNIC. POTEST. XX.
IMP. II. COS. III. P. P.
MAGISTRI VICORUM URBIS
REGIONUM XIII.

De regionibus extat libellus Publii Victoris, seu (ut alii volunt) Sex. Rufi, qui hæc imponit illis nomina, Porta Capena, Cœlimontium, Ihs & Sarapis, Via sacra, Esquilina, Alta semita (cujus & Suetonius mentionem facit in Domitiano) Via lata, Forum Romanum, Circus Flaminius, Palatium (hoc quartam regionem nominat Varro) Circus Maximus, Piscina publica, Aventinus, Transiberina. Spacia & terminos nemo ex antiquariis Romanis, in tanti loci opportunitate, & cæterorum adjumentorum copia adhuc investigavit. Augustus ad custodiam Urbis propter tumultus subitos, aut nocturna incendia, septem Vigilum cohortes ex libertinis conscripsit, eisque regionem Transiberinam habitandam concessit. Iis qui præerat, Præfectus Vigilum aut Vigilibus præpositus (ut apud Tacitum) dicebatur. Ex

quatuordecim regionibus, prima, duodecima, & tertia decima, Gothico incendio ita consumptæ sunt, ut neque postea unquam restitui potuerint: auctor Pomponius. Regiones hodie (ut recentiora cum antiquis jungam) totidem numero sunt, sed & nominibus & distributione diversæ. Regio Monurium, Trivii, Columnæ, Campi Martii, Pontis, Parionis, Harenulæ, Eustachii, Pineæ, Angeli, Cambitelli, Ripæ, Transiberina, Burgi. Regiones ipsæ dividuntur in vicus, quemadmodum tribus in Curias.

Tribus autem Urbis antiquæ fuerunt quinque & triginta: ut ex actionibus Ciceronis contra Verrem & Kullum. & ex Augusto Suetonii, clarum est. M. Varro de tribus libris scripsit; & singulas singulis Saryris laceravit Lucilius, de quo Perius:

Sicut Lucilius urbem.

Et apertius Horatius in sermonibus:

Primores populi arripuit, populumque tributum.

Aconius in secundam Vertinam tribus improprie Curias, item Varro libro IIII, de lingua Latina, non recte regiones nuncupat; idem tamen paulo post ipse se corrigit. De tribubus, unde nomina habeant, & quibus temporibus auctæ ad hanc multitudinem pervenerint, dicere hoc loco non est necesse. De prioribus qui volet cognoscere, legat Sex. Pompeium: de posteriore, T. Livium. Tribus ratione triplici fuerunt distinctæ: in urbanas, & suburbanas, quæ fuerunt libertinorum: & rusticanas, quæ ingenuorum. Urbane ex sententia Varrois quatuor, Suburana, Palatina, Esquilina, Collina. Suburbana una tantum, Romilia. Rusticanae triginta,

Æmilia	Crustumina
Anienfis	Fabia
Claudia	Falcrina
Cornelia	Galeria
Lemonia	Quirina
Metia	Sabatina
Narnienfis	Scaptia
Oriculana	Sergia
Oufenrina	Stellatina
Papiria	Terentina
Pollia	Tromentina
Pontina	Veientana
Popilia	Velina
Publicia	Veturia
Pupinia	Volitina.

Harum nomina erudit collegit Paulus Manutius, in Scholiis, quæ in Ciceronis epistolas edidit, appositis, qui de iis meminerunt, scriptoribus. Propter antiquitatis studiosos omittendum non est, tribus aliquas varie scribi solitas, ut Pontina, Pomptina, Crustumina, Clustumina, Suburana, Sucurana, de qua Varro & Quintilianus. Eandem antea litera scribi solitam, ex Junio Varrone, & antiquis epigrammatis,

matris, librisque manuscriptis cognoscitur. Publica in Veronenſibus marmoribus, Publicia, Uſentina, in Mediolanenſibus & apud Sex. Pompeium, Oufentina. Volitina, in Bergomaribus Votina, in Reatenſibus Voltinia. De Sapinia, quam aliqui ex Livio (ſi correctus liber eſt) addunt, nihil habeo dicere, ſicuti & de Menia apud Cicero-nem in epiſtola ad Craſſipodem: item de Camilla, Flavia, Ulpia, quas in antiquis marmoribus reperi. Vel igitur à poſterioribus plures ſunt adjectæ, quod ego mihi ſine auctoritate perſuadere non poſſum, vel ex illis aliquæ diverſis nominibus appellatæ: id quod factum eſt aut à Cenſoribus, qui populi partes in tribus deſcribebant, & (ut Sex. Pompeius inquit) uni tribui alios diverſarum civitatum ſæpe adſcri-bebant; aut, quod vero ſimilius eſt, ab Imperatoribus, qui tribus ampliabant: ut à gente Domitiani Flavia, à Trajani Ulpia fuerit dicta. Trajanus quidem certe tribus auxit, ut maniſeſte indicat mar-mior Romanæ in domo Alexiorum,

IMP. CÆSARI DIVI NERVÆ F. NERVÆ TRAJANO AUG.
GERMANICO DACICO PONTIFICI MAXIMO TRIBUNIC.
POT. VIII. IMP. IIII. COS. V. P. P. TRIBUS XXXV. QUOD
LIBERALITATE OPTIMI PRINCIPIS COMMODA EARUM
ETIAM LOCORUM ADJECTIONE AMPLIATA SINT.

Civium in tribus diſtributorum nomina, Elephan-tinis libris con-ſcripta aſſervabantur, in ærario Saturni. Ne quid autem temere aſſir-maſſe videar; res ipſa poſtular, ut inſcriptiones, unde ignotæ illæ tri-bus ſumptæ ſint, adſcribam, ſi quis forte ad inveſtigandum diligentius excitari queat.

Menia, de qua Cicero.

Alyſis.

M. GRANIO M. F.
MEN. CORDO &c.

Nucerinæ.

P. AIO. P. F. MEN.
EX TESTAMENTO.

Camilla, Romæ.

TI. CLAUDIO TI. F. CAMIL.
SOTERICHO.
VIXIT ANNIS DUOBUS.

Ibidem.

Q. MANLIUS QU. F. CAM.
SOCIUS
ALBA POMPEIA VETER.

Flavia, Romæ.

C. VALERIUS C. F.
FLAVIA SPECTATUS.
SISCLA MIL. COH. VIII. P. R.

Ulpia, Romæ.

C. GALLONIUS C. F.
ULP. MARITIMUS.

Tz

De

Docemur præterea ex his inscriptionibus initio positum fuisse nomen, proxime familiæ, tum patris, deinceps tribus, ad extremum cognomen. Ita in 1x Philippica Ciceronis: Servius Sulpitius Quinti filius Lemonia Rufus: Item pro Quintio: Ubi cognomen, quod fortasse non fuit, omissum est. In oratione, De novo agendi genere, seu prima actione in Verrem, inquit: Inventum esse fortem amicum ex eadem familia, Q. Verrem Romilia, quo in loco & nomen patris, & cognomen quoque contempti hominis præterit: tribus, cum suburbana esset, collocavit. Tribus autem appellationem ablativo casu ponebant, ut intelligeretur præpositio: quod & Asconius in Verrinas, & Servius in tertium, & in decimum Æneidos annotaverunt.

C A P. VII.

De foris, ad splendorem Urbis, & hominum necessitatem factis.

Fora Romana distinguemus primum in ea, quæ ad splendorem Urbis facta sunt, & in quibus hominum conventus fierent, vel negotiorum civilium, vel delectationis causa. Deinde in illa, quæ ad communes populi usus parata, negotiantibus paterent, quibus propter necessitatem carere nulla civitas potest.

De foris primi generis.

Romanum.

Incipit à Capitolii radicibus; ubi nunc Septimii arcus est, & secundum longitudinem ad S. Mariam novam, ubi Titi arcus, proenditur: secundum latitudinem à Palatini radicibus ad viam Sacram, & Saturni ædem. Variis nominibus appellatum fuit. Ut enim poëta nomine apud Græcos Homerus, ita fori in Urbe, Romanum accipitur. Ovidius de Ponto.

Te modo campus habet, densa modo porticus umbra,

Nunc, in quo ponis tempora rara, Forum.

Per campum, Marrius: per porticum umbrosam, Popeia: per forum, Romanum, in his verbis intelligitur. Romanum dictum, à dignitate urbis, quod præ cæteris esset ornatissimum, propter ædificia: & frequentissimum, propter judicia. Propert. lib. 4.

Atque ubi nunc terris dicuntur jura subactis,

Stabant Romano pila Sabina foro.

Dictum etiam forum Latium. Ovid. 1v. Fast.

Cujus ingenio est patria fecundia lingue,

Qua prior in Latio non fuit ulla foro.

Præterea forum magnum à Victore, & Ovidio, 111 Fast.

Et tenet in magno templa dicata foro.

Ad extremum, Forum verus, in vita M. Antonini apud Herodianum. Hoc in tres partes dividit, & varia in eo hominum studia describit in Curculione Plautus:

In foro infimo boni homines atque dites ambulant.

In medio præpter Canalem, ibi ostentatores meri,

Con-

*Confidentes, garrulique, & malevoli. Supra lacum,
Qui alteri de nihilo audacter dicunt contumeliam;
Et qui ipsi sat habent, quod ipsis possit vere dicier.*

Per lacum, significat Curtium, quem describit VI Fast. Ovidius. Prope eum fuerunt Rostra, & statua Marfyæ coronati, ad quam homines litigantes conveniebant. Horatius I Serm.

Deinde eo dormitum, non sollicitus mihi quod cras

Surgendum sit mane; obeundus Marfya.

Seneca VI de Beneficiis: Forum ipsum ac rostra, ex quibus pater legem de adulteriis tulerat, filix in stupra placuisse, quotidianum ad Marfyam concursum; de qua re item Plinius lib. XXI. cap. III. Hæc propter locum Plauti attuli. In liberis Græciæ civitatibus, ita Marfyæ statua olim in foro collocabatur, ut nunc Rolandi superiore Germania. E regione Marfyæ, alius locus erat, ad quam conveniebant fœneratores, quem Libonis puteal nominabant, inter porticum Juliam & arcum Fabianum, ut Persii interpretes scribit, Horatius,

Roscius orabat sibi adesses ad puteal cras.

Persius,

Si puteal mulco cautus vibice flagellas.

Sed ad fora redeamus.

Sallustii.

In monte Quirinali, in quo loco nunc ædes S. Sufannæ. Hoc forum Sallustius post Africanam præturam emit, una cum hortis, qui & nunc Sallustiani appellantur.

Cæsaris.

Post templum Pacis & Faustinae, ædificatum à Cæsare de Gallicis manubiis, hoc tempore in hortos mutatum. Sicum ejus indicat Ovid. III. Tristium,

— Hæc sunt fora Cæsaris, inquit,

Hæc est à sacris qua via nomen habet.

Hoc restituit Domitianus, & nominavit Palladium, Martialis lib. I.

Limina post pacis Palladiumque forum.

Augusti.

Superiori vicinum, turrim Comitum versus, & hoc in hortos transiit. Templo Martis Ultoris, & colosso Augusti conspicuum. De templo Ovid. V. Fast. loquitur,

Templaque in Augusto conspicenda foro.

De utroque Martialis lib. 8.

Foroque triplici sparsus ante equos omnes,

Ademque Martis; & colosson Augusti.

Spacio modicum fuit, ne aut alienas domos violenter invaderet, aut publica ædificia ignominiose everteret. Unde idem poeta ad Liviam, Augusti conjugem,

Ne vires errasse tuas campoque foroque.

Hoc inter Urbis miracula refertur à Plinio. Restitutum ab Hadriano est, teste Spartiano. Latini scriptores cum de tribus foris loquuntur.

Romacum, Caesaris, & Augusti intelligunt: quod interpretes raro observarunt. Seneca de ira: Adjice nunc publica perjuria gentium, cumscriptiones, fraudes, inficiationes, quibus trina non sufficiunt fora. Martialis in Epig.

Causas, inquis, agam Ciccrone disertius ipso.

Atque erit in triplici par mihi nemo foro.

Statius in Sylvis,

Nec saltem tua dicta continentem,

Quæ trino juvenis foro tonabas.

Ovidius III. Tristium,

Scena viget, studiisque favor distantibus ardet,

Cumque tribus resonant terna theatra foris.

Fora quæ sint, nominavimus. Theatra sunt Pompeii, Marcelli, Stalilii: singulorum adhuc vestigia extant, ut intra aperiemus.

Nervæ.

Post templum S. Hadriani, quod templum inde à tribus foris dictum est; hoc ad Quirinalem usque montem, parte ejus aliqua compplanata, pertinuit. Tranitorium dictum, quod inde in tria fora transitus pateret. Martialis lib. X. — *nec illic*

Sunt triplix therma, nec fora juncta quater.

Per thermas triplices, Agrippæ, Neronis, & Tiri intelligit: per quatuor fora, Romanum, Caesaris, Augusti, Nervæ. Hoc etiam restituit Domitianus, ut est apud Suetonium.

Traiani.

Intra Capitolinum & Quirinalem, aedificiis jam occupatum. Giganteis operibus comparatum à Marcellino. In hujus medio pulcherrima columna Cochlus, ex saxo solido fundata, & compacta sine cæmentis & calce, ita ut non artificiosa, sed naturalis videatur. Alta est pedes cxxxviii, ut Marlianus: vel pedes cxl, ut Eutropius, quem sequitur Platina. Sed alter fortasse à columna, alter à basi initium mensuræ sumplit. Gradus habet clxxvi, fenestellas xlii. latitudinem palmi & dimidii intra ædificium, quæ in valde angustum contrahuntur, ut foris acceptum lumen intus diffundant. Columna Pario marmore incrustata, in qua res gestæ Traiani, & præcipue bellum Dacicum est expressum. Cernere in ea est formas munitionum, propugnaculorum, pontium, navium: item varia militum opera ligantium, ædificantium, castrametantium, fossas agentium, equos adæquantium, trophæi ferentium, in triumpho euntium: item formas thoracum, galearum, clypeorum, scutorum, zonarum, lituorum, pugionum, pilorum, gladiatorum, pharetrarum, aliorumque armorum. Ab ea parte, in qua inscriptio est, Victor æ alaræ, cum duabus aquilis.

De foris secundi generis.

Boarium.

In Velabro, inter Palatinum montem, scholam Græcam, & Janum quadrifrontem. Ovid. 1. Fallorum,

Hic

Hic ubi pars Urbis de bove nomen habet. & vi.

Area quæ posita de bove nomen habet.

In eo templum nunc est S. Georgii, corrupto nomine, ad Vetus aureum: item arcus boarius. In quo cernuntur taurorum immolationes, & victimarii sacrificuli cum instrumentis malleo, cultro, securi, ahenis, pateris, flagello, candelabris, linteis, & quibusdam aliis ad sacrificia pertinentibus.

Suarium.

Ad Radices Quirinalis, prope clivum qui ducit ad Caballos marmoreos: in eo foro extructum templum S. Nicolai de Porcilibus.

Piscarium.

Proxime ædem S. Angeli in piscina, ubi olim Mercurii porticus stetit. Vetus forum piscarium intra templa nunc S. Mariæ in porticu, & S. Mariæ Egyptiacæ. Plautus in Circulione,

Symbolorum collatores apud forum piscarium.

Pistorium.

Unum intra Capitolium & Palatium, juxta ædem Vestæ: alterum in Aventino. Hodie tria sunt, unum prope S. Mariam rotundam, alterum in vico Judæorum, tertium apud S. Laurentium in Damaso.

Cupedinis.

In quo esculenta & poculenta delicatiora venderentur, alii in Cœlio, alii in Esquilino statuerunt, eo in loco, in quo olim Numerius Equitius Cupes habitavit; nam ante illum ad Corneta appellatum fuit: utriusque rei testis Varro. Vetus nomen mutavit Æmilio & Falvio Censi, ut inquit Festus & Plutarchus.

Saburanum.

In quo res ad victum necessariæ, à rusticis importatæ, venderentur. Martialis lib. vii.

Quidquid villicus Umber, aut colonus,

Aut rus marmore tertio notatum,

Aut Tusci tibi, Tusculique mittunt,

In tota mihi nascitur Subura.

Agonium.

Olim campus Agonius, nunc commune forum est omnium mercium.

Holitorium.

Inter Capitolinum & theatrum Marcelli quondam fuit, & nunc est: vulgo platea Montinaria.

Præter hæc, fori Archamonii mentionem facit Victor, Esquilini Appianus, Ceditii Festus, Argentarii Vitruvius, Jugarii recentiores.

C A P. VIII.

De Campis.

Campi in Urbe fuerunt planities vacuæ ædificiis, qui aut spectaculorum causa habebantur, certorumque conventuum, aut uti-

bus civium necessariis addicti erant. Persequemur tantum eos, qui in urbe fuerunt; nam campum Horationum, de quo Martialis; item Ridiculi, de quo Plinius, extra Capenam portam, utrumque prodens omitto: ut & urbanos hos, Vulcani, de quo Festus: & Joviani, de quo Spartianus: & Licinii, de quo Persius; nec Sceleratum pontem, quem describit Plutarchus: quoniam supplicii locus fuit.

Campus Martius.

Qui à vicinitate fluvii, cui à septentrione adjacet etiam Tiberinus, fuit ager Tarquinii, post ejus exactionem dicatus Marti; hunc plenissime describit lib. v. Strabo. Quamvis autem Arrianus Niconedienfis multos enumerat celebres campos, fama tamen omnes vincit Tiberinus. Incepit ab eo loco, ubi nunc S. Laurentius in Lucina, usque ad pontem in Mulvium extensus. Quæ in eo ludicra & exercitia fierent, P. O. Atius lib. i. Carminum describit;

— cur apricum

Oderit campum, patiens pulveris atque solis?

Cur neque militares

Inter æquales equitet, Gallica nec lupatis

Temperet ora frenis?

Cur timet flavum Tiberim tangere? cur olivum

Sanguine viperino

Cautius vitat? neque jam livida gestat armis

Brachia: sæpe disco,

Sæpe trans finem jaculo nobilis expedito.

In eundem tribus vocabantur ad Comitia, ut novos magistratus crearent. In campo tumultu exorte, delectus habebatur. In campo, clari viri mortui cremabantur, ut Sylla, Hircius, Pansa: item Imperatores, qui rogo extincto, certis quibusdam ritibus ac ceremoniis referebantur in deos: quam rem pulcherrima narratione exponit in vita Antonini Herodianus. Si qui autem ex Imperatoribus S. P. Q. Romano probati non essent, eorum reliquæ non deferbantur in Campum, sed tracta corpora præcipitabantur in Tiberim, ut Vitellio & Vario accidit, & de Commodio decretum fuit. In campo, animi causa ambulant homines ociosi. Horatius in Epist.

Gaudentem pravisque sodalibus, & lare certo,

Ec ludis, & post dicta negocia Campo.

Nunc pars ejus moenibus inclusa, & variis ædificiis occupata est. Campi autem solius nomine, propter celebritatem, Martius intelligitur.

Martialis.

In Cœlio, à Martio denominatus. Nam Tiberi Martium inundante, lulorum pompa in Cœlium transferebatur, auctore Festo, & Ovidio III Fast.

Altera gramineo spectabis Equiria campo,

Quem Tiberis curvis in latus urget equis.

Qui tamen ejecta si forte tenebitur unda,

Calus accipiet pulverulentus equos.

Esquilinus.

Esquilinus.

Inter aggeres Tarquinii, & urbis mœnia septentrionem versus. In eo ante Augusti principatum cadavera cremabantur, à Mæcenate conversus in hortos, & his temporibus vinetis confitus.

Viminalis.

Post Diocletiani thermas, porrectus ad muros: hodie Vivarii campus, partim confitus, partim vastus, & repletus varii generis viminibus.

Agrippa.

In radicibus Quirinalis, regione viæ latæ.

Vaticanus.

Planicies illa patens, & à Janiculo ad Tiberim diffusa, protensa; in longum, à sinistra mœnibus cincta, nunc ex magna parte habitata.

Figulinus.

Ad portam Trigeminam, post Aventinum, in quo hodie sunt Equiria. In eo campo collis est ex fractis figulorum testis congestus, formam habens cucurbitæ: quem montem Testaceum appellant.

Flora.

A Flora Pompeii liberta, ut aiunt: in hoc campo Pompeiani theatri extant vestigia. Spacio non magnus, sed satis celebris. Profestis diebus variae in eo merces venduntur: testis autem, præcipue equi.

Agonius.

Inter vallem Martiam, & circum Flaminium, nomen vetus retinet: & in eo nunc commune, forum rerum venalium.

C A P. IX.

De templis gentilium, in templa Divorum mutatis.

DE sacris ædibus M. Varro libros scripsit, ex quibus sextum adducit Macrobius: & scriptores recentiores, quos in initio nominavi, ex antiquis multas collegerunt, quorum labori & studiis volo suum honorem haberi. Equidem hoc capite de iis tantum deorum templis dicam, quæ nunc ex antiquitate visuntur, & in nostrorum Divorum sunt mutata: sequenti vero addam ea, quæ sunt omissa ab aliis. Olim igitur aut singulis diis erant dicata templa, aut duo pluresve consors habebant delubrum, unde $\delta\mu\omega\chi\epsilon\iota$ & $\sigma\upsilon\nu\gamma\alpha\sigma\iota$ sunt appellati. Romæ in domo civis privati,

ΔΙΙ ΗΔΙΩ

ΜΕΓΑΛΩ

ΣΑΡΑΠΙΔΙ

ΚΑΙ ΤΟΙΣ ΣΥΝΝΑ

ΟΙΣ ΘΕΟΙΣ.

Eadem ratione Carthagine, conjuncta templa habuerunt Ceres & Bacchus, quia victui humano præbent necessaria: iisque adjunctus Phœbus,

Plicebus, prudentiæ Deus, qui admoneret, deorum muneribus moderare & sapienter utendum. Apud Rôm. munus tuendi facta tecta templorum primum censoribus, post eos ædilibus fuit commissum. In vetustis monumentis & Conservatores ædium sacrarum, & Duumviri sanorum leguntur. Nunc ad templa, primum plurium deorum, deinde singulorum, accedamus.

Jovis, Minerva, Junonis.

S. Salvatoris in Maximis, in ea Capitolii parte, quæ occasum versus, forum Holitorium respicit: In hoc delubro medium sacellum tenuit Jupiter, dextrum Minerva, sinistrum Juno, sub una (ut Dionysius ait) aquila, hoc est, sub uno tecto. Ex hoc intelligitur locus Ovidii, qui est 11 Trist.

Cum fuerit Jovis æde, Jovis succurret in æde,

Quam multas matres fecerit ille deus.

Proxima adoranti Junonis templa, subibit,

Pellicibus multis indoluisse deam.

Pallade conspecta, natum de crimine virgo

Substulerit quare, quæ er, Erichonium.

Item alter in Consolatione ad Liviam:

Jupiter ante dedit fati mala signa cruenti,

Flammifera petiit cum tria templa manu.

Junoni (que gravi nocte, imparvideaque Minerva,

Et sancta immensi Caesaris ista manu.

Scribunt de eodem delubro Macrobius & Servius, & ejus magnificentiam laudat Marcellinus; & restitutum à Domitiano post incendium, testatur lib. 1x. Martialis.

Herculis, Musarum.

Nunc Sanctæ Luciæ in apothecis obscuris, in aditu circi Flaminii. Ovid. vi. Fast.

Dicite Pierides, quis vos adduxerit isti,

Cui dedit invitus vincta noverca manus.

Idem de eodem loquitur lib. 111 De Arte,

Femina procedit densissima crinibus emptis,

Proque suis alios efficit ære suos.

Nec rubor est emisse palam: venire videmus

Herculis ante oculos, virgineumque thorum.

Porticum huic addidit Martius Philippus ornatissimum: de qua intra.

Veneris, & Cupidinis.

Nunc S. Crucis in Hierusalem, in monte Cœlio. Pavimentum ejus tessellatum e vario marmore, & aurata laquearia. Ab Helena Constantinii matre in pios usus convertum.

Remuli, & Remi.

Nunc SS. Cosmæ & Damiani, in via Sacra, prope turrin Comitum dictam, posterior ejus pars quadrata, prior spherica, cum rotunda

tunda & unica tantum fenestra, lumen in medio testi prabente, & exipiente imbres ac pluvias, facta in pavimento fossula. *Aeneæ* ei valvæ sunt, & ex porticu tres columnæ reliquæ. Quondam per aliquot gradus in id ascendebatur, nunc per sex descenditur, adeo ex ruinis antiquorum ædificiorum altius solum factum est, ut pressa & humilia nunc sint, quæ aliquando eminuerunt. Alii hoc volant *Castoris & Pollucis* fuisse, sed errant, illorum enim ædes (si *Suetonio* & *Ovidio* fides est) in foro ad lacum *Juturnæ* fuit, eique proximum cum templum *Julii Cæsaris*, ut idem *Ovid.* lib. 11. de *Ponto*: tum *Domitiani*, ut inquit in *ix Martialis*.

Solis, & Lunæ.

Nunc *S. Mariæ novæ*, in fine fori *Romani*: ex ruinis antiqui, novum jam illud ædificatum. In horto duo tornices vetustate collapsi, e regione inter se positi conspiciuntur, quos *Victor* videtur dicere, *Ilidis & Sarapidis*: *Marlianus* conjicit reliquias esse templi *Solis & Lunæ*, *Lærus Aesculapii & Salutis*, *Flavius Aesculapii & Apollinis*, *Poggius Castoris & Pollucis*.

Saturni, & Opis.

Nunc *S. Mariæ* in porticu, in regione *Ripæ*.

Martis, & Veneris.

Nunc *S. Mariæ* rotundæ, de quo in *Jove Ultore* prolixè agetur.

Jovis Capitolini.

S. Salvatoris in *Maximis*, de quo in initio capitis. Hoc & *Jovis Opt. Max.* & *Jovis Latii à Propertio* dictum. Idem ornatissimum fuit: *Martialis* lib. x.

Nec Capitolini summum penetrabile Tonantis,

Quæque nitent cælo proxima templa suo.

In eo homines religionis causâ incubabant: ad quod alludit *Plautus* in *Cure*.

Siquidem incubare Jovi velint, qui pejeraverint,

Locus non præberi potis est in Capitolio.

Ad idem victimas gratulationis causâ mactabant. *Ovid.* 111 *Fast.*

Ad penetrabile Numæ, Capitolinumque Tonantem,

Inque Jovis summa cæditur arce bidens.

Jovis Statoris.

Nunc *S. Mariæ* de pœnis inferni. Contra ædem *Vestæ* in *Palatini* radicibus, clare monitante *Ovidio* vi *Fast.*

Tempus idem Statoris erit, quod Romulus olim

Ante Palatini condidit ora jugi.

Martialis *Palatinum Jovem novum, Capitolinum veterem* appellat, lib. vii.

Inde novum, veterem prospicis inde Jovem.

Jovis Feretrii.

Nunc *S. Mariæ* in ara cœ i, olim fuit exiguum fanum, & magis fama, quam magnificentia notum. Cognominis causam crudité expiteat *Propertius* lib ultimo, — causa

— *causa Feretri,*

Omne quod certo dux ferit ante ducem.

Seu quia victa suis humeris hac arma ferebant,

Hinc Feretri dicta est ara superba Jovis.

Jovis Ultoris.

Nunc S. Mariæ rotundæ, & Omnium sanctorum. Aliquando Cybeli sacrum: cujus dæx caput antiqui operis & saxi, cum duobus piscib. muro templi inclusum adhuc cernitur, a M. Agrippa Pantheum, quasi *ἡ πᾶσι θεῶν* dictum: & tandem Marti ac Veneri, auctores populi Ro. habiti sunt, ut Livius & Lucretius scribunt, consecratum. Hoc Bonifacius III. Pontifex, a Phoca Imp. qui rem pontificiam auxit atque extulit, acceptum, beatæ Virginis, sanctis omnibus, dicavit, fuitque primum dictum, Virgo ad Martyres: sicuti nunc à circulari forma, S. Maria rotunda. Altum est ped. cxliv, toridem latum. Contignationes æneis trabibus canalium modo compactæ, ped. xl. ut testatur Bap. Leo. Valvæ ingentes ex ære Corinthio, inauratæ, & æneæ: trabes item inauratæ, lithostroton varii marmoris, aræ duæ marmoreæ, sex marmoratæ. Interstitia, sex columnarum spatio distantia. Testudo templi laqueata, vacuis circumquaq; spatiis relictis, ne nimio pondere ædificium premeretur. Nulla fenestra penitus inest, nisi in medio sphæricum foramen lumen præbens, & æneis inauratisq; trabibus sultum: cui subjectum ad imbres excipiendos impluvium. Ad foramen illud per tectum plumbeum exterius xl. gradibus plumbeis ascenditur: ad quod tectum antequam perveniatur, bini ambitus sunt, ad quorum primum ex imo templi per CL gradus est eundem. Alludit ad hoc in Didonis structura Virgil.

Aenea cui gradibus surgebant limina, nexaque

Ære trabes, foribus cardo stridebat æneis.

Marcellinus lib. xvi. Pantheum, regionem teretem, speciosa cellitudine fornicatam, nominat.

In tecto nunc sunt plumbeæ laminæ, quæ olim argenteæ fuerunt, quas Constans Imp. Constantini Junioris filius detraxit. Gradus quoq; ænei sublatis, & saxeis permutati sunt. Ascensum ad templum fuit per gradus duodecem, nunc per totidem descenditur: ex quo intelligitur, ut & antea dicebamus, quam alre ex ruinis solum exaggeratum sit. Parietes nunc latericii sunt, olim marmoribus incrustati fuerunt. Inter omnia igitur Urbis opera, nullum admirabilius, five molem, five artem, five impensam, consideres.

Jovis in Insula.

Nunc S. Bartholomæi, descriptum ab Ovidio, 1 Fast.

Accepit Phæbo nymphaque Coronide natum

Insula, dividua quam premit amnis aqua.

Jupiter in parte est, caput locus unus utrumque,

Junctæque sunt magno templa nepotis aræ.

In eo quatuor columnæ ex ophite, & porphyriticum labrum, cum tabula ex marmore Pario, quæ vix pulchriorem vidi.

Saturni in Capitolio.

S. Salvatoris in Statera, infra saxum Carmentæ, seu rupem Tarpeiam, cujus nunc semidirutæ turris extat, reliqua pars tabernis occupata est. Mira mehercule rerum mutatio. Trajani temporibus ex tabernis templa facta sunt Christianis, id permittente ethnico Imperatore: nunc ex templis tabernæ fiunt, comprobantibus, aut certe coniventibus episcopis, & Pontifice.

Saturni in foro.

Nunc S. Hadriani, ante forum Romanum, post Nervæ à latere Cæsaris, unde in Tribus foris vulgo dicitur. Valvæ sunt æneæ antiquæ. In eo olim ærarium populi Ro. fuit. Legitur in antiquis monumentis, si quis aut testamenta corrupisset, aut violasset sepulcra, poenæ loco additum,

INFERAT AER. POPULI

ROMANI. *Item,*

INFERAT AERARIO

SATURNI.

Unde & acta, quæ susceptis liberis parentes faciebant in eodem conservabantur, & omnium civium Romanorum nomina. Erant ejusdem certi Magistratus, ut præfectus ærario, item ærarii curatores, ærarii scribæ, ærarii quæstores, & tribuni ærarii. Nomen accepit ærarium, cum aurum argentumque nondum signaretur. Unde æs Saturnium dicitur Persio, quod ejus tempore, ejus usus esset.

Apollinis Palatini.

S. Lucia in Palatio. Hoc & Apollinis Actiaci, & Navalis, & Prætonii, dicitur, quod Augustus devicto Antonio & Cleopatra ex marmore (ut Servius testatur) Lunensi fecit. Nullum fuit poetis celebrius, nullum donis opulentiùs siquidem Augustus aureas argenteasque statuas sibi positas, huic templo donavit: nullum opere magnificentius. Valvæ erant eburnæ, auro picturisque ornatae, de quibus detracta hostibus spolia suspensa erant. Propertius lib. 11.

*Tum medium claro surgebat marmore templum,**Et patria Phæbo carius Ortygia.**Auro Solis erat supra fastigia curvus,**Et vasuæ Libyci nobile dentis opus.**Altera dejectos Parnassi vertice Gallos,**Altera mærebat funere Tantalidos.**Deinde inter matrem Deus ipse, interque sororem,**Pythius in longa carmina veste sonat.*

Virg. VIII Æn. de scuto Æneæ, in quo Augusti Cæsaris triumphus expressi erant:

*Ipsæ sedem niveo candentis limine Phæbi,**Dona recognoscis populorum, aptatque superbis.**Postibus* —

Hujus ne vestigia quidem relicta sunt, diruto etiam S. Lucie sacello.

Apollinis

Apollinis Capitolini.

S. Marix sub Capitolio, intra forum holitorium, & circum Flaminium, extra portam olim Carmentalem.

Apollinis Vaticani.

Nunc S. Petronillæ, juxta viam olim Triumphalem.

Apollinis Circi Flamini.

Nunc S. Apollina: is, ut Flavius Blondus, & Pomponius Sabinus sentiunt.

Martis Ultoris.

Nunc S. Martinæ in foro Augusti, unum ex maximis & sumptuosissimis cum opere, tum artificio: quod his veribus celebrat Ovid. v. Fast.

Ultr ad ipse suos carlo descendit honores,

Templaque in Augusto conspicienda foro.

Digna Giganteis sunt hæc delubra trophæis

Hinc fera Gradivum bella movere decet,

Prospicit armipotens operis fastigia summi,

Et probat invictos illa tenere deos.

Perspicit in foribus diversa tela figuræ,

Armaque terrarum milite victa suo.

Hinc videt Æneam oneratum pondere cæro,

Et tot Julæ nobilitatis avos.

Hinc videt Iliader humeris ducis arma ferentem,

Claraque dispositis acta subesse viris.

In aditu templi ante fores ab utroque latere, Martis & Veneris statuæ erant, eodem restante, II Trist.

Stat Venus Ultori juncta viro, ante fores.

Circa idem Apellis tabulam posuit Augustus, in qua Alexander triumphans Belli imaginem victis ad tergum manibus quasi captivam ducit, quam rem in Augusti gratiam videtur notasse dædicius poeta:

— furor impius intus

Sæva sedens super arma, & centum victus ahenis

Post tergum nodis, tremet horridus ore cruento.

Nunc in eo templo picta cohors Romana, cujus vexillifer pro signo labrum habet. Fuerunt & alia Martis Ultoris templa: de quibus sequenti capite.

Martis in Vaticano.

Nunc S. Marix de febribus, ad sinistram ingredienti basilicam S. Petri.

Herculis Victoris.

Nunc S. Alexii in Aventino ad occasum, Tiberim & portam Trigeminam versus. Virgil. VIII Æn.

— hæc limina victor

Alcides subiit: —

In eo non licebat esse (ut in aliis) lectisternium, nec cuiquam nisi ingenuo sacris interesse: auctores, Cornelius Balbus, & Servius grammaticus.

maticus. Ab eodem mulieres arcebantur, cujus rei causam prolixè reddit libro quarto Propertius. Talia sacella, a quorum ingressu muliebris sexus arceretur, adhuc Romæ sunt, in S. Petro Vaticano, in S. Joanne Laterano, in S. Cruce in Hierusalem, in S. Praxedè, in lavacro Constantinì, & locis fortasse pluribus.

Herculis.

In eodem monte, nunc S. Priscæ, orientem versus.

Herculis in ara Maxima.

Nunc S. Mariæ in Cosmedin, post muros scholæ Græcæ. De ara Maxima, Virgil. Propertius, Ovidius.

Romuli.

Nunc S. Theodori, in Velabro, sub Palatino, templum vetus, & sphaericum, cum rotunda fenestra in medio tecti, lumen præbente. Alii Panos Lycaeî antiquitus fuisse autumant.

Neptuni.

Nunc S. Blasii, ad ripam Tiberis, in vico qui modo Junius appellatur.

Neptuni Equestris.

Nunc S. Anastasiæ, in radicibus Palatini, ante circum Maximum. Superioribus annis post hujus divæ ædem, sacellum subterraneum inventum, quod parietes co-chis ornatos habuit, & in medio testudinis aquilam albam, cum crista rubra. Hoc se vidisse, Marlianus & Gyrardus testantur. Neptunus equestris, alio nomine Confus appellatus.

Castoris.

Nunc S. Laurentii in Miranda, intra Faustinae verus templum & porticum, foro Romano adjacens. Plaut. in Curc. recensens loca circa forum.

Pone ædem Castoris, ibi sunt quibus credas male.

In Castoris temp'o somniorum interpretes incubarunt, ut & apud Persii interpretem.

Æsculapii.

Nunc S. Joannis Colevi æ, in insula Tiberina. In hoc incubabant ægroti, valetudinis causa: unde qui morbo levatus non erat, apud Plautum his verbis incusat deum:

Migrare certum est jam nunc è fano foras,

Quando Æsculapii ita sentio sententiam.

Prope hoc templum in horto, navis est prælonga, ex Thasio lapide, cujus insigne est caput Tauri, & à latere simulacrum serpentis.

Bacchi.

Nunc S. Constantiæ, extra portam Viminalem, in via Numentana, circularè, & vermiculato opere, columnisque duodecim in gyrum dispositis sustentarum, tribus inter se conjunctis, inter quas aliquo spacio relicto, aliæ eodem modo subjunguntur. Vidi prope infracto sepulcri marmore, Bacchantium turbam, qui angues ore gestarent, & caprum ducerent: de quo more Prudentius Christianus poeta, in suis gravissimis libris contra Symmachum scribit,

— Baccho

— *Baccho caper omnibus aris
Ceditur, & virides discindunt ore chelydros,
Qui Bromium placare volunt: quod & ebria jam tum
Ante oculos regis Satyrorum insania fecit.*

Fauni.

Nunc S. Srephani in Caelio, sphæricum, & columnis in orbem æqualiter dispositis ornatum. Columnarum ordo triplex fuit, in inferiore columnæ XX cum pilis duabus: in medio, XLII, qui ordo nunc pro muro est; extremo ordinis tantum rudera in adjuncto horro apparent. Fuit igitur terno ambitu, quasi porticibus amplissimum. Structura unum ex pulcherrimis, tempore ex antiquissimis.

Silvani.

Nunc S. Agathæ sub Viminali, in via Suburana, cujus mentio in testamento Galli Favonii, quod nos correctius, quam in Marliano legitur, cum aliis quibusdam testamentis edidimus, anno superiore.

Mercurii.

Nunc S. Angeli in piscina, in foro piscario.

Boni eventus.

Nunc S. Eustachii, proxime Pantheum.

Hadriani.

Nunc S. Mariæ Transpontinæ, five Carmelitarum, trans pontem Ælium, è regione sepulcri ipsius. Hoc templum Hadriano Antoninus Pius contra vota pene omnium dicavit.

Junonis Lucinæ.

Nunc S. Laurentii in Lucina, in campo Martio, habet columnas ophiticas & porphyreticas. De hoc templo Ovid. 111 Fast.

Junonis Matutæ.

Nunc S. Nicolai in Mentuza in foro holitorio, Ovid. iv. Fast.

Huc ubi luce ferant Matutæ sacra parenti,

Sceptraferas servi templa dedisse manus.

Junonis Capitolinæ.

S. Salvatoris in Maximis, cum Jovis delubro conjunctum. Unde Ovid. in Fast.

Hic color, hic teneo cum Jove templa meo.

Et ibidem,

— *dicor matrona Tonantis,*

Junctæque Tarpeio sunt mea templa Jovi.

Vestæ.

Nunc S. Mariæ de Gratia, in valle quæ inter Palatinum & Capitolinum est. Sphæricum est, de quo satis plane & perspicue Ovid. vi Fast.

Hic locus exigua qui sustinet atria Vestæ,

Tunc erant intonsi regia magna Numæ,

Arte Syracusia suspensus in aëre clauso

Stat globus, immensi parva figura poli.

Et

Ejus sacra quomodo subacta, & quam ob causam sacerdotes Urbis pulsi, & templa diuina sint, Josephus docet in antiquitatibus lib. 18.

Telluris.

Nunc S. Pantaleonis in Subura, intra Carinas. Edificatum in area domus Cassii, qui regni affectati poenas dedit: auctores Cicero & Valerius.

Honoris, & Virtutis.

Nunc S. Sixti, ex aliquorum sententia, quæ mihi falsa videtur. Propinquius enim portæ Capenæ fuit, quam nunc hoc recens est.

Carmentis.

S. Catharinæ, sub rupe Tarpeia.

Pietatis.

Nunc S. Salvatoris de pietate. Julius Obsequens ponit in Circo Flaminio, Victor in foro holitorio: Plinius in eo loco, ubi postea theatrum Marcelli fuit. Unius loci varia defigatio, ab adjacentium locorum vicinitate sumpta. Aliquando eodem in loco carcer plebis fuit, in quo cum filia matrem vincetam suis uberibus aluisset, impunitas illi concessa, & locus Pieratis numini dicatus est.

Diana Aventina.

Nunc S. Sabinæ, supra Tiberim, occasum versus. Ad hoc alludit Horatius in Epodis,

*Quæque Aventinum tenet, Algidumque,
Quindecim Diana preces virorum
Curet.* —

Antiquum marmor Salonæ in Dalmatia de hoc templo testatur, CAETERAE LEGES EAEDEM SONT, QUAE ARÆ DIANA SONT IN AVENTINO MONTE DICATAE.

Diana in Cælio.

Nunc S. Johannis Evangelistæ, ante portam Latinam, minimum, & nullorum plane ornamentorum.

Bonæ deæ.

Nunc S. Mariæ Aventinæ, in medio pene ejus montis, quæ Tiberim spectat. Sicum depingit Ovid. v. Fast.

Est moles nativa loco, res nomina fecit.

Appellant saxum, pars bona montis ea est.

Huic Remus institerat frustra, quo tempore fratri

Prima Palatina regna dedisti aves.

Templa patres illic, oculos exosa viriles,

Leniter acclivi constituere jugo,

Dedicat hac veteris Clausorum nominis hæres,

Virgineo nullum corpore passa virum.

Livia restituit. —

Minerva.

Nunc S. Mariæ supra Minervam, post Pantheum. In hoc fuit brevium rerum gestarum Pompeii Magni.

Minerva

Minervæ Capitoline.

S. Salvatoris in Maximis, Jovis Capitolini delubro conjunctum.
Unde bene cecinit poeta antiquus,

*Vique Palatinis Capitolia condita saxis
Signarent titulo præsivi Jovis, atque Pelasgæ
Palladis, & Libyca Junonem ex arce vocarent.
Veneris Victricis.*

Nunc S. Mariæ in Crypta picta, vicinium Pompeii theatro, testante, III Trist. Ovidio.

Altera templa peto, vicino juncta theatro :

Hæc quoque erant pedibus non adeunda meis.

Veneris theatri Pompeiani.

Nunc S. Barbaræ. In hoc Catia cum duobus adulteris libidinem sub velo publice exercuit : ut auctor est interpres Horatii.

Salutis.

Nunc S. Vitalis, in Quirinali. Ovid. I Fastor.

Janus adorandus, cumque hoc concordia mitis,

Et Romana Salus, ara que Pacis erit.

Quiesis.

Nunc S. Perri, & Marcellini, in via Lavicana. A Constantino in meliorem usum conversum, qui matrem suam prope illud in Mausoleo sepeliri voluit, quod in Sylvestro primo asserit Platina.

Concordiæ.

Nunc S. Sergii, & Bacchi, infra Capitolium, qua forum respicit, Fuerunt & alia duo, unum in arce, alterum supra Comitium, ad Vulcani aream :

Sciendum est, cum temporis verbum omisimus, nomine loci simpliciter notaro, & vetusta & recentia templa everfa esse. In illis autem vetus magnificentia quaerenda non est : & nos quæ posuimus, cum ad antiquitatis qualiacunque vestigia cognoscenda, tum ad auctores intelligendos putavimus pertinere. Varro scripsit, ornamenta templorum olim lignea & fictilia fuisse, quæ post aliquanto ex marmore, ebore, atque auro facta sint. Item Tacitus ait, apud antiquissimos rudicamento & informibus regulis templa fuisse extructa, quæ postea marmore nituerunt, & radiarunt ære atque auro, non tantum firmis & duraturis parietibus, sed etiam expolitis arte, & splendentibus. Structuræ eorum quæ nunc extant, non uniformes sunt : etenim variis ætatibus atque ingeniis varia placent. Alia videntur circulari forma sine columnis, sine contignatione, sine fenestris, spherico foramine in tecti medio lucem præbente : quorum præcipuum & amplissimum, S. Mariæ rotunda, & post illud S. Maria de gratia, item SS. Cosmæ, & Damiani, & S. Stephani in foro boario, & S. Theodori. Alia eadem forma, sed plurimo columnarum ordine, & adjuncti fenestris, ut Stephani in Cœlio, & S. Constantiæ extra portam Viminalem. Hæc licet ex antiquis cuncta sint, novis tamen nominibus

tanquam notioribus appello. Alia quadrangulâri forma, ordine columnarum recto, & plerumque uno tantum, interdum duplicato, ut in recentioribus illis magnificè, S. Johannis Laterani in Cœlio, S. Petri in Vaticano, S. Pauli in via Ostiensis, quod olim etiam multo amplius & cultius fuit ita enim depingitur in quodam hymno Prudentiano,

Parte alia titulum Pauli, via servat Ostiensis,

Qua stringit annis cespitem sinistrum.

Regia pompa loci est, princeps bonus has sacravit arces.

Clausitque magnus ambitum talentis.

Bractæas trabibus subleat, ut omnis aurulenta

Lux esset iutus, cœu jebat sub ortu.

S. b. didit & Parias fulvis laquearibus columnas,

Distinguit illic quas quaternus ordo.

Turn Camyros hyalo insigni varie cucurrit arcus :

Sic præta vernis floribus renident.

Tale autem fuit Theodosii Magni temporibus. Nonnulla pilas tantum habent, interjectis columnis, & fenestellas sub ipso tecto: alias plures, alias pauciores, pro reliqui ædificii forma, atque modo. In ipsis templis plurimæ columnæ pretiosæ, ex variis diversisque mar- morum generibus. Hodie intra & extra urbem plus quam trecenta visuntur, quæ libello quodam cum cœmeteriis & xenodochiis, additis clarorum virorum epitaphiis, & paratim annotavimus.

C A P. X.

De templis sacellisque veteribus, quæ ab aliis ommissa sunt.

Superiore capite dictum est de templis prophanis, quæ in divo- rum nomina sunt mutata : hoc autem capite enumerabimus ea, quæ nunc quidem nulla sunt, sed apud veteres fuisse leguntur, & à recentioribus sunt ommissa: qui tamen in eo, ut colligerent omnia, videntur elaborasse. Quamvis autem ad eam Urbem, vel potius ca- daver Urbis, quod nunc est, nihil pertineat hæc diligentia, tamen ad poetas & historicos intelligendos, hæc vel nominum cognitio, vel locorum notatio utilis, ut opinor, futura est.

Veneris, & Romæ.

Confors delubrum fuit in via Sacra, testante id contra Symma- chum Prudentio.

Ac Sacram resonare viam mugitibus, ante

Delubrum Romæ: colitur nam sanguine & ipsa

Mare Deæ. nomenque loci cœu numen habetur.

Atque urbis Venerisque pari se culmine tollunt

Templa, simul geminis adsolentur thura deabus.

Urbis etiam dies natalis colebatur xii Cal. Maii. Hoc sortæ Te- idem est cum eo, quod Servius Veneris Romæ nomen. Inter

singularis

singularia certe & digna admiratione loca, Urbis templum numerat Marcellinus.

Jovis Fugialis.

In monte Viminali, à luco Fageo, de quo Varro, Plinius, Festus, Victor.

Jovis prædatoris.

In quo prædam hostibus ereptam ponebant. Locus ignoratur sed fuisse, & ad illud alluisse Virgilium Servius scribit,

ipsumque vocamus

In prædam, partemque Jovem.

Jovis invicti.

Et hujus nescitur locus. Ovid vi Fast.

Idibus invicto sunt data templa Jovi.

De eodem Augustinus de Civitate Dei.

Jovis inventoris.

Juxta Salinas sacellum fuit, quod inventis bobus, & punito Caeco, Hercules patri Inventori dicavit: auctores, Dionysius & Solinus.

Jovis propugnatoris.

In Palatio, cujus mentionem invenimus in antiquis Epigrammatis.

IN AEDE JOVIS PROPUGNATORIS IN LOCUM CLAUDI PATERNI VITA FUNCTI ATERIIUS COLONIUS COOPTATUS.

Hæc inscriptio posita sexto consulatu Commodi Imperatoris, in quo Petronius Septimianus ei collega fuit.

Jovis Conservatoris.

Hoc quoque in vetusto epigrammate legimus, non expresso loco, Jovi conservatori sicellum cum ara Domitianus extruxit, juxta Velabrum, auctor Tacitus.

Jovis Arbitratoris.

In decima urbis regione ponitur à Victore, & appellatur Pentalon, quasi quinque Portarum.

Jovis Statoris.

Aliud à superiore, quod Varro de rebus divinis in Circo Flaminio posuit, cujus certiore locum Vitruvius indicavit, Metelli porticum, quæ ad eundem Circum fuit.

Martis Ultoris.

Etiã aliud, præter id quod supra posuit, in Capitolio, referente Dione.

Martis, circi Flaminii.

Cornelius Nepos, citante Prisciano, in circo Flaminio (inquit) fuit ædes Martis, architecta ab Hermodoro Salaminio.

Herculis defensoris.

Inceri loci in quo, ut in Jovis Propugnatoris, milites honesta militione mili, & gladiatores emeriti, arma clypeosque suspendebant.

disbant. De L. Domitio Valeriano milite, loquitur vetus inscriptio de Veianio gladiatore Horatius,

armis

Herculis ad postern fixis latet abditus agro.

Herculis extra urbem.

Duo fuerunt: Unum extra Capenam modicum, sed frequens, quo Martialis lib. i v.

Et qua pusillum fervet Herculis sanum.

Alterum extra Latinam, quod statuit Dominicus longiuscule Urbe, cujus lib. ix. idem poeta mentionem facit. Versus positi sunt supra, ubi de via Latina agitur.

Apollinis Tortoris.

Suetonius in quadam urbis parte locat, sed eam non exprimit, Augusto.

Fidii.

In Quirinali. Ovid. vi Fast.

Hunc igitur veteres, donarunt sede Sabini

Inque Quirinali constituere iugo.

Summani.

Sacellum fuit in fastigio templi Jovis Capitolini, ædes prope cum Maximum. Idem,

Reddita quisquis is est, Summano templa feruntur,

Tunc, cum Romanis Pyrrhe timendus eras.

Mutini.

Adversum murum Mustellinum, ut inquit Festus. Huic mulierum velaræ togis prætextatis solitæ sunt sacrificare.

Sarapidis.

M. Aurelius Antonius in Pontificatu suo, posuit circa eum locum ubi nunc S. Stephanus de Truglio.

Adonidis.

Refertur ab Ovidio in Arte, non expresso loco.

Jani Curvati.

Prope templum Junonis Sororis, de quo mox dicemus.

Sangi.

Locus ignoratur, ponitur à Varrone & Plinio. In eo lana, colu & fufus Tanaquilis iuerunt consecrata.

Augusti.

Duo fuerunt: alterum in Palatino, quod Livia Augusti conjunx fecerat; Vespasiani dominatu, publico consumptum incendio: alterum in foro, à Tiberio Cæsare extractum.

Junonis Capratinae.

Extra urbem, cui sub caprifico faciebant mulieres, ex eadem arbore virgas ramosque gestantes, Varrone & Festo auctoribus Templum frequentabatur Nonis Quintilibus, quæ inde Capratinae dicebantur. Origo talis fuit: Fidenates post urbem à Gallis incensam

si reliquias salvas esse vellent, Romanos cogere voluerunt, ut omnes puellas & matres familias sibi traderent. Patribus igitur dubiis, & de summa Reip. sollicitis, ancillæ se ituras promiserunt: quæ cum dominarum habitu profectæ essent, per castra distriburæ, hostes vino invitaverunt: illisque sopitis, signum Romanis ex capritico dederunt: quo dolo & poena de hostibus sumpta est, & Romanorum matronarum fama conservata. In hujus beneficii memoriam ingenuæ simul & servæ Junonis Capratinæ diem solennem habebant.

Junonis Sororis.

Prope Carinas, ad eum clivum, qui nunc ducit ad ædem S. Petri in vinculis, à Sororio tigillo nomen habens, quod cum Jano Curiatio dicavir Horatius, unus ex Trigeminis victor contra Curiatios, ut inquit Festus.

Veneris Capitolinae.

De hoc in Caligula & in Galba Suetonius.

Veneris Romanae.

In foro Cæsaris. Huic soli victimas solitas immolari, cum Paphiæ thure tantum fieret, ait Servius.

De Venere Romana, in initio Lucretius,

Æneadum genetrix. —

Si licet conjecturam sequi, puto hoc delubrum Veneris & Romæ fuisse, de quo initio hujus capitis dictum est.

Veneris Lubentinae.

Locus ignoratur: de templo scribunt Cicero, Varro, Marcellus. Solebant puellæ, quæ excesserant annum pueritiæ, pupas, ætatis suæ insignia, dicare Veneri, quemadmodum pueri bullas diis suspendere penatibus: illud ex Persio, hoc ex Propertio docemur.

Veneris Verticordia.

Extra Collinam, via Salaria. Hujus ædes factæ, cum tres Vestales uno tempore, incestum commisissent (ut ait Julius Obsequens) ut puellarum animos lascivos ad castitatem verteret. De eodem Valerius, & Ovid. 1111 Fast.

Romæ pudicitia proavorum tempore lapsa,

Cum æm veteres consuluisistis animum.

Templa jubet Veneri fieri, quibus ordine factis:

Inde Venus verso nomine corda tenet.

Veneris Cluacinae.

In ea fori parte, qua Romani & Sabini armis depositis facto sacrificio se purgaverunt. Hujus templi locum, cum juxta forum fuërit, varie designant auctores: nam Ovidius ait prope viam sacram fuisse, Plautus prope Comitium, in Cur.

Qui perjurum hominem vult convenire, mitto in comitium:

Qui mendacem & gloriosum, apud Cluacina sacrum.

Livius 111 ab V. C. ad Tabernas fuisse indicat. Dicta Cluacina, quod cluere antiqui, purgare dicebant, ut Plinius inquit lib. xv.

Marlianus Cloacinam vocat, & diversam ejus nominis etymologiam affert, secutus auctorem, nisi fallor, Lactantium.

Fortuna Mammisia.

In capite viae Novae, à qua etiam vicus nomen accepit: dicta vel ab ubertate, vel à forma litaturae.

Fortuna Plabeia.

A Tullo conditum, de quo VI. Fast. Ovidius:

Plēbs colit hanc, quia qui posuit, de plebe fuisse

Fertur, & ex humili septima tulisse loco.

Fortuna Tarpeia.

De quo Templo in Praenestina inscriptione, quae in domo episcopalis est: cognomen to Primigenia, ut plura ibidem inscriptiones docent.

Fortuna Reaucia.

A Domitiano factum. Martialis lib. VIII.

Hic tibi Fortuna reduci fulgentia late

Templa patent, felix arca nuper erat.

Claudianus,

Aurea Fortuna reduci si templa priores

Ob reditum cedere ducum, non dignius unquam

Hec dea pro meritis amplius sibi poscerit ades.

Cybeles.

Sub Palatio, Junonis Sospitae templo conterminum, ut Victor inquit. Ovidius II. Fastorum,

Phrygia contermina matri Sospita.

De eodem Martialis, VII.

Hinc viduae Cybeles, illinc sacraria Vesta.

In sacris Cybeles, aereis crepiraculis utebantur, unde aes Corybanticum: ut in Apollinis lebetibus aereis, à quo aes Dodonaeum.

Annona.

In Capitolino fuisse, conjicimus ex inscriptione, quae nunc ibidem legitur:

ANNONAE SANCTAE HAEIUS VITALIO MENSOR PERPETUUS CORPORIS PISTORUM SILIGINARIORUM. D. D.

Sigestia.

In Circo Maximo, quae segetibus praeerat.

Diana Suburbana.

Trans Tiberim. Ovid. I. de Arte,

Ecce Suburbana templum nemorale Diana.

Minerva Medica.

In quinta Urbis regione Victor.

Minerva Chalcidica.

Idem ponit in nona regione. Ego paro. Chalcidicen distans, ab aeneo templo, quod Domitianus ei condidit: ad imitationem illius, quod inter Tarentum & Lacedaemonem fuit, de quo Aemilius Probus, & Livius.

Minerva

Minerva Aventina.

Antiquissimum, & Livii Andronici poetæ donariis celebre. Ille à pœtis aliis, & histronibus, scribens ipsis fabulas honorabatur. Ovid. vi Fast.

Capit Aventina Pallas in arce coli.

Minervæ capite.

In valle Coelii, cujus situm describit iv Fast. Ovid.

Calvus, ex alto qua mons descendit in æquum,

Hic ubi non plana est, sed prope plana via est.

Parva licet videas capite delubra Minervæ,

Quæ Dæa natali capite habere suo.

Quare autem Capra dicta sit, quinque conjecturas afferit idem pœta.

Vacuna.

Locus ignoratur; de templo Ovid. vi Fast.

Nunc quoque cum fiunt antiqua sacra Vacuna,

Ante Vacunales stantque sedentque focos.

Mihi videtur extra urbem fuisse.

Nemesis.

Prope forum Trajani.

Laverna.

Extra portam Collinam, via Salaria, ut inquit Helenius, supra illum Horatii locum,

Labra movet metuens audiri pulchra Laverna;

Noctem peccatis, & fraudibus objice nubem.

Quæta.

Extra eandem portam, Quæta Dæa: quam, cum suburbanum haberet templum, in urbem recipere noluerunt. D. Augustinus.

Livia Augusta.

In foro Romano.

Tutullina.

In Aventino, cujus apud Varronem mentio,

Bona dea subsaxana.

Non procul à via Nova, & thermis Antoninianis, in Aventino:

Victoria.

In eodem monte, ædificatum ab Arcadibus, Halicarnassæus.

Corniscarum.

Trans Tiberim, dearum à cornicibus dictarum, quas alii in Junonis, alii in Concordiæ, tutela fuisse asseverant.

Ne molestus sim, prætermittam illa, ut Clementiæ Cæsaris, de quo Plutarchus: Justitiæ Augusti, de quo Ovidius: Fecunditati Poppeiæ, de quo Tacitus, dicata templa; nam translata ad unum imperii potestate, superstitionis assensatio immoderata fuit.

De Domibus quorundam doctorum.

DE domibus Regum, Imperatorum, civium illustrium, aut divitum, de quibus passim legitur, nihil dicam, & facis multa aliis, præsertim à Marliano: sunt collecta; sed referam tantum domilia quorundam doctorum, qui etiam in Octavio, Scauro, Messalio, Catulo, Laterano, Cornelio, Balbino, finitibus ædes non possederint, tamen & illas celebrarunt, & casulas suas nobilitarunt virtute & ingenio; imo vero quicquid alii laudis habent, per doctos sunt consecuti. Tantum enim scimus, quantum à literis accepimus.

Crassi Oratoris.

In Palatino, ut illis temporibus, magnifica fuit. In ejus atrio, cum in publico nondum ullæ marmoreæ essent, columnæ Hymetticæ quatuor, ut Plin. lib. xvii. vel ut idem xxxvi. bis prodidit, sex fuerunt, non longiores duodenum pedum: cum tamen ideo Cn. Domitii & M. Bruti reprehensioibus non caruerit. Alii in Viminali ponunt, sed ea fuit Crassi cognomento divitis, de qua Persius Satyra secunda,

— Nunc Crassi mittit in ades.

Calvi Oratoris & Poeta.

Prope forum Romanum, supra scalas Anularias, eam primum habitavit Augustus Cæsar,

Philippi.

In Carinis, sub Esquilino. Horatius, i Epist.

Strenuus & fortis, causisque Philippus agendis

Clarus, ab officiis octavam circiter horam

Dum redit, atque foro nimium distare Carinas

Jam grandis natu queritur.

Hortensii.

In Palatino, quam domum secundam possedit Augustus, non procul ab æde nunc S. Anastasie.

Ciceronis.

In eodem Palatino, supra ædem Jovis Statoris, quam incensam à P. Clodio, majore sumptu ex ærario ædificavit Senatus.

Salustii.

In Quirinali, cujus ruinas supra hortos ejusdem in valle subiecta extare aiunt. Qui de vita ipsius scripserunt, prope Minervæ ædem, quæ hodie S. Mariæ sacra est, voluit habitavisse. Quod si ita est, hæc prima fuit: altera, post præturam Africanam, ab ipso culta.

Attici.

In eodem monte, ubi nunc S. Vitalis templum, fuit situ & sylvæ amoenissima.

C. Aquilii.

Jurisperiti, in dorso montis Viminalis, oranium consensu pulcherrima. Plinius lib. xvii.

M. Manilii.

M. Manilii.

Juriconsulti celebres, & prudentis oratoris, in Carinis. Cicero Paradoxis.

L. Annaei Seneca.

In Palatino Coelum versus, supra balneum: cujus domus incommodum & inquietum situm ipse describit, lib. VII. ad Lucilium, Epist. LVII.

Plinii Junioris.

Oratoris, supra Suburam in Esquilino, quod ipse in Epistolis, Martialis in Epigrammatis testatur.

Ennii poetae.

In monte Aventino juxta Tutulinæ sanum, ut ex Porcio tradit Varro.

Virgilii.

In campo Esquilino, juxta Meccenatis hortos, quierant inter aggeres Tarquinii, & urbis moenia.

Propertii.

In Esquilino, ita enim ipse libro secundo,

I puer, & citus hæc aliqua propone columna,

Et dominum Esquilis scribe habitare tuum.

Ovidii.

Infra Capitolium, qua Velabrum respicit, circa eum locum, ubi nunc est S. Mariæ templum de consolatione. Innuit. lib. I Trist.

Capitolia cernens,

Quæ nostro frustra juncta fuisse lari.

Martialis.

Intra Viminalem & Hortulorum collem, prope Pilam dictam Tiburtinam. Sic enim ipse libro quinto:

Sed Tiburtina mihi proximus accola Pila,

Qua videt antiquum rustica Flora Jovem.

Idem lib. I.

Longum est, si velit ad Pilam venire,

Et scalis habito tribus, sed altis.

Stellæ.

In aditu Suburæ. Idem lib. XII.

Vel si malueris, prima gradiere Subura,

Atria sunt illic Consulis alta mei.

Laurigeros habitat sacundus Stella penates.

Sura.

In Aventino, Palatinum versus. Idem lib. VI.

Quique videt propius magni certamina circi,

Laudat Aventina vicinus Sura Diana.

De theatris, circis, odeis, stadio, xysto, item de factionibus aurigantium.

IN liberis civitatibus multa populo concessa sunt, qui cum sæpeau-
mero gravibus & diuturnis belli, sine quibus libertas retinetur,
difficuly vexaretur, domesticæ quædam animorum relaxationes in-
ductæ sunt, & multiplices ludi ac diversa spectacula publice exhibita:
Idque cum in Græcis civitatibus usitatissimum fuit, tum in Romana
Rep. contra Scipionis Nâsicæ consilium ira increbuit, ut lusus licen-
tiam, jocus turpitudinem, frequentia lasciviam, consuetudo denique
crudelitatem pepererit. Nam & spectatores, & fautores, & actores
scelerum, ipsi interdum principes aderant. Aedificiis theatrorum præ-
erant censes: ludis & spectaculis, ædiles curules: & ut ex Juvenale
patet, prætores, quibus & consulares addidit Nero, & Domitianus
præfectos, quales sunt apud Martialem Lectius quidam, & Oceanus.
In Capuanis inscriptionibus, exactor operum publicorum, & theatri
legitur: & dux theatralium operarum, apud Tacitum. Theatra au-
tem non solum ex lateribus fuerunt structa, ut in urbe Statilii, ad
Lyrim fluvium, Minturnense, & quod est Puteolis, quæ nos vidimus:
neque ex quadratis tantum lapidibus, ut Pompeii, Marcelli, Titi:
verum etiam ex solido marmore, quale fuit Capuanum, cujus ruinas
mirati sumus: item Veronense, de quo Torellus Sarayna: item Athe-
niense, quod inspexit Cyriacus Anconitanus. Sed ad Romana. De
Cassii theatro Paterculus: de Scauri, & Curionis Plinius: de C. Cæ-
saris Tacitus, de Balbi Aufonius, de Claudii Suetonius, de Neronis
Sex. Aurelius, de Trajani Spartianus, de tribus theatris & uno amphitheatro
campi Martii Strabo, de theatro montis Esquilini Martialis.
Hæc cum nulla amplius sint, de iis quorum aliqua extant vestigia,
agemus.

Theatrum Pompeii.

Ad campum Floræ, contiguum circo Flaminio, vestigia cernuntur
in cella vinaria, & in equili domus Ursinæ. Hoc Pompeius mansurum
instruxit, igne consumptum instauravit Tiberius, perfecit Caligula,
iterum ambustum restituit Claudius, vetustate collapsum refecit
Theodericus rex Gotthorum. Adeo tenui & apra junctura fuit, ut
non compositum opus, sed ex uno perpetuoque lapide factum videretur.
Fuit & aliud Pompeii, vicinum campo Martio, de quo Plinius
lib. xxxiv. Unum fortasse ex illis, de quibus Strabo loquitur.

Marcelli.

Intra Capitolium & Tiberim, in cujus ruinis hodie ædificatum
est palarium Sabellæ familiæ, & ampliora ejus vestigia sunt, quam
Pompeiani, & forum Holitorium versus tabernas habet.

Statilii Tauri.

Intra portam Næviam & Coelimonianam, adhuc prope inte-
grum,

grum, & urbis moenibus inclusum, una ejus parte intra, altera vero extra murum. De his tribus loquitur Ovid. III de Arte,

Visite conspicuis terna theatra locis.

Item III Tristium, quem locum supra explicavi.

Tiberii.

Ejus aliqua vestigia in privatis aedificiis intra aquam Virginem, & columnam Cochlidem Antonini visuntur: nam juxta septa fuit.

Titi.

Intra Caelium & Esquilinum, vulgus à mole aedificii Colosseum appellat, urbe media, auctore Suetonio, situm, altitudinis tantæ, ut vilio humana ad ejus summitatem ægre conscendat: quod testatur in xvi, Marcellinus. In altum habuit fornices quatuor, alterum alteri impositum, tres inferiores in extremo columnis sustentantur cum divinis capitellis superioris pars pro muro est: fenestris aliquot lucem admittentibus. Adeundi loca varia. Primus enim introitus est in ipsam aream circularem, quam nunc nominant harenam: proximus ascensus est ad sedilia; sequitur alius ad aream aditus, postremus descensus in loca subterranea, ad quæ obruta jam perveniri nequit. Sedilium ratio non plane perspicitur, muri tamen magis ac magis sunt ad spectantium commoditatem declives. Post sedilia latus & spaciosus supra porticum ambitus. Ex ruinarum amplitudine, recte scriptum à Martiale videtur,

Omnis Casareo cedit labor Amphitheatro:

Unum præ cunctis fama loquatur opus.

De ludis Theatralibus, item de scenicis actionibus & originibus, M. Terentius Varro libros scripsit. Ludorum tempore contra æstum Theatra velis recta fuisse, & sedilia croco conspersa, prodiderunt, præter Plinium lib. xix. etiam p. etæ, cum veterum frugalitatem laudibus efferuat. Ut Ovid. libro primo de Arte:

Tunc neque marmoreo pendebant vela theatro,

Nec fuerant liquido pulpita rubra croco

Illic, quas tulerant nemorosa palatia, frondes

Simpliciter posita, scena sine arte fuit,

In gradibus sedit populus de cespite factis,

Qualibet hirsutæ fronde tegente comas.

Item Propertius lib. II.

Nec sinuosa carvo pendebant vela theatro,

Pulpita solennes non oluere crocos.

Vas ipsum, quo sedilia spargebantur, Nimbus appellatur à Martiale, qui ad Agathinum pugilem his verbis scribit:

Lubrico Corycio quamvis sint pulpita nimbo,

Et rapiant celeres vela negata noti.

Fuit *στάγην*, *ἀγυίαν*, quod extrat Latino vocabulo

an-

nuncupat Charisius. Romanus populus ludos spectabat coronatus, ad quos omnis ætas & sexus admittebatur. Quamvis autem Theatra Circi, Campus, singulares quæque ac proprios ludos haberent, & exercitationes cuique loco accommodatas: tamen eadem sæpe omnibus in locis peracta sine discrimine fuerunt. Nam ut de circo dicam, in eo cursores, pugiles, luctatores, gladiatores, confectores ferarum versabantur; nam in eo bigarum quadrigarumque cursus, & ludi tauriles, & ferarum venationes, & equestria ac pedestria prælia exhibebantur. Introducti etiam sunt mimi, saltatores, citharædi; histriones, funambuli, qui in theatris solebant agere frequentius. Contra in theatro navale prælium edidit Domitianus. Nunc de Circis breviter, dicendum est.

Circus Maximus.

Ex Palatini latere meridionali, quod Avenrino est oppositum, jacet: cujus ruinae cernuntur ab æde S. Anastasiae, usque ad Severi septizonium. Fornices quadrupliciter altera alteri imposita, & sedilium directæ lineæ. Carceres olim & metæ ex topho lignoque fuerunt, quæ marmorea & aurata fecit Claudius. Ne quis autem alii sedendo molestus esset, hæc dat præcepta Ovidius:

Tu quoque, qui spectas post nos, tua contrahæ crura,

Si pudor est, rigida nec preme terga genu.

Sed pendent tibi crura, potes si forte iurabis

Cancellis primos inseruisse pedes. Et,

Quid frustra refugis? cogit nos linea jungi:

Hæc in lege loci commoda Circus habes.

Tu tamen à dextra, quicumque es, parce puella:

Contactu lateris leditur illa tui.

In circo ornamenticausâ, cum Deorum imagines gypseæ, tum detracto hostibus spolia suspendebantur. Idem,

Sive erit ornatus, non ut fuit ante, sigillis,

Sed regum positas Circus habebit opes.

Ad circum in cellis subterraneis habitabant, qui quæstum corpore facerent, ut ex Juvenale colligitur, & aperte declarat in Vario Lamprius: Omnes de theatro, de circo, de stadio, & omnibus locis & balneis meretrices collegit. Ad eundem res furto sublatae sub crepusculi tempus vendebantur, quod in Horatium, cum circum vespertinum vocat, annoravit Helenius. Servi per circum nuces, & fractum cicer clamando solebant circumferre, item in cortinis aquam portare, quæ esurienti sitientique plebi venderent: quod adhuc in Italiae civitatibus usitatum est. Ad illud respexit Horatius, ubi equestrem, & patricium, & copiosorum hominum ordinem, ab infima plebe discernit, scribens ad Pisones:

Offenduntur enim, quibus est equus, & pater, & res,

Nec si quid fracti ciceris probat, & nucis emptor,

Æquis accipiant animis, domantve corona,

Alterum in Pænulo ostendit Plautus,

Ita replebo atritate, ut atrior multo sis

Quam Egyptii, aut qui cortinam ludis per circum ferunt.

Tomentum Circense erat culcitra ex gnaphalio, aut aliis herbis vel arundinibus concisis facta, quæ substernebatur multitudini: quod ex Suetonio & Martiale constat. Circi nomine, etiam si nihil aliud addatur, intelligitur Maximus: ut fori appellatione, Romanum accipimus: campi vocabulo, Martium.

Flaminius.

Incepisse videtur circa ædem S. Angeli in piscina, protensus ad campum usque Agonium, Ejus inter ruinas plurimas, vestigia sunt apud apothecas obscuras, prope ædem S. Rosæ, & sacellum sepulcri sancti. Ab Apollinis templo, quod aliis magis conspicuum fuit; alio nomine Apollinaris. In hoc circo vitri officina fuit, in qua pocula fierent, coloratis punctis, quasi gemmis insignita, & crystallinis similia: quæ ut pretio gemmatis æquanda non erant, ita usu reperiebantur firmitiora, quod aquis calidis, ut veræ gemmæ, non vitarentur aut fluerent; quod Martialis in Apophoreti docet, disticho Calices, & expressius lib. XII.

Cum tibi Niliacus portet crystallæ cataplys,

Accipe de circo pocula Flaminio.

Nullum sollicitant hæc, Flacce, torcunturæ furem,

Et nimium calidis non vitiantur aquis.

Floralium.

In valle intra collem Hortulorum & Quirinalem. Ovidius de hoc,

v Fast.

Circus in hunc exit, clamatæque palma theatris,

Hoc quoque cum circi munere carmen eat.

Intimus.

Qui antiquiore nomine, Circus ad murum, ut Varro. In campo Figulino, & in Vinetis Tiberi adjacentibus, ejus rudera spectantur.

Neronis.

In valle inter Janiculum & Vaticanum.

Antonini Caracallæ.

Ab aliis, Prætorianus, quod ibi cohortis Prætorie statio fuerit, extra Capenam. Vestigia qualiacunque apparent prope S. Sebastianum, & molem illam, quæ nunc Bovis caput dicitur.

Alexandri Severi.

Eo in loco, ubi campus nunc Agonius.

Antequam ad reliqua progrediamur, illud admodum est, claris viris, & ad populum gratiosis, in theatrum aut circum introeuntibus, clamore publico & plausibus vulgi gratulationes factas ad Meccenat, de quo Horarius,

Datus in theatro cum tibi plausus.

Et Cæsari Domitiano, de quo in VIII Martialis,

Dum te longa sacro venarantur gaudia Circo,

Nemo quater missos currere sensit equos.

Odeum.

Odeum.

Græco nomine dictum *ὠδῆον*. publicum ædificium erat, in quo, ut in xysto athletæ, in lanistæ ludo gladiatores, ita citharœdî & tibicines à musico, & reliqui fortasse scenici actores ab histione exercebantur ante, quam in theatrum prodirent. Odeæ in urbe quatuor fuerunt. Unum, in monte Aventino, de quo ad Atrium loquitur Cicero, etiam si locus mundo non vacet: Monumentum illud (inquit) quod tu tollere laudibus solebas, ut Odeum laxaremus, & usque ad atrium Libertatis explicaremus, contemplimus. Alterum; intra Palatinum & Coelium, prope Metam sudantem (hæc nunc intra amphitheatrum Titi, & arcum Constantini collapsa cernitur) cuius quidem nomen Seneca non exprimit, sed ab usu describit ad Lucilium lib. vii. In iis quæ me sine avocatione circumstrepunt, effundas transcurrentes pono, & fabrum inquilinum; & ferrarium vicinum: aut hunc qui ad Metam sudantem tubam experitur & tibias, neque cantat, sed exclamat. Tertium, prope theatrum Pompeii; quod innuere videtur Marcellinus lib. xvi, cuius verba, quantumvis corrupta, quia locis aliquot eorum testimonio sum usus, cuncta subscribam: Intra septem montium culmina, per acclivitates planicemque posita ubi membra collustrans, & suburbana quidquid erat primum, id eminere inter alia cuncta sperabat. Jovis Tarpeii delubra, quantum terrenis divina, præcellentia. Lavacra in modum provinciarum extructa. Amphitheatri molem solidatam lapidis. Tiburtini compage, ad cuius summitatem ægre vitio humana conscendit. Pantheum velut regionem dei etem, speciosa cellitudine fornicatam. Elatos vertice scanfili suggestus consulium, & priorum principum imitamenta portantes. Ubi templum, & Pacis, Forum, & Pompeii theatrum, & Odeum, & Stadium, aliaque inter hæc decora Urbis æternæ. Verum, cum ad Trajani forum venisset, singularem sub omni cœlo structuram, ut opinamur, etiam numinum assensionem mirabilem, hærebat attonitus, per Giganteos contextus circumferens mentem, nec relatu effabiles, nec rursus morralibus expectendus. Hæc ille. Quartum, inter cætera opera mirabilia & memorabilia fecit Domitianus, ut in vita ejus Suetonius tradit: quamvis non plane indicet, extruxerit ne an initauraverit, nam (ut ait Sex. Aurelius) multa ædificia cœpta, multa à fundamentis ipse construxit.

Stadium.

Locus cursoribus destinatus, & hoc extructum à Domitiano, eodem Suetonio testante. Et si autem ubi fuerit, & unumne an plura extiterint, nesciatur: tamen inter maxima & præcipua urbis loca poni intelleximus è Marcellino, & è Lampridio: quorum verba in hoc ipso capite citavimus. Martialis lib. iii ad Matronam,

Gymnasium, therma stadium est: hac parte recede;

Exiimur, nudos parce videre viros.

Stadiodromum quendam Astylon nominat Plinius lib. xxxviii.

& multos celebrat Pindarus, & notus historiis est Milo Crotoniata, & eadem patria natus Ischomachus : unde studium ambitiosæ hi in rebus Græciæ magis cognoscas.

Xystus.

Græca quoque appellatione locus dictus, in quo subtecto hyemis tempore versabantur athlete. Ut autem Odeum theatri, Stadium circi, ita Xystus forma porticus erat constructus : inde & hypethras, hoc est (ut Plinius) subdiales ambulationes, neutro genere xysta appellarunt Romani.

Odeum multa sedilia, multasque columnas habuit, cum pronis & declivibus testoriis, ut in Pericle describit Plutarchus : stadium, carceres, & metas, non secus atque circus : Xystus columnas in latum directas. Qui concertantibus præerat, Xystarchus : qui ipse certabar, Xysticus nominatus, ut in antiquo marmore :

L. THENODORUS XYSTICUS PARIDI THYMELICO BENE MERENTI FECIT.

Factiones aurigantium, qui ludis Circensibus Palmam quærebant, fuerunt quatuor : quæ à coloribus, viridis, cærulei, coccinei, albique panni, quo donabantur, nomina acceperunt, Prasinæ, Venetæ, Rufaræ, Albæ. Domitianus duas aurati purpureique panni ad quatuor pristinas addidit, teste Suetonio. Harum factionum ad reprehensionem usque studiosi fuerunt principes nonnulli, ut Caligula Prasinæ, Vitellius Venetæ : tum agitatores ipsos habuerunt in pretio, ut Caligula inciratum. Nero Prasinum, Domitianus Passerinum & Tigrim, Nerva Scorpum : quorum victorias prædicatione extollit Marcialis, ut M. Aurelii Dioclis, & C. Pompeii Eufeni, & Fulci, vetera epigrammata. Martialis tres factiones conjungit,

Si Veneto, Prasinoque faves, qui coccina sumis,

Ne fias ista transfuga veste, vide.

De Pralina separatim Juvenalis, Satyra xi.

Totam hodie Romam circus capit, & fragor aurem

Percutit, eventum viridis quo colligo panni.

Justiniani temporibus ex contentione factionum Prasinæ & Venetæ, tanta Byzantiæ seditio exorta est, ut quadraginta fere hominum millia sint trucidata : quod ex Zonara scripsit Cuspinianus. Post illam cladem factionum nomina sunt abolita.

C A P. XIII.

De Porticibus.

I Nter clara Urbis ædificia porticus fuerunt, quæ vel ædibus sacris, vel illustrium virorum domibus, vel publicis ædificiis annexæ, aut necessitatis, aut ornamenti voluptatisque gratia fuerunt. Velleius in sua historia conqueritur, cum post bellum Punicum à Scipione confectum, in somnum à vigiliis, ab armis ad voluptates, à negotiis in ocium esset conversa civitas, tum primum familias illustres inter se

certasse ejusmodi ædificiorum pompa, donec publicam magnificentiam secuta privata luxuria sit. Porticus nomina acceperunt, aut a deorum templis, ut Concordiæ, Quirini, Herculis: aut ab auctoribus, ut Pompeia, Octavia, Livia, item Nasicæ, Metelli: aut ab ædificii qualitate, ut curva, miliaria, stadiata, porphyretica, Corinthia: aut ab hominum actionibus, ut Margaritaria apud Victorem, Argentaria apud Vitruvium: aut a picturis, ut Iliadis, Europæ, Argonautarum: aut a locis adjunctis, ut porticus amphitheatri, porticus circi, porticus septorum, porticus campi Martii. In porticibus interdum res seriæ agebantur, ut cum in iis haberetur senatus, cum jus diceretur, cum publica acta notarentur, cum sponsalia fierent. Interdum in iis lucri gratia consistebant, qui res pretiosas, gemmas scilicet, tabulas, signa, toreumata, aulæ, venderent. Plerumque animi causa, æstivis præsertim caloribus, ad captandum umbram ibidem inambulabant. Enumerabimus hic cum eas quæ nunc extant, tum quæ a scriptoribus sunt celebratæ.

Apollinis Palatini.

Ante celeberrimum illud templum ab Augusto post Asiaticam victoriam conditum, in Palatino, circum Maximum versus, auro & columnis Numidicis, & statuis, & picturis variis ornata: duorum poetarum testimonia; Propertii lib. II.

Queris cur veniam tibi tardior? aurea Phæbi

Porticus, à magno Casare aperta fuit.

Tantam erat in speciem Pænis digesta columnis,

Inter quas Danaï femina turba senis.

Hic equidem Phæbo visus mihi pulchrior ipso

Marmoreus tacita carmen hiare lyra.

Atque aram circumsteterant armenta Myronis,

Quatuor artificis vivida signa boves.

Et Ovidii tertio Trist.

Inde timore pari gradibus sublimia celsis,

Ducor ad intonsi candida templa Dei.

Signa peregrinis ubi sunt alternæ columnis

Belides, & stricto barbarus ense pater.

Quæque viri docto veteres fecere novique

Pectore, læturis inspicienda patent.

Dicit poeta, signa alterna stetitisse, qui in una parte fuerunt filiarum Danaï effigies, & è regione sub djo totidem equestres filiorum Ægypti: ut inquit vetus Persii interpres. Hujus nulla exstant vestigia.

Jovis Ultoris.

Quæ postea ab æde, porticus Panthei: ab auctore, porticus Agrippæ dicta est. Reliquæ sunt ex ea columnæ ingentes XVI II, pilæ XII, ita distributæ, ut primus ordo habeat columnas octo, inter quas aditus ad templi ipsius fores: post quem duo alii ordines, in singulis columnæ quatuor, quæ inæqualibus primi ordinis, primæ scilicet &

tertiae

tertiæ respondent. Proximi ordines tres, pilas ternas habentes, longius inter se, quam columnæ distant.

Quirini.

In ea Quirinalis parte, quæ Viminalē attingit, ubi hodie S. Vitalis templum. Martialis lib. xi.

*Victram pete porticum Quirini,
Turram non habet otiosiore
Pompeius, vel Agenoris puella,
Vel prima dominus levis carina.*

Silvani.

De hac antiquum Epigramma, quod Romæ legitur.

SILVANO SANCITO L. VALLIS SOLON PORTICUM EX VOTO FECIT. DEDICAVIT K. APRILIB. PISONE ET BOLANO COSS.

De templo autem Silvani sub Viminali, an de alio cui porticus adjuncta sit, intelligitur, incertum est.

Herculis.

In aditu Circi Flaminii, quam æde illa instaurata Martius Philippus Augusti vitricus fecit. Unde Philippi porticus dicitur à Martiale lib. v.

*Vites censeo porticula Philippi,
Si te videris Hercules, peristi.*

Hanc Plinius lib. xxxv, bis commemorat, propter Apellis & Antiphili pictorum opera, & ædem Herculis cum hac porticu conjungit Victor.

Mercurii.

Inter circum Flaminium & Tiberim, s. midurata, ante templum S. Angeli in piscina. Hæc & Severi, & Antonini dicitur; ab imperatoribus qui restituerunt, aut ornarunt. Sub ea nunc porticu pisces, & ferinæ carnes venduntur.

Neptuni.

Ante ejusdem ædem juxta Septrā, ubi comitia fiebant, qui locus eminentior, jam Mons acceptorius & Citorus dicitur.

Concordiæ.

Sub Capitolio forum versus, de quo octo adhuc columnæ altissimæ exant, brevi inter se spatio disjunctæ. Hanc pene integram se vidisse scribit Poggius, & columnas ad calcis usum suo tempore dijectas: id quod non raro fit in urbe, etiam in maximis ædificiis.

Veneris Erycina.

Ante portam Collinam, ejusdem templo conjuncta. Porticus mentionem tacit Strabo, templi Ovidius, 11 De remedio.

Libertatis.

In Palatino, quam domo Ciceronis everfa, fecit Clodius, sed eadem paulo post sublata.

Scipionis Nasica.

Ab æde Saturni extensa ad Capitolinum, quam inter magnifica enumerat Velleius.

Q. Metelli.

Idem: Metellus (inquit) Macedonicus, porticus quæ fuerunt circumdantur duabus ædibus, sine inscriptione positis, quæ nunc Octaviæ porticibus ambiuntur, fecerat. Plinius de eadem lib. XXI. fuit hæc ad finem circi Flamini, ut ex Varronis & Vitruvii, scriptis conjunctis colligi potest. Visuntur hodie inter S. Nicolaum de Funariis, & S. Mariam de Sole, circum Flaminium versus, multæ marmoreæ columnæ: sed hujus, an alterius porticus sint, nondum liquet.

Cn. Octavii.

Duobus nominibus aliis appellata, à structura, Corinthia: à persona, Persei nam C. Octavius de Perse Macedoniæ rege triumphum agens, ex manubiis porticum condidit, & res suas gestas in ea depingendas curavit. Unde merito amoenissima à Velleio habetur; qui addit, eam in Circo fuisse: verum, ne relinquantur in dubio, de quo loquatur, Plinius exprimit Flaminium. Extant vestigia intra ædem S. Nicolai de Chalcaria, & turrim Argentariam, columnæ semiobrutæ cum capitellis Corinthiis. Duplex columnarum ordo fuit, auctoribus Plinio & Victore, ab Augusto, cum esset incendio deformata, in formam meliorem reducta est, quod ex Verrio tradit Pompeius.

Q. Catuli.

Quæ, eversa M. Flacci domo, qui Græchanas partes contra Romanos foverat, extructa de Cimbris manubiis. Eam diruit Clodius, ut Orationibus & Epistolistatur Cicero.

Hortensii.

In Palatino ante ædes ipsius, brevis, & ex columnis Albanis, sine ulla marmore. Suetonius.

Balbi.

Ejus contigua theatro, circa illum locum, qui nunc Apothecarum obscurarum nomen habet.

Æmilii.

Intra portam Trigeminam & Navalia. Livius.

Faberii.

In Aventino, auctore Vitruvio. Corrupte apud Victorem Fabricia, pro Faberia legitur. Faberii scribæ multa mentio apud Ciceronem.

Numicii.

In foro Romano circa Rostra, & ædem Veneris genetricis. In hac Anronius Lupercus, auream coronam Cæsari imposuit, ut est in secunda Philippica. Videndum, num Numicia eadem sit cum ea, quam Miniciam Velleius nominat.

Philippi.

In regione circi Flamini, ut Victor: de ea paulo ante, de porticu Hercules Musarum. Fuit picturis ornata, quia ad splendorem urbis Augusto hortante facta est.

Pompeii.

Ad ejus theatrum, omnium sumptuosissimū, primum columnarum varietate & multitudine, etenim *ἐκαστὸς ἑλῶς*, seu (ut quidam) centenaria dicta est: tum planarum ex utraque parte nō moris modo ipsam ambientium diffusa umbra: postremo aquarum illuc deductarum amenitate, quæ singula prædicat lib. 11 Propertius.

Sci icet umbrosi sordet Pompeia columnis

Porticus, aulais nobilis Attalicis,

Et creber pariter platanis surgentibus ordo,

Flumina sopito quæque Marone cadunt.

De eadem sentire videtur Martialis lib. 111.

Inde petit centum pendentia tecta columnis,

Illinc Pompeii dona, nensusque duplex.

Ætatis tempore frequentes in ea ambulabant homines, ut primo & tertio libro de Arte Ovidius innuit. In eodem Pompeii imago populi voluntate erecta: Plutarchus in vita Bruti.

M. Agrippæ.

Ante ædem Panthei, de qua paulo ante Horatius lib. 1 Epist.

— cum bene notum

Porticus Agrippæ, & via te conspexerit Appis.

Julii.

Prope arcum in foro Fabianum. Hujus porticus mentionem invenit apud Persii interpretem, & Victorem.

Augusti.

Plures unâ in Campo, cujus solum lithostrotum, & latera myrto, lauro, ac buxæ circumdata, perpetuæ viriditatis. Alia duplicata in ipsius foro, in qua statua virorum illustrium triumphali habitu statuta erant.

Livia, uxoris Augusti.

Ad viam sacram, ubi nunc ruinae templi Pacis cernuntur, artificum tabulis ornata, & opa a fecundissimaque vite inumbata: de hac lib. xiiii, Plinius: de illis Ovidius,

Nec tibi vitetur, quæ priscis sparsa tabellis,

Porticus, auctoris Livia nomen habens.

Hanc inter præclara Urbis ornamenta recenset Strabo.

Octavia, sororis Augusti.

De eadem Ovidius, 1 de Arte,

Aut ubi muneribus nati sua munera mater

Addidit, externo marmore dives opus.

Per munera nati, Marcelli Theatrum intelligitur, cui fuit Octaviæ porticus contigua: unde eandem porticum Marcelli nominat Florus. Vestigia ejus inter S. Nicolaum in carcere, & S. Mariam in porticu, ubi locus ex ruinis eminentior. Quin ipse vidi ibidem effodi lapides Tiburtinos, & fragmenta marmorea ingentium columnarum.

Claudii.

Ultra viam sacram, Theatrum versus. Merula hanc & Liviam eandem esse auguratur: Martialis à Tito & Domitiano fratribus significat Claudiam restitutam: nam postquam de amphitheatro Titi, & thermis ejusdem, locu usest, addit:

Claudia diffusas ubi porticus excipit umbras,

Ultima pars aula deficientis erat.

Ad eam quondam tem nabatur domus aurea Neronis.

Neronis.

Intra ipsius domum æneo colosso addita, triplex fuit, & singuli ordines M. pass. complexi sunt, ut ex Suetonii verbis licet intelligere. Alii milliariam à spatio vocant.

Nervæ.

In ipsius foro cum columnis excellis, partim rotundis, partim quadratis, quarum adhuc aliquæ reliquæ sunt, olim laminis ex orichalco tecta.

Trajani.

Ejusdem foro adjecta, cui columnarum altitudine nulla nullius ætatis in urbe par fuit.

Antonini Pii.

Juxta ædem S. Stephani de Truglio, de qua undecem marmoreæ columnæ striatæ, magnæ & pulchræ, extant. In ea nunc ædificata domus, in qua pueri orphani nutriuntur.

Faustinae, uxoris Antonini.

Forum Romanum, & Palatinum montem prospiciens, extructum in ea templum S. Laurentii in Miranda: ex ea decem columnæ reliquæ, forum versus sex, utroque ex latere binæ. In epistyllis erat inscriptio.

Gordiani.

In campo Marrio sub colle, longa ped. M. in cujus lateribus virdaria ex lauro, myrto, & buxo fuerunt, ut est apud Capitolinum.

Galerii.

In eodem campo usque ad pontem Mulvium extensa, dicta *πεντάστη*, propter quinque ordines quorum primus ex pilis, reliqui quatuor ex columnis fuerunt. Dicta etiam Flaminia, propter viæ vicinitatem.

Constantini.

De hac nihil aliud, quam quod in Capitolio fuerit, legimus. Referuntur præter hæc & aliæ, ut Minicii à Vellio, Neronis per totam urbem à Suetonio, Vispani à Tacito, Reguli à Plinio juniore, Alidani à Victore, Stadiata à Vitruvio, centum columnarum à Martiale: quarum quia locus incognitus est, nomina saltem ex auctoribus nota esse volumus. Pergamus porro ad alias quædam, dignas commemorari, ne, & olim non incelebres.

Porticus Capitolii.

Hæ fuerunt in latere clivi Capitolini, per quem ex Velabro ascensus in Capitolium fuit: consumptæ sunt incendio factionis Virellianæ: auctor Tacitus.

Amphitheatrum.

Triplex fuit: in exteriore parte aditus nunc cernuntur xxxiii. in media xxxvi. in intima lxxii. Sed tota illa mole consumpta, atque maxima ex parte collapsa, de universa structura judicare nemo nisi artifex potest.

Circi Maximi.

Et hæc triplex fuit, sed ita, ut ex triplici structura una circularis fieret: binæ exteriores ambulari omnibus paruerunt liberæ, altera officinis & tabernis opificum & institutorum occupata fuit. Circi ingentia rudera sunt, porticus nullæ extant reliquæ.

Septorum.

De qua Cicero ad Atticum lib. iiii, & Plinius lib. xvi, à M. Agrippa circum septa constructa fuit.

Campi Martii.

Hæ circum circa Campum ambierunt, ut Strabo testatur. Ex eis una fortasse fuit, quæ sequitur.

Europa.

Adjuncta Campo, non procul à ductu aquæ Virginis, canente Martiale,

Sed curvis iustreas tantum prope Virginis undas,

Aut ubi Sidonio taurus amore calet.

Umbrosâ fuit buxeto. Idem.

An delicata sole rursus Europa

Inter tepentes post meridiem buxos

Sedet?

Unde idem ad hominum, loca publica cœnæ causa frequenter, jocose scribit, lib. 2.

Lotus ad Europæ tepida buxeta recurrit,

Si quis ibi serum carpat amicus iter.

Per te, perque tuam, vector lascivæ, puellam,

Ad cœnam, Selium tu, rogo, Tauræ voca.

Idem Agenoris puellæ hanc porticum nominat, lib. xi.

Argonautarum.

A pictura sic dicta, à Campo ad septa extensa, auctore Martiale lib. ii.

Si nihil Europa fecit, tum Septa petantur,

Si quis Phyllyrides præbet, & Aesonides.

Post Quirini, Pompeii, & Europæ, tanquam præcipuam hanc extollit idem poeta, quos versus de Quirini porticu retulimus. De eadem lib. iiii.

*Hinc si recessit, porticum terit templi,
Aut spatia carpit lentus Argonautarum.
Isidis.*

In hortis Commodianis, à forma dicta Curva, à pictura, Isidis. Nam Commodus Imp. cum Pescennio Nigro, qui postea ad imperium aspiravit: in ea depictus fuit, quasi præses sacrorum Isidis. Non solum autem pictura, sed & Mulico opere insignis fuit, ut ait Spartianus.

Millarenfis.

In hortis Sallustianis, excarnata ab Aureliano, qui successu illorum hortorum delectabatur, ut est apud Vopiscum. Egnatius vult Millariam dici à mille passuum longitudine, quod nomen & Neronis porticus habuit intra Palatinum & Elquilium, de qua paulo ante.

Porphyrctica.

Et hæc memoratur à Vopisco. In ea actorum publicorum scribe versati sunt. Videtur juxta Concordiæ ædem tuisse, in qua sæpius me Senatus habebatur; nam prope ædem triplicis porticus fundamenta superioribus annis effusa constat.

C A P. XIV.

De Arcubus Triumphalibus, & Trophæis.

ARCUS olim honoris virtutisque causa erecti sunt iis, qui, externis gentibus domitis, singulares victorias patriæ pepererant. Ii primum rudes & simplices fuerunt, cum virtutis præmia, non ambitionis lenocinia essent: seculo insolentiore, monumenta victoriarum, & triumphorum pompa fuit in iis incisa. Erant aut latericii, ut Romuli; aut ex rudi lapide quadrato, ut Camilli: aut ex marmore, ut Cæsaris, in foro: Drusi cum trophæis, in via Appia: Trajani, in ejusdem foro: Gordiani, in Viminali: Gratiani, item Theodosii, non longe à via Triumphali: deinde etiam reliqui, quos jam nominabimus: de iis enim tantum, de quibus adhuc restat aliquid, loquemur. Arcuum forma, primum erat semicircularis, unde & nomen fornicis accepit: fornix enim Fabianus à Cicerone dicitur, qui à Victore arcus Fabianus nominatur. Postea quadrata, ita ut in medio ampla esset porta fornicata, & ex ejus portæ utroque latere aliæ minores additæ. Intra mediæ portæ fornicem Victoriæ alatae penderunt, quæ dimissæ victori transenti coronam imponent. In superiore arcus parte spatia sunt, in quibus aliquot homines, vel qui rubis canerent, vel qui insignia trophæa ostentarent, steriles videntur. Hæc magnificentia Augusti temporibus, & paulo ante, coepit; nam de Cæsaris arcu, Servius: de Drusi, Suetonius: de Germanici & Neronis, Tacitus. Novitium hoc inventum ait Plinius, non quod arcus ante Cæsarem tempora non fuerint, sed quod

quod tali ornatu non fuerint. Antiquissimi, de quibus extat aliquid, sunt tres: novitii Plinio, nobis veteres, quinque.

Arcus Romuli.

Vestigia inter S. Mariam de gratia, & S. Mariam de inferno. Bini fuerunt, quos, etsi lateritii erant, tamen in marmoreos Romani non mutarunt, ne conditori sui memoria, & praece frugalitatis monumentum interiret. Hos sua tempestate primum collapsos tradit Blondus.

Camilli.

A via lata eunti versus S. Mariam in Minerva, ex lapide quadrato, rudi, & nullorum ornamentorum, inclusus partiædificiorum.

Fabii.

In via sacra, cujus fundamenta, cum in urbe essemus, effodi dicebantur, prope S. Laurentium in Miranda. In eo scuta & signa Victoriarum fuerunt sculpta.

Arcus Titi.

Marmoreus inter forum Romanum, & amphitheatrum, adjunctus templo S. Mariæ novæ. In eo ab una parte sculptus de Judæis triumphus. Imperator in curru sedens, ab alata Victoria coronatur: curru præfertur arca foederis, præcedentibus duodecem fascibus consularibus. Ab altera parte candelabrum aureum cum septem lucernis, tabulæ Mosaicæ, mensa aurea, & varia templi Hierosolymitani vasa. In medio arcus fornice, Titus sedens aquilam alis expansis utraque manu sub genibus tenet. In frontibus, Judæi vincis post tergum manibus captivi aguntur. Hujus splendidissimi arcus & clarissimi triumphus, lib. vii. belli Judiæi meminit Josephus.

Domitiani, Titi fratris.

In via Flaminia, inter S. Sylvestrum, & S. Laurentium in Lucina, quatuor columellas habet in prima fronte. In eo urbis imago, & Victoriarum, & Domitianus nudus sedens, corpore procero, & dormienti similis, à Minerva fovetur. Martialis libro viii.

Stat sacer, & domitis gentibus arcus ovans.

Hic gemini curvus numerant elephant a frequenter,

Sufficit immensis aureus ipse jugis.

Extruxit plures per omnes uerois regiones, ut scribit Suetonius: & insignem in via Appia, de quo Statius in Sylvis.

Septimii.

Ad radices Capitolii, propemodum è regione arcus Titi. Visuntur in eo navales & terrestres pugnae, cum machinis bellicis, variisque armorum generibus. Ex utraque parte victoriæ, & milites gestantes trophæa. Ad ejus superius spatium per gradus quinquaginta ascendimus.

Galleni.

Gallieni.

In Coelio monte, conjunctus templo S. Viti, nullis ornamentis, ex lapide Tiburtino.

Constantini.

In Palatini radicibus, ad caput viae Appiæ, multi ornatus & artificii, res ejus gestæ in eo expressæ, & in primis bellum contra Maxentium : cui etiam jacenti, admissio quo insultans, minuitur. Fuerunt superne circumquaque impositæ statuae, partim mutilatæ, partim collapsæ. And. Fulvius libro secundo, quem carmine scripsit, plures recenset arcus, quorum ne vestigia quidem relicta sunt.

Trophæa Marii.

Inter templa S. Eusebii, & S. Juliani, in Esquilino. Moles latericia, in qua bina trophæa ex marmore. Sunt autem trunca corpora cum spoliis, quorum alterum thorace squamoso indutum, cum ornamentis militaribus & clypeis, ante se habens juvenem captivum, brachiis ad tergum revinctis, & undique altis victoriis. Alterum armis militaribus ornatum, inter quæ clypei inæqualiter rotundi, galea aperta cum cono & cristis, & altera nunc cristis clausa. In eodem inest forma chlamydis, & alia quædam, quæ marmore detrito & corrupto satis cognosci non possunt. Locus ille hodie Cimbricum vocatur, quia de Cimbris à C. Mario trophæa sunt erecta.

CAP. XV.

De Tiberi, & fluvio urbis : & de ornamentis fontium, ac naumachiis.

Tiberis in Etruria ex monte Appenino, paulo supra Arnum, oritur, augustiore nomine Tiberinus, poetis Tibris, in sacris Serra, antiquissima appellatione Rumon, aliquando Albulâ dictus Virg. viii. Æn.

Amisit verum vetus Albulâ nomen.

In quadam urbis parte Terentum, ut apud Ovid. Marr. Intra septentrionem & occasum in urbem influit, & meridiem versus apud Ostiam oppidum, in mare Tyrrhenum ostio amplo, & proxime deducta fossa, quæ ibidem efficit insulam, infertur. Naturali suo colore, albus : vulgari amnium, cæruleus est : propter terram quam radit, flavus, & leni pluvia turbidus. Aqua ejus in urbe venditur, & in fictilibus urceis, aut vasis lapideis continetur, fitque in eis limpidissima, potu amabilis, & absque corruptione longo tempore pura. Nec minus aquarum esse hujus æmni, quam Nilo, Plinius tradit. Primum cursum habuit inter Palatinum & Capitolinum, per Velabrum stagnans, & fori partem, unde Ovidius :

Hic,

Hic, ubi nunc foras sunt, lintres errare videres.
Sed cum repressit Priscus rex, & post eo alveo, quo nunc currit,
laxavit Augustinus, quo respexit ad Pisones Horatius,

Annis

Doctus iter melius.

Aurelianus Aug. ad Flavium Arabianum scribit, se Tiberinas ex-
truxisse ripas, & vadum alvei tumentis effodisse. De Tiberis auctu
erat libellus Ludovici Gometii, & visuntur in arce Romana, item
ad templa S. Mariæ de populo, & S. Mariæ supra Minervam, & ad
S. Eustachium, aliisque in locis indicia marmoribus incisâ, ad quan-
tam altitudinem aliquoties creverit. Interdum adverso cursu influ-
entes annes impellit, & alienis aquis, nocet cum urbi, tum villis
& agris. Illud Augusti tempore factum scribit Horatius: hoc Tra-
jani, Plinius. Auctus ejus religiosus, quia futurum malum aut eladem
urbi portendere creditur. Nostra memoria, Clementius vii, Petrusci,
anno septimo, vii, Id. Octobris, sereno cælo, inopinato Tiberis in-
cremento tota Roma navigabilis facta est. De annibus in Tiberim
influentibus, Plinius libro tertio, & Corn. Tacitus libro primo An-
nalium.

Rivus Appia.

Frontinus: Rivus Appiæ (inquit) sub Caelio monte & Aventino
auctus emergit, intra clivum Publicii Alfi, & inde eductus est in
Naumachiam. Hodie per portam Gabiufam (ut & ante dixi) ingre-
ditur fluvius, qui fertur per vallem inter Caelium & Cæliolum, inde
per viam Appiam in radicibus Aventini, sub eo clivo, quo ad S.
Sabinam ascensus est, influit in Tiberim. A Mariano oppido, aqua
Mariana dicitur. Marianus rivum Herculæ esse arbitratur.

Almo.

Extra Capenam, in quo religionis causa quotannis sexto calendas
Aprilis simulacrum & carpentum & leones Cybeles, & cultri Phry-
gii à sacerdotibus abluantur: cujus mentio apud Ovidium, Lucanum,
Statium, Claudianum, Val. Flaccum, Martialem; nam Cos-
mographi de eo fluvio, quod sciam, nihil. Non procul autem ab
urbe cum Tiberi miscetur.

DE AQUIS RELIGIOSIS IN URBE.

Fuerunt & religiosæ aquæ: ut nihil unquam in Urbe superstitione
carni. Mercurii, extra eandem Capenam, in qua qui lavabant, se à
perjurioliberati credebant: modum lavandi aliquot describit versibus
Ovid. lib. v. Fast. Petronia, quam magistra: us auspiciato transie-
runt, cum in campo agere quid vellent, ut auctor est Verrius Flac-
cus. Juturnæ aqua in foro, quam valetudinis causa multi bibebant,
& præ cæteris adhibebant ad sacrificia. Fontem autem Juturnæ in
foro fuisse, lib. i. Fast. ostendit Ovidius, eumque secutus Victor in
octava regione. Versus Ovidii sunt,

Eratribus

Fratribus illa Dets, fratres de gente Deorum,

Juxta Juturna composuere lacus.

Templum vero fuisse in campo, prope aquam Virginem, aperte idem indicat,

Te quoque lux eadem Turni soror ade recepit,

Hic ubi Virginea campus obitur aqua.

Facile igitur tolli controversia potest, quæ inter scriptores recentiores est, si verba p. e. æ recte consideres.

DE ORNAMENTIS FONTIUM ATQUE AQUARUM.

Quia vero de aquis sermo est, de ornamentis fontium dicam aliquid, quorum non pauca ex antiquitate relicta sunt monumenta. Fontibus igitur varia apposuerunt simulacra antiqui, vel propter religionem, vel propter ornatum. Religionis causa Apuli & Siculi Herculem, quia purgavit aquas extincta hydra: unde & thermæ Himeræ urbis in Sicilia, item Oetæ montis & Pylarum in Thessalia, in tutela Herculis fuerunt: quod Pindari & Sophoclis interpretes scribunt; & sunt qui omnes thermas ei esse sacratas velint. Herculeæ thermæ Mediolani in primis nobiles, à quibus etiam vicus nomen traxit. M. Agrippa Romæ non Herculein, sed Hydram ipsam ad lacum Servilium posuit, quod memoriæ prodidit Sex. Pompeius. Ornamenti autem gratia, fontibus apposita fuerunt diversa simulacra, quorum & publicis in locis, & in nobilium ædibus adhuc plurima visuntur. Vltatissimum fuit, Deos fluminum apponere, qui torman- tur jacere semierecti, urnisque brachio suppositis, amnes tanquam è fonte emittere, velati plerumque sero harundineo, & recti carbaso, quæ est vestis fluxa & ampla, umbilico tenus superiore corporis parte nudi. Talis cernitur Tiberis, domo Cælia: talis Arnus, in hortis Pontificiis: & duo colossi marmorei in area Capitolini, Nili & Tigris, vel (ut quibusdam placet) Naris & Anienis, vel (ut aliis) Acheloi & Istri. Alter cubito innititur Sphingi montro, alter tigris animi: barba alter proluxa, alter modice resecta. Talis est colossus Rheni, prope forum Romanum jacens, quem alii Nipharis fluvii esse putant: Blondus falso vocabulo Jovem pistorem, vulgus novo Marsorium, nominat. Talis in scuto Æneæ apud Virgilium,

Amnem celat a fundens pater Inachus urna.

In domo Chiforum, extra portam Septimiam, ante Deum aquarum, eo, quo diximus, modocubantem, nuda mulier stans, extram, que mamillam manu comprimens, aquam in subiectum labrum immittit. Ad ortum Virginis in agro Luculano, puellæ imago ad fontem stetit, ut Frontinus testatur: in Umbria, Clitumnus prætextatus juxta fontem sum, ut Plinius: in Surentino Pollii, ante balneum, ipse Neptunus, ut Strabon. In domo Cælia, de qua jam diximus, Sylvanus barbarus è saxo paulatim stillante, quasi ex ure, aquam exprimit. Reperiuntur frequenter Nymphæ dormientes, quæ amphoris & crateribus (ea fuerunt Hydriadum insignia) inni-
tuntur:

tuntur: quorum symbolorum in Odyssea mentio apud Homerum, & latius exequitur interpret ejus Porphyrius. Antiqui operis pulcherrimum monumentum vidi Romæ, in capite viæ latæ, in privata domo: erat autem Nais sinu aperto, supina jicens, & ventre ad pubem nudo, capite incubans amphoræ. Recentis operis, in agro Neapolitano, in villa Leucopetrea, Arethusa nuda adjacet fonti, in nymphæo conciliato. Legitur de simili Nympha epigramma in hortulo Colorii:

Hujus nymphæ loci, sacri custodia fontis,

Dormio, dum blande sentio murmur aquæ.

Parce meum quisquis tangis cava marmora, somnum

Rumpe: sive bibas, sive lavere, tace.

Et alibi in fontis margine hæc antiqua inscriptio,

NYPHÆ LOCI

BIBE LAVA TACE.

Erant & alia simulacra; interdum enim totus aliquis fons absorbebatur, quem Deus manus ore excipiebat, ut ex illo Propertii dicitur, libro secundo.

Et leviter lymphis tota crepitantibus urbe,

Cum subito Triton ore recondit aquam.

Nonnunquam rursus emovebatur, vel per Nilum & Euripum, ita majores minoresve canales appellabant; vel per siphones conchasque, vel per certa vasorum genera. De Silano Lucretius libro ultimo:

Corpora Silanos ad aquarum strata jacebant.

De Cantharo vetus lapis, extra portam Ostiensem reperta in vinctis, cum hoc disticho,

Perdiderat laticum logava injuria cursus,

Quos tibi nunc pleno Cantharus ore vomit.

Sed ne prolixior sim, dicam de Naumachiis, quas Romani, postquam cognoverunt, externas gentes navali certamine plurimum posse, primo bello Punico instituerunt, auctore Servio. In his navali-um pugnarum, ut pedestrium in campo, circo, aut theatro, edebantur spectacula. Unde Martialis:

Quicquid & in circo spectatur, & amphitheatro,

Dives Cæsarea præsinit unda tibi.

Res tota sublata est, locorum notatio ad cognoscendas valles per-
tinet. Fuerunt naumachiæ quatuor. Circi Maximi, quæ & vetus à Suetonio nominatur: ea occupavit vallem inter Palatinum & Aventinum, de qua 11 Fast. Ovidius. Cæsaris Augusti, in valle Martia: de ea, libro primo de Arte, Idem. Caii & Neronis, inter Janiculum, & Varicanum, de qua Corn. Tacitus. Domitiani eo in loco, quo Augusti fuit, sed ab eo perpur-gata & ampliata, effosso etiam & circumducto ex Tiberi lacu: de hac apud Suetonium & Martialem. Hæ valles nostros jam tempore privatorum hortis, possessionibus, & edificiis magna ex parte occupantur.

CAP.

C. A. P. XVI.

De Pontibus Tiberinis.

In urbe fuerunt curatores alvei & riparum Tiberis, qui non solum fluvium coercerebant, & ut esset sine fordibus & impedimento, curabant: verum etiam terminos statuabant, quo usque habitare in ripa, vel edificare liceret. Ei muneri aut inguli praeerant, ut sub Trajano, T. Julius Ferox: sub Hadriano, A. Messius Rusticus: quorum termini adhuc extant, & titulos descripsit Marlianus. Aut praeerant plures, ut sub Vespasiano, C. Calpetanus, Rantius Quirinalis, Valerius Cestus: cujus termini titulus refertur in Epigrammatis antiquae Urbis, & nos ipsi talem invenimus,

C. VIBIUS C. F. RUFUS.

SEX. SOTIDIUS SEX. F. STRABO

LIBUSCID.

C. CALPETANUS CESTA-

CIUS RUFUS.

M. CLAUDIUS M. F. MARCELLUS

E. VISELLIUS C. F. VARRO

CURATOR. RIPARUM ET ALVEI

TIBERIS EX SC. TERMIN.

Ex qua etiam inscriptione docemur, Curatores alvei & riparum Tiberis, non primum ab Augusto institutos, ut Suetonius scribit: hic enim *EX SC.* legitur terminus positus; in aliis omnibus, quas commemoravi, in initio legitur, *EX AUCTORITATE IMP.* Pontes Tiberis primum curarunt pontifices, qui Sublicium augurato condiderunt, a quo ponte nomen illis inditum est: deinde censores, item Viasum curatores, ut pontis Fabricii titulus probat: postremo idem munus suseperunt nominis & honoris sui causa Imperatores. Antoninus enim Pius, Janiculensem maritimum fecit, Gordianus Cestum restituit, Hadrianus novum de suo nomine extruxit.

Mulvius.

Vel (ut in antiquis Salsitii libris) Molvius: non enim Milvius dicendum est, quod & Basilii Zanchii probat. Ab Emilio Scauro censore factus, ab Augusto relictus, ad secundum ab urbe lapidem, in via Flaminia. Claudianus de Honorii in urbem introitu, cum sextum consularum adeprus esset:

*Omne, Palatino, qua pons à colle recedit**Mulvius, & quantum licuit conjungere testis,**Una replet turba facies.*

Fornices habet magnos quatuor, binos mediocres, totidem parvos.

Ælius.

Ælius.

Ab Ælio Hadriano, prope sepulchri sui molem factus: nunc pons Castellī, vel pons S. Angeli. Fornices quatuor, in eo ponte equites aurati creari hodie solent.

Janiculensis.

Qui & Aurelius, & al quando Pons ruptus, nunc Pons Sixti; restitutus enim est à Sixto Quarto. Post hunc pontem se flumen dividit, & insulam circum fluit.

Tarpetius.

Qui olim Fabricius, nunc quatuor capium, è regione theatri Marcelli, insulam in flumine surgentem, quæ Lycadonia dicitur, urbi conjungit. Fornices duos ingentes habet. Horarius in Serm.

Atque à Fabricio non tristem ponte reverti.

Hunc Paulus Tertius corruptum refecit, & restituit.

Esquilinus.

Quondam Cestius, nunc S. Bartholomæi, eandem insulam regioni Transiberinæ jungit. Forma arcus triumphalis factus, fornice in medio ingenti, & ab utraque parte parvulo.

Palatinus.

Aliquando pons Senatorum, nunc S. Mariæ Ægyptiacæ. Quia aquam ex insula duabus partibus cum impetu defluentem accipit, reliquis major est: fornices habet sex, pilas quinque.

Leguntur & alii duo, qui hodie non sunt: sed qualiacunque eorum in flumine vestigia.

Triumphalis.

Inter Ælium & Aurelium; alio nomine Vaticanus, quod in campum & montem Vaticanum duceret: Hujus pilæ quatuor in Tiberi e regione hospitalis, S. Spiritus ex aqua eminent.

Sublicius.

Qui & pons Herculis, & pons Sacer, & Æmilius à Lampridio, & ab Antonino pons Lepidi dictus, circiter pedes sexcentos à Palatino abest. Fundamenta parum supra navalia in fluminis alveo apparent ex solido marmore: unde aliquando pons Marmoratus dictus est. Omnium primus & antiquissimus, hodie nullus.

CAP. XVII.

De Aquaductibus, quorum vestigia nunc sciuntur extare.

URbi Romæ nullum ex ædificiis opus, aut ad necessitatem melius, aut utilius ad salubritatem fuit, quam tot tantique aquarum ductus, qui quasi amnes perpetui (ut Strabo inquit) eam inundarunt. Aquæ, utibus publicis privatisque servientes, nomen vel à fontibus lacubusque acceperunt: ut Anio vetus, Anio novus, Sabatina, Alfietina, Cymina, Cærulea, quæ & Claudia: vel à deductoribus, ut Martia, Claudia, Appia, Julia, Alexandrina, Antoniniana, Hadriana: vel

vel eas. Illud invenimus, ut Virgo, & Tepula. Spartianus ait, Hadrianum propter gloriæ cupiditatem multos aqueductus, de suo nomine appellasse, inde factum est, ut sæpe diversa existimentur, quæ una est. Vel propter instauratores, ut Marria dicta est Aufeia, item Trajana : Alinetina, Augusta : Alexandrina, Neroniana : Sabatina, Aureliana. Vel propter fontes, ut Claudia, modo Cærulea, modo Curia appellatur : Anio novus, aqua Herculana, à rivo Herculano. Aquas tuebantur censores, item ædiles, interdum ipsi consules. Inter principes præcipua aquarum cura fuit Augusto, ejusque socero Agrippæ, præterea Nervæ, Trajano, Hadriano, Vespasianis, & (ut Cassiodorus tradit) Theoderico regi Gothorum. Erant varii earum custodes, & magistratus. Duum viri aquæ ducendæ, & curatores aquarum, leguntur in Alifanis & Formianis inscriptionibus. Agrippa, qui urbem aquis auxerat, ut est apud Suetonium, primus omnium consularis operum suorum, & munerum perpetuus curator fuit. Consularis autem aquarum legitur etiam in formula Hadriani, in qua dignitatum omnium tam civilium, quam militarium nomina sunt descripta. Procuratorem aquarum curatoribus ipsis addidit Claudius. De Mostro Augusti liberto, à commentariis aquarum, & de Clemente servo Castellario, loquuntur inscriptiones Romanæ : & de familia huic muneri destinata, scribit Frontinus, qui de aqueductibus Romanis duos libros edidit. Hæc cum satis videantur, cum de appellatione aquarum, tum de curatione, dicta, rem nostro instituto propiorem aggrediamur.

Virgo.

Restituta à Nicolao Quinto, opere arcuato quadrati lapidis, per Campum Martium nunc fluit ; ex agro Tusculano, qui à Lucullo olim possidebatur, deducta per Agrippam, via Collatina, ut Frontinus : & in Prænestinam incidens, ut auctor est Plinius. Ovid. lib. III Fast. ait, eos, qui in campo exercerentur, ea sudorem & pulverem abluisse.

Nunc ubi perfusa est oleo labente juventus,

Defessos artus Virgine tingit aqua.

Et Statius Anienem ad eundem usum cum hac conjungit,

Qua præceptis Anien, atque exceptura natatus

Virgo juvat.

Plinius lib. xxxi. Quantum, inquit, Virgo tactu, tantum præstat Martis haustu : hanc bibenti salubrem, illam natanti & lavanti commodam significans. Virgo cæteris frigidior fuit, quod Ovidius scripsit IIII de Arte. & eadem liquorem Virgineum poetice appellat de Ponto, & aquam Virgineam in Fastis.

Sabatina.

Reducta ab Innocentio octavo, à Sabate lacu, via Aurelia : hujus primum deductorem non ponunt, qui de Urbe scripserunt. Ejus nunc duo fontes sunt in Varicano : alius intra palatium Pontificis cum cochlea, ex qua superne ab omni parte despicere in fontem licet :

licet: alter in ipso camp. Prudentius poeta Baptisterium describit in Vaticano, cui hanc servisse aquam, verisimile est. Recentiores modo Aurelianam, à via : modo Septimianam, à porta nominant.

Alfictina.

Restituta ab Hadriano primo, ex lacu Alfictino, via Claudia, deducta ab Augusto. Hujus ductus reliquiae in naumachia Augusti sub Hortulorum colle cernuntur, sed aqua mox conditur, & in regione Transiberina prope S. Mariae templum, publico fonte emissa, vulgi usibus & quibusdam hortis servit.

Martia.

Ex fonte Piconia montium Pelignorum, per Marfos ducens, via Valeria, ad septem milliaria nostratia: inchoata ab Anco Martio, perfecta à Publico ac Quinto Martiis, ut in Coriolane scribit Plutarchus: qui eundem ductum maximum pulcherrimumque vocat, & in c. miracula refert Plinius lib. xxxvi; idque confirmat Statius i Sylvarum,

— Marsque nives & frigora ducens.

Martia, praecelsis quarum vaga molibus unda

Crescit, & innumero pendens transmittitur arcu.

Eadem aqua per Funicum lacum transit plumbeis fistulis, ut idem canit,

Tegus, per obliquum penitus qui laberis amnem,

Martia, & audaci transcurris flumina plumbo.

Hoc si vere scribitur à Statio, id quod ars & opera hominum effecit, naturae attribuit Plinius, qui ait, quod ita in Fucino lacu Martia invehatur, ut in Latio Addua, in Verbano Ticinus. Nisi aliud sit Fucinus lacus Plinio, & Fucinus amnis Statio.

Tacitus & Martialis propter frigus Martiam nationi: Tibullus, Plinius, Fronto, propter salubritatem potui esse aptam, scribunt. Propertius lib. iiii.

Non ulla rigat Martius antra liquor. Et,

eternum Martius humor opus.

Aqua hodie non influit in urbem. Ruinae ductus, intra & extra portam Esquilinam ingentes cernuntur.

Claudia.

Ex duobus fontibus, Caeruleo & Curtio, qui & Albulinus, via Sublacensi deducta à Claudio, ex Simbrivinis collibus, ut Tacitus inquit xi Annali. Fuit autem Simbrivium flumen in Equicolis, finibus Tiburtum. Silius viii.

Quique Anienis habent ripas, gelidoque rigantur.

Simbrivio: & Tacitus lib. xiv. Apud Simbrivina stagna, cui Sublaqueum nomen est, licet omnes Taciti codices his in locis sint depravati. Claudiam aquam Vitellius in deliciis habuit, & Alexander Severus juvenis bibit ad unum prope sextarium. In urbe in duas dividebatur partes, unus enim ductus & Caelo in Capitolium, alter in

Aventinum tendebat. Ruinas ejus in Aventino prope S. Priscam, & prope portam Naviam in muro vidimus; canales scilicet saxeos tres, alterum alteri impositum, tantæ amplitudinis, ut unus a me perreptari posset. In Cælio monte, intra monasterium S. Joannis & Pauli, fons restare dicitur, qui perenni aqua abundat: neque procul inde Castellum aquæ est quadratum, & magna ex parte integrum, forma diversum ab iis duobus, de quibus mox in thermis dicemus. Hoc solum castellum non vidi, quo excepto, nullus locus in urbe est, de quo Marlianus scribit, & ad quem accessus patet, quem non inspexim.

Julia.

A Julio quodam inventa, ab Agrippa ex variis venis in agro Tusculano collecta & deducta, via Latina, restituta ab Aureliano: ductus in Esquilino rudera apparent, intra portam & Marii trophæa.

Hactenus de aquis, quæ aut in urbem hodie ex vetustis introeunt, ut tres priores: aut quarum aliqua vestigia cernuntur, ut reliquarum. Locum de aquis in postrema suorum librorum editione ex Frontino diligentissime tractavit Marlianus, optime de nomine Romano meritis.

C A P. XVIII.

De balneis & nymphæis.

Balneæ in urbe plurimæ fuerunt, cum privatæ in locis diversis, tum publicæ in singulis regionibus. Si quibus autem locis deessent, aut corruptæ essent, eas antiquitus ædiles suis temporibus vel addiderunt, vel restituerunt Severus & Gordianus Imp. in primis populares, & lavationum studiosi. Cum enim apud Romanos esset lini usus rarior, sudorem fordesque corporis sæpius ablueri necesse habebant. Ulitato more ante cœnam balneis utebantur, item post ambulationes, exercitationes, operas; sæpe necessitatis, ut dixi, causa, non rara voluptatis: siquidem Commodum in die octies, Gordianum juniores, & Rhemnium grammaticum sepius lavisse legimus. Balneas mixtas haberi Severus prohibuit, quod Commodus non vetuerat, Varius permiserat. Sola & parietes unguentis illinebantur. Idque non solum potentioris fastidiant, sed in privato quoque homine, ac demum in servo Plinius noravit: & Seneca aquam argenteis epistomis fundi in plebis fistulis, & in libertinorum balneis gemmas calcari indignatur. Valerius & Macrobius Sergium Oracum, hominem voluptuarium, etiam pensiles instruisse balneas testantur.

Balneæ Palatine.

A loco sic dictæ: nam in dorso Palatini fuerunt, quorum vestigia videntur cum parietinis & cornicibus collapsis. Pavimentum ex quadratum

similis lapillis quadratis, nigri coloris, tessellarum more compositis.
Neronis.

Intra ipsius domum, marinis & Albulis fluentes aquis, ut inquit Suetonius.

Agrippinae.

A matre Neronis, in colle Viminali, qua respicit eadem S. Agrippinae, Quirinalem versus. Ex iis labri ingentis fragmentum vidimus ex marmore, in via projectum.

Stephani.

In valle collis Hortulorum. Marialis lib. xi.

Octavam poteris servare, lavabimur una:

Scis quam sint Stephani balnea juncta mihi.

Octava igitur hora lavabant, & lavabant quadrante, quod ex Horatio & Juvenale notum est.

Novati.

In Viminali, ubi nunc templum S. Pudencianæ, in quo & canales fuliginoti, & solum thermarum more tessellatum.

Olympiadis.

In eodem monte, prope S. Laurentium in Panisperna, in vineto quodam.

Pauli.

In clivo Quirinali, ubi nunc monasterium est, quod corrupta Romanorum lingua, Bagna Poli, quali balneæ Pauli, dicitur. Prope has in projecto lapide, formam strigilis & ampullæ vidimus excusptam. Strigile utebantur ad fricandum, purgandumque corpus: ampulla vase ad abluendas infusione sordes. Strigilis loco chirothecis ex serico factis ad eliciendum sudorem balneatores Italos uti vidimus.

Polycleti.

Prope ludum Æmilii Lepidi gladiatoris: de quibus Helenius & Porphyrio.

Claudii Hetrusci.

Libertini homines, qui Claudii Imp. dispensator fuit. Locus ignotus, profundissimus sumptus ex Statio & Martiale cognoscitur, qui eam marmorum varietate, & ab ædificii magnificentia, & a luminis immissione, & argenti fistulis laudant. Utriusque versus subiiciam. Staius i Sylv.

Non huc admisse Thasos, aut undosa Caryssos,

Mæret Onyx longe, queriturque exclusus Ophites:

Sola nitet flavis Nomadam decisa metallis

Purpura, sola cavo Phrygia quam Symados antro,

Ipse cunctavit maculis luculentibus Atyis,

Quasque Tyros niveas secat, & Sidonia, rupes.

Fixa locus Eurota viridis, cum regula longo

Symada distinctus variat, non lumina cessant,

Et salient cameræ, vario fastigia vitro

*In species animosque nitent. stupet ipse beatas
Circumplexus opes, & parcus imperat ignis.
Multum ubique dies, radiis ubi culmina totis
Perforat, atque alio s' l' improbus uritur aestus.
Nil ibi plebeum, nusquam Temesea notabis
Ara, sed argento felix propellitur unda,
Argentoque cadit, labrisque niten ibus inflat,
Delicias mirata saas, & abire recusat.*

Martialis, vi Epigramm.

*Nusquam tam nitidum micat serenum,
Lux ipsa est ibi longior, diesque
Nullo tardius à loco recedit.
Illic Taygeti virent metalla,
Et certant vario decore saxa,
Quæ Phryx & Libys altius cecidit.
Itecos pinguis Onyx anhelat aestus.
Et flamma tenuis calent Ophitea.*

Seneca quoque ante hos nimiam balnearum luxuriam exagitavit, lib. xxi. ad Lucilium: cujus verba, quia in superioribus verbosior fuisse videor, non apponam. Martialis & alias nominat, ut Tacæ, Pausti, Fortunati, Grylli, Lupi, Pontici, Severi, Paeti, Tity, Tigil'ini: quibus Lampridius addit Alexandri, & Varii. Victorina oclingentis comparavit. Agrippa clxx gratuita balnea præbuit, quæ postea in infinitum, ut Plinius tradidit, sunt aucta.

De Nymphæis.

Nymphæi autem quid sint, duplex est opinio. Zoraras Monachus, qui de Græcorum Imperatoribus scripsit, in Leone primo Nymphæa esse vult palatia publica, in quibus nuptias celebrarent, qui habitarent angustius: eaque ædificiis maximis, in quibus Senatus cogeretur, plerumque adjuncta fuisse: qualia ædificia Romæ erant, curiæ, senacula, basilicæ. Alii nymphæa purant esse loca publica, delectationis gratia facta, in quæ non ut in balneas, aut theatras, propter usum aqua deduceretur, sed gratiæ potissimum atque amoenitatis causa, & à Nympharum statuis, quibus ornata fuerint, nomen traxisse. Verum ut de forma aut usu illorum operum satis constet, ita maxime insignia fuisse, vel illud declarat, quod ab ipsis Imperatoribus construerentur, ut de Nymphæo Marci, aucti si operis, scribit Ammianus, de Alexandri Victor, de Gordiano Capriniano: aut ab urbis præfectis, quale Clearchus Valentinianus & Valente Imp. extruxit Constantinopoli, & Flavius Philippo reparavit Romæ: sed quo tempore, incertum est, nam antiqui tum marmoris invenimus testimonium.

FLAVIUS PHILIPPUS VIR

*CLARISSIMUS. PRÆFECTUS URBI NYMPHEUM SORDIUM
SQUALORE FOEDATUM ET MARMORUM NUDITATE
DEFORME AD CULTUM PRISTINUM REVOCAVIT.*

De Nymphæis veteribus nullum ad nostra aut patrum usque tempora duravit. Recens nunc est intra Neapolim, & montem Veluvium, in villa Leucopetræa, cujus forma est talis. Edificium ex marmore quadrangulare, ad quod una solummodo porta est aditus, & aliquot gradibus descensu. Ad dextram introeunti ad caput est aquæ limpidissimæ, ad cujus quasi custodiam accubat Anthusa nuda ex candidissimo marmo: e, solum varium & marmoratum, & canali circumdarum, in quem aqua ex fonte effluit. Varietas ex conchis lapillisque albi, nigri, Navi, purpurei coloris, quæ i maltha illiti: in quibus ex concharum compositione, tanquam duobus in pictura, anni menses duodecem, & quatuor virtutes politice expressæ. Item raptus Proserpinæ, Pan canens fistula, & mulcens gregem. Præterea imagines Nympharum nantium, navigantium, in piscibus ludentium: inter quas Helle insidens ariesi, Siren Diphæio, Europa Tauro. In eodem ad singula latera, quatuor itatæ marmoreæ, Hercules leoninam gestantis, Panis agnum bajulantis, Genii cani blandientis, Naiadis nudæ. Hæc nobis & de nomine, & de auctoribus, & de forma Nymphæorum, lectione atque inspectione sunt cognita, cupide & libenter auditis, si quis vel nostra probaverit, vel studiosos certiora d'querit.

C A P. XIX.

De Thermis.

IN nullis antiquorum operibus plus luxus & insanie cernitur, quam in Thermis Imperatorum, quas in provinciarum modum fuisse extructas, Ammianus conqueritur, & reliquæ aliquarum adhuc testantur. Ex aut æstivæ aut hyemales fuerunt, quales uno eodemque in loco extruere instituerat Gordianus: sed morte præventus, non absolvit. Hyemales trans Tiberim Aurelianus fecit. Primum servierunt imperatoribus privatim, postea vulgare sunt & populo, & aliquando patebant interdum, corruptioribus temporibus etiam notum. Consuetudo more mixtæ & communes non tueruat, quod tamen malorum principum culpa aliquoties factum est, quorum ne nomina quidem referre libet. Hodie omnia in urbe majora ædificia ab imperiis Thermæ vocantur, propter Diocletianas & Antoninianas: quod sua quoque factum tempore, non dissimulavit Blondus. Ita ingenis illa basilica, quam Augustus Caio & Lucio Agrippæ filii, depositis suis, erexit in Esquilino, corrupte appellatur thermæ Gallicæ. Item Cornelie gentis domus ruinæ, supra Traiani forum, Corneliorum thermæ vulgo dicuntur. Thermis, ut & aquæ dulcibus, adjunctæ erant castella, in quibus aqua conservabatur: & subijuncti cænales per quos caduca aut iuvenci efflueret. Castella, in urbe sunt quatuor. Unum in Cælio, de quo ante dictum est: tum alia duo, prius

sub thermis Titi, alterum sub Diocletiani: quartum intra portam Næviam, & theatrum Statilii. Eorum parietes malthæsi feni, tam tenui & dura materia, ut vix ferro frangantur, qualem una thermis pluribus aliis vidimus castellis, ut in Prænestino, in portu Ostiensi, in Monte Miseno, in piscinis linus Baiani. Thermas secundum ætatem Imperatorum ponemus, ordinem alium observare secundum ætatem urbis non possumus. Thermarum sola, ut balnearum, interdum sternebantur vitro, ut de Agrippæ dictum est: frequentius lapide aut crustis marmoreis latis, aut tessellis quadratis varii coloris: nigri, ut balneæ Palatinæ: nigri albique, ut thermæ Commodi & Antonini: quod ipsarum adhuc demonstrant vestigia.

Agrippæ.

Quas inter præcipua urbis ornamenta effert Plinius, arcus & præmentia habuerunt ex vitro: & ipse vidi eo in loco vitrea frustola effodi. Apparent in iis sedilia, & scannorum ordines. Sitæ sunt inter tempora S. Mariæ rotundæ, & S. Mariæ supra Minervam. Martialis lib. v.

Lassus ut in thermas decima, vel serius, hora, Te sequar Agrippæ.

Ante has signum Apoxyomeni fuit, quod cum Tiberius in colum suum transfudisset, magnis populi in theatro clamoribus teponere coactus est: testis Plinius.

Neronis.

Quarum fornices & arcus altissimi extant prope S. Eustachium, de iisdem Martialis libro vii.

— Quid Nerone pæsus?

Quid thermis melius Neronianis?

Titi.

Quarum reliquæ in vineto S. Petri in vinculis, & juxta S. Martini ædem multæ magnæque visuntur. Idem lib. vii.

Titi ne thermis, an lavatur, Agrippæ?

Eas brevissimo temporis spatio in tantam amplitudinem extructas, idem prodidit lib. ii.

Hic ubi miramur velocia munera, thermas, Abstulerat miseris tecta superbus ager.

Nam in parte domus Neronianæ steterunt. Harum thermarum castellum, vulgo cisternas capaces, & septem sales nominant. Sunt autem novem sub terra camerae iornicatae, quarum unaquævis portas aliquas habet, & per unam introiens, simul per multas, et oblique oppositas uno ordine, oculos inferre potest.

Domitiani.

Inter portas Flumentanam & Pincianam. Germunt in parietinis picturæ, sed vetustate abolitæ.

Trajani.

Earum ruine in Aventino, in vineto quodam prope templum S. Priscæ, monstrantur.

Commodi.

Commodi.

Ad radices Viminalis, in quibus ædificatum nunc est S. Pudenzianæ templum: in ejusdem templi pavimento adhuc tessellæ sunt, quibus sola thei marum sternebantur.

Severi.

In regione Transiberina, prope S. Crysgonum, & S. Cæciliam.

Anthoni.

In lacere Aventini, via Ardeatina, ab oriente adjacet templum S. Nerei & Achillei, a septentrione S. Priscæ, juxta viam S. Balbinæ, è regione S. Sixti. Tanta mole & artificio structæ, ut etiam docti architecti tales fieri posse negarent, si Spartiano creditur. Videntur earum incredibiles ruinae, parietinæ ingentes, altissimi fornices, pulcherrimæ columnæ semiobrutæ, maxima peregrinorum marmorum frustra projecta, pavementum tessellatum albi nigrique coloris, varia & ampla conclavia, & in aliquot locis profunda aqua, ex ductu Appiæ fœdato & obruto tortasse adhuc reliqua.

Varii.

In Aventino, circa Trajani & Decii thermas: has, nescio quo auctore, Syriacas dictas, scribit Albertinus; commemorat eas Victor, & repetit Volaterranus.

Alexandri.

Quæ juxta Neronis fuerunt, & habuerunt adjunctum nemus, auctore Lampridio. Alij Neronis & Alexandri easdem fuisse scribunt, quod alter fecerit, alter restituerit.

Gordiani.

Leguntur duplices. Priores in monte Esquilino, quarum ruinae jacent prope S. Eusebium, via Prænestina: hæ fuerunt sumptuosissimæ, adeo ut Capitolinus scribar, tales, præter Urbem, nusquam orbem terrarum habuisse. Posteriores in campo Martio, quas cum Mithreo extruere voluit: sed morte præventus, non fecit.

Philippi.

In Esquilino, post Titi thermas, inter ortum atque occasum.

Decii.

In Aventino, orientem versus, in quarum ruinis nunc S. Priscæ templum dicitur extructum.

Aureliani.

Trans Tiberim, infra Janiculum, in ea valle, ubi nunc S. Francisci templum est.

Diocletiani.

In Viminali, quæ bonam montis partem occupant. Earum ruinae tante cernuntur, quantæ maximæ esse possunt, fornices altissimi, columnæ admirabiles, ædificia concamerata amplissima, quorum duo pene integra exstant, unum prope S. Susannam, alterum versus vallem Esquilinam, ad quod ex interiore parte per xl gradus ascendimus. Castellum harum thermarum, figuræ mathematicæ, quæ scilicet

lenos dicitur, formam habet, pilis quadratis fultum, in prima serie pilæ quindecim, toridem in secunda, in tertia decem, in quarta quinque. Videntur in iisdem therinis ambulationes, xystra, & variæ obclavia, ad delectationem facta.

Constantini.

In Quirinalis descensu, septentrionem versus, ex sententia Lartj & Mariani. Eorum magnæ ruinæ, ædificia quedam quadrata, quedam rotunda, altissimis fornicibus extant: quorum unum per centum fere gradus ascendimus.

CAP. XX.

De locis Sepulcrorum, & de insignibus quibusdam Sepulcris: Item de Sepulcrorum ornamentis, ac ratione conditarum urnarum.

IN urbe olim neminem, more Atheniensis populi, sepelire legibus licebat, nisi Vestales, aut Imperatoris qui legibus non tenebatur: aut eos quibus id honoris virtutisque causa tribuatur, ut Val. Publicolæ, & P. Posthumio Tuberto contigit, de quibus secundo de Legibus Cicero. C. quoque Fabricius juxta Veliam in foro sepulcrum habuit, de quo Plurarchus: C. Publicius sub Capitolio, de quo eodem in loco Iapis Tiburtinus: Claudia familia sub eodem Capitolio, de qua Suetonius. Servio Sulpitio in camp. Esquilino sepulcrum decrevit Cicero, de quo ipse in Philippicis. Reliqui aut privatim in agris suis debebantur: aut in viis, extra portas, tumulos habebant. Earum viarum nomina, & exempla quedam adungere placuit.

Flaminia.

In hac fuit sepulcrum Paridis, pantomimi Ægyptij, Neronis liberti. Martialis lib. xi.

Quisque Flaminiam teris viator,

Noli nobile præterire marmor.

Item Glaucie, liberti Melioris. Idem lib. vi.

Hæc sub marmore Glaucias humatus,

Iuncto Flaminia jacet sepulcro.

Et de eodem Statius 11. Sylv.

Plebs cuncta nefas, & prævia sterunt

Agmina, Flaminio que limite Mulvini agger

Transuehit.

Fir ejusdem vice motio in libello Velii Fidi Lubentii, quem cum Antiquitatis aliquot monumentis edidimus.

Salonia.

In hac secundum lapidem fuit sepulcrum magnificentissimum Liciani, conforis Augusti, quem Sartyri incestati sunt, & Varro hoc Epigrammate, ut est apud Ceronem,

Martioria

Marmereo tumulo Licinius jacet : at Cato parvus,

Pemperius nullo : credimus esse deos?

In eodem fuit Marii sepulcrum.

Tiburтина.

In hac intra primum lapidem fuit sepulcrum Pallantis, Claudii Caesaris liberri, splendidum, & arrogantissimo titulo : de quo libro septimo & octavo Plinius ad Montanum.

Pranestina.

In hac secundo ab urbe lapide sepulcrum fuit Q. Atta, Togatarum scriptoris.

Lavicana.

In hac sepultus Didius Julianus Imp. ut in ejus vita scribit Aelius Spartianus.

Campana.

De qua supra inscriptionem ex epigrammatis Romanis posuimus.

Latina.

In hac à Phyllide nutrice sepultus Domitianus Imp. & in eandem inferri voluit testamento Sempronius Tucidanus. Ex sepulcro viae Latinae hoc epigramma refert Aufonius,

Non nomen, non quo genitus, non unde quid egi,

Mutus in aeternum sum cinis, ossa, nihil.

Nec sum, nec fueram, gentius tamen à nihilo sum :

Mitte, nec exprobres singula, talis eris.

Appia.

In hac (ut in Parad. scribit Cicero) Calatini, Scipionum, Sertiorum, Metellorum sepulcra visa sunt, item Ennii & Archiae poetarum : de hoc idem Cicero, de illo Ovidius. Pomponii Attici, quinto ab urbe lapide : M. Tullii Ciceronis, sexto. Gallieni Imp. nono. In eadem Thessali, medici Neronis, qui in monumento suo se in *Spiritu* inscripsit, ut ait Plin. lib. xxix. Idem lib. x. inquit, in hac via sepulcrum fuisse Corvi avis, qui duorum Aethiopum humeris elatus sit, praecedente tibicine, & praelatis coronis omnium generum. Sulpitius Verulanus, & Raphael Volaterranus, memoriae prodiderunt ; vidisse se integrum mulieris cadaver in hac via effossum, oblitum crasso unguento & incorruptum, quod alter suspicatum fuisse Tulliolae, M. Tullii Ciceronis filiae : alter certum nomen non addit, sed ex erutis marmoribus vicinis colligit, ante annos plus mille & trecentos fuisse depositum.

Laurentina.

In qua Augustus Caesar ancillae suae, quinque liberos uno partu enixae, monumentum fieri jussit : Gellius lib. xi. In hac, ut recentiores historici scribunt, abre quingentos annos cadaver effossum est, statura ingenti, & ingenti vulnere in medio pectore, quod Pallantis Evandri filii asserunt fuisse. Hoc cum illi historiae inferuerint, ne hoc quidem in loco piguit referre.

Ostiensis.

Ostiensis.

De Ostiensi, ut & Cassia, & Nummentana, apud scriptores nihil inveni: sed in singulis multæ epitaphiorum inscriptiones effossæ sunt.

Aurelia.

In hac sepultus Galba Imp. in privato monumento, testante Suetonio. In eadem duorum Germanorum militum descripti. Epitaphia Jonii & Hesperii Batavorum, qui Tib. Claudii Caesaris corpori cultodes fuerunt. In hac, ut in Flaminia, Appia, Latina, plurimi loculi & urnæ adhuc videntur.

Dicam nunc de sepulchris insignibus illustrium virorum intra urbem, & de ornamentis quorundam sepulchrorum, quæ passim per urbem videntur: & ut quasi absolvam hunc locum, addam etiam pauca de modo condendarum urnarum.

SEPULCRUM SCIPIONIS AFRICANI.

Sub pinu ænea honorarium: nam Lirimenses hospites de vero se merito jactant. Dicitur autem Vaticano pinus altissima ænea fuisse erecta Carthaginem versus: de qua una adhuc nux aliquot pedum altitudine, ante basilicam S. Petri cernitur, vetusti operis, & inaurata.

Augusti Caesaris.

In Mausoleo, quod exemplo Cæsaræ regis extructum est, in valle Martia inter viam Flaminiam, & ripam Tiberis, post ædæ S. Rochi. Moles rotunde ex immentis aggeribus, marmore olim Lunensi incrustata, cum circumiectis filvis, & amplis ambulationibus. Ad latera positi erant bini Socii. Habuit plura ostia, & loculorum feriem intra aggerem: quorum adhuc vestigia apparent. Ante molem res gestæ Augusti æneis tabulis incisæ erant; quod ipse testamento mandaverat. A tergo locus erat cum porticu. Interior murus reiculato opere variatus, & in media area Augusti tumulus ex niveo marmore ferreis cancellis inclusus: in cujus summo simulacrum ipsius æneum. Intra tumulum & murum interiorem consiti populi. Ut autem Augusti in medio sepulchrum stetit, ita cognatorum & amicorum, cum quibus communem esse illum locum voluit, à lateribus in muro loculi effossi erant. Ovidius ad Liviam:

Vadimus crepta marentem stirpe sororis.

Lætus, ut in Druso, publicus ille fuit.

Gaudidit Agrippam, quo te, Marcelle, sepulchro,

Et cepit generos jam locus ille duos.

Vix posito Agrippa, tumuli bene janua clausa est:

Perficit officium funeri ecce soror.

Ecce ter, ante datis jactura novissima Drusus,

A magno lacrymas Casare quartus habet.

Vide de Mausoleo Strabonem libro quinto.

Cestii

In Pyramide, proxime portam Ostiensim. Est autem Pyramis moles quadrata, quæ flammæ more, è lato ad sublimitatem acuminando gracilescit: à qua figura nomen traxisse iudico. Alii à genere lapidis Thebaici, apud Ægyptios, quem *πυραμειδης* vocant Græci, dictam autumant. Stephanus aliam rationem, fabulæ magis, quam verò, similem, attulit, quam ommitto.

Hadriani.

In mole ad Tiberim, duos habuit ambitus, & duplicem columnarum ordinem. Primus ambitus quadratus ex solidis lapidibus fuit, inferior moles oblonga & præalta ex Pario marmore. Ex hoc duplici ambitu arx nunc est extructa, quæ castrum S. Angeli vocatur. Columnæ, quæ circumpositæ fuerunt, ad S. Petri basilicam ornandam translatae sunt, & earum loco ad arcis munitionem alius murus circumdatus. Fuit olim commune omnium Antoninorum monumentum: id quod inscriptiones ex antiquitate reliquæ testantur.

Severi.

Supra Septizonium, inter Palatinum, & Caelium. De septena columnarum serie, ex qua assurgebat, tres series jam visuntur, una alteri superimposita. Intëgra series ista est, quæ Etrurum spectat, in cuius prima secundaque parte supersunt columnæ octo, in tertia sex. Intra illas columnas moles ex quadratis lapidibus assurgit, quæ in altum pyramidis aut obelisci more, magis imòque contrahitur atque acuitur. Opus sane mirum & magnificum.

Omitto hoc loco molem pyramidalem, quæ prope Hadriani sepulchrum fuit: eam enim diruit Alexander sextus. Item alteram quadratam, supra Mausoleum in via Flaminia, Campum versus, quam demolitus est Paulus Tertius; nam etiam si constet, sepulchra fuisse, tamen quorum fuerint, incertæ & dissentientes sunt scriptorum opinioniones.

In sepulchris autem, quæ hinc inde per urbem in multis locis inveniuntur, varia rerum simulacra sunt exculpta. Ludorum curium, quæle est ante S. Cosmam & Damianum, in foro Romano, & in S. Joanne Laterano, in quo etiam nocentes obijciuntur bestis, ut in alio quodam ante S. Mariam in via lata. Equestrium certaminum, ut in S. Maria in ara Coeli, montis Capitolini. Pugnarum, ut in S. Gregorio montis Coelii. Venationum, ut in S. Laurentio in Lucina, Campi Martii. Triumphorum, ut ante S. Laurentium in Panisperna, montis Viminalis: & triumphii Veneris, in S. Joanne Laterano. Sacrificiorum, ut in S. Maria de Strada, inrer Octavii porticum, & Capitolium: & in S. Laurentio extra Esquilinam. Deorum ludentium, ut Apollinis cantis, & Narcissi jaculantis discum, in domo Augustini Maphæi. Satyrorum puellæ dormienti insulcantium, in horto S. Marci. Amorum equitantium, in domo Columenium. Deorum marinorum in piscium caudas desinentium, & vehentium in

in eis Nymphas, ut in S. Joanne, & Paulo, in Cœlio, in hortis S. Sabinae montis Aventini, ante S. Thomam in regione Harenulae. Plutonis Proserpinam rapiantis, in S. Silvestro prope arcum Dumitiani, & ante S. Mariam in Cosmedim, prope Velabrum. Ventorum quatuor simulacra, in sepulchro domus Cæsiae. Laborum Herculis, in domo Sabelorum supra Marcelli theatrum. Servilium suppliciorum, in quibus alii capite plectuntur, alii brachium faxo impositum alio faxo frangitur, in S. Maria in ara Cœli, & ante aedem S. Stephani de Cæcabo, in regione Pineæ. In quibusdam sepulchris exculpta sunt ædificia, partim januis apertis, quibus dicunt animæ æternitatem significari, cujusmodi est in palatio Triumvirum in Capitolio: partim clausis, qua interioribus ejus una cum corpore notatur. Tale in Transiberina regione in demo civis cujusdam cernitur, è regione pontis Fabricii. Hæc è multis retulisse satis sit, quæ non ita accipi volo, quasi unius tantum rei imago aut effigies sit expressa, sed alia multa quæ oratione depingi in hac brevitate nequeunt, spectaculi loco addita. Quod ut intelligatur, duobus exemplis declarabo. In sepulchro sacrificantium in S. Maria de Strada: Mulier in bigis, quæ à rhinocerotibus trahuntur, vehitur: ipsi animalibus duo juvenes insident, & animalia à Faunis naso ducuntur. Præcedit Thulcus fidicen, & viri nudi, & muliercula, donec ad aram perveniatur, cui fidicen canens astat, & inter cætera ludicra Faunus cornibus cum hirco concurrit. Item in altero apud S. Silvestrum: Pluto quadrigis vectus, raptam Proserpinam amplexu tenet, exanimi similem, supra quam volitat alatus Cupido, currum præcedit Mercurius alato pileo & caduceo. In altera parte, Ceres bigis invehitur, tractis à serpentibus, pinea ræda, quam sinistra gestat, investigans amissam filiam. Inter hæc, ab utraque parte comite Proserpinæ flores collectos gestant, veste ultra pubem sublata. A lateribus Hercules est, leonis exuvio indutus, dextra tenens clavam, sinistra anum quandam invadens, cui verbera minatur.

Faciendorum loculorum & urnarum condendarum non admodum diversa fuit ratio, cum in Urbe, tum in reliqua Italia, atque etiam in Græcia ipsa. Marius scribit, antra concamerata fossionibus esse aperta, in campo Esquilino quædam unius testudinis, quædam duplicis concamerationis, ita ut ex superiore in inferiorem descenderetur. Pavimenta interdum tessellata, interdum vermiculata: in parietibus circum circa loculos extitisse, singulos cum binis urnis. Alia quoque fuisse antra plurium parietum modico intervallo, distantium, in quibus totidem urnas fuisse coniguas, & exiguo post spatio rursus alias, hisce alias impositas: has pauperum, illas divitum fuisse opinatur. Nos in agro viæ Appiæ in profundum fornacem sub terra descendimus, plenum loculorum inter se dispositorum ex ruina autem parietum cognosci vere non potuit. Intra Puteolus & Atellam, at utraque viæ silicibus strætæ latera, plurima sepulchrorum lustravimus monu-

menta:

menta : quorum ædificia partim quadrata sunt , partim rotunda . Inter cetera pulcherrimum est , quod Arcum Cella nominant scilicet . Parietes ejus tetragoni , cum laguari vermiculato : in cujus medio centauri imago puerum vehentis . Loculi ultra sexaginta : mediis simpli foras patronorum : laterales contracti libertorum libertarumque . In loculis urnæ singulæ pluresve dispositæ fuerint , clausæ exærius tabellis marmoreis , in quibus nomina depositorum , de morte fuerunt ascripta . Testatur Cyriacus Anconitanus (cujus scriptas quasdam chartas evolvimus) se Patris in Achaja , ad ædem S. Andreæ , antrum subterraneum ex integro solidoque lapide vidisse , miræ artificio fabricatum , in quod per gradus sedecim descensus fuerit , quodque sub una testudine ad tetragonos parietes habuerit loculos quatuor sedecim , in quibus singulis binæ aut ternæ unæ funerales fuerint locatæ ; ex quibus testimoniis , non multo diversam Græcorum & Romanorum , ut diximus urnas conjungendi rationem fuisse , est perspicuum .

C A P . XXI.

De iis , quæ nunc in urbe sunt præcipue visenda .

Romane urbis cadaver , omnibus pene Barbaris lacerantibus , ante oculos hodie jacet : sed gloriæ splendor & nominis claritas , doctis pro ea propugnantibus , exstingui nunquam poterit . De eo in superioribus , ex Græcis Latinisque scriptoribus multa studiose collegi : & ne quem prolixitate ostenderem , modo quodam retuli . In hoc capite nonnulla etiam alia cognitione digna , quæ à majoribus & præsentibus hominibus ad urbis ornamentum comparata sunt , studiosorum hominum gratia addam . Antiquitatum igitur cupidus habens domum Angeli Colocij , in Campo Martio : Cæliorum , sub Janiculo : Porciorum , in regione Pineæ : Vallarum , ad circum Flaminium : in primis vero Triumvirum , in Capitolio , & hortos Palatinos , in Vaticano . Literarum amantes , instructas bibliothecas . Pontificias tres , unam clausam , cui adjuncta proxime est altera , item clausa : tertiam certis diebus & horis patentem , & Græcis ac Latinis scriptoribus relictam . Præter has aliæ quoque sunt : apud S. Mariam in ara celi , apud S. Mariam de populo , apud S. Mariam supra Minervam , apud S. Augustinum . Tumuli in urbe clarorum virorum , qui ingenio sibi decus pepererunt , cum suis epitaphiis , sunt hi :

Blondi Flavii , in ara Celi , ante introitum templi .

BLONDO FLAVIO FORLIVIENSI , HISTORICO CELEBRI ,
MULTORUM PONTT. ROMANORUM SECRETARIO FIDE-
LISS. BLONDI QUINQUE FILII PATRI BENE MERENTI
UNANIMES POSUERE . VIXIT AN. LXXXV. OBIT. FR. NON.
JUNI . ANNO SALUTIS CHRISTIANÆ M. CCC. LXIIL
PIO P. M. SIBI NATISQUE FAVENTE .

Nicola

Nicolai Vallæ, in ipso templo.
 NICOLAO DE VALLE LEG. D. BASILICAE PRINCIPIS APOSTOLORUM CANONICO, LAELIUS IN MEMORIAM DULCISSIMI FILII POSUIT. HIC IN VITA SUA NULLI MALEDIXIT, SINE VOLUNTATE PARENTIS NIHIL FECIT. MAGNO ET EXCELLENTI CLARUIT INGENIO. ILIADEM HOMERI ET HESIODUM HEROICO CARMINE IN LATINUM VERTIT. OBIT PRIMO JUVENTUTIS FLORE, MAX. OMNIUM MOESTICIA. M. CCCC. LXXIII. VI. CAL. OCTOBRIS.

Ibidem Bartholomæi, Petri, Philippi, Andreæ, Vallarum. Item Joani Jacobi Buccabellæ poëtæ, Lud. Grati Margonii mathematici, Seraphini Oduatii philosophi, Manilii Britanorii fatotum præscii.

Laurentii Vallæ, in Sancto Johanne Laterano.
 LAURENTIO VALLAE HARUM AEDIIUM SACRARUM CANONICO, ALPHONSI REGIS ET PONTIFICIS MAXIMI SECRETARIO APOLOLICOQUE SCRIPTORI. QUI SUA AETATE OMNEIS ELOQUENTIA SUPERAVIT, CATHERINA MATER FILIO PIENTISS. POSUIT. VIXIT ANN. L. OBIT ANNO DOMINI M. CCCC. LXV. CALENDIS AUGUSTI.

Bessarionis Græci, S. Apostolo, in regione Trivii.
 BESSARIO EPISCOPUS TUSCULANUS, S. R. E. CARD. PATRIARCHA CONSTANTINOPOLITANUS NOBILI GRAECIA. ORTUS ORIUNDUSQUE SIBI VIVENS POSUIT. ANNO SALUTIS M. CCCC. LXVI.

Τὸν ἐν ἑσπερίῳ ζῶν ἄνθρωπον σῶματι σῆμα,
 Πνῶμα δ' ἐδέξατο θεὸς διὸν ἀθάνατον.
Lascaris Græci, in templo S. Agathæ, sub Viminali.
 Λάσκαρις ἀλλοδαπὸν γὰρ ἐνέειπεν, γαίῳ
 Οὐδ' ἄλλω ξένῳ δ' ἔειπε νεμεσώμενος
 Εὐερίῳ μεγαλήτι ἀλλ' ἀχθεῖ, εἴπερ Ἀχαιοὺς
 Οὐδ' ἐν χυῖν χόρει πατέρις ἐλδ' ἰδέσθαι.

Petri Maris, in S. Laurentio in Damaso.
 QUAE SOLA ELOQUII SUPERABAT GLORIA, ET ILLAM PERDIDIMUS, TECUM VIXIT ET INTERIIT.

Hieronymi Aleandri apud S. Chrysostomum, trans Tiberim.
 HIERONYMO ALEANDRO MOTTENSI, E COMITIBUS LANDRI IN CARNIA, PETRAE PILOSÆ IN ISTRIA ORIUNDO, CARD. BRUNDUSINO: PHIL. ET THEOL. DOCTORI, HEBRAICE, GRAECE, ET LATINE, ALIQUOTQUE ALIARUM LINGUARUM EXOTICARUM, ITA EXACTE DOCTO, UT EAS RECTE ET APTE LOQUERETUR AC SCRIBERET, MOX DIVERSIS LEGATIONIBUS PRO SUMMIS PONTT. AD OMNES FERÉ CHRISTIANOS PRINCIPES,
 FIDELI.

FIDELITER ET DILIGENTER PERFUNCTO, ET IDEO IN
TABEM DELAPSO. QUANTI HUMANAM MISERIAM FECE-
RIT, SEQUENTI DISTICHO, DE SE EDITO TESTATUM
POSTERIS RELIQUIT.

ΚΑΤ' ΕΛΑΤΟΝ ἔο ἀσκαυ, ὅτι πᾶν τοῦτον ὦν ὁπμαρτυρε

Πολλὸν ὦν, ὡν περὶ ἰδεῖν ἀλχον ἡδὺν θανάτου.

ANNO CHRISTI M. D. XLII. AETATIS SUAE LXII. MINUS
DIEBUS XIII.

Valerii Cordi, qui sepultus est in S. Maria de anima, regione Parionis.

VALERIO CORDO SIMESUSIO HESSO, EURICII FILIO,
MORIBUS, INGENIO, COMITATE, PRAESTANTISS. DO-
CTORUM OMNIUM ADMIRATIONEM MERITO, QUI NA-
TURAE OBSCURITATEM ET HERBARUM VIRES ADOLE-
SCENS SENIBUS EXPLICAVIT, CUM EXPLERI CUPIDI-
TATE COGNOSCENDI NON POSSET, PERLUSTRATA
GERMANIA, ITALIAM ADIIT, VENETIIS IN HONORE
HABITUS, ET ROMAM VIX INGRESSUS, SUBITO MORBO
INTER AMICORUM LACRYMAS, NON RECUPERABILI
STUDIORUM JACTURA OPT. AETATE EXTINGUITUR.
ANNO SALUT. M. D. XLIII. VII. CAL. OCTOB.

INGENIO SUPEREST CORDUS, MENS IPSA RECEPTA EST
CAELO, QUOD TERRAE EST, MAXIMA ROMA TENET.

Tumuli Pontificum aenei sunt, Martini Quinti in S. Joanne Late-
rano, & Sixti Quarti in S. Petro Vaticano. Marmorei, Sixti Quarti,
Piorum Tertii & Secundi, Hadriani Sexti. Sedes pontificiae saepius
sunt mutatae. Aliquando fuit apud S. Sabinam in Aventino, item
apud S. Mariam majorem, in Esquilino: superioribus annis apud S. Jo-
annem Lateranum, in Caelio; nunc apud S. Petrum in Vaticano.
Aestivam habitationem apud S. Marcum in capite viae latae exae-
dificavit Paulus Secundus: in quo loco cellis vinariis imposita sunt
equorum stabula, stabulis hortus cum proceris cupressis, in horto
circumcirca extructae habitationes. Aliam in Capitolino, supra tem-
plum S. Mariae in Ara caeli extruxit Paulus Tertius, ad cujus templi
introitum, ex montis planicie per cxxxix gradus ascenditur, unde
de altitudine novi aedificii fieri conjectura potest. Post sedes ponti-
ficias nihil admirabilius, laudeque dignius nihil visum est, quam
tor per totam Urbem, ut vocantur, xenodochia, non solum publica
omnium, ut amplissimum S. Spiritus in Campo Vaticano: S. Sal-
vatoris, in Caelio: S. Mariae de consolatione, in Velabro: S. Jacobi
de Angusta, in valle Martia: verum etiam propria singularum ci-
vitatem aut nationum, ut Florentinorum, apud S. Joannem Bap-
tistam:

stam: Germanorum, apud S. Mariam de anima: Hispanorum, apud S. Barbaram: Gallorum, apud S. Ludovicum: Anglorum, apud S. Thomam: Flandrorum prope turrim Argentinam: Ungarorum, prope S. Petrum: ut alia omittam, in quibus locis infiniti homines gravibus morbis laborantes domesticique atque extrinseci curantur & aluntur. Cryptæ subterraneæ, quæ laterbæ & sepulcra Christianorum fuerunt, sevientibus in eos tyrannicis principibus, tribus in locis sunt. Maxima omnium, apud S. Agnetem, extra portam Viminalem: altera, apud S. Sebastianum, extra Campanam: postrema apud S. Pancratium, extra Aureliam: plena venerationis loca, quorum D. Hieronymus & Prudentius faciunt mentionem. De domibus nobilium, & purpuratorum palatiis nihil dicam: quæ ut splendida & sumptuosa sint, tamen cum veteribus ruinis hæc nova magnificentia vix videtur comparanda.

JUSTI LIPSII

De Vetere Latinorum Scriptura.

TRACTATUS II.

UT de *vetere Scriptura* pauca præmoneam: differt ea ab recentiore, quæ hodie in usu est, vel *quantitate*, vel *qualitate* vel *utraque*.

Quantitas in *additione* cernitur, vel *detractione*. *Additio*, aut *Vocalis* est, aut *Consonantis*. *Vocalis* additio, est in diphthongis EI & OU. Sic enim *Eidem* *Jous*, scripsere; pro *Idem* *Jus*. Sic *Leitem*, *Leimites*, *Meilitia*, *Opeima*, *Inveito*; pro *Litem*, *Limites*, *Militia*, *Opima*, *Inuito*. Sic *Eito*, *Deixo*, *Seierit*; pro *Ito*, *Dixi*, *Sierit*. Item *Quei*, *Sei*, *Nei*; pro *Qui*, *Si*, *Ni*. *Nei* ramen etiam pro *Ne* usu parunt interdum, & quidem non raro. Sic *Utei*, *Ubei*, *Ibei*; pro *Uti*, *Ubi*, *Ibi*. Eandem diphthongum usurparunt in *Genitivis singularibus*; ut *Dolei malei*, pro *Doli*, *mali*. Item, in *Nominativis pluralibus*: ut, *Iei*, *Trevirei*, *Decumanei*; pro *Ii*, *Treviri*, *Decumani*. Item, in *Dativis* & *Ablativis pluralibus*: ut *Ieis*, *Tertis*, *Ricineis*; pro *Iis*, *Tertis*, *Ricinis*, *Præterea*, in *Dativis singularibus* *tertiæ declinationis*: ut *Mortei*, *Clientii*; pro *Morti*, *Clienti*. Item *Alterei*, *Sibei*; pro *Alteri*, *Sibi*. Et frequentissime in *Nominativis* atque *Accusativis pluralibus*: ut *Omneis*, *Civeis*, pro *Omnes*, *Cives*.

O vero ad *U* adjectæ, tum alia sunt exempla, tum hæc, *Jous*, *Jousta*, *Joudicare*; pro *Jus*, *Justa*, *Judicare*. Item *Souo*, *Louci*, *Doucito*; pro *Suo*, *Luci*, *Ducito*. In quibusdam utramque diphthongum conjunxerunt: *Smeis*, *Joudices*; pro *Suis*, *Judici*. In nonnullis *U* geminum usurparunt, pro *OU* seu *U*: ut *Plusus*, *Secusus*; pro *Plus*, *Secus*. Sic *Comitatuu*, *Arbitratuu*; pro *Comitatu*, *Arbitratu*. Interdum *O* post *U* interseruerunt: ut *Quicquomque*, pro *Quicquique*.

Consonantes quoque interseruerunt; ut *Quotiens*, *Quotiescun-*
que, pro *Quoties*, *Quotiescunque*. Sic *Exiguito*, *Exercere*, pro *Ex-*
iguito, *Exercere*. Item, *Quips*, *Aliquips*, pro *Quis*, *Aliquis*. In
Jousta vero pro *Juxta*, gemina est insertio, vocalis O & conso-

nantis S. In quibusdam integram syllabam interseruere: ut in *P. fides*,
Indest. stato, pro *Postea*, *Int. stato*. Ejus generis etiam *Ævitas*, vi-
 deri alicui possit: sed habet illud legitimam ab æro derivationem:
 in *Ætas* vero, quod post usurpationem cepit, facta est contractio. Quo-
 busdam à fronte Consonantes adjicere; ut *Silis* pro *Lis*. Nonnullis
 in fine: ut *Ead*, *Tuod*, *Piebed*, *Frauded*; pro *Ea*, *Tuo*, *Piebe*,
Fraude. Sic in verbis, *Datod*, *Removetod*, *Luitod*, *Eftod*; pro *Da-*
to, *Removeto*, *Luito*, *Esto*: In *Exercetod* autem geminata est addi-
 tio; semivocalis S & mu. æ D. Sic in *Laibertated*, additio est Vo-
 calis E & C. Consonantis D.

Detractio & ipsa, vocalis est aut consona. Vocalis, detractio est in
 monophthongis illis: *Fenis*, *Femina*, pro *Fænus*, *Fæmina*. Sic
Heres, pro *Hæres*. Quamquam eam vocem non ab hærendo, sed ab
 hero deductam habuit eruditioris. Detractio etiam quibusdam vi-
 detur esse in verbis istis: *Adicito*, *Eicito*, *Deicitor*, *Conicere*, *Subi-*
cere; pro *Adjicito*, *Ejicito*, *Dejicitor*, *Conjicere*, *Subjicere*. Quod
 si ita est, eadem ratione simplex *icere*, contractum erit ex *Jacere*.
 Sic certe *Dis*, contractum ex *Deis*.

E Consonantibus etiam, quæ nunc geminari solent, omitebantur
 alteram: ut *Osa*, *Clase*, pro *Ossa*, *Classe*. Item *Aceras*, *Conubia*, pro
Acerras, *Connubia*: *Pelex*, *Tolito*, *Peluceto*; pro *Pellax*, *Tollito*,
Polluceto.

Qualitas in commutatione potissimum cernitur. Ea quoque Voca-
 lis est, aut Consonantis Vocalis: ut E pro I. Sic enim *Leber*, *Ad-*
decito scribere; pro *Libet*, *Addicito*. Item U pro I, *Æstumata*,
 pro *Æstimata*. Sic *Optumas*, pro *Optimus*. Eadem ratione *Postu-*
num, à veteribus dictum voluit erant: ut significet non tam eum,
 qui post inhumatum patrem est editus; quam eum qui postremus
 patri, seu vivo, seu mortuo, natus est. Item U & Y: ut *Ægyptus*
 pro *Egyptus*, quemadmodum *Mus* quæque & *Sus*, & hujus generis
 alii, ex Græcis *μῦς*, *σῦς*. Frequentius O pro U: ut *Totela*, *Por-*
pora, pro *Tutela*, *Purpurea*. Sic *Ofocapitor*, pro *Ufocapitor*. Item
Soper, *Quamque*, pro *Super*, *Quamque*. Sic in Nominum finibus:
Patronos, *Servos*, pro *Patronus*, *Servus*. *Vitiom*, *Manom*, pro
Vitium, *Manum*. Nec non in Verborum finibus: *Conferent*, *Me-*
ritor, pro *Conferunt*, *Moritur*.

In nonnullis geminatur hæc mutatio: ut *Piacolom*, *Fortom*, *Fu-*
rator, pro *Piaculum*, *Furtum*, *Furatus*. In quibusdam hæc cum su-
 periore conjungitur; ut *Leborom*, pro *Liberum*. Sic *Ædebor*, *Com-*
p. Ædebor, *Noctebor*, *Tibicinebor*, *Superstitebor*; pro *Ædibus*, *Compe-*
ditus, *Noctibus*, *Tibicinibus*, *Superstitibus*. Inter-

Interdum diphthongo OE & OI pro U longo usi sunt: ut *Oestier*, *Oescapio*, *Oesurpatum*; pro *Uti*, *Usucapio*, *Usurpatum*. Sic *Caritres*, pro *Curatres*. OI pro U posuim: in *Oitier*, *Oitue*, & consimilibus. Sic *Municipium*, pro *Municipium*.

Consonantes quoque non praeceas inter se commutarunt. C pro G frequenter in usu fuit. Sic enim *Genas* dixerunt pro *Genas*. Sic *Fricem*, *Lace*, pro *Prugem*, *Leg*. Itemque *Lecere*, *Rocato*, pro *Legere*, *Rogare*. D pro L posuere, cum *Dingua* dixerent pro *Lingua*. Sic *Fedetrio*, pro *Feretrio*.

F pro B usurparunt sequente Vau: ut *As viro*, pro *ab viro*. Q pro C: ut *Pequua*, pro *Pecunia*. S pro R: ut *Asa*, *Nesuo*, *Casmen*, pro *Ara*, *Nervo*, *Carmen*. Sic in Nominum flexionibus: *Maiose*, *Minose*, *Arbores*, *Plusa*; pro *Majore*, *Minore*, *Arbores*, *Plura*. Sic *Fenose unciario*, pro *Fenore unciario*. Item in Verborum flexionibus: *Arasit*, *Vocasit*, *Secuesit*; pro *Araris*, *Vocatis*, *Secueris*. T. pro D: ut *Quis* pro *Quid*.

In compositis, finalem Prepositionis consonantem plerumque retinuerunt: ut *Conlegium*, *Improbis*, *Assignare*, *Adtribuer*. Interdum tamen etiam mutarunt: ut *Obsepito*, *Opsurato*, *Opinere*.

In quibusdam geminata est commutatio, altera Consonantis; altera Vocalis; ut *Rocan*, *Flacitior*, *Prodicos*; pro *Rogum*, *Flagitium*, *Prodigus*. Sic *Acrom*, *Acnom*, *Tichom*; pro *Agram*, *Agnum*, *Tignum*. Item *Fidios*, pro *Filius*: *Ofvagolatom*, pro *Obrvagulatum*. *Poplicom*, pro *Publicum*: *Quoi*, pro *Qui*: *Ausom*, pro *Aurum*. Sic *Capiuntur*, pro *Capiuntur*.

In quibusdam duarum Vocalium & minus Consonantis facta mutatio; ut *Contileom*, *Arvorsum*, *Asuorsum*, *Plusebos*, pro *Genitillum*, *Adversum*, *Pluribus*. In multis gemina consonantis mutatio est: ut *Arcuesit*, pro *Arcuesit*.

Interdum quantitatis metaplasmos conjunxerunt, additionem scilicet & deductionem: ut *Jussus*, *Jousit*, pro *Jussus*, *Jussit*. Sic *Poples*, *Confiseli*, *Demisseis*; pro *Populi*, *Confessi*, *Demissis*. Interdum & quantitatis metaplasma adjunxerunt metaplasma qualitatis: ut cum unum idemque vocabulum additione & commutatione transformatum. Sic enim *Deicundo*, *Addeictor* usurpara; pro *Dicendo*, *Adiectus*.

Sic *Maxsumo*, *Prosumos*, *Fousiosis*, pro *Maximo*, *Proximo*, *Fuvisio*. His adde, *Ento*, *Entera*, *Sopera*, *Continocis*; pro *In*, *Intra*, *Supra*, *Continuis*. In quibus commutatio praecedat: additio sequitur.

Deductionem quoque & commutationem quandoque copularunt, idque commutatione interdum sequente: ut *Adecira*, *Poples*, *Præferebos*, pro *Addicito*, *Populus*, *Præsentibus*. Interdum praecedente: ut *Soricito*, pro *Subiecto*. Sic *Olo*, pro *Illo*: Item *Fasis*, pro *Farris*. In quibusdam triplicatus est metaplasma: ut *Pupilei*, *Præfeted*; pro *Pupilli*, *Præsente*.

In *Nominum* & *xioribus*, præter superiora, notabilem mutationem habent: *Felminis*, *Ipsos*, *Im*; pro *Fulmen*, *Ipsæ*, *Eum*. Sic *Olee*, pro *oli*. In *Verbis* quoque varii, præter supradictos, metaplasmi à veteribus facti sunt: ut in verbo substantivo *Escit* & *Escunt*, pro *Erit* & *Erunt*. Itemque *Siet*, *Sient*, pro *Sit*, *Sint*: & in futuro perfecto, *Fuat*, pro *Fuerit*. Ejusdem futuri perfecti magna, in aliis quoque verbis est varietas: ut *Vindicit*, *Verbent*, *Prohibesit*, *Occisit*; pro *Vindicavit*, *Verberavit*, *Prohibuerit*, *Occiderit*. Item *Tagit*, pro *Tetigerit*; *Pacit* & *Pacont*, pro *Pepigerit* & *Pepigerint*; *Faxsit*, *Rupsit*, pro *Fecerit*, *Ruperit*; *Paret*, *Cepet*, pro *Pararit*, *Ceperit*; *Misest*, *Vixerit*, pro *Miserit*, *Vixerit*. Item, *Duit*, *Adduit*, *Condui*, *Transdui*; pro *Dederit*, *Addiderit*, *Condiderit*, *Tradiderit*. In passiva etiam forma: *Turbassitur*, pro *Turbatum fuerit*; *Fariator*, *Nancitor*, pro *Fari velit*, *Nactum fuerit*. Item, *Darier*, *Leibarier*, pro *Dari*, *Libari*. Sic *Oetier* & *Oitier*, pro *Uti*.

In *Conjunctionibus* vocibus facta interdum separatio: ut *En do*, *In do*, *Indu*; pro *Endo*, *Indo*, *Indu*. Sic *Indo testato*, pro *Intestato*; *Endo penito*, *Endo jacito*, *Endo manus jactio*; pro *Imposito*, *Injucito*, *Manus injectio*. Item *Quiccuomque* pro *Quicumque*: & consimilia. Contra interdum conjunguntur, quæ alioqui separari solent: ut *Se ate leberum*, pro *Statu liberum*.

Finis Tractatus II. De vetere Latinorum scripturâ.

Justi

JUSTI LIPSII

De Re Pecuniaria veterum Romanorum.

TRACTATUS III.

CAP. I.

Pecunia qua materia & quando primum signata.

Romani primum usi fuerunt quadruplici moneta nempe, *Plumbea, Aerea, Argentea, Aurea.*

Plumbæ usus quando ceperit, incertum.

Æs initio habuerunt rude, pondere distinctum, non nota, Primus Servius Tullius signavit æs, idque notat pecudis; unde p cunia dicta est: author Plinius, lib. 18. cap. 3. & lib. 33. cap. 3. Varro, lib. 2. de re Rust. cap. 1. & Plutarchus in Publicola. Quod tamen alii Jano tribuunt, ut Athenæus lib. 15. & Macrobius lib. 1. Sat. Quidam Saturno, ut Eutropius lib. 1. Verior tamen Plinii opinio: nec repugnat, quod in prisca nummis parte altera Jani effigies, altera navis expressa cernebatur, cum hanc notam Servius ipse, vel posteri usurpare potuerint bonæ memoriæ causa. Facit huc Ovidii i Fastorum.

At bonæ posteritatis puppim signavit in ære

Hospitis adventum testificata Dei.

Argentum autem signatum est anno Urb. Cond. 484. F. Pictore, & Q. Oculcio Coss. ut Plinius voluit, quinque annis ante Punicum bellum: sive M. Æmilio Paulo, & Fulvio nobiliore Coss. ut Eutro. lib. 2. 15. annis posterius.

Aurum signatum anno 62. post argentum C. Claudio Nerone, & M. Livio Salinatore Coss.

nummi ærei nomina
sunt ista.

As.
Quadrans.
Sextans.
Triens.

Aurei nummi

Aureus.

Argentæ hæc

Denarius.
Quinarius.
Sextertius.

C A P. II.

De Ass, Quadrante, Sextante, Triente.

Asses ex ære liberales erant, & appendi plurimum solent, non numerari. Ex quo ritu & nunc in rationibus pecuniariis Expendum ferre, & Dependere, & Impendium dicimus. Inde æs grave appellatur, & poena æris gravis: Æns cujus legitimo ponderi nihil deesset. Livius lib. 4. *Indicibus*, inquit, *duo milia æris gravis, quæ tunc divitiæ habebantur, data.* Et lib. 5. *Dentis milibus æris gravis nos condemnavit.* Hæc primis temporibus. Postea ræmen bello Punico secundo, pressus populus Romanus ære alieno, ex singulis assibus liberalibus, Sextantarios fecit: id est, Ex uno asse, senos, qui ræmen tantundem valerent, *Plin. lib. 33. cap. 3.* Sed & mox tertio bello Punico, Unciales facti. Postremo lege Papyria, Semiunciales Asses liberales, ut dixi, primus signavit Servius. Tarquinius superbus cæteras Assis partes, ut Quadrantem, Trientem, Sextantem; ut colligimus ex Fragmento Festi in voce *Ratitum*. Quadrans (sive Triuncus) est quarta pars Assis, plurimum quidem ære cæsus sub Imperatoribus, tum & plumbo. *Martial. lib. 10. Epigr. 74.*

Centum merebor plumbeos die toro.

id est, Quadrantes. Idem lib. 1. nigram monetam appellat plumbeam, istos ipsos quadrantes. Et fortassis antiquius, quia Plautus in jocis aliquoties nummuli plumbei mentionem facit. Olim hæc merces legitima transvectionis erat, unde & quadrantes, *Ratiti* dicti, Festus & Varr. lib. 4. *de ling. Latin.* Postea præmium balneariorum. Horat. lib. 1. Sat.

— Dum tu quadrante lavatum Rex ibis.

Et Cicero pro Cælio. Plutarchus in Cic. *Sextantes & Trientes à partibus assis dicti.* Sextantis meminit Livius lib. 2. *Plebs*, inquit, *Agrippam extulit, sextantibus collatis.* Trientis, Festus, in *Ratito*. Valer autem As, ad æstimationem nostram, nummulos plus octo: nummulos appello, sive denarios, qui 24. apud Belgas stercum

ferum faciunt. Quad ans valet nummulos paulo amplius duos.
Quadrantes 4. Asses constitunt. Decem sestertium unum. Quadra-
ginta denarium. Simile iudicium de Sextante & Triente.

C A P. III.

De Denario, Quinario, Sestertio.

Argentei nummi tres speciei, quas dixi, omnes Varro lib. 5.
de ling. Lat. & Plin. lib. 33. cap. 3. complexus est. Denarii,
inquit, dicti qui dena aris, id est, 13. Asses uocabant: Quinarii,
qui quinos: Sestertius, qui Semitertium.

Denarium pendere & æstimatione partem drachmæ Atticæ con-
sensu, faciunt antiqui. Notæ ejus veteres R. omnes Galeatæ. imago
Castoris in equis, bigæ & quadrigæ. Unde bigati & quadrigati no-
men pro Denario frequens, ut Livius: lib. 22. *Pacti in capita Ro-
mana tricenis nummis quadrigatis.* Tacitus de morib. Germ. *Pe-
cuniam probant veterem & diu notatam, Serratos, Bigatosque.*
Sed cum argentum simpliciter dicimus, intelligimus Denarium. De-
narii dimidiis, quinarius dictus; ideoque vulgo Victorinus, quod
victoriæ effigies in eo expressa sit. Meminit hujus Cicero, pro Fa-
melo Lævius, lib. 41. & Plinius lib. 33. c. 3. Sestertius, denarii quar-
ta pars est, idem alio nomine *ἡμίονος* Nummus, quia frequen-
tissimus ejus in rationibus usus. De hoc Vitruvius, lib. 3. cap. 1. *In
denario, inquit, denos asses areis constituerunt; & quartam ejus
partem de duobus assibus, & tertio semisse, Sestertium vocarunt.*
Æstima 10 denarii hodie eadem fere, quæ Regalis Hispanientis, id
est, Scutæri 3. cum dimidio. Quinarii & Sestertii pro proportionem.
Denarium nota stellulæ (*) in monumentis vetustis. Sestertii nota sic
(*LES: XHS: XSS:*) At libralis est libræ nota, Quia
ergo Sestertius duos asses continet, & dimidium duo.

CAP. IV.

De Nummo aureo, ejusque affirmatione itemque de usu
multiplicium promiscuo,

Aureus five Solidus (quem variis nominibus appellatum ab Imperatoribus intencio, Flavianum, Antonianum, Valerianum) valuit denarius apud Romanos 25, id est, Coronatos nostrates binos. Id clarum tum ex pondere, tum ex monumento Dionysii, lib. 35. cui accedit Suetonius, in Ottero, cap. 4. qui ait, Otteronem semper aureos singulos cohorti excubanti dare solitum. Quam eandem rem Tacitus lib. 17. narrans, centenos nummos dixit. Alludit ad hunc numerum egregie Martialis lib. 10. epigr. 24. in hunc modum: Sed vitæ tribus aureis pactus.

Cum intel ligat aureos circiter 74. Cautè legendus T. Livii locus, libr. 28. Pro argento, inquit, si aureos dare, mallem, dare convenit, dum pro argenteis decem aurei unus valeret. De proportionem enim auri ad argentum loquitur, quæ tunc decima erat, ut nunc va hodi duodecima. Notæ aurei nummi, eadem fere quæ argentei, nisi quod crescente ambitione, Triumviri monetales, aut ii qui monetæ cudendæ præerant, sepe gentis suæ insignia, aut honores, aut sacerdotia insculpebant, sæpe & Imperatorum triumphos, res gestas & varia emblemata, quæ res quibusdam suspensionem fecit, nummos qui exant, honoris tantum causa excusos fuisse, & non publici usus, falso, quanquam non negaverim vetusta numismata & tunc quoque in precio fuisse, & interdum loco mercis divendita, quæ de re Ulpianum lege, lib. 9.

De Ratione per singulas species supputandi.

Ratio supputandi apud Romanos usitatissima per asses & Sesterterios: frequentissima per Sesterterios, & illa intricatior; non tam sæpe per asses, & hæc facillior. De ista primo dicam. Per asses aut expresso nomine, aut ratio numerant. Expresso ut Livius, lib. 28. Militibus quinquagenos senos asses, id est 21. aureos divisit. Tacito: ut item, lib. 34. Tritici decies centum millia binis aris populo divisit, quod est binis assibus aris. Sic centenos aris, & mille aris, & dena millia aris apud Livium frequentissime legimus, & ubique intelligendi asses.

NOMIN. VET. POP. ROM. 341

Tabula per asses supputandi hæc sit.

Terni æris	} Valenti	1 stufesum, & $\frac{1}{2}$
Deni æris		3 stufesos, cum $\frac{1}{2}$
Centeni æris		35 stufesos.
Centum 25. æris		51 coronatum nostratem.
Dena millia æris		100 coronatos.
Mille æris		10 coronatos Budæo.

Posiunt & hæc nomina latine efferri per Philippicos denos, centenos asses, & lic deinceps.

DE SESTERTIIS.

PER Sesterties ut numeremus, duo præcipienda sunt: primum, discrimen esse inter Sestertios & Sestertia: ita, ut illo numero, nempe masculino, singuli nummi Sestertii: isto, nempe genere neutro, singula millia significantur, idque indubitatum perpetuumque est.

Utriusque discriminis tabula sit hæc.

Duo sestertii	} Valenti	Medium Regalem.
Duo sestertia		50 coronatos.
10 sestertii		2 Regales cum $\frac{1}{2}$
10 sestertia		250 coronatos.
20 sestertii		5 Denarios.
20 sestertia		500 coronatos regales.
40 sestertii		10 coronatos Budæo.
40 sestertia		1000 coronat.
50 sestertii		12 Regales cum $\frac{1}{2}$
50 sestertia.		1250 coronatos.
Centeni, vel um, sestertii		2 coronatos cum $\frac{1}{2}$
Centum sestertia		500 coronat.
200 sestertii		5 coronatos.
200 sestertia		5000 coronatos.
400 sestertii		10 coronatos.
400 sestertia		10000 coronatos.
1000 sestertii		25 coronatos.
1000 sestertia		25000 coronat.

Census Senatorum.

Alterum

Alterum præceptum est, quemadmodum cum à sesteriis ad sestertia fit transitus, numerus millicies multiplicatur: sic cum per adverbium demum enunciamus sestertia singula centuplicata crescunt. Ut cum dico decies sestertium, intelligo decies centena sestertia, sive decies centena millia sestertia. Ergo decies sestertium, & mille sestertium idem valent. Diserte Plutarchus in Antonio.

Tabula adverbiorum brevis hæc sit.

Decies	} Sestertium valent	25000 coronatos.	* id est, decies centena millia coronatorum. ** id est, vicies, quinquages centena millia coronator.
Quindecies		37500 coronatos.	
Vicies		50000 coronatos.	
Tricies		75000 coronatos.	
Quadrages		100000 coronatos, Tonn auri.	
Quinquages		125000 coronatos.	
Centies		250000 coronatos.	
Quadragescenties		1000000 coronatos. *	
Millies		2500000 coronatos. **	
Decies milles		25. viginti quinque milliones.	

Hæc est summa rei nummarie veterum Romanorum, quæ in historiis diligenter observanda est.

Finis Tractatus de Pecunia Romanorum.

JUSTI

JUSTI LIPSI

De Nominibus Romanorum.

TRACTATUS. IV.

Compendiose conscriptus.

Nominandi ratio intricata apud Romanos; quam ut distincte explicem, dicam quatuor capita. Primum ingenuorum hominum nominibus. Secundo, de libertorum & servorum. Tertio, de Foeminarum. Quarto, de Adoptivorum. Ingentium nomina Romæ aliter quam apud Græcos & Barbaros. Plerumque tria nomina: Prænomen, Nomen, Cognomen. Quo alludens Juvenalis, Sat. 5.

*Si quid tentaveris unquam**Hiscere, tanquam habeas tria nomina*

Ausonius, in Grypho.

Tres equitum turma, tria nomina nobiliorum.

CAP. I.

Prænomen est, quod nominibus Gentilicis præponitur, discriminis causa inter fratres & Gentiles inventum, quod haud dubie respondet nostris nominibus, quæ appellamus, ut Petrus, Johannes, Jacobus, &c. Sed Prænomen natum est post nomen; & ideo servarum Romanis, ut nono quovis die qui Lustricus dicebatur, nomina imponerentur pueris. Prænomena (ut Epitoma Valerii ex Scævola refert) non ante diem togæ virilis; id quod in Ciceronis epistolis observare est, ubi Ciceronis pueri sine prænomine semper dicuntur. Post togam sumptam, Marcus filius, Quintus filius. In imponendo servabant, ut plerumque filius major natu prænomen ferret patris; secundus avi vel patruorum. Prænomena ætate sua

Varro

Varro scribit circa triginta fuisse, è quibus usitatissi-
ma 18. Quorum illa unica litera notantur; ut hæc
underem. A. id est, *Aulus*, sic dictus, quasi Diis alet-
tib. nasceretur. C. id est, *Catus*, à gaudio parentum.
D. id est, *Decimus*, à n-mero nascendi. K. id est, *Casus*,
qui ex utero matris cæsus esset, Prænomen gentis Fa-
biæ. L. id est, *Lucius*, live a Lucumone Hetrusco, live
quod prima luce natus esset. M. id est, *Marcus*, qui na-
tus mense Martio, ut Valerius vul, vel potius
nomen Oscum, ut Mamers & Mamercus. M.
Mamius, vel qui mane natus esset, vel à Sabina lingua,
qui munum dicebant bonum. N. id est, *Num-
erius*, omnis causa à numeris dictus. P. id est, *Publius*,
vel à pube, quod gratus populo. Q. id est, *Quintus*,
ab ordine nascendi. T. id est, *Titus*, vox Sabina, vel ut
alii volunt, a tuendo, quod patriam tuerentur. Dua-
bus literis scribuntur quatuor. AP. ut *Appius*, Sabina
vox ab Atta Clauso. CN. *Cneus*, à nævo corporis
quasi nævus. SP. *Spurius*, a causa pudenda, quia Sabinis
spurium, dicta pars, qua femina est. *Isidorus, lib. 4.
Etymol. & Plutarchus, in causis.* Alias dicebatur *Favon-
ius*. TI. *Tiberius*, qui ad Tiberim natus. Tribus literis
hæc tria. MAM. id est, *Mamercus*, prænomen gentis
Æmilix, dictum à Mamerte, quod Osa lingua Martem
significat, auctore Festo. SER. id est, *Servius*, à Ser-
vo, quod qui primus id prænomen tulit in servitute
natus esset. SEX. id est, *Sextus*, ab ordine nascendi. Et
hæc de 18. prænominibus, quæ maxime sunt in usu.
Sunt alia in veteri historia, aliquoties obvia, ut *Anchus*,
Arvus, *Lar*, *Hofius*, &c.

DE NOMINE.

Nomen dicimus, quod perpetuum est in aliqua gente, & Præ-
nomen statim sequitur. Responder Patronymicis Græcorum,
notante Prisciano, *lib. 2.* Et ut illi *Æscidas* ab *Æaco*, *Theſidas*, a
Theſeo; sic Romani *Julios* ab *Iulo*: *Antonios* ab Antonio dixerunt.
Itaque res digna nota, exceptis admodum paucis, omnia nomina
gentilicia apud Romanos in jus definire. Pauca quæ excipio sunt,
Peduceus, *Peppæus*, & fortassis *Norbanus*, quanquam verius sit
huius familiam ignorari, quam ut Norbanus fuerit nomen. No-
mina omnia gentilicia ducta vel ab hominibus, vel ab animantibus,
vel à locis, vel ab eventu.

DE COGNOMINE.

Cognomen est, quod familiarum discernendarum causa tertio loco post nomen ponitur, id repperit a variis causis, quas omitto. Hoc noto, cognomina hæreditaria fuisse, sed ita, ut mutari à posteris, & nova sumi fas fuerit. Noto hoc amplius, præter cognomen, & tribum solere addi semper auferendi casu, ut C. Verres Romulea; & Servius, Sulpitius Lemonia.

CAP. II.

De Libertorum & Servorum nominibus.

QUÆ dixi, pertinet ad ingenuos, addam de servis & libertis. Servi antiquitus non à suo nomine, sed Prænordine domini vocabantur; ut Lucipor, Publipor, Marcipor, id est, Lütii Puer, Publii puer, Marci puer. Quintilian l. 1. & Plin. lib. 33. c. 1. Exolevit ille mos & obtinuit, ut uno saltem nomine, seu Græco seu Latino vocarentur. Et plerumque à patria, ut Davus, Syrus, Geta, iidem manumissi, in nomina Domini veniebant, cognomine excepto; loco cognominis vetus suum nomen retinebant; ut Marcus, Tullius, Tyro, Ciceronis libertus. Marcus Lucius Antonius. Quod idem socii & extranei servabant, ut cujus beneficio in civitatem Romanam venissent, nomen ejus ferrent, & prænomen, & apud Ciceronem exempla, & historicos obvia.

CAP. III.

De nominibus faminarum.

Vetustis temporibus & fœminas prænominâ frequentasse, author est Varro, unde Caja, Cecilia, Lucia, Volumina. Progressu temporis constat non usas, sed tantum gentis nomine, vel integro, vel molliter inflexo appellatas, nec cognomen usurparunt, sed discriminis causâ, ubi duæ sorores essent, servatum, ut altera Major diceretur, altera Minor. Ubi plures, Prima, Secunda, Tertia, Quarta, Quinta. Vel per diminutionem Secundilla, Quartilla, Quintilla.

CAP.

CAP. IV.

De Nomine adoptivorum.

NEC aliud in nomenclatura Romana intricatum, præter adoptionem, per quam qui alterius familie fiebant, in omnia nomina transibant adoptantis, in Prænomen, Nomen & Cognomen; tantum ut priscum genus testarentur. In fine cognomen addebant, aut nomen; si cognomen, integrum servabant; si nomen; mutatum & inflexum. Exemplum servati cognominis, Marco Junio Bruto, quem adoptavit Q. Servilius, Cepio, Agalo: dictus igitur post adoptionem, C. Servilius, Cepio, Agalo, Brutus. Exemplum inflexi nominis, in C. Octavio, qui quoad adoptionem dictus C. Julius Cæsar Octavianus.

Finis Tractatus IV. de Nominibus Romanorum.

JUSTI LIPSIJ

De Ritu Conviviorum apud Romanos.

TRACTATUS V.

Convivendi mos apud Romanos, ut illustretur, tria sunt dicenda, Tempus, Locus, Modus. Ad tempus **TEMPUS** pertinet, quoties sumpserint cibum, & quando.

Antiqui, si Festo credimus, ter sumpsisse cibum in die videntur; unde jentaculum sive prandiculum, cibus qui mane; prandium sive merenda, qui medio die; coena sive Vespertina, qui sub Vesperam capiebatur. Si Nonio Marcello, quater, qui merendam a prandio distinguit, & post meridiem collocat. Sed equidem nomina potius ista usitata Romanis crediderim, præsertim Comædiis Palliaris, quam rem ipsam. Bis enim tantum sumpsisse cibum videntur, prandio videlicet & coeno. Excipio pueros, & si qui erant dissoluti luxus: quanquam & prandia ipsa modica erant, & semper solitaria sine convivis. Salustius, ad C. Cæsarem de Repub. ordinanda. *Oratione*, id est, *asperis verbis*, notat eos; quibus *his die*, inquit, *ventrem onerare, nullam noctem sine scorto quiescere mos erat*. Et Suetonius, in *Vitellio*, cap. 53. tanquam rem summx luxuriæ observat, quod epulas trifariam semper, interdum quadrifariam dispartiebat, in jentacula, prandia & coenâs, commellationesque. Sed ne Celsus *lib. 1. cap. 3.* quidem prandium ut ordinarium agnoscit, & tenæ id fuisse indicat his verbis. *Hyeme*, inquit *si quis prandet, utilius est exiguum aliquid, & siccum sine carne, sive potione sumere: Estate vero & potione & cibo corpus sapius eget*. Ideo prandere quoque commodum est. Coena igitur præcipua convivii pars, cujus hora eadem fere quæ moribus nostris merendæ, scilicet hora nona. Cic. Epist. ult. lib. 4. ad Famil. *Accubueram*, inquit, *hora nona, cum ad te exemplum harum literarum, &c.*

Martial.

Imperat exstructos frangere nona choros.

A quâ

Aqua hora cenæ, dictam putant Grammatici annonam, res edulis accommodatas ad nonam horam. Quamquam homines frugales sæpe expectabant occasum solis: contra, homines voluptuarii, horam nonam præcipiebant: ut illa apud Juvenalem, *Exul ab ætate Marsus bibis*. Quæ convivia festinata, nisi fallor, antiqui temporis dixerunt, tanquam nimium temporis inibi, & in visio ponebant, ut Cicero, *pro Muræn. pro Arch. lib. 4. Ad Attic. & Seneca, libr. 2. de tranq. cap. 28*. Sicut intempestiva illa, quæ protrahantur in multam noctem, aut usque ad diem vel lucem. Hæc de tempore. **LOCUS.** in quo convivabant, triclinium dictus, scilicet à numero lectorum, qui circa mensam vulgo sternebantur, etiam biclinium apud Plautum est, & ἑκαλίνορ in Athenæo, & Martiali legimus. *Et testitudinem mensæ quæter ἑκαλίνορ*. *Ingenuit citro non satis esse suo*. Ubi tale ἑκαλίνορ pro mensis ipsis positum videtur, ut triclinia apud Plinium, *lib. 34. cap. 2. & 3*. Pro triclinio posterior ætas coepit usurpare Sigma, cujus forma videtur fuisse σμακώλα, aut lunatæ testudinis Martialis.

Accipe lunata scriptum testudine sigma:

Et alibi.

— *Septem sigma capit, sex sumus; adde lupum.*

Lampridius, in Heliogab. *Sigma de croco stravit cum summas viros invitasset ad prandium*. Sydonius.

Mos erat his Dominis hybernum sigma locare.

Erat Brodæus *lib. 3. Miscel. cap. 4* qui mensam ipsam eo nomine dictam censet. Sed & locus in quo cenabant, Dieta dictus est, διατάουαι, id est, vivo five versor; vel ut Varro vult, quod in ea per diem edatur. Sueton. in Claudio, *cap. 10*. & Jurisconsulti sæpe, ut L. 43. de legat. L. penult. de donat inter vir. & uxor. Plinius in Epistolis, Lampridius. Teram vel Zeteculam appellant, pro Dieta, more Græco scil. apud quos Dores (pro δια usurpant, ut διαβάλλω pro διαβάλλω. Nec plura de loco: transeo

MODUS. ad modum. Romani initio sedebant ad mensam. Servius ad illud Virgilii.

Parpetuis soliti Patres considere mensis.

Majores, inquit, nostri sedentes epulabantur, quem modum habuerunt à Laconibus & Cretensibus, ut Varro in libro de vita populi Romani docet: & similia Isidorus l. 20. cap. 2. qui idem apud Græcos antiquitus fuisse, ex variis Homeri locis apparet, & Athenæo lib. 8. cap. 13. Sed paulatim crescentibus deliciis exolevit sessio; & in ejus locum succellit accubitus, non solum apud Græcos & Romanos, sed etiam Afros & Barbaros, discimus ex Livio, lib. 20. de Scipione & Asdrubale, coenantibus apud Syracem. Porro forma accumbendi, representari sic potest. In egenaculo mensa collocabatur rotunda, magni-

manitudine circiter quatuor pedum, raro amplior: ex *Plinio lib. 17. cap. 15.* circa eam tres lecti, auleis, purpure aut alia veste strati lecti, pro opibus cuiusque. In eos convivæ recumbebant, soli prole politis calceis, ne lectum conspargerent, quos iterum sumebant stibium. Hinc illa apud *Plinium in Epistol.* *Quam multis, cum lectis aut Commodus introductus est, calceos posuit, ut non minus cum lectis cubant?* *Martialis.*

Depositi se solis, ad fertur protinus ingens

Inter laetucas, oxycarumque liber.

In uno autem lecto terni aut quaterni jacebant. *Hor.*

Sed tribus lectis videas carnare quaternos.

Si plures. Unde idum id habebatur & Plebejum, *Cicero, in Pison.* Nihil apud hunc lautum, nihil elegans. *Græci quini in lectulis stipati.* Ira fiebat, ut ex una communi mensa raro plures quam 2. vescerentur; unde illa *de Atræti* & coena apud *Sueton. in Aug. c. 70.* Imo viri principes aut honestiores in uno lecto soli aut bini accumbebant. Et notat in *Trajanum* quasi novum *Xiphilinus*, quod sepe quartus discumberet, id est, cum tribus aliis in uno lecto. Quod si plures quam 12. convivæ vocarentur, plures mensas & triclinia sterni moris erat, ut apparet ex *Macrobio; lib. 3. Satur. cap. 13.* & ex *Plutarch. in Casare*, qui ait: *Populum Romanum ab eo tricliniorum viginti duobus milibus exceptum.* Modus cubitus hic erat: jacebant reclinata superiore parte corporis in cubito sinistrum, inferiori in longum porrecta & jacente, capite leviter erecto, dorso p[er] villis modice suffulto. Et primus quidem discumberat ad caput lecti, cujus pedes porrigebantur juxta dorsum secundi. Secundus pulvillo interjecto, decumberat ad umbilicum primi, pedes extendebantur ad dorsum tertii, & sic deinceps. Ex hoc decubitu manavit summus locus, medius & imus. quorum frequens mentio apud *Historicos & Poetas.* Dignitatem si querimus, dignissimus inter lectos medius: & e in eodem lecto, loco, item medius: *Inde Virgilius 1. Aeneidos.*

— Auleis jam se regina superbis.

Aurea composuit sponda, medianque locavit.

Seneca lib. 2. de irang. vit. cap. 10. eleganter. Sermone moutis irrifit, aut palam a versatus est, & non in medio me loco, sed imo locavit. Et aliæ hujusmodi notæ. Post hunc honoratissimus locus summus: vilissimus, imus, & hæc quidem accumbendi ratio vulgaris inter omnes fuit. Excipio pueros & servos. Pueri enim ad fulcra lectorum sedentes, vescerantur. *Tacitus de more Britan lib. 13. Ann. Suetonius in Claud. cap. 32. & in Aug. c. 64. Servi in subselliis juxta lectum.* *Plautus in Stichio. Potius in subselliis civium accipiemus, quam in lectis.* Et in *Perfa.* Scis tu me esse imi subsellii verum? *Donatus in vita Terent. Jussus, inquit, Caelio recitare: ad eundem cum venisset, quod erat contemptiore vestitu subsellio*

juxta lectulum residens, legisse dicitur. Post paucos vero versum, invitatus ut accumberet, cenasse una. Seneca, lib. 2. de tranq. vit. cap. 15. Sed & Fœminæ antiquitus verabantur accumbere. Valer. Max. lib. 2. cap. 1. Fœmina, inquit, cum viris cubantibus sedentis convivabant. Quæ consuetudo ex hominum convivio ad Deos penetravit. Isidorus, lib. 20. cap. 1. Qui tamen mos jam ante Ciceronis tempora exolevit, ut apparet ex libro quinto, ad Attic. Epist. 20. Ex Ovidio, Propertio & Poëtis. Postremo etiam, viri in luctu aut militia abstinebant accumbere, Plutarchus in Cato. Uticens. observat, illum post bellum civile, nunquam nisi sedentem cenasse. Et Spartianus in Hadrian. author est, illum triclinia omnia abstulisse e castris. Etiam Cæsar, lib. 3. de bel. civil. luxuriæ notam interpretatur quod in castris Pompei triclinia strata reperisset. Hæc de accubitu Romanorum. Addo corolari loco, eundem accumbendi morem in Judæa fuisse, Christi temporibus. Apparet clare ex Joanne, cap. 13. scribentis, recubuisse se in sinu JESU. Et Lucæ, c. 7. de muliere peccatrice, quæ stans a tergo lavit pedes Christi. Et ejusdem c. 22. 18. canaculum stratum nominatur, quod de lectu capiendum. Docent & verba ipsa, quibus in re conviviali perpetuo utuntur Evangelistæ, τὸ ἀνακεισθαι, καὶ τὸ ἀνακλιναι.

Finis Tractatus de Ritu Conviviorum apud Romanos.

JUSTI LIPSII

De Censura & Censu.

TRACTATUS VI.

Censum Censionemve distinguo proprie à Censurà. Censum enumerationem populi, æstimationem facultatum continet; Censura ad iudicium & animadversionem in mores etiam pertinet. Census id fere est, quod Græcis ἐμμετρίη dicitur. Censura, quod τιμωρία. Ille sub regibus Consulibusque aliquandiu fuit; hæc cœpit Romæ Ann. Urb. demum 311. De utriusque origine & modo ordine videbo. Census à Servio Tullio institutus, anno regni sui 12. utilissimo invento, cujus tamen gloria penes Solonem, qui Athenis discriminandi populi causa quatuor classes fecit, sive, ut Plutarchus & Aristoteles appellant, τιμωματα, in quibus cives omnes præ opibus divitiisque ordine censerentur. De quibus Plutarchum omnino vide, in Solone. Id exemplum non dubie secutus Romanus Rex; numerum tamen classium auxit; sive quia major populi multitudo, sive discriminis subtilioris causa, & ut cuiusque opes magis distincte apparerent. Fecit classes sex, ut Dionysius & vulgus numerant, et si Tubero apud Angellium. l. 10. c. 28. quinque tantum recenscat, nulla ratione habita ultimæ classis; quam & Livius Centuriam tantum appellare videtur. His classibus non tantum comprehendi, qui arma ferre possent, recte apud Livium Fabius Pictor notavit, apparetque ex classium descriptione ipsa, in qua semper mentio telorum & armorum.

Classium Typus memoria causa hic esto.

Prima classis, quib. in Censu centum millia aeris, aut supra, i. pecuniae nostratis.

circiter coronati mille.	{	Arma iis omnia	{	Galea.
		ex aere		Clypeus.
				Ocrea.
				Lorica.
	{	Tela	{	Hasta.
		Gladus.		

► Distributa haec classis in Centurias 80. Quadraginta seniorum, totidem juniorum. Juniores intellige ex Tuberonis sententia ab anno 17. ad annum 45. supra Seniores. Adjicit haec Classi Livius centurias duas. Fabrorum, sine armis; qui machinas bellicas (ex autem prisca è ligno) gestant, fabricarenturque, a quo ritu in militia Romana semper Praefecti fabrorum. Dionysius paulo diversus, centurias eas secundae classis adscribit; ira tamen ut ad primam Classis usum essent. Seniorum una; Juniorum altera.

Secunda Classis, quibus in Censu. 75. millia aeris aut supra, usque ad 100000. id est, nostratis pecuniae, coronati septingenti 50.

Arma his	{	Galea.	{	Tela.	{	Hasta.
		Scutum.		Gladus.		
		Ocrea.				

Quod Livius ait, *Scutum pro Clypeo imperatum*, videtur, pugnae cum eodem scriptore lib. 8. ubi clypeos Romanis attribuit post reges exactos. *Clypeus*, inquit, *antea Romanis usi, deinde, postquam facti sunt stipendiarii, scuta pro clypeis fuerunt.* Sed hoc qui cum necesse est de prima classe, quae sola clypeos habuit Servi instituto, & posuit postquam stipendia militi è publico data. Ant. Urb. 347.

Distributa in Centurias 20. Decem Seniorum, totidem Juniorum.

Tertia Classis quib. in Censum 50000. aeris, nostra pecunia coro- nati 500.	{	Arma	{	Galea.
		Tela.		Scutum.
				Hasta.
				Gladus.

Distributa in Centurias 20. eodem discrimine, quo prior.

Quarta Classis quibus in Censu 25000 æris, nostra pecunia coron. 250.

Arma. } Scutum.
Tela. } Gladius.
Verutum.

Distributa in Centurias 20. Seniorum, Juniorumque.

Quinta Classis quibus in Censu 10000. ær. nostræ pecun. coron. 110.

Arma iis nulla. Ideoque velati dicti. vide Festum.

Tela, Funda, & Lapides, ut Livius ait. Vel ut Dionysius *ἡρώδης*. Distributa in Centurias 30. Seniorum Juniorumque. Hic autem Classi Livius accenset 3. Centurias; Cornicinum, Tubicinum (male in Livio Tibicinum) Accensurum. Dionysius contra in quartam rejicit, Centuriasque tantum facit duas, ut opinor, recte. Itaque in Livio corrigendum.

Sexta, non Classis re vera sed Centuria tantum fuit. In ea centi omnes quibus infra 1000. æris, cum discrimine tamen aliquo, ut quibus 1500. aut supra æris esset, id est, 15. coronati, Proletarii dicerentur, quibus infra. Capite centi, Hi à Tribunis & milita diu immunes. Vide Agellium, *lib. 16. cap. 10.* Hæc classium divisio, ac telorum armorumque quod ad pedites quidem attinet, nam ad primam classem adiecti etiam equites, quorum Centuriæ 18. iis dena millia æris data, id est, 100. coronati, Livius ad equos emendos scribit, nec satis definit in Centuriæne, an in equites singulos, Eiusdem hæsitantiæ quod in eodem sequitur, viduas iis esse attributas, quæ bina millia æris in sinu singulos penderent, Varro *lib. 7. de ling. lat. sub extr.* certe equum publicum mille assium fuisse clare indicat, non bis mille. Ista ad Livii mentem (nam Dionysius ab eo in summa pecuniaria leviter dissentit, itemque Plinius *lib. 13. cap. 3.* & Agellius *lib. 7. cap. 13.*) de classibus sint dicta, quarum institutio magnæ prudentiæ, magni usus in Rep. fuit. Primum ad tributa, quia ut noster Livius ait, hac ratione à pauperibus onera in dires inclinara, quod facile intellectus. Cum enim essent in universum Centuriæ 193. ex iis prima classis quæ divitum erat, 98. habebat. Itaque tributo imperato, & æqualiter in centurias diviso, plus quam media tributi pars, à prima sola penderatur. Reliquæ enim omnes classes Centurias tantum habebant 95. & à Centuriis ipsis capita plura. Alter classium usus ad Censuram,

id est, ad summam Rempub. fuit, ad leges ferendas, ad bella ad pacem, ad Magistratum creandum, &c. Ita ut vis omnis (ut ait Livius) penes primores civitatis esset, Cum enim suffragia non viritim, sed per Centurias numerarentur, vinceret autem Centuriarum numero sola prima classis omnes reliquas; clarum, penes illam summam Reipub. fuisse, plebe callide & festim ab administratione exclusa. Classibus ergo, Centuriisque ita distributis, ne quis extra eas dolo malo remaneret, legem tulit de Incensis: uti quicumque civis Romanus nomen opesque suas ex fide non retulisset, ipse & bona ejus publice varentur, quod etiam, præter Dionysium Zonaras observavit, solum pæna, sed etiam religione Censum sanxit firmavitque. Instituit enim ut post Censionem certo die, in suis quisque classibus Centuriisque cives omnes ornati instructique in campo Martio adessent. In campo Martio dico: semper enim lustrum conditum ibi, et Censui ipse interdum in foro habitus, vel in villa publica plerumque. Ibi solenni sacro, triplicique victima (suem, ovem, taurum fuisse convenit, unde *Suovetaurilia* vel *Solitaurilia* dicta) exercitum lustrabat, cum precatonis carmine, *Ut, Di. P. R. res meliores amplioresque facerent*. Etsi ea verba vecunde postea P. Scipio Africanus Censor immutavit. Valerius *lib. 4. cap. 1.* Deæ Lunæ id sacrum factum, quam purgationibus expiationibusque præfectam ex eo suspicor, quod Servius Tullius Rex, primus templum huic Deæ condidit, uti apud Tacitum *lib. 15. Ann.* ego quidem lego: nam vulgo ibi Lunæ, male, ut doceo in loco. Is in censendo finis, & a luendo ait Lustrum Varro appellatum. Nam Livii certe locus in etymo parum integer sanusque. Quod pro quinquennali deinde spacio usurpatum, quia in mutatione hominum facultatumque, opus iterata Censione sæpius fuit: institutumque ab eodem Rege, ut in quinquennali singulo Censui repeteretur, atque ita ipse deinceps quater lustrum condidit, auctore Valerio *lib. 3. cap. 3.* Habes rationem quæ sub Servio, regibusque & Consulibus fuit (ii enim Censum egerunt loco Regum) donec propriis huic rei inventus Magistratus, quem & utilitas suasit & necessitas; quia populus, ait Livius, *lib. 4.* per multos annos incensus fuerat, nec Consulibus, cum tot bella imminerent, operæ pretium erat id negotium agere. Ita creati Censores Anno urb. 311 sic dicti, quod ad eorum Censionem, id est, arbitrium populus censeretur. Varro *lib. 4. de ling. Lat.* Neque enim primo morum disciplinæque regimen iis, ut opinor, datum, sed tantum censendi populi jus, uti sub regibus factum. Paulatim dignitas accrevit, & censura animadversioque in mores iis permixta, ætæ Reip. bono. De tempore tamen tantæ rei nihil acceptum, nisi quod statim à creatis Censoribus id obtinuisse facile colligas et

Camilli & Posthumii Censura apud Valerium *lib. 2. cap. 9.* quæ incidit in Ann. urb. 350. Munera Censurum præcipua quatuor. *Populi censio, Animadversio, Væstigialium locatio, Templorum, lecorumque publicorum tutio.* Censio eadem quæ sub regibus deque forma ejus, & solennibus verbis Censurum aliquid Varro *lib. 5. de ling. lat.* Animadversio, nota dicta proprie, quam inurebant jurati Censores, cujus quæ vis fuerit, ex Cicerone *lib. 4. de Rep.* colligas. *Censoris judicium*, inquit, *nihil fere damnato adfert, nisi roborem.* Itaque omnis illa judicatio versatur tantummodo in nomine. Animadversio illa ignominia dicta est, quod tamen capies *ἡ τὸ πλεόνον.* Nam multam etiam interdum imposuere Censores, uti Coelibatus, ut apud Valerium *lib. 2. cap. 9.* & apud Festum *in uxorium ar.* Animadversio hæc in tres ordines, triplex. Cuique enim ordini adimebant quod ei summum esset: Senatori curiam: Equiti, equum publicum, Plebejo suffragium. Id factum hac ratione. Censores numero & facultatibus populi cognitio, in Curuli sella sedentes Senatum primo legebant; in ea lectione, palam omnium, tam veterum quam novorum Senatorum nomina, a Scriba recitabantur. Cujus nomen primo recitabat, magno id honori habitum, dictusque eo lustro *Princeps Senatus*: cujus nomen omissum, Ignominie isque motus Senatu intelligebatur. Neque enim aliud, de qua agimus, Motio quam Præteritio & nota quedam tacita Censoris, quæ tamen per id lustrum Senatorum omni munere & dignitate Senatoria privabat. Paulo aliter in Equitibus obtinuit, qui singuli citati ad Censores, equum manu sua tenentes, accedebant: uti ex Plutarchi Pompejo, Suetonii Augusto, *cap. 28.* & Claudii nummis discimus: arque ibi, si omnia recta, traducere equum Censor jubebat; sin quid commissum, equum adimebat, id est, mille asses, ad equum alendum è publico attributos, itemque anulum aureum, & insignia ordinis equestris. At Plebeium noxæ alicujus compertum, aut tribu movebant, aut inter ærarios referebant, sive in Ceritum tabulas, id est, jure suffragii ferendi, & honore omnium civium privabant, oneribus tantum relictis. Tributum enim & æra ex censu nihilominus dabant, tanquam cives. Quo jure & Cerites olim erant, ex Agellio *l. 13. c. 23.* hæc discrimina plerumque interdum enim si culpa gravior, pluribus notis aliquis affectus reperietur: puta, ut Senator præteritus sit, & tribu etiam motus, item equis equo privatus, & in ærarios relatus, quod ex Livio Valerioque facile observabit non incuriosus lector. Causæ notarum, Coelibatus, orbitas, perjurium, æs alienum, infames libidines, aliaque probra, quæ suis legibus non vindicabantur. Vide Suetonium *in Clau. cap. 16.* Superest de væstigialium locatione, & cura templorum lecorumque publicorum, quæ munera satis clara, & passim de iis apud

apud Livium; de creatione Censurum, & Ciceronem in Verri-
nis, & secundo de legibus, aliosque. Censurum autem imperium
primum quinquennale fuit, sed decennio post, quia nimia potestas
ea visa, lege Mamertii, Enlii Dictatoris annua, & semestris
facta est: quod postea servatum. Mansere in Republica Censores
ad tempora Imperatorum, qui intermiserunt, aut ipsi munera
Censurum, ut libitum, obierunt. Tentavit reducere Decius Im-
perator; ut Author Trebellius Pollio, in *Valer.* frustra, nec post-
eum amplius Censurum in Republica nomen aut honos.

Finis Tractatus de Censura & Censu.

JUSTI

JUSTI LIPSI

De Anno, deque ejus diversitate : item
Ratione intercalandi,

Ad histor.
Num. Pom.
Liv. l. 1.
Dec. 1.

TRACTATUS. VII.

A Nnum varie derivant Grammatici. Sextus Pompeius à voce *γύν* & deduci vult. Athenæus capit à circuitu temporis, quia præcis annus *Circum* significat. Quidam ab annovando, quod suo itū redituque cuncta novet, Verior Varronis opinio, qui annum quasi circulum dictum vult, quia, inquit, ut parvi circuli annuli sic magni dicebantur anni. Et bene Varro. Antiquitus enim unico N fuit scriptum *annus* & *anulus*, significavitque etiam eam partem, qua sedemus, & quam honeste filemus, ut Græce *ἀντὸς τοῦ σιῶτος*. Allusit ad id etymon Virg.

Atque in se sua per vestigia labitur annus.

Sunt Ægyptiorum Hieroglyphica, qui annum Draconi caudam suam mordenti assimilant. Annus autem duplex; *Naturalis*, & *Civilis*. *Naturalem* dicimus, cujus initium ad cursum Solis congruit, duodecim signa peragrans. *Civilem*, quem aliæ gentes alium atque alium constituerunt, quædam ultra Solarem cursum, multæ citra. *Naturalis annus*, unus est & uniformis & æternum sibi constans. *Civilis*, pro-instituentium arbitrio varius fuit. Apud Ægyptios initio menstruus annus fuit, & unius mensis; ut Plutarcho in *Numa*, & Plinio lib. 7. cap. 48. placet: aut ut Censorino, bimestris: postea quadrimestris, ut Solinus author, cap. 3. Denique Solaris die-rum 365. quem *κνινὸν* sive canicularem vocabant, quia initium ejus mensis est *Chanus* quo caniculæ sydus exoritur. Apud Arcades annus trimestris, juxta quatuor temporum vices. Apud Caras & Arcanates Semestris. Apud Hebræos mensium duodecim, ad Lunæ cursum, fallunturque profani homines, qui spacia longioris vitæ in sacra historia tradita referunt ad Ægyptiacos annos. In Italia apud Alaros annus decimestris. Apud Labinos mensium tredecim, quoniam constabat dies ter centum septuaginta quatuor. Nec anni solum diversi; sed & anni initia fuerunt, de quibus elegans Symplicii locus, in 5. Phys. *Non natura*, inquit, *sed*

sed positione principia sunt, quæ facimus anni principia. A solstitio æstivo, ut Athenienses. Ab æquinoctio Autumnali, ut qui nunc vocatam Asiam tenent. Vel ab Hyberno solstitio, ut Romani: vel ab Æquinoctio verno, quemadmodum Arabes & Damasceni. Hæc sere consensu traduntur. At de Romanorum annis, deque horum principio, non levis controversia est. Alii decimestres eos volunt; argumento originis, exemplo ab Albanis argumento item nominis, quia ultimus mensis December, quasi de imus dictus; Januarium enim & Februarium posterius adjectos. In hac sententia Livius, Varro, Ovidius, Censorinus & pleraque turba scriptorum. Nec prorsus abhorret à vero, quoniam & Græci plerique decera mensium annum habuerunt, ut Æoles, de quibus apud Aufonium illud ænigmaticum, in Epist. ad Theonem.

Aut Ver, aut Æolii, menses tenet ignicomus Sol.

Necalium Homericum annum fuisse ut veteres Grammatici volunt, aut illud Neptuni, Nympham a se compressam aloquentis. *Odys. A.*

Χαίρε γύναι φίλοτάτη πειλαιάνη δ' ἐνίαυτος

Τέξεις ἄγλαα τέκνα——

Alii contra ab initio jam inde duodecem mensium annum Romanum faciunt: nec movent eos argumentum ab Albanis aut Decembri: quia Albanos censent, uti oriundos ab Asiaticis; duodecem menses habuisse, & Decembrem ideo sic dictum, quia decimus ordine. Primus enim Maximus fuit in honorem Creti prioris, decimo loco December, post Januarius & Februarius. Nec menses illos adjectos à Numa volunt, sed tantum consulum ordinem anni digestum collectumque. Tamen de ordine mensium qui nunc obtinet, iterum certamen est. Sunt qui Numæ id tribuant, qui januarium ab agmine ad principia reduxerit, in honorem prisici Latinorum regis Jani. Sunt qui Tarquinio prisco: ut, Junius, Gracchanus. Alii Decemviris, ut Ovidius, 2 Fast.

Postmodò creduntur spatio distantia longo

Tempora bis quini continuasse viri.

Quidam Consulibus primis, inter quos Plutarchus, quasi Januarius primus factus mensis, honoris & omnis causa; quia tunc Consules primi creati restituta libertas. Ab eo ipse; quanquam in re ambigua, in sententiam Ovidij, aut certe Junii Gracchanii. Nam de Numa, ne credam, facit mensis intercalaris, quem rejicit in Februarium quasi ultimum anni; (ut dicam) Et Plutarchum erroris aperti damnat refugii dies, qui omnium consensu vel in sextum Calend. Martias, vel in septimum Calend. Junii incidit. Cæterum quomodo cunque ea res se habuit: & sive duodecim Romuli; sive decem tantum menses (cujus sententiæ esse me haud poeniter) illud constar, Romuleum annum, mensesque turbatos fuisse, parum cum Solis &

Lunæ

Lunæ congruentes. Ideo animum huc rei merito advertens Numa, siue suo, siue alieno ingenio doctior, ad Lunæ duodecim menses, ad numerum Græcorum fluctuantem reduxit annum, constituitque eum, ut Plutarchus sensisse videtur, dierum ter centum quinquaginta quatuor: vel ut Censorinus, Solinus & alii, ter centum quinquaginta quinque: præter omnem rationem impari tantum, ut aiunt, numero motus. Ita subventum imperitiæ Romuli: sed tantum in parte, nam cum ille ipse annus Lunaris exorbitaret à Sole, fururumque in progressu esset, ut Hyberni menses in æstatem, æstivi in hyemem incidere; quaeritum huius rei remedium est à Numa, & inventum, Remedium intercalatio fuit: & ea ipsa à Græcis. Nam Græci, cum ex traditione Hiparchi didicissent, solem ambire suum circum diebus ter centum sexaginta quinque: (quadrantis enim, qui redundat, nec à Grecis, nec à Numa habita ratio est: idque notatum ad intercalationem volo) viderunt clare deesse suo anno dies undecim, quos appellarunt *ὑπερβαίνοντες* seu transcendentes, nec tamen aptum visum illis aut decorum, singulis annis dies illos inferere vel appendere: sed mensem potius novum repperunt *ἑμβόλιμον*, quasi initium vel immissorium dictum, quem, diebus illis multiplicatis, ad finem tertii cuiusque anni adiciebant. Ita ut annus tertius mensium esset tredecim; & mensis ultimus *ἑμβόλιμος* dierum triginta trium. Ita enim de Atheniensibus eleganter & clare verus Scholastes tradidit in argumento Orationis Demosthenis, *Contra Abrot.* Idque non paulo verius clariusque, quam quod Solino aliisque scriptum, solitos Græcos intercalare nonaginta dies, octavo quoquo anno Græcos igitur hic secutus Numa est: sed non vestigiis iisdem. Dupliciter enim dissentit. Primum, quod non tertio quoquo anno, sed secundo intercalavit dies viginti duos, ut clare discimus ex Plutarcho. Deinde qui non ad finem prorsus anni, sed adulto Februario intercalavit, inseruitque suum mensem post Terminalia, id est, Februarii viginti tres dies. Nam ne prorsus abiret à Græcis, ultimum anni elegit quidem Numa, sed novo exemplo mensem interrupit & divisit. Ita enim intercalabant Romani, ut inter vigesimum tertium & 24. Februarii diem, mensem interponerent intercalarem: eoque exacto, reliquos quinque Februarii dies adjungerent, retento nomine sui mensis. Credo religione aliqua moti, ut Februarius, qui mensis Lustrationum purgationumque erat, omnino clauderet annum. Eum mensem initium intercalarem posterior ætas dixit: Numa Mercedinum vel Mercidonium. Ea enim lectio Plutarchi est, & firmatur a Festo: quanquam viri docti ambigant, ne Intercidinus in Plutarcho scribendum sit, quasi qui intercidat Februarium mensem, & diffindat. Et hæc è Plutarcho intercalandi ratio satis clara est. Manet tantum ille scrupulus in Livii verbis, quomodo vigesimo demum anno ad metam eandem Solis, unde exorsus essent,

lent, plenis annorum omnium spaciis, dies congruerit; Vigesimo, inquam, anno: Ita enim ex fide omnium librorum scribendum est, & quod in vulgatis legitur, *Vigesimo quarto*, manavit à Sabellici mente. At si dierum tercentum quinquaginta quatuor, Numæ annus; & intercalavit biennio quoque dies 22. manifestum, non vigesimo demum anno; sed biennio quoque parem fieri Solis & Lunæ annum. Intricatus hercle Livii locus: Et quo magis magisque cogito, labor illuc, ut cum Solipo & Censorino censisse Livium putem, quasi Numa constituerit annum tercentum quinquaginta quinque dierum, contra Græcos. Qui tamen idem Numa; cum parum perire undecim dies duplicatos intercalaret; eveniebat, ut ejus annus paulatim Solarem superaret, nona quidem intercalatione octodecim diebus. Itaque remedium à se huic malo petens Numa, vigesimo anno decimam intercalationem omisisse videtur: ut hi anni tanto breviores essent, quanto alii longiores. Atque ita cum quasi confisteret, stareque per biennium Lunaris annus: facile intellectu, quomodo vigesimo demum anno sublata inter Lunarem Solaremque disparitas, ut neuter vinceret aut vinceretur, Excipio tamen duos dies, qui adhuc ad plenum solarem annum desiderabantur: quorum rationem non habuit Numa. Et inde fortasse orti errores in anno & Fastis, quos Julius Cæsar cum studio correxit.

JUSTI LIPSII,

De Anno, deque Anni Interca- latione, declaratio alia.

ANnus apud Romanos triplex, *Romuli*, *Numæ*, *Cæsaris*. *Romuli*, qui annorum peritior quam syderum, neque ad Lunæ, (ut Græci) neque ad solis cursum (ut *Ægyptii*) annum accommodavit, in quo menses decem fuerunt, dies ter centum & quatuor. *Numæ*, qui viri manifesti *Romuli* annum ceteri exir, additis mensibus duobus (Januario & Febuario) quem definivit diebus ter centum quinquaginta quinque: appositæ ad Lunæ cursum, nisi quod exuberat dies unus; nam Luna orbem suum diebus ter centum quinquaginta quatuor absolvit. Id Numam nec sibi sive imperitiâ, sive studio potius numeri imparis creditum est. Ita ad annum *Romuli* priorem unus & quinquaginta dies addidit. Sed cum hic annus Lunaris, ad solis cursum minime convenirent, necessarios ei exemplo Græcorum, introducta est Intercalatio, id est, dierum aliquot interpositio, quibus annus longior fieret, & solis iter æquaret. Intercalabant ex institutione Numæ, Pontifices biennio quoquo, idque alternis, modo 23. diebus, modo 22. ut undecim illas dies & quadrantem, quibus Lunæ cursus à solari vincitur, adæquarent. Quod conveniebat pro parte, cum more Græcorum, qui singulis octennis dies 90. intercalabant: Non tamen cum veritate, quia Numæ diem unum Anno suo remere & sine exemplo addiderat. Ita fiebat, ut octo annis redundarent dies 8. Emendavit hoc postea sive Numæ ipse, sive Pontifices hoc modo, ut tertio quoque octennio, non dies nonaginta, sed tantum sexaginta intercalarent, æque eo compendio redirent quasi in viam Dies illos viginti tres sive viginti duos, vocabant mensē intercalarem, fiebatque omnis intercalatio mense Febuario, post diem vigesimum tertium, id est, post Terminalia. Sed cum ne sic quidem confusio vitaretur,

vitaretur, vel fraude Pontificum (qui ut Publicanis gratificarentur, dies addebant & eximebant vel interdum omnis intercalario, aut per religionem, aut per incuriam omitteretur. C. Cæsar Pontifex Maximus, tertio Cons. curam suscepit anni corrigendi. Ilque adhibito in consilium Sosigenes Aegyptio, astrorum perito, primum omniura ex Lunari solarum annum tecit, diebus decem ad Numæ annum additis: ita ut annus Julianus dies haberet ter centum sexaginta quinque. Non tamen intercalatio prorsus sublata, sed imminuta. Nam cum solus cursus consisteret diebus ter centum sexaginta quinque, & quadrante, id est, horis semis, fiebat ut quarto quoque anno, dies unus redundaret, quem (ne paulatim constitutionem anni iterum turbaret) placuit Cæsari, quarto quoque anno intercalari, mensis Februarii die vicesimo quarto: idque Bisextum vocarunt, quia bis numeramus sexto Calend. Martias. Dies decem, quos Cæsar addidit in menses septem sic distribuit, ut Januario, Sextili Decembri duos dies adjungeret: Aprili, Junio, Septembri, Novembri singulos. Cætera satis clara ex Suetonio ipso in Julio capit. 40.

F I N I S.

*Libri novi quos apud Abel. Swalle & T. Childe
venales prostant.*

Rohaulti Tractatus Physicus cum Animadversionibus A. le Grand.
Cui accessit de Arte Mechanica Tractatus Mathematicus. 8°.

Juvenalis & Persæ Satyræ, cum Notis & Interpretatione, ad usum
Delphini. 8°.

Horatii Opera, cum Notis & Interpret. ad usum Delphini. 8°.

Corn. Nepos, cum Notis & Interpret. ad usum Delphini. 8°.

Pub. Terentii Comœdiæ, cum Notis & Interp. ad usum Delph. 8°.

Sub Prælo.

Cæsaris Commentaria, cum Notis & Interp. ad usum Delph. 8°.

T. Lucretius Carus de Natura Rerum, ad usum Delph. 8°.

Carullus, Tibullus & Propertius, ad usum Delphini. 8°.

Salustii Opera, cum Notis & Interp. ad usum Delphini. 8°.

Eutropii Breviarium Roman. Hist. ad usum Delphini. 8°.

I N D E X

R E R U M & V E R B O R U M.

A.

A ccensi, sive rorarii, qui	45,	Almo fluvi.	311
horum arma	46	Ambitus castrorum quantus	79
Aciei ordo 59. formæ variæ		Ambulatio militaris	92
64. adjuncta	65	Amentare quid, & significationes	
Aclis	121	ejus variæ	121. 122.
Additus quid	132	Amentum	<i>ibid.</i>
Adnumium	261	Amphitheatrum & ejus synonyma	
Ædiles curules quando primum e		127. forma 129, origo 128,	
plebe creati	2	gradus 131, præcinctiones <i>ibid.</i>	
Ædiles aucti 15 eorum officia <i>ib.</i>		aditus viæ	132
Ædiles eburneas habuere sedes <i>ib.</i>		Amphitheatra quibus Dii sacra	
Ædiles quo ætatis anno creati	5		127, 128
Ædilium nomen, origo, & gene-		Amphitheatrum Titi 138, ejus ca-	
ra	17, 18	pacitas, altitudo	129
Æneatores, qui	67	Andabataræ qui	147
Ærarium militare	165	L. Annæi Senecæ domus	295
Æstiva quæ	70	Annalis lex quando lata 3, ea et-	
Ætas Senatoria	7	am in Provinciis	7
Agger quid	78	Annonæ militum	94
Agger 110, ejus materia <i>ibid.</i> alti-		Annonæ vilitas Romæ	217
tudo	<i>ibid.</i>	Antesignani qui	60
Aggeres evertendi ratio	125	Antipagmenta quæ vocata	97
Agmen duplex	88, 89	Apollinis Palatini porticus	302
Agonius mons	261	Aquæ quæ in cura Vestalium	238
Ala quæ in legione 39. quot &		Aquæ ductus 196, eorum multitu-	
qui in ea equites	<i>ibid.</i>	do <i>ibid.</i> Catalogus	315
Albula olim, qui nunc Tiberis	310	Aquæ ductus Claudii	196, 197
Allocutio imperatoris quid	65	Aquæ religiosæ in Urbe	311
Allictina aqua	317	Aquarum Curatores	197
		Aquarum ornamenta in Urbe	311
		A	Aquila

I N D E X.

Aquila in summo, scepro eburneo	
II	
Aquila una in legione, ejus origo, forma, custodia 60, 61, quando in terra defigebatur	<i>ibid.</i>
C. Aquilæ domus	294
Aranearum collectio Romæ	184
Arcuum triumphalium, qui Romæ, descriptio & catalogus 308, & <i>seqq.</i>	
Arena amphitheat.	127
Arena varius ornatus	129
Aries triplex	113
Arietis finis	<i>ibid.</i>
Arietis origo & nomen	112
Arietis remedium	126
Arma duplicia	45
Arma versa quid velint	159
Armilla, sive Phiala	96
Armifalæ	92
Arquites	122
Arx Britannica	92
Ascensum impediencia	123
Asia quantum tributum Romanis pependerit	163
Assensus & dissensus signa in allocatione principis	66
Attici domus	294
Auctorati qui gladiatores dicti	145
Auctoramentum, & auctoratio, quid	<i>ibid.</i>
Augusti profusio in ludos largitiones	172, 175, 176
Aventinus mons	259
Aureis calceis induti Consules	12
Auricoronarii exactio	170
Aurum coronarium quid	169
Auspicialis dies qui appellatus	12
Annus ejusq; diversitas 357, origo Anni initium 358, divisio	<i>ibid.</i>
ratio intercalendi 359, Anni intercalationis declaratio alia	361
Assis	338
B.	
B Albi divitiæ	178
Ballista quid, origo ejus, nomen, vis, usus, forma	114, 115
Ballistarum remedia	128
Balnea	192
Balneorum historia	318
Barritus quid, & ejus origo	68
Batavi equites & pedites	157
Batualia, vulgo Battalia, & batuere, quid	141
Bellum Punicum	209
Beneficarii	79
Bestiis objecti in cruce pendentes	230
Bibliotheca tria significat, ejus origo, & quis primam struxerit	242
Bibliothecæ Ptolomæi & Cleopatæ 242, Græciæ 243, Pergamæna, <i>ibid.</i> Romanæ 244	
Bibliothecæ quare in thermis ponerentur	245
Bibliothecæ, regię propinquæ	246
Bibliothecæ variorum	245
Bibliothecarum imagines	226
Bibliothecarum ornatus	<i>ibid.</i>
Bipennes	121
Bis de milites sumpserunt cibum	95
Bitumen in ascendentes effusum	123
Breves	30
Buccina	67
Buccellatum quid, item bis coctus panis	87
Buccularii qui, & bucculæ	33
Bustuarii gladiatores	128
Byzantini imperii opes	167
Byzantinum vestigal	<i>ibid.</i>
C.	

I N D E X.

C.

Caballinus mons, qui alius Quirinalis 261
 Cæsareæ Cappadociæ frequentia 183
 Cæsaris as alienum 174
 Cæsaris miranda opera in obsidione oppidi Artavacorum 90
 Cæsaris dona in Senatores 175, in milites, *ibid.* in populum *ibid.*
 Calones quarum proprie fuerint 88
 Calvi oratoris & poetæ domus 294
 Camera 133
 Campi in Urbe Roma, suis quique nominibus appellati 289
& seqq.
 Campidoctor 91
 Canaliculæ & earum usus 144
 Cancellarius 24
 Candidatus Principis *ibid.*
 Capitatio quid 164
 Capitolium 185
 Capitolium duplex *ibid.*
 Capitolii capacitas & altitudo 187
 Capitolii descriptio 185, 186
 Capitolinus mons 259
 Capitem multitudo 165
 Captivi in ludum dati 144. *& seqq.*
 Caracallæ infania 180
 Caro porcina distributa 172
 Castra duplicia, æstiva, hiberna 70
 Castrorum partes duæ, supera, infera 71
 Castra quomodo metarentur 89
& seqq.
 Castra scutis munita 80
 Castella quid 110
 Catapulta quid, nomen, origo, ea duplex 113, *& seqq.*

Carapularum remedia 126
 Cateis descriptio 125
 Catervarii pugiles 148
 Cathedra 133
 Cavea quid 125
 Causæ detractandæ militiæ tres 32
 Cellæ in ludis 141
 Censio hastaria 98
 Censor è quibus creatus 8
 Censores unde dicti, & quando creati 27
 Censores quot *ibid.*
 Censorum dignitas & munera 27
 Censu à quo institutus 27
 Censu plebis Rom. incrementum 161
 Centesimario 99
 Centones 126
 Centuria quot in legione 37
 Centuriones unde creati & eorum electio 39
 Centurionum locus 63
 Centurionum triplex ordo, & promotionis ratio 40, 41
 Cervi quid proprie apud Virgilium 108
 Cervi valli, & eorum usus 108
 Cetra qui maxime usi 47
 Character regius qui appellaretur 35
 Chrysargyrum 166
 Cibi militares 95
 Ciceronis domus 294
 Cinctati qui 56
 Cippi quid 109
 Circenses navales unde exhibitæ 173
 Circuitio quid 85
 Circumvallatio quando adhibita 106, ejus vallum 197
 Circus Maximus 298. Flaminius 299. Floralius. Intimus. Neronis, Caracallæ Alex. Severi *ibid.*

A 2 Civium

I N D E X.

Civium Romanorum numerus sub	Copiarum summa	158
Servio Tullio, sub primis Con-	Corbium usus	125
sulibus, &c.	161	
Clamor militaris	68, & <i>seqq.</i>	
Classis Misenensis & Ravennas	Cornua in acie quæ, quot, & qui-	60
157, alia Forojulienfis: & alia	bus constabant militibus	60
item in Ponto	158	
Classēs fluviatiles ubi	<i>ibid.</i>	
Classicum quid	66	
Claudii Imp. liberalitas	177	
Cloacæ à quo structæ & cur.	197	
Cloacæ in Amphitheatro	194, 195	
Cluere antiquis purgare	291	
Cocura seu cocurra	122	
Coelius mons	260	
Coeliolus	<i>ibid.</i>	
Coenacula	185	
Cohors prætoriana quæ	38	
Cohors quid	<i>ibid.</i>	
Cohortes quot in legione	<i>ibid.</i>	
Cohortes vigiliū unde institutæ,	& quare	157
Collis hortulorum in urbe	262	
Colonis; ejus auctor & causa &	utilitas	153
Coloniarum numerus	160	
Colosseum, spectaculi locus	127	
Columnæ	199	
Commodi donum	177	
Conquisitores qui	35	
Consul quo ætatis anno creatus	5, 6	
Consules ordinarii & suffecti	14	
Consules quot in anno	8	
Consules unde dicti 7, quando &	quare creati 8; quamdiu eorum	9
potestas, & quanta	9	
Consulatum insignia	10	
Consulares aliquot ritus	12	
Constantia Romanorum	208	
Contubernii utilitas	72	
Copiarum quid	156	
Copiarum Romanorum Provinciales	156. Urbanæ. <i>ibid.</i> classicæ	157
	Copiarum summa	158
	Corbium usus	125
	Cornua in acie quæ, quot, & qui-	60
	bus constabant militibus	60
	Cornua quæ, & eorum materia	67
	Clamor vis	68
	Corona cingere, quid	102
	Corona civita, obliionalis, mura-	lis, castrentis, navalis, rostrata 97
	Corona templis dedicata, & Capi-	tolio maxime 170
	Coryci, quid	122
	Craffi divitiarum	177
	Craffi mirabilis fossa	91
	Craffi oratoris domus	294
	Crares quid, & earum usus	104
	Crates in ascendentes	124
	Crebrum Egnio quid	75
	Crista, que & apex dicta, quid sit	in galea 53
	Crocus ubi sparsus	135, 297
	Crupellarii & crupellares qui	146
	Crucem damnati ipsi ferebant	224
	Crucis causa	222
	Crucis divisio	220
	Crucis infixio	<i>ib.</i>
	Crucis nomina apud Græcos	219
	Crucis significatio duplex, & no-	mina <i>ibid.</i>
	Crucis supplicium servile	221
	Crux Christi quæ	<i>ibid.</i>
	Crux S. Antonii	<i>ibid.</i>
	Crux ubi usitata	<i>ibid.</i>
	Cunei in Theatris, & eorum usus	132
	Cuneus militum	64
	Curtus contra ascendentes	124
	Cylindri	<i>ibid.</i>
	Censura quid	351
	Census quid 351, origo	<i>ibid.</i>
	Censuum Classes	352, & <i>seqq.</i>
	Cognomen	345
	Convivendi mos 347, tempus	<i>ibid.</i>
	Locus 348. modus	<i>ibid.</i>
		D.

158
125
qui-
60
ia 67
68
102

nura-
a 97
api-
170
122
177
91

D ecimatio	99
Decumæ	163
Decumana porta, quæ, & unde dicta	79
Decurionum numerus	43
Decurio in armis 92, ejus usus	161d
Denarius	339
Deorum dearumque, quorum quarumve templa Romæ fuisse, catalogus	277, usque ad 293
Desertor qui, ejusque pœna	63
Dictatoris origo, nomen, & quando creatus	24, 25
Dictatoris potestas, & insignia 26 imperium ejus semestre	ibid.
Dictator quo anno e plebe creatus	3
Dictator quomodo creatus	25
Dictaturæ nomen e republica sublatum	26
Dies auspicialis	12
Dies aureus qui dictus	173
Digitum tollere	151
Di, quibus Amphitheatra sacra	127
Dilectus militum	30
Dilectus duplex	31
Dilectus externus	36
Dilectus modus	31
Dilectus peditum ex ætate Equitum	33
Dilectus locus	31
Dilectus sub Principibus	36
Diludia	144
Dinacherus	147
Disciplina militaris quid	70
Disciplina Vestalium	236
Discrimen inter virgas & flagellum	223
Distributio Tessere	83
Divorum templa Romæ, quæ olim	

gent lium fuere	277, & segg.
Dolabra	106
Dolia cum lapidibus in ascenden-	
tes sparsa	122
Domus privatæ quales	198
Domum quorundam clarorum	
virorum, qua parte Urbis sita fu-	
erint, catalogus	294, & segg.
Dona Julii Cælaris	174
Donationes Augusti	175
Donorum commoda	97
Draconarii	62
Draconis signa quæ, & eorum q-	
rigo	ibid.
Duces sociorum	42, 43
Duces strenui	297
Duces, vel proprii sunt, vel com-	
munes	89
Ducum stipendia	99
Duplicari qui	ibid.

E.

E ditiores qui	137.
Editiores praeextati	741
Editoris tribunal	131
Elogia Senatus	207
Enni Poëtae domus	295
Equestris aetas	7
Equestris locus in theatris	133
Equitare quid significet	33
Equites Romani qui	202
Equites Romani triplices	203
Equitum duces 42, corpus duplex	
Equitum dilectus	33, <i>ibid.</i>
Equitum excubiae	32
Equitum locus	76
Equitum vexilla	62
Equus publicus quomodo daretur	33
Ergastula	36
Erius militaris	124
Erogationum genera varia	105
Essedarii	147

I N D E X.

Æquilinus mons 260, cur idem	Fiscales gladiatores qui	148	
Suburanus & Excubinus dictus	Fistulæ Amphitheatrales	81	
	261	Flagellatio quando adhibita	224
Evocati qui	135	Flagellati ante crucem	223
Evocatorum locatio	74	Flammula quid	62
Exa	211	Fluviorum Urbis historia	810
Exauctoratio	100	Fodinarum multitudo	100
Excubiæ ante portas	82	Fœnum Græcum contra adscen-	
Excubiæ pro Imperatore	<i>ibid.</i>	sum	189
Excubiæ ubi & a quibus agantur	82, 83	Fontium ornamenta in Urbe	312
Excusatio vitiorum in Romanis	215, 216	Forerius	89
Excusatio luxus	217	Forfex; quæ & forceps	65
Excusatio sevitiz	216	Forma Amphitheatri	129
Exemplum fortitudinis L. Sicinii,		Forma Prætorii	73
item Cass. Scavæ 266, & alio-		Fora Urbis & eorum nomina	272
rum exempla	<i>ibid.</i> 207	Forum Augusti	191, 273
Exercitia militaria triplicia	87	Forum Græcorum, & Romanorum	189
Extar quid	298	Forum Julium	190

F.

F abri in castris necessarii	91	Fossæ	78, 108
Faces	120	Fraus Sulpicii Galbæ	210
Faces ex qua materia & in quem		Frequentia Romæ	183, & <i>seqq.</i>
usum	124	Frumentatio vetus Romæ	171,
Factiones aurigantium in circo	301	gratuita, quibus & quot daretur	<i>ibid.</i>
Fæmina & quidem nuda, in are-		Frumenti distributio mensura	<i>ibid.</i>
na	145	Frumentum pedites accipiebant	94
Falces murales	126	Frumentum unde coactum, etiam	
Fallaricæ quid	125	equitibus datum, item sociis	95
Falsa virtus jactata, morte punita	98	Funda quæ in ballista	116
Familia gladiatorum	142	Fundæ origo, materies, forma	118,
Falces	10	eadem missi lapides, glandes,	
Falces per menses utrique Consuli		ejus vis, <i>ibid.</i> variz earum spe-	
præferebantur	14	cies	119
Falces quot	<i>ibid.</i>	Furca	228
Ferentarii qui	45	Furca & patibulum	<i>ibid.</i>
Ferrum rasum in ascendentes		Furcæ forma	<i>ibid.</i>
sparsum	123	Furcarum usus contra scalas	127
Fines potentiz Romanæ	161	Furti	

Furti poena
Fustibali origo & fustibalatores

119, 120

Fustis è vite.

99

G.

Galea ærea

53

Galea velutum, ex qua mate-

ria

Galearum forma

47

Genera tria plebis Romanæ

203

Genii templum

189

Gentes adificiendi ratio

160

Gesum sive gasum

178

Giostrum quid

93

Gladiatores sublati

141

Gladiatores ubi dati

143

Gladiatorum historia 137, & segg.

Gladiatorum locus 141, crebritas,

& numerus

140

Gladiatorum munera 139, eaque

expressa

140

Gladiatorum conditio 144, cognomen-
ta 148, vestes & ornamenta

ibid. præmia

152

Gladius ad dextram latus alliga-
tus ferebatur, ejus longitudo,

& forma

51

Globus in summa hasta in signum

ferebatur

62

Globus militum densus, & testudo

in subita oppugnatione

78

Globus quid

65

Gnomam quid vocet Suidas

73

Gradus quid

131

Gradus lapidei

ibid.

Guls Apicii

213

H.

Habet, hoc habet, quando dictum

151

Habitus edentium, spectantium

munera 141, sacrificantium

Vestalium

238

Haggones

121

Hallebarda

ibid.

Hasta jaculatoria

120

Hasta quibus donaretur

96

Hastæ materia & forma

46

Hastæ veterum equitum quales

erant, quas duplici de causa tre-

mulas & graciles habebant

57

Hastati qui

37, 120

Heliogabali perdita profusio in

ludos 173, vanitas circa ara-

neas 184, luxuria

ibid.

Hercules præses Athletarum

153

Homeri vaticinium

218

Honorarii ludi

139

Honoratus & honorarium

16

Honor duplex, divinus & huma-

nus

1

Honor Vestalium

238

Hoplomachi

147

Hordeum pro tritico in poenara

datum

99, 142

Hortensii crudelitas

211

ejusdem domus

294

I.

Iacula duplicia

120

Jaculum ferratum

ibid.

Janiculum

262

Ignis quoque apud virgiles

87

Ignis in oppugnantes

124

Ignis ubi locorum præcipue cul-

tus

241

Ignominia qualis poena

99

A 4

Ima-

I N D E X.

Imagines cruci affixæ	231
Imagines in signis	68
Imaginarii vel imaginiferi qui	62
Immunes qui	79
Impendia duplicia	170
Impendia in milites, in Magistra-	
tratus, & in populum	<i>ibid.</i>
Impensæ in ludos	171
Imperatorii locus quare in media	
acie	63
Imperator quis, & illius auspicia	
44, ejus insignia	<i>ibid.</i>
Impictas L. Pauli	121
In acie quatuor considerata	60
Incrustatio quid	199
Insignia consulum quare & unde	
inventa	10
Interrex	29
Jovis ulteris porticus	302
Itinerarium sonare, quid significet	89
Jubæ in Galea quid & earum usus	53
Julij Cæsaris profusio in ludos	172
largitiones	174
Jumentorum usus in castris	88
Juramentum Consulis	173
Jus Imperatoris & legatorum in	
poenis	98
Justitiæ exempla	204
Justitia Romanorum in bello su-	
scipiendo	<i>ibid.</i>
Jus tribunorum in castigando mi-	
lite	98

K.

Kalendæ Januarii initium Con-	
sulatus, Comitatus, & Senatus	12

L.

L Abarum quid	62
Lacunaria versatilia	199
Lacus quid	198
Lancea & lanceare quid	120
Lanistæ unde dicti	142
Laquearii	147
Laquei	126
Largeitiones Principum Rom.	174
Latifundia Domitii	178
Laverulum	30
Laurus in fascibus	11
Legati qui, & quare instituti	43,
eorum munus & numerus	<i>ibid.</i>
genus sub Principibus duplex	<i>ibid.</i>
Legatorum in acie locus	61
Legatorum pedatura	73
Leges quid	93
Legio unde dicta, & ejus partes	38
Legiones auctæ sub Augusto	156
Legionis signum, Aquila	61
Lex annalis sive annaria, & varia	
ejus nomina, unde & quando	3, 4
lata	216
Lex Augusti cibaria	<i>ibid.</i>
Lex Fannia	<i>ibid.</i>
Lex Licinia	<i>ibid.</i>
Lex Syllæ	<i>ibid.</i>
Libelli pro tessera militari	83
Libelli gladiatorii	84
Liberabtas Claudii	177
Liberi in ludum ducti	143
Lictores	10
Lilia quid	109
Litus quid, & qui licticen	66
Locarii qui	134
Locatio equitum in acie	60
Locatio signorum	<i>ibid.</i>
Locus crucis	231
Locus honoratorum in podio	130
Locus	

I N D E X.

Locus Principis	<i>ibid.</i>	Mare in arena	199
Lorica quid 54, ea duplex	<i>ibid.</i>	Martialis domus	299
Lorica valli, & variae ejus significationes	107	Materia crucis	231
Ludi Augusti, Neronis, & Julii Caesaris	172, 173	Matricula	20
Ludi gladiatorum unde	141, plur.	Medici ludorum	141
res in urbe	142	Meridiani qui	148
Ludi in colonis	<i>ibid.</i>	Metari & metator quid	9
Ludorum praefecti quinam	<i>ibid.</i>	Metatura tribunorum	74
Lupus	126	Metalla	166
Lutetiae populofitas	183	Metellae quid	124
Luxus Caligulae	214	Militia Romana quid, & ejus partes	129
Luxus Cleopatrae	213	Milites circa tribunal	66
Luxus Romanor. in victu	212, 213	Milites cur in superiore parte castrorum collocarentur	78
Luxus vestium, virorum adolescentium, foeminarum	214, 215	Milites quot in urbe	184
		Militum clamor quando & quare	68

M.

M Achina & machiones & eorum origo	101	Militum ordo	63
Machina triplices	<i>ibid.</i>	Ministeria qui curent	81
Machinas ligneas oppugnantium evertentia	124	Ministeria tribunis praestita	<i>ibid.</i>
Magister equitum à dictatore creatur, ejus insignia	26	Missilia profusa in populum	178
Magister unde dictus, & unde Magistratus	1	Missio commoda & ignominiosa	100
Magistratus ordinarius vel extraordinarius, majores vel minores à qualitate	2	Missio honesta & causaria	<i>ibid.</i>
Magistratus quando creati è plebe	2	Missio quid	151
Magistratus cuique qui anni legitimi	4, & seqq.	Mitimaes quid	162
Magnitudo suburbiorum Romae	182	Modus canendi classicum	67
Magnus sumptus in pisces	213	Modus capiendi Vestales, & quis primus	235
Malleoli	124	Modus crucifigendi	223
Magana quid	101	Modus dividendi reseras	83
M. Manili domus	295	Molares in ascendentes	124
Manipulus	37	Montium Romae historia	158
Manubiae triumphales	168		& seqq.
		Mortui in crucem dati	23
		Mortuis militibus theta praefigebatur	30
		Muli Mariani qui dicti	88
		Multi simul cruci affixi,	222
		Mulvius pons	314
		Munus proprie quid	137
		Munerarius & Munerator qui	<i>ibid.</i>
		Munera qui aederint	138
		Munifices qui	79

Muni-

I N D E X.

Munitio castrorum	79
Muri 116, quare in sinus ducti	147
Muri Carthaginis	<i>ibid.</i>
Murus Hierosolymitanus	117
Musculus quid	105
Museum Alexandrinum	246
Myrmillibhes qui	146

N.

Nani in arena	141
Natationis utilitas	91
Navale prælium in Theatro	298
Naves in arena	136
Necati fumo in cruce	236
Neronis ædes 199, Theatrum aureum 172, missilia 173, profusio	177
Nimbus quale vas	297
Nobiles in ludum ducti	144
Nomen	344
Nomina Romanorum	343
Nomina Libertorum 345. Servorum <i>ibid.</i> Feminarum <i>ibid.</i>	
Adoptivorum	346
Nomina prætorum	15
Novus magistratus post exactos reges, e plebe creatus	2
Nudabantur damnati ante crucem & clavis ac funibus astringebantur	224
Numerus balnearum	192
Numerus meretricum in urbe Roma	171
Numerus plebis Romæ, divitum, &c. 182. puerorum, peregrinorum	<i>ibid.</i>
Numidæ desultores quare dicti	38
Numidæ equites valde erant leves	<i>ibid.</i>
Nummus aureus 340. æstimatio ejus	<i>ibid.</i> 341
Nymphæ a quid & quæ in Urbe	329

O.

Obedientia militum exemplum	
Obliqua acies quæ	64
Ocrea quid, & ejus usus	156
Odeum quid 300, in Urbe quod & ubi sita	<i>ibid.</i> ejus forma 301
Oleum in ascendentes effusum	123
Omnia signa cecinerunt initio vigiliarum	183
Opera M. Vipsanii Agrippæ	196
Opera civilia	179
Opera Romanorum temporaria & diuturna	<i>ibid.</i>
Opes Romane	161
Opes Imperii Byzantini	167
Opes Corn. Balbi, Senecæ, Claudii, Belizarii, Lentuli, &c. 178, & seq.	
Oppugnatio subita	149
Opsonium & opsoniasmus	93
Optio, optionatus	43
Orbelas sive Dimachærus	147
Orchestra	333
Ordinarii gladiatores	148
Ordines in Populo Rom.	209
Ordines equestrum	39
Ordines peditum	37
Ordinis divilio	36
Ordo pugne	59
Ordo quid	37
Ordo Senatorius qui	203
Origo Amphitheatrorum	128
Ornamentum & arma gladiatorum	148
Ornatus varius arene	129
Ostentio armorum	149
Ostia in caveis	109
Ovidius domus	295

P.

I N D E X.

P.

	pompa	149
	Pila apud veteres in signa habebantur	62
	Pilarii qui	150
	Pilei quid	135
	Pilum quid, duorum generum, forma eorum, & magnitudo	52
	Pilus & pilani qui dicti	37
	Pittacia	30
	Pix iu ascendentes, effusa, item plumbum, ferrum, rasum, & arena	123
	Plebs Romana	203
	Plebei quando ad magistratum admissi	12
	Plebis Rom. incrementa	161
	Plinii junioris domus	295
	Plutei	105
	Pocula qualia	96
	Podium quid	130
	Podii altitudo	151
	Pœna fustriaria, quales ea putantur	ibid.
	Pollicem promere, convertere, quid	151
	Pœna Vestalium	240
	Pomærium quid, & ejus usus	77
	Pons Caligulae	180
	Pons Trajani in Danubio	198
	Pontes, eorum forma, genera, & usus	112
	Pontium Tiberinorum catalogus	314
	Popanz, placenzæ	57
	Poppei latifundia	178
	Popularia in Theatro	134
	Populi jus in gladiatores, ejus crudelitas	ibid. & seqq.
	Populum transferendi ratio	165
	Porcina caro populo distributa	172
	Portæ, in castris quot	78
	Romæ quot	263
	Porta Libitinentis in Amphitheatro	152
P. Eanes Græcorum duo	69	
Palatia quæ	90	
Palatinus mons in urbe	159	
Palatini qui, & eorum numerus in urbe Roma	184	
Paludamentum quid, ejus forma & color	44	
Panis militaris qualis	95	
Panis gradilis & fiscalis qui dictus	172	
Pantheum	187	
Paramerium quid	51	
Parma quid, & ejus forma	47	
Parmæ materia	57	
Parmularii in arena qui	153	
Patricii olim soli ad magistratum admissi	18	
Pauperes, nec servi, nisi necessitate ad bellum lecti	31	
Pecunia quando in populum sparsa	13	
Pecunia veterum Romanorum, qua materia & quando primum signata 337, 338, ratio supputandi pecuniæ	341	
Pedatura præfectorum sociorum evocatorum	74	
Pedatura quid	72	
Pedatura variorum 74, & seqq.		
Pegmares qui	148	
Pegmata	136	
Pelta quid, & ejus forma	47, 48	
Pennarum color quotuplex	53	
Peditum stipendia	94	
Perfidia Luculli	210	
Per signa juraverunt milites	63	
Pestis funestissima Romæ	184	
Phalera	96	
Pharetra	122	
Phiala	96	
Picta tabula gladiatorum, &		

Par.

I N D E X.

Portarum Urbis historia	263, ea-	cz in ludos	172, & segg
rum, quæ hodie non extant, no-		Procestria quæ	71
mina	265	Proni qui	32
Porticum celebriorum, quæ Ro-		Propertii domus	291
mæ, catalogus	301, & segg.	Prorepi qui	146
Porticus	190	Provinciæ Rom. Imperii	155
Porticus in foro	ibid.	Pugiles catervarii	141
Portorium	163	Pugnæ signum tunica Russa	69
Posca vel pusca	96	Pugnæ gladiatoris locus	143
Postsignani. qui dicti	60	modus, ante, in, & post pugnam	149, & segg.
Postulatitii gladiatores qui	148	Pultriphagi vocati Romani, cur	95
Bonus militis qualis	96		
Præcinctiões quid	132		
Prædam agere non semper lici-			
tum	93		
Prædarum divisio	ibid.		
Prælusio ante pugnam	150		
Præmia militum duplicia & quo-			
modo ea data	96		
Præmia literarum	86		
Prætexta & picta toga	11		
Prætextus cur Christus crucifixus	222		
Prætor unde dictus 15, quæ ætatis			
anno creatus	6		
Prætor urbanus & peregrinus	16		
Prætoris nomine qui magistratus			
dicti olim	8		
Prætores aucti, & eorum insignia			
16, 17, officia quando creati, &			
quare	15		
Prætoris castra ubi	71		
Prætoriani in novem cohortes di-			
vili	156		
Prætorii historia	71, & segg.		
Prætorium dimittere quid	71		
Primopilus, qui ejus dignitas	41		
officia ejus, & varia nomina	ib.		
Principes qui	37		
Princeps juventutis, qui	263		
Principia quæ, quare, etiam prin-			
cipia sacra habita	75		
Principum & hastatorum locus			
	76		
Principum profusiones immodi-			

Q

Uerela Senecæ de luxu	212
Quæstores quando creati	2
quot fuerint 24, unde dicti	ibid.
Quæstor pro ætatis anno creati	
soleret	4
Quæstorium	73
Quæstorum munus 23, quando	
creati & eorum officia	24
Quadrans sive Triuncus	338
Quinarius	339
Quantum cibi secum valerior mi-	
litus	153
Quatuor ludorum genera	137
Querquetulanus mons	260
Quintana quid	73
Quirinalis mons	261
Quot annos Romanis fuerit mili-	
tandum	31, 32

R.

Ratio ferendi arma	88
Reditus ex metallis	166
Refractarii qui	32
Refractariorum pæna	ibid.
Rei liberabantur ab obvia Velta-	
li	238
Regiones Urb. quot & quæ	269, 270
Reti-	

& fegg
 71
 32
 291
 146
 155
 148
 69
 143
 signam
 fegg.
 tur 95

71	Retiarius quis, & ejus origo, &	146
31	arma	146
291	Rivus Appiæ	311
146	Rogæ quid	94
155	Romæ mundi miraculum, ejusque	
148	quantus ornatus 185, <i>ιστάλο</i>	
69	⊙. & <i>στρατός</i> ⊙	258
143	Roma <i>ῥωμὸν</i> 154, origo & vicissi-	
signam	tudines 256, litus & forma 181,	
seqq.	256, ambitus 181, 256, popu-	
ur 91	lositas 182, ædificiorum altitudo	
	184, gloria 275. interitus à Si-	
	bylla prædictus	258
	Romani urbem qui scriptis suis	
	celebrarint	255, & seqq.
212	Romana magnificentia	181
i 2	Romane urbis portæ, quot, &	
ibid.	quomodo appellantur 263, &	
reati	seqq. Viarum historia 266, re-	
4	giones quot 269, tribus <i>ibid.</i>	
73	tora 272, & seqq. Campi 276	
endo	Romanus miles quælis in opere, in	
24	agmine, & in acie	205
338	Romani Imperii amplitudo 154,	
139	Provinciæ	155
52	Romani nunquam immunes ab	
37	exercitiis armorum 91, olim	
50	absque stipendio militabant 94,	
13	quomodo literas coluerint, do-	
1	ctrinæque eorum origo & pro-	
1	gressus 217, 218, unde auxilia	
2	scribere solerent	162
	Romanorum abstinentia & conti-	
	nentia 208, modestia <i>ibid.</i> clem-	
	entia in victis 209, pietas re-	
	ligio, probitasque 207, virtus &	
	fortuna 200, militum exercitia	
	in armis	205
	Rorarii qui	47
	Rostra	192
	Rotæ in ascendentibus	124
	Rude donati	152
	Rudarii qui	<i>ibid.</i>
	Rudis quid & quoduplex	143
	Rumices sparti in ascendentibus	124

Sabatina aqua Romæ 316
Sacramentum militiæ 34
Sagina gladiatoria 142
Sagittæ hamatæ 122, & earum
vis *ibid.*
Sagittarum origo 122
Sagum sagulum 14
Sal & legumina militibus datis 92
Salitio equisum 92
Saltus utilitas 92
Sambucæ 103
Samnites 147
Sarmenticii 230
Sclarum origo & earum genera 103
Sclarum ascensum oppugnantia 123
Sceptrum eburneum 10
Scorpio quid 116
Scriptura & Scripturarius ager, 163
Scriptura veterum Latinorum 333,
differentia ejus à Recentiore
ibid. 334. *Or segg.*
Scutorum materia 57
Scutum quid, nomen & genus 49
magnitudo, materia, anse, com-
pages, & margo 50
Secures 112
Secures in falces iterum relatæ 12
Secutor qui & ejus arma 145
Secutoriani 153
Secutulela mulier 145
Sedendi ordo in Theatris 133
Sella curulis 10
Sellarum usus 57
Semaxii 230
Senatores Romani quomodo lecti,
eorumque majestas 201, name-
rus *ibid.*
Sepulcrorum quæ Romæ, loca 324
Sepulcra

I N D E X

Sepulcra quorundam insignia	328	Sudes quid, & eorum materia & forma	329
Serra præliari quid	65	Suilla falita, id est, lardium, m	91
Serra qui fluvius	310	litibus data	91
Sesquiplares	94	Suppositii gladiatores	147
Sestertius 339; differentia inter		Suspensionis modus	229
Sestertios & Sestertia 341, u-		Sylvæ & luci in ædibus	200
triusq; discriminis tabula	<i>ibid.</i>	Symphonia quid	68
Sextans	338	Syracusanum portorium	164
Severi donatio	177		

T.

Sibuna quid	52	Tabernacula quæ dicta, & ubi haberentur	77
Signa quocuplicia	61	Tabula adverbiorum numeralium	342
Signorum locatio 60, religio	63	Tabula Supputandi Pecuniæ per Asse	341
Signiferorum electio	40	Triclas	338
Sinuata acies quæ	64	Talex in ascendentes	124
Socii P. R. qui 34, eorum dilectus		Tela duplicia	118
<i>ibid.</i> quomodo haberi 35, eorum		Templa quor Romæ	186
divisio 39, locus	76	Templum pacis, & ejus auctor	
Sociorum præfecti 28, 42, ubi lo-		189, ejusdem ruina	<i>ibid.</i>
cati	74	Templum urbis 188, & ubi	<i>ibid.</i>
Sparfiones in populum immodicæ		Templorum gentilium in templa	
	173	Divorum mutatorum catalogus	277, & seqq.
Spectaculorum genera quot	136	Templorum veterum, quæ hodie non extant, & ab recentioribus omiſſa sunt, catalogus	288, & seqq.
Spectum usus	129	Tenta quid	77
Spolia	97	Tentorii materia	142
Spoliarium quid	143	Tessera militaris quæ, ejus materia & signum	69, 83
Sportula consularis	13	Tesserarius	83
Stadium	300	Testes in virgiliis qui	86
Stapeda	56	Testudo triplex: ad congestionem fossarum, fossoria & arietaria	105
Stationes agrariæ unde dictæ	82	Testudo militaris quid, ea triplex	102
Stationes quales milites obierint	<i>ibid.</i>	Testudinis remedia	123
Statuæ earum custodia, origo, multitudo pretium	193	Theatrum	
Status gladiatorum, unde stare in statu, de statu animi deicere, deturbare	151		
Stimuli	109		
Stipendium quid 94, quotuplex	<i>ibid.</i>		
Strata equorum apud præcos	57		
Stratores qui	56		
Subitarius qui	32		
Sublieius pons Tiberis	315		
Sudes	120		

78
95
147
229
200
68
164

Thaetrum Pompeii	296, Marcelli
Statilii Tauri	<i>ibid.</i> Tiberii, Tiri
Thermarum magnitudo & orna-	297,
Tus	192,
Thermarum luxus & descriptio	<i>ibid.</i>
Thecos qui & eorum arma	146
Thoracomachus qui	56
Tiberii thesaurus	176
Tiberis descriptio	310
Titi Vespasiani arcus	309
Tirones in Indis	143
Tolleno quid	97
Tornamenta quid	93
Torbes consularis	11
Trabea equestris	33
Trabes in Turris	126
Tragula, tragularius	121
Trajani pons in Danubio	198
Transvectio quid	33
Triarii porrecto sinistro crure sub vexillis confidebant	59
Triarii qui & quot in una legione	37
Triariorum locus	76
Triariorum ordo, pilus quo re- dicatur, & illi pilani	37
Tribus urbis quot & quæ	270, & <i>segg.</i>
Tribuni duplices	30
Tribuni quo ætatis anno creati 2, quousque manserint 5, toti legi- oni præfuerunt 22, eorum nomi- na, officia, & ornamenta	<i>ibid.</i> & 23
Tribunorum domus quare nocte dieque aperta	22
Tribunorum nomen & origo	20
21, quando & quare creati quo die anni munus capterent, & unde creati	<i>ibid.</i> eorum potestas & officium
Tributum Ægypti	164, & Gallie
	165
Tribunum & Tribunum	163
Triumphus Tarquinii Superbi,	Papyrii Cursoris, & P. Scipionis &c.
	163, & <i>segg.</i>
Tuba in funere	86
Tuba quid, ejus forma, materia & usus	<i>ibid.</i>
Tuba terminalis quæ	135
Tubi in Amphitheatro	136
Tube cantus, cujus rei signum	136
Tufa quid	136
Turma quid unde dicta, opus legione, & quot in ea equites	136
Turris qualis militum ordo	136
Turribus oppugnantium opposita remedia	135
Turres	108, earum inventio, usus, & altitudo
	111
Tympanorum origo & usus	98
V.	
Vallum quid	78, circumvallationis 107, exterioris & interioris distantia
	108, & <i>segg.</i>
Vallum inter alia onera etiam ferre milites solebant	87
Valli lorica	107
Vesarium quid	72
Vaticanus mons	262
Vectigal ex moribus peregrinis	164
Vectigal meretricum	167
Vectigalia quotuplicia olim	163
Vectigalium magnitudo	163
Vesticularia vita quæ	106
Vestes, eorum vis, forma & usus	<i>ibid.</i>
Vela & velarii qui	135
Velites qui	36
Velutū locus	76
Velutū triplex in acie locatio	60
Venabulum quid	120
Ventilare quid	150
Veru-	

I N D E X.

Virum quid, & unde dictum	120	Virgæ etiam sagittæ dictæ	
Virga quid	233	Virgili domus	
Vestales quando defierint	241	Virgo aqueductus Romæ	
Vestales capiendi modus	235	Virgines Soli sacræ	
Vestalis corrupta quali supplicio afficeretur	240	Vitis	
Vestalis virgine necata	240, viva sepulta	Virtus bellica Romanorum	
Vestis cultus & origo apud Romanos	233	Vitellius belluentum gurgis	
Vestis templum à quo conditum, forma ejus rotunda	ibid. & 234	Umbella	135
Veterani qui	30	Umbo, ejus usus, figura, origo nomen	
Vexillatio quid	62	Urâ qui, & unde eligerentur	
Vexillum rufum quid significet	69	Urbs Leonina quæ dicta, & portæ	
Via Appia	194, 271	Urbis Romæ scriptores	255, 256
Via quid	132	Urbis situs & forma	181, sub arce 182, incolarum multitudo 182
Vie castrenses quot	77	ædificia	
Vie duplices in acie	59 earum usus	Urinarum vestigal institutum	
Vie Urbane	266, & seqq.	Vespasiano	
Vie extra urbem	268, & seqq.	Utenilia militum qualia	
Vicissimatio	99	Utilitas ex militia Romana	
Vigilum cohortes	157		
Vigiliæ nocturnæ	83		
Vigiliarum dispositio	84		
Villæ Romanorum magnificæ	200		
Viminalis mons	261		
Vinea & ejus descriptio	108		
Vinum, panis, & oleum distributa	172		
Virgæ	32, 33		

X.

Xystus & ejus forma
Xystarchus, Xysticus

Z.

Zabarium, item Zaba quid

F I N I S.